





Mustafa Schiff
Wells

Donustoff

بُرْهَانُ جَاهِدٍ

آی تَن

برهان جاهد و شرکاسی مطبعہ سی

استانبول - ۱۹۲۷

Editor: Zuhar Cahit
Istanbul - 1927

برهان جاھد بکک اثرلری :

میشورہلر، حکایہلر، پک آز قالمشدر	بیزانس آقشاملری
بوہوک عائله رومانی اوچونجی طبع	جوشقون کوکل
فاتہزی ماجرا رومانی اوچونجی طبع	عشق باغچہسی
بوہوک عائله رومانی برنجی طبع	کوکل یوواسی
بوہوک ماجرا رومانی برنجی طبع	قیزیل سراب
بوہوک عائله رومانی برنجی طبع	آی تن
طبع ایدیلولور	استانبول دیدی قودیلری

120
120
100
100
100
100
590
60
540
75
615

9
8
3
240
5
1200 / 3
400 / 40
5
200

1/10

برنجی قسم

قلامش قوی: ★ ۹۲ یازی

... کون قاراردی . ده کز دورولدی . قیزغین کونش
آلتنده آقشامه قدر یاپراقلری ایصینوب قیوریلان اخلامور -
لردن بایغین بر قوقو یاییلدی .

آبلام باغچه یی آلت اوست ایدن قیزلری چاغیرمق ایسته دی :
— براق اکلن سینلر آبلای، دیدم . قوشوب اکلنمک اونلرک
حق .. «آی تن» له «ییلدیز» یارین مکتبلرینه دونه جکلر، «سه وکی»
بالکنز اولونجه باغچه یه بیله اینمور .

اونلر، اورقاده کی میدانده ووله ی بول اوینیورلر . یانمزده کی
کوشکک بزمکیلر یاشنده اوچ قیزی وار که هپسی بر آرایه کلنجه
اوچان قوش اللرندن قورتولمور . اونیدی، اون سکز یاشلرنده،
بربرندن آفاجان آلتی قیز شدتلی بر قاسم فیرطنه سندن داها
مهلکدر . اوچ آیلق تعطیلده قوجه باغچه ده دالی قیریلماش آچاچ،
صاقسیسی ده ویریله مش چیچک براقادیلر . هله زواللی آریک

آفاجلری ، طرفیلاردن اول اونلرک هجومنه اوغرادى ، کچن کون نوه تازه بالق کتیرمن اختیار قایقچی بیله اونلردن بحث ایدرکن :

— بو یاز قلامش قوینه بالق کلز اولدی . خام افندی ، دیوردی . سزک کوچوک خانملر آقشام صباح ده کزی اوپله طاریورلرکه !...

اونلرک صباح ، آقشام بانولری ده بر عالمدی . طورونجی ، آل ، ده کز باشلقریله کوشکک یاننده کی عرصه دن آچیلدقلری زمان یایغارالی بوتون ساحلی دولدوروردی . فنهر باغچه ایله موده اسکله سنک آراسی اونلرایچون خصوصی بردکیز پارچه سی کییدی . قومشو عاطف بکک قیزلری صوک زمانلرده کوشکک اسکی بویوک قاپیلرینی بربرینه میخلامق صورتیله قوجامان برده صال یامشردی . صباحک ساعت اونندن بره قدر نار چیچکی رنکینده مایولریله بوسالک ئوستنده ، اطرافنده آتلار ، یوزر ، صیچرار ، دالار ، چیقار ودورمه دن ، دیکلنمه دن هایقیریر ، چاغیریر ، کولر و اکلنیرلر . بعضاً فنار باغچه دن ده کزه کیروب موده اسکله سنه چیمق ایچون یاریش یاپارلردی . بوزمان المزده دورین ، هیجانله اونلری تعقیب ایدردک . بیلیم نهدن ، اونلرک بول بول کومه زه لک ایدرک ، لهقه هله ایچنده یاپدقلری بویاریش زه ته لکه لی کورونوردی .

موسم هنوز بیتمه دی . فقط اونلرک تعطیلی نهایت بولدی . « سه وکی » دن باشقه هپسی یارین مکتبلرینه دونه جکلر و شبهه یوق که بزومه بو ایصسزلاشان ساحلک بویوک باغچه لی کوشکنده

ایشمز قالمایه جق . چونکه اونلرک کندی آرالرنده اکلنه بیلمه .
لری ایچون یازی قالمشده کچیردک . اُنشته مک ازمیرده اولوشی
یکی کویده کی کوشکک کیرایه ویریلیشی ، آبلامله نزی آنادولی
ساحلنک بلکه اک کوزل بر کوشه سی دییه بیله جکم قالمشه
کتیردی . بورایه کلیشمز هر حالده چوق ای اولدی . قیزلرده کیزدن ،
باغچه دن چوق استفاده ایتدیلر . بوراده واقعا دها باشقه اکلنجه لر
یوق . فقط طالعجه اکلنمک ایچون چوق مساعد . یاز ایچنده
بر ایکی دفعه « بلوو » ده « سامرملر ویریلدی . کیتدک ، لاکین
بیلم نه دن نه بز ، نه قیزلر ممنون قالمادق . بویله اکلنجه لردن اک
زیاده ذوق آلان « سهوکی » نک نشانلیسی فرید کامی بک . او ،
بویله قالابالیق اکلنیلری هیچ قاچیرمیور . حتی کچن هفته
ایچنده ، موده ده برغازینوده ویریلن قیر بالوسنه بیله یاپ یالکیز
کیتدی . « سهوکی » نک جانفی صیقان بو حاللری بن اونک مسلک
ابتلاسنه ویریورم . فرید کامی کنج ، کیرکین برغزته جی ... هر
شیدن بحث ایدر ، هر کسی طایر ، هر یرده کورونور ، بر آز
کوهزه ، آز جدی ، لاکین تربیه لی وصیمی بر کنج . بوتون
حسلری هنوز آچیلمه مش . فکرلرنده قطعیلک یوق . . بن ،
باشقه لری ایچون بلکه ده قصور کورونه جک بو حاللرینی ده مسلک نه
اویغون کورویورم . برغزته جینک هر کون عینی فکری طاشیاسی
قدر معناسز شی اولورمی ؟

فقط « سهوکی » نشانلیسنک بو خویلرندن ممنون دکل ، او
دها زیاده ایچلی و ساکن بر حیات ایستر کی کورونیور .
اورتاق قاراردی ، باغچه نک کومه کومه آغاچلری کولکه

حائنه كلدی. آبلام قیزلری صراق اییدیوردی:

— سسلر کسپلیدی، نزهه کیتدیله عجب!

— عاطف بکک قیزلری کچیرمکه کیتمشلردر، دیدم.
شیمدی کلرلر. یارین اونلرده استانبوله، مکتبه اینه جکلر ظالبا.
بز اللریمزده کی ثور کولرله بالقوندن ایچری کیررکن باغچه دن
سسلر کلکه باشلادی:

— هو هو!

بو، اونلرک ده کیزده بربرلرینه سسله نیرکن بولدقلری تحف
براشارت! بر آزده باقوش فریادینه بکزه من بوغریب اشارتک
معناسی صوردیغ زمان کولدیله:

— معناسی یوق که، یا اکیز (هو هو!) دیبه هایقیریرکن
سس چوق چیقیور.

بزمکیلرک یا قلاشان (هو هو!) لرینه اوته کیلرک کیتدکجه
اوزا قلاشان سسلری جواب ویریوردی. آبلامه:

— آرتق (هو هو!) لرده ییتدی، هفته یه بزده استانبوله
دوزز دیدم.

او، صوک زمانلرده راحتنی سوهر اولدی. قیزلرک مکتبلرینه
دونوشی اوننی حتی ممنون اییدیوردی.

— هوالر دوزکون کیدیور، هم بر آز باشیمزی دیکلررز
آجام! دیدی.

بنسه نهوک بوتون آهنکینی اونلرک وارلغنده بولیوردم.
اونلرک صوفره باشنده بربرلرینک طاباقلرندن یمیش و
چورهک قاپاراق یمک یه یشلری او قدر خوشمه کیدرکه..

نهایت اوست باش توز طوپراق ایچنده کله بیلدیلر.
«بیلدیز» ک کوملکی، چورابلری پارچه پارچه، «آی تن» ک
یاض اتکلکی چامور ایچنده ایدی.

کلیر کلز بوینه آتیلدی :

— بو اویله فنا قیزکه آنه، دییه هایقیریوردی. حوضک
باشنده ایکن صویه طاش آتدی. صیر صیقلام ارلدم.

اوته کی داها باصقین کورونمک ایستوردی:

— واللهی تیزه باق بر کره اوستومه باشیمه، یپ یکی
کوملکی نه حاله قویدی، قیز دکل آتماجه!

ایکیسنی بردن خاشلادم:

— هایدی اودالریکزه چیقک، تمیزله نک، یمک ییه جکز.
«سهوکی» اسکی خاشاریلغنه رغماً کیتدکجه ساکن و اویصال
برکنج قیز اولیور. بلکهده یکی نشانی اولماسی اوکا بر آز آغیر
باشلی کورونمک آرزولری ویریور. هر حاله اوته کیلرک یاننده
اوبرملک ..

یمک اونلرک کورولتولی آایلری، بربرلرینه یاپدقلری
معذبکلریله کچدی. هله «آی تن» له چتین برادطایه طوتوشان
«سهوکی» نک قومپوسطو طباغنه «بیلدیز» ک بر آووج طوز
آتشی صوفره بی آلت اوست ایتدی. اوندن صوکره ماصه نک
اوستنده بزى صوفره دن قاچیرتان شدتلی برچرچوب محاربه سی
باشلادی. قاوون قابوقلری، نوزوم چوپلری قارشیدن قارشیه
قورشون کبی کیدوب کلیوردی. آتاجاق بر شی بولامانجه
بارداقلرده کی صولره صیره کلدی. نهایت یوز کوز، نوست باش، صیر
صیقلام یوقاری یه قاچدیلر.

بيلم نەدن، اونلر ك بعضاً پك ايلرى كيدن بوچيلغينلقلرى
بزه آغير كليور . چونكه شيطانقله معذبلكله بردنبره قوبان
بو فيرطنهلردن صوكره اونلرى ينه بربرلرله ايجلى طيشلى كور
دجكه بزم حدتله نوب نوزولمه مزك معناسى قالميور .

... آغستوسك صوك كونلرى . . آى ، قايش داغى
تپهلرندە . . آبلام ، سالونده كى لامبانك آلتنده «ييلديزه» ك مكتب
ئوكلكلر ينى تعمير ايديور . يارامازلر صباحدنبرى دكيزده ، باغچهده
كزوب قوشمقدن يورغون ، برر ياصدق كى ياناقلرينه سريلديلر .
اونلر ك جينللكلر ينى صيقشديروب باقونو چيقدم . اخلامورلر ك
قوقوسى هوايى ايلق و بايقين بر نفس كى يوموشاتمش . تازه
بر زيتون يپراغى رنكى آلان كوكده ، بويوك آى ، چيل بر كوموش
پارچاسى حالنده يوكسهلوب ياييليور . اينجه ئورتومه صارينوب
حاصير قولتوغه كومولدم .

« آى تن » يارين مكتبنه دونيور . اونى كورمك ايچون
آرتق پرنشبه كونلر ينى بلكه مك لازم . اوچ آى يانمده قاليشنه
او قدر آليشدقدن صوكره ، يكيدين هفته صوكلر ينى بلكه مك بكا
مشكل كلهجك . فقط اونى ايستهديكم و اميد ايتديكم كى
يتشديرمك ايچون بويله محروميتلره تحمل ايديورم . ذاتاً مكتبده
بر سنهسى قالدى . اونك دوشونجهلرى و حياتى ايچون داها
دوغد ينى كون ويرديكم قرارى اون آلتى ييل شاشمه دن ،
تردد ايمه دن ، امنيتله تعقيب ايتدم . بيم محروم قالد يغم سعادتى اوكا
قازانديرمق ايچون دكل ، - چونكه قدره و تصادفه ايمانم واردر -
فقط بيم مخيل سعادتلر اوغورينه دوشديكم اضطرابلرى اوكا

چكديرمه مك ايچون حسلريني و دوشونجه لريني داها مادي ،
داها معين هدفلره طوللام . بن اونك ياشنده ايكن مخيله مده
يا لكز عشق واردى . فقط اونك قلبى و دماغى او قدر دولوكه بنم
ييللرجه آرايوب بولاماديغ عشق ، چيچكلنمش ، مجسم سعادت
حالنده او كمندن كچسه بيله اونى تسخير ايده ميه جك !

بوكا موفق اولمده دن اول ، دوغدينى كون اوكا ويريديكم
« هجران » اسمنى كنديمه آلام . بن « آى تن » ، تمام اوچ اوزون
ييل مسعود ايديجى او مطلق سهو كى نك ايزنده قوشدم .
صميميتدن زياده غفلت ديه جكم نفس اعتماديله ، دائما انكساره ،
افعاله ، نهايت اضطرابه كيدن بو حيات ، عمرم اولدجه اميد
وتسلى بولمق ايچون بكا بوقيزى و يردى . اونك حياتمه كيرمه سييله
برابر مطلق سهو كى ني آرايان و بلكه ين قلبمك بومعصوم آرزولرى
نهايت بولدى . اوزمان باشيمي چويروب ياشاديغم حياته باقدم .
كوزلرم قاراردى . سهو كى لرى مادي آرزولرينك تو كنديكى يرده
بيتن اوچ ار ككك حياتنه قاريشمشم . بو حيات ، بنم بوتون
درستلكمه و صميمى آرزولريمه رغماً بر ماجرادن باشقه برشى
دككلى . حالبو كه بن موفق اولمق ، يروزسز ، تميز برعائله كوشه سى
قورمق ايچون اوغراشدم . تصادفلر ، حادثه لر بونى هجران و
انكسار دولو برسر كذشت حالنه كتيردى . اوبدينينك ، او آجى
ايله قيزيمك آدينى « هجران » قويدم .. فقط نه حقم وار ؟ او
آنه سنك الملردن ، غفلتلردن طوللانمش تجربهلرينى بيله رك حياته
كيره جك ، آنه سنك هجران دولو حياتنى كندى سهو نجلرى ،
سعادت ليله دولدور اجاق . حياته بوييله قلبى و دماغى كوكل آرزولردن

باشقه أمللر و دوشونجه لرله دولو کیرمن بر کنج قیزه کندی
 انکسارلریمک آدینی ویرمکه نه حقم وار ؟ « هجران » بنم یکر می
 ییلق عمرمدی . قیزم ، بوتون کنجلمکده بولامادیغ سعادتتی
 دها جدی و مادی سلاح لرله مجادله ایدرک بولغه چالیشاجق .
 آنه سنک ایلك آرزولرینی ، آدائمه دن ، ضعف کوسترمه دن
 آرایه جاق . اونک حیاته موفق اولوشنی کورمک ، بنم ، بوتون
 بر شرف و کنجلمک غیب ایتدی کم حلاله بولامادیغ سعادتتی ، بکا اونک
 قلیندن ، اونک کوزلرندن ، اونک هویتندن کچرک حس ایتدی رنجک .
 حیاته بنم رولی آلا جاق قیزمه بونک ایچون کندی آدمی ویردم .
 او ، حیاته قلبی ، سیزلری ، دماغی آنه سنندن قوتلی اولارق
 کیره جک وین ارنک یاننده تجربه لریمک یاردیمیله شفقتلی بر آنه
 صمیمی بر آرقاداش اولاجم .

داها یکر می بر یاشمده بنی حیاته کوسدوروب بوتون کنجلمک
 آرزولرینه قارشی حقیقی بر توکل و فراغت کتیرمن او متادی
 انکسارلر ، ا ک وفا کار و ا ک درست کورونن ار ککلرک حیاته م ویردکلری
 ماجرا شکلی ، بنی موسوس ، او هاملی ، بدین یاپدی ، بو
 تجربه لرمدن قیزی می استفاده ایتدی ره بیلیر سه م بکا چوق آجی
 خاطر لر دن ، هجران لر دن باشقه بر شی بر اقایان ماضی بی بلکده
 عفو ایدر جکم .

حیات کورونمز و آکلا شیلماز تصادفلر و حادثه لرله دولو ...
 یالکز و متجسس آنه لر ایچون هر آدیمنده بر ته لکه احتمالی اولان
 بو حیاته کنج بر قیز یتشدرمک ظن ایدیلدیکندن دها مشکل ا
 فقط « آی تن » بنم هجران دولو عمریمک یکانه امیددی و تسلیسی ؛

بوتون اعتنالم، بوتون دقتلرم، بوتون آرزولرم اونك اوزرنده..
اون آلتی سنه دنبری اك تیتیز اهتملرمی اوکا صرف ایتدم .
«قیزم» شیمدی بنم آدیمی طاشیور ، فقط بنم اون آلتی ، اون
یدی یاشمده کی حسلرمی وخیاللرمی دكل !

اونك قلبنی كوكل هوسلرینه قارشى كچ حرکت ایدر بر
حاله كتیرمك ایچون اون آلتی سنه بوتون دقتلرمله چالیشدم.
فقط او، كنج قیزلر ایچون اك تهلكه لی یاشلره هنوز کیریور .
اونی ، آفاسنك یاوزو بر قوش تجربه سزلكیله قوندیفی دالی
بیلیمه رك دوشدیكى تهلكه لردن قورتارمق ایچون داها یاقیندن
تعقیب ایتك لازم. كنج قیزلر اون آلتی، اون یدی یاشلرنده ،
قیرغین كونش آلتنده شكرلنمش ، بوروق لذتلی بو كورتلنلره
بکزرلر. بوتون آریلر، سینكلر، قوشلر اطرافلرنده در. بو وحشی
ومایحوش طات، طبیعتك داها ذوق صاحبی مخلوقلرینه، اولغون
وچكین میوه لرك بایلتیجی و قاندریجی لذتسندن داها جاذب و
داها اشتها ویریجی کلیر. اونك ایچون بو یاشلرده كنج قیزلرك
اطرافنه اعتنالی آغلر كرمك، اونلری بویله مایحوش لذتدر آرایان
ضررلی مخلوقلره قارشى محافظه ایتك لازم در.

«آی تن» یارین مکتبته دونیور. آرقاداشاری و درساری
اونی دو قوز آی داها مشغول ایدم جك. اونده صنعته و داها
زیاده ار ككلره عاند اكلنجلره قارشى قوتلی بر تمایل وار .
مکتبته بوتون سپور درس لرنده برنجی اولیور. صو كره رسمده
او قدر موفق اولیور كه چیز کیلرنده کی قوتی تقدیر ایتمین یوق.
بوکا مقابل كنج قیزلره ، قادینلغه عاند خفیف درس لردن هیچ

ذوق آمیور. اونك كيتدكجه آچیلان بو استعدادلرینی دائماً تدقیق ایدیورم. یازیلرنده بیله مستهزی، لاقید برارنك افاده سی وار. اونك بو حاللری و کورونوشلری بنی سهویندیریور. چونكه اعصابی و قلبی، اینجه قادین حسلری و آرزولریله دولو اولسه حیاتك معنوی، مادی هرکوشه سنده دها ضعیف، دها مقاوم تسز قالاجاق. چونكه قادینلری سربست و مادی وارلغه قاریشدیران یکی حیاتده موفق اولمق ایچون اسکی تلقی لر و صمیمی کوکل رابطه لری هیدچده کافی دکل. بز او یله بر نسلک قادینلری بزکه، آرقامزده ارککی مطلق و یکانه وارلق تلقی ایدن برحرم حیاتی موجودکن، تازه و صمیمی سهوکیرله دولو قلبلریمز و تجربه سز، سلاحسز، آواره باشلریمزله ارککلرک آراسنه قاریشدق. . بو ارککلر ایچون عادتاً اومولماز بر آو دوکومی ایدی. اونلرچالی آرقه سنده، آجاج اوستنده، صیق اورمانلرده آرادقلری مخلوقلری یانلرنده کورونجه سلاحلرینی بیله براقیدلر. آیاقلریله و آرزولریله کلن بو قیمتلی اولری آلد. ایتک او قدر قولایدی که ! بز عشقی و حیاتی بللور آلتنده پارلایان رنگارنك چیچکلر کی کوریوردق. اونلر بزى پچه و قفس آرقه سنده، تخیلی بیله احتراصلی ذوقلر ویره ن برر مخلوق کی تلقی ایدیورلردی . خلقتك بربرینی اکمال ایدن بو ایکی مخلوقنی آیران و حسلرینی ده کیشدیره ن اسکی تلقی لر و اعتیادلر نهایت بولونجه ارککلر ، یکی جمعیت حیاتی اوغورلی بز موفقیت میدانی کی بولدیلر. بز بر آز ممنون، بر آز شاشقین و دها زیاده بجزیکسز، یکی حیاته کیرنجه بز مده بر قابمز ، بز مده کوکل آرزولریمز اولدیغنی آکلاتمق ایچون چوق زحمت

چكك . قلمبرندن زياده عضله و سينرلريله ياشامقدن ذوق آلان
 ار ككلره بو كوكل دعواسنى ايضاح ايتمك مشكل اولدى . اونلر ،
 ذوقه ولذته تاند بوتون آرزولرى ويره ن انسانلرك بومادى تحسلك
 فوقنده بر كوكلر عالمى ياشادقلىرى و حرمندن حياته چيقان مخلوقلرك
 اومادى تحسلسردن فضله قلمبرى بر برينه قاريشديران وفاوعشق
 هيچانلرندن ذوق آلدقلىرى آكلامغه لزوم كورميورلردى !
 قادينى يوموشاق قابوقلرندن صويولوركن نفيس قوقولر ويره ن
 اولغون برموز ، بر يانيق صوسزلنى قانديروب سرينه تن باش
 دوندوروجى بر شراب كبي نادیده ميوه و مسكرات آراسنده
 كوره ن ار ككلر ايچون بزم وفا وسه وكى دولو كوكل دعواىمى
 ديكله مك نه ايسته نمز بر كلفتىدى .

بزم نسلك قادينى ، بو دعواده چوق بيراندى . كيمى
 سقوط خياله ، كيمى ده بنم كبي هنوز يكرمى ياشنده حياتدن
 قاچاراق بوتون تسليسنى قيزينك باشنه قوياجاق قدر آله ، اضطرابه
 دوشدى .

بونستسز مجاده ، شبه يوق كه تصادفلرك يارديميله بر چوق
 ار ككلره اومولمادق موفقيتلر قازانديردى . اونلر ، بزم مطلق عشقى
 آرايان آواره و سرخوش كوكلر يمى ، انسانلرك اك بو بوك كناهى
 ديه بيله حكيم ربا و بالانله او قدر قولاي اولاديلر كه بز چوللرده
 يشيلك آرايان كاروان يولچيلرى كبي اولاي موت كوكل هيچانلرى
 آرقه سنده قوشاركن كوزلر يمى اك نفيس نوازشلرله سحرله ديلر ،
 قلمبر يمى اك غشى ايديجى عشق موسيقيسيله دولدورديلر .
 مطلق عشق بو ايدى . عمر يمى ، هب بويله نيم مست ، نيم مخمور

کچه جکدی . حیاتی . بوشاقرده اوچوشان ایپکدن بالونلری ،
 رنکارنک چیچکری ، صالحیم صالحیم ضیالری و کولکلری عشقه
 چاغیران رقصان موسیقیسیله نفیس و باش دوندوروجی بر بالو
 طالی کبی کورییوردق . کندیمزی بو ذوقنه قانیلماز عالمک ابدی
 صاندیفمز لذیذ مخمورلغنه ترک ایتشدک... بزى صوصان موسیقینک
 مورتائی سکوتی و بوشالان محیطک صوئوق هواسی اوینادیردی .
 ایصینمق ایچون قاووشان قوللریمز بوشلقده قاباندی . یاردیم
 ایستهین سسلریمز جوابسز قالدی و کوزلریمزى آچدیغمز زمان
 بوتون مست و مسعود دوستلری ، قانیلمش بر ذوقک آرزوسز ،
 ایسته کسز بیکانه لکنده بولدق . اونلرک بو خودکام تغافلئ ، بزه
 کچیلمز و اونوتولماز بر انفعال براقدی .

بوسقوط خیالدن بنی ، بوتون آرزولریمی باشنه قویدیفم
 سه ویملی قیزم قورتاردی . اونک امید و حرکت دولووارلنی ، بکا
 عشق یولنده کی هجران و انفعاللریمک آجیسنی اونوتدوردی .
 سوکیسی بو قدر قوتلی مخلوقک ماضی بی خاطر لاتمایاجق قدرده
 تسلیسی وار . اونک ایچون یانمده تاز بر فیلیز کبی بوی ویرمن
 قیزیمی برکون کلوب یریمی تمامله کنذیسنه ویرنجیه قدر الکدقتلی
 اهتالرمله بویوته جکم . بوتون یشیل فیلیزلری و پنبه چیچکلریله
 ماوی کولکره دوغرو شاخلان دینی حالده دو یاسی یه میوه ویره مه دن ،
 نانکور و خودکام اشتهالری کورله ته کورله ته وقتسز قورویوب
 کیدن آنه سنک یرینی دولدور رنجیه قدر اونک یاننده قورو بر
 دال کبی بولونه جفم . بئم کولکل دولوسی عشقه حسرت قالان روحم ،
 اونک هویتنده ، اونک وارلغنده یاشادقجه بن بکله دیکم اومسعود

خیالی بولاچم. او آنه سنک اسمنی طاشیاجاق ، فقط بنده
اونک تازه وارلغنده یاشایهچم ...

.. ایلدیق بر آغستوس کیجه سی . ساحلدن فنه ره قدر کوشکلر ،
باغچلر بر برینه قاریشمش برر قورشونی کولکه کی دوام ایدیور
والک اوچده فنه ، سرای حاووضلرینک زینتی ، مغرور بر قوغو
کی بوینی اوزاتمش ، آرا صره کوزینی قیرپیور . کیجه نک
سرینلکی اخلامورلرک بایفین قوقوسنی نه ریتدی . آبلام ایچرده
لامبانک آلتنده حالا «یدلیز» ک البسه لری ، چوراب لریله مشغول ..
بن «آی تن» ک ایشلرینی داها بر هفته اول یاپدم ، بیتیردم ، هر شیشی حاضر .
یارین اونی بش کچه واپوریله استانبوله اینه جکز . بالقوندن آبلامه
سساندیم :

— یارین استانبوله اینه جکز . فقط دونوش پک خوش
اوایه جق دکلی ، آبلای ؟

کیم بیلر نه دوشونوردی . بر دنبره قورقش کی باشی
قالدیدی .

بوشفتلی قالدین ، اوتیمیز روحی ، اوتوکل دولو قلیله بر ملائکه کن
فرقمز . انشته مک ایش بهانه سیله سنه نک بر قاج آینی دولدوران
سیاحتلرنده بوتون دوشونجه سنی چوجوقلرینه آیرماسی اونی
ارکک سه وکیسندن محرومیتده آلیش دیردی . حالبوکه کلینلک
قیزی اولان انشته مک اوزاق ، یاقین ماجرالرینی بوتون آرزوسز لغمه
رغماً ایشیدیر ، دورورز !

آبلامده ایشه بویله کندبنه کوره بر حیات قوربانی .
طاتلی ، یوموشاق سسیله جواب ویردی :

— نه یابالم ، قارده شم اوکاده آلیشیرز .

بوملك كې قادينده كې توكل وتسلى حسلرى بنده اولسه یدی
محقق حیاتم داها آز اضطرایی کچه جکدی .

بالقون قاپسیرینی چکدم . آبلام ایشلرینی طوپلادی .
کیجه ده برقاچ کره جینه لکرینی آچان قیزلره بر کره داها باقق
ایچون او طه لرینه کیردک . صباحدن آقشامه قدرده کیزده ، باغچه ده
قوشوب آتلامقدن بیتاب قالان بر برندن کوزله اوچ کورپه
وجود ، نورتولری دوشمش ، کوسلری ، باجانلری آچیلمش ،
درین وقوتلی نفسلرله او یویورلر . چیچک قدر تمیز روحلری ،
خودکام اشتهالر تماس ایتمه مش تازه وجودلریله کیم بیلیر نه معصوم
رؤیالر کوره کوره دیکله ن یاراماز مخلوقلرک دوشن یاصدقلرینی ،
آچیلان لرلرینی دوزه لتوب او طه دن چیقار کن آبلام ایچنی چکدی :

— کنجلك ، قیزلق نه مسعود زماندر !

آبلامك بو صمیمی تحسری ، اون یدی سنه در ماضی یی
خاطر لایمان قلبده درین بر آخری یاراتدی . کنجلككم بالخاصه
بر برینی تعقیب ایدن اوچ ییسانده کچیردیکم امید و نشئه دولو
کوشه لر رنگلی بر خیال کبی کوزلر یمدن قایدی . وجودم نوره پردی .
کوزلریمک او کنه کلمک ایسته یین هیجانلی و سرگذشت دولو سنه لری
کورمه مک ایچون آئی تنه ک جینه لکنی آچوب اوزرینه نه کیلدم . آلم
اونک کونشدن یانان کر کین و ابرولی یوزینه دو قوندی . اون یدی
سنه دنبری بوتون نه مکرمه ، اعتنالرمله ، بویوتدیکم یاورومک
سیجاق نفسلری کوسمی دولدوردی . حرارتی ، ماضینک قاراللق
دهلیزلرندن کن صوئوق جریانلری ایصیتدی و تمیز ، کورپه

وجودی کوزلریمه کیرمک ایستین او قورقولی سرانجامه حائل
اولدی. اونی ئوېدم ، ئوېدم !

*

**

لاجورد اتکری دیز قاپاقلرینی بیله ئورتمکده زحمت چکن
ایکی قیز الارنده دار و اوزون مارون چانطه لريله واپورک مرادیوه
نلرینی چیقارکن قالابالق آراسنده کنج و حتی یاشلی ارکک
باشلرینک ، تن رنکی چورا بلره صاریلی کرکین باجاقدرله برابر
حرکت ایتدیکنی کورویوردم. قیصه، مشین او کجلی اسقار پینلرینه
رغمأ دواملی بر وجود تربیه سیله یاشندن فضلہ سرپیلن (آی تن) له
بویلریمز هان هان بر اولدی. او یله ظن ایدیورم که بر ایکی سنه
کچنجه اونکله سوقاقده کیدرکن صیقیلانجیم .

کو کرته نك الك آرقه صیره سنده طوپلانداق. آبلام (بیلدیز) ه
هر مکتب دونوشی تکرار ایتدیکی نصیحتلرینی ویریور و قیز جغز
آرتق از برله دیکی بو اوصولق و چالیشقانلق قونفرانسی دیکر
کبی کورونمکه چالیشیور. واپوره کیرنلر آراسنده بزه یاقین صیرالرده
بربولق آرزو سیله عجله ایده نلری کوردکجه کولمه مک ایچون بنده
آبلامک نصیحتلرینی دیکر کورونیورم. ایکی کنج قیز اطرافلرنده
قاریشان هوانک فرقنده بیله دکلر. (آی تن) شیمیدن معلملرک
تقلیدینی یاپیور. رسم خو جاسنک کندیسندن بر متروایلریده کیدن
قارنیه هر درسده بر قاج سهپایی ناصل ده ویردیکنی آکلایور .
بو سنه صوک صنفه کچدیکی ایچون کیفی یرنده . . اونی
دیکر کن حرکتلرینی تدقیق ایدیورم. آکلایشنده، طورلرنده
او قدر طبیعی که! فلرلرینی افاده ایدرکن اطرافیه مشغول بیله

اولیور . کوچو کدنبری اوکا ویرمک ایسته دیکم تربیه درست ،
 صیمی و سربست دوشونجه لی اولمقدی . بوکا موفق اولدیم
 ایچون اونی دیکه مکدن ، حتی حرکتلرینی سیر ایتمکدن ذوق
 آلیورم . او ، بعضی خصوصلرده بئم ایسته دیکمدن دهاا جدی
 دهاا پرواسز . بو پاطاواتسز لغیله بعضاً چام ده ویردیکی ده اولیور .
 فقط اونی کندی صیمی فکر لرندن باشقه شخصی قناعتلره
 قایدیرماق ایچون سسمی چیقارمیورم . مثلاً کچنارده بر آقشام
 «سهوکی» نک نشانلیسی بزده یمکده ایکن کزینتی یرلرینه دائر
 بر بحث کچوردی . «بیلدیز» بر صباح چیفته حوضلرده کی قیر
 قهوه سنده چای ایچمک ایچون اصرار ایدیوردی .
 فرید کامی بك :

— رجا ایدرم افندم ، دیدی ، صباح چایی ایچمک ایچون
 بورنمک دینده غارصونلریله ، سرویسيله مکمل «بل وو» وارکن
 چیفته حوضلره قیر قهوه سنه کیدیلیرمی ؟

و قناعتنی قوتلندیرمک ایچون علاوه ایتدی :

— هم اوراسی آراباجیلرک مولا ویردیکی بر باد بر یردر .
 دوغروسی شیق ، تمیز غازینو دورورکن ویران ، چاتلاق فنجانلی
 قیر قهوه لرنده آرابه جیلرله قارشى قارشى به چای ایچم .

«بیلدیز» سرت بر جوابه حاضر لانی کبی قاشلرینی اویناتیرکن
 «آی تن» ک سسنى دویدق :

— سزکده بوره نکز آما بویوک ها !

بن قیزاردم . آبلام کوزلرینی ایندیردی . «بیلدیز» اوزون
 بر قهقهه سالوردی . «سهوکی» اوتاندی . فقط اک فنا وضعیتده

قالانينه زاواللی کنج « فرید کامی » بکدی. صوفریه بردنبره
چوکن سکوت آراسنده یوزینه باقدیغ زمان قیپ قرمزی
اولدیغنی، دوداقرینسک تیره دیکنی، طیبی کورونمک ایچون
توزومنی یکه چالشدیغنی کورد. بوسیره ده «آی تن» کوزومه
ایلیشدی. او، قیردینی جویرک فرقنده دکلدی. قوجامان بر.
صالقیمک ایچندن چاتلامامش تانه لر آریوردی.

«فرید کامی» نک بورنی حقیقه بر از بویوک اولماسهیدی
«آی تن» ک بوسبوتون باشقه مقصدله آغزندن قاچیردیغنی لاقیردی،
بو بر باد تأثیری یامایه جقدی. فقط اساساً حائله آراسنده اونک
یکانه قصوری اولارق بورنسک چهره سنه نسبتله بویوک اولوشی،
خفیف بر دیدی قودی موضوعی اولوب دوریوردی.

برکت یمک صوکنه کلشک. آبلام اسکی علم داغی
اکنتیلرندن بر بحث طوتوردی. بن صاری یارک صولرینی
آکلامغه باشلام. «فرید کامی» نک رنکی «سهوکی» نک حدتی
رینه کلدی. بوتون بو اولان بیتندن خبردار اولمه مش کبی
«ییلدیز» له چکه چالمقده دوام ایدن «آی تن» یمکدن قالقارکن
«سهوکی» نک صاچلرینی چکدی:

— سنک نشانلی بک افندی بی بر کون چیفته حوضاره قدر
یوروتلم. باق ناصل بکنه جک! اونک بوصیمی وسر بست حرکتلری
بویله پاتاواتسز لقرینی عفو ایتدیریور. یارم ساعت صوکره
ایدی. «فرید کامی» ده داخل اولارق اوچ قیز بالقونده کولوشوب
دوریوردی.

شیمدی قارشیمده. سیاه شاپقه سنک یانلرندن لوله لوله قومرال

صاچلری چیقمش، کونشدن یانیق، یو وارلاق یوزینی سیراید رکن
بونلری دوشونیورم. بو قالین دوداقلی طوپ چهره ده ایکی یشیل
منبع کبی قایناشان ایری کوز بیکلری، او قدر بولوطلی و مستهزی که
یشیل و قورشونی رنکلرک قایناشدینی بو طالمن درین قلب
یولارینی کشف ایتمک هر حالده پک قولای اولمایه جق ظن ایدیورم.
مکتب بو کون دو کون نهوی کبی .. بر برینه قاووشان کنج
قیزلر، کندیلرینی براز داها فضله کورمک احتیاجیله اورالره قدر
کلن آنهلرینی در حال اونوتدیلر.

معلملره کوروشورکن بز مکیلری غائب ایتدک «آی تن» ک
ابتلاسنی بیلن معلملردن بری بزه رسمخانه بی توصیه ایتدی.
اوزون قوریدورلردن، کنیش سالورلردن کچوب آیدینلق برقانی به
کلدک. ایچریده اوزرینه نه کیلن برچوق باشلر آراسنده «آی تن» ی
کوردم. آچاق بر سهپانک او کنده «فنارباغچه» نک رسمنی یاسور.
بر طرفدن یوکسک سسله اورادن سیرایدیلن غروبک کوزه لکنی
آکلاتیوردی.

— بو «غروب» ک او یله مراقیلری وارکه، دیوردی،
آقشامی کورمک ایچون دها کون دو غارکن بو قایالقره کلوب
بکله شیورلر.

آرقاداشلری بو مبالغه یه کولرکن او، اونلره دیکله به جک
بر باشقه لاقیردی بولوب چیقاریوردی.

صو اوزرنده قیلدایان، اوینایان بو کولن نیلوفرلر کبی
دوردقلری یرده متمادی حرکت ایدن بو یارامازلرک آراسندن
قولی اوزاتوب اونک قولاغنی طوتم. بردنبره یرندن فیرلادی:

— هایدی آی تن، بز کیدیورز. ٹوپ بنی.

بردنبره نوزریمه آتیلدی، بوینومه صاریلدی:

— آم بنم یوموق آنه جکم . قیزی بی بونله ایل کوشه لرنده
براقوب ناصل کیدیورسک، یوموق آنه سز بو یاراماز قیزلر
آراسنده صاری کوللر کبی صولاجم . بریجک قیزینه آجیاز -
میسک سن آخام !

بوتون آرقداش لری اطراف نزی آملشر قاتیلیورلردی .
اونک آغلار کبی سنی ده کیشدیروب یوزینی بوروشدور مسنه
کولمه مک قابل دکلدی که!

نهایت زورله بر کوشه یه چکدم . بو دفعه بر برینی سوهن
حقیقی آنا قیزلر کبی اوپوشدک .

— آی تن، دیدم . صالی کونی اوزون مکتوبنی یازاجقسک .
صکره پرشنبه یه چیقمازسه ک آتلیه تلفون ایت . بن سکا آدام
یوللارم .

صوک بر کره یاتاقخانه ده کی دولابنی ، ثورتولرینی کوزدن
کچیردم . اونلر قالابالق بر بیلدیرجین کومه سی کبی مر دیونلردن
بر برینی دوشوروب اوچوشارق آشاغی یه ، بانجه یه اینرلرکن
زده مکتبدن آریللق ...

قالامیشده بولوندیغمز اوچ درت آی ایچنده ترزیمخانه ایله
یاقیندن مشغول اولاماشدم . مکتبدن چیقدقن صکره آبلامله
بک اوغلنه کچدک .. جدی تشبشر ، تمادی چالیشمه لر سایه سنده
استانبولک رقیبسز بر مؤسسه سی حالنه کتیردیکم ترزیمخانه ده بوسنه
قیزمله برابر اون آلتی یاشنه کیردی . اوچ ییل اول انشته مک

تشیبیه تریخانم ایچون «ویانه» دن کتیرتدیکم حقیقهٔ صنعتکار
بر قادین، بنی دائمی صورتده ایشلرک باشنده بولونمقدن قور -
تاردی. بنده داها زیاده «آی تن» له اوغراشدم. بالخاصه اونک
لسان درسلیله مشغول اولدم. چونکه اون فرنگ مکدیلرینه
ویرمدم. اون اوچ یاشنه قدر چوق معلوماتلی بر افکلیر مریبه
نک ائنده قالدی. بو یاشلی قادین، کندینی او قومغه ویرمش
غریب طبیعتلی بر مخلوقدی. کچکین یاشنه رغماً داها کون
دوغارکن ده کیزه کیرر، کیلومترلرجهده یول بوروردی. پک
طبیعی که یاتاق او طه سنده، یمک صوفره سنده هر آن یاننده بولونان
«آی تن» ده اونک کی یتیشدی. کوربوز، آتیلغان، ارکک
طبیعتلی بر قیز اولدی. آتیش یاشنه رغماً حالا «میس» قالان بو
بم بیاض یوزلی بیاض کیرپیکلی قادیخجیزیمز اوچ ییل اول مملکتنه
کیتدی. آرتق «آی تن» ایچون فرانسزجه بی قوتلندیرمک.
لازمدی. قیزک طالعی وار. تصادف، قارشیمزه (مادام دووهره ز)
اسمنده قویوقتولیک اصیل و یاشلی بر قادین چیقاردی. قاضی
کوی «سور» لرنده تاریخ ادبیات او قوتیور، راهبه اولمادیغی حالده
اوراده ویریلن بر او طه ده قالیوردی. هفته ده ایکی کون درسلیینه
کیتمک شرطیه بزه کله سی ایچون راضی ایتدک.
فرانسه ده معلول بر جنرالک قاریسی ایمش. غالباً آیریلشله
قادین استانبولده بر اجنبی ایله نهلنن قیزیله برابر کئمش، فقط
اوفرله برابر او طور مایه رق (سور) لره قاریشمش.
تربیه لی، کبار بر قادیندی. فقط انکلیر مریبه نک سربست
و یاشندن بکنمز شاقجی حالرینه آلیشان «آی تن» ایلك دفعه

قتوليك مادامك چوق جدى و آغير معامله سندن چوق ئوزو-
لدى. بر چوق دفعه لر آرلرى آچىلدى. فقط بو قيمتلى قادينى
قاچىرمق دوغرو دكلدى .

برينه نصيحت، برينه رجا ايله بارىشديردم. فقط تمام بر سنه
كىجه لى كوندوزلى دوام ايدن بو مجادله لى حياتدن بن ده اوصاندم.
« آى تن » ك فرانسزجه سنى و عمومى معلوماتنى بو قادين، چوق
ايلرى كوتوردى. آرتق ابي بر مکتبه منتظم تحصيله كیره-
بيله حكدى . ايكى سنه اول قيز معلم مکتبى امتحانلرينه كيردى
وايى يوز اللى، اوچ يوز رقيب اره سنده معلملى حيرته
براقان بر موفقيت قازاندى .

اونك يتيشمه سنده صوكره دن بنى ياسه دوشوره جك بر
نفسان قالماسى ايچون چوق چاليشدم. اون اوچ، اون درت
ياشنه قدر چوق اقتدارلى ايكى مربيه و معلم، اوكا بر كنج قيز
ايچون الكوزوملى شيلرى اوكرتديلر. انكليزجه سنك بر انكليز
دن فرقسز اولديغى چوق ايشيتدم. فرانسزجه سى چوق سربست .
اونى معلم مکتبه ويروب اوچ سنه سنى كندى بيلكي سندن داها
خفيف درس لرله مشغول ايمكده كى مقصدم بر آرز فضلته احتيا-
طكارلقدن دوغدى .

بن اونك يالكز آنه سى دكل، بوتون مادى وارلغى
دوشونن و ليسى ايدم. ترزىخانه نك بزه رفاه ويره ن فعاليتنه
رغمآ تصادف و احتمال دولو اولان حياتده، قيزىمى هر هائىكى
بر نافكور طالع زبون ايمه مك ايچون النده هيچ اولمازسه
شرفنى قورتاراجق بر ديپلوما بولونماسنى ايستيوردم. كيم بيلير

قیزم ، بلکه ده بر کون کندیسی ایچون هر احتمالی دوشونک
آنه سنی، کنارده کوشه ده بر مکتبک درس خانه لرنده چالیشارق
تسلی ایدر .

بو قدر بدین اولمده بلکه ده حقسزم . فقط کندم ، تصادفک
وطالعک اویله ناکور تجلیدرینه اوغرادم که ، قیزم ایچون بو قدر
متجسس و بدین اولمدهن واز کچه میورم .

«ترزیخانه» بالخاصه قیش موسمنده چوق فعالیت کوستریور .
استانبولک بر صنف خلقی واردر که ، کیدکلری البسه نک فوق
العاده لکنی ذوقه او یغون اولوشدن ، ویریلن نه مکک ایجه و
قیمتلی بولونوشدن زیاده نه ولرینه کوندریلن فاطوره یکوننک
یوکسک کورونوشیله اولچوب آکلار لر . تزیمی سنه ده ایکی
دفعه «ویانه» یه ، «پارس» کوندریورم . او قدر ذوق صاحبی بر
قادرین که کتیردیکی ثورنکلری استاد بر رسام آلدن چیقمش
تابلولر کی ساعتلرجه سیر ایدیورم . مع مافیه شرق ذوقنک
ایسته دیکی بعض معین رنگلر و ثورنکلر ده وار که ، بونلر ثوزرینه
یا پدیغمز ایش ، موسم مودالرینی تعقیب ایدنلرله اولان معامله -
مزدن چوق فضله ...

استانبولده فضله پارا صرف ایتمکله ایی البسه قازاندق لرینی
ظن ایدن بر چوق خانملر وار . فقط بوتون مودا غزته لرینه
آبونه اولدق دن باشقه کندی خصوصی ذوقلری ده تقدیر اید -
یله جک قدر کسکین و ایجه بر زمره واردر که بزم «نه لیزا» نک
موسم سیاحتلری همان همان بونلری ممنون ایتمک ایچون اختیار
ایدیلیر . بو یاز ایچون کتیردیکی بالو و مراسم تووالترلی ، او قدر

بر بردن ظریفدی که بر آی ایچنده ، حتی دائمی مشتریلریمزه
دعوتنامه کوندروب موسم سرکیسنی زیارتہ کله لرینی رجا ایتہدن
قاپشیلدی ، بیتدی .

استانبول کبار طالنک ذوقلری ایچہ ، صنعتکلر روحلی
زمرہسی تمامیلہ بزم مشتریمز اولمشدی .

فقط تریخانہ نک کیتدکجه یاییلان شهرتی ، استانبول زنکیین
و کبارلرینک بزم آتلیہ لره کیتدکلری حقنہ اغزندن آغزه
یاییلان قیصقانیج خبرلر ، بزه چوق پارالی ، فقط چوق ذوقسز
برصنف مشتری داها قازاندیرمشدی .

یتیشمش قیزلرینہ صاچاقلی ، صایوانلی ، اتکلری درت
آرشین یرده سورونہ جک کلین البسه لری ایصارلایان زنکیین
تجار طائلہ لری ، الکشیق البسه لریمزی (مانکن) لره کیدیروب
کوستردیکمز حالده آلی ، مورلی ، قلاپدانلی ، اتکلری صاچاقلی
البسه لر ایستہین بعض یکی زنکیین خانملری ، آتلیہ نک دائمی
مشتریلری آراسنه کیردیلر . • نهلزا • پک سینیرینہ دوقونان
بو زیارتچیلردن هیچ خوشلانمیوردی . اوکا آتلیہ نک بر ذوق
وصنعت کوشہسی اولمقلہ برابر داها زیادہ برتجار تخانہ اولدیغنی ایضاح
ایتمک مشکل اولمادی . اوندن سوکرہ آتلیہ نک بر کوشہ سنہ
بویله موداسی سنہ لرجه کچمش و آرتق تیاترہ لره کیرا ایله ویریلک
اوزرہ قادرودن چیقاریلش البسه لر ایچون کینش بردائرہ آیردق .
ایشجیلکده وقوماش دائرہ سنہ چالیشان قیزلر ، اوقدر آلیشقیین
اولدیلر کہ بویله صالحیملی ، صاچاقلی شیلر ایستہین خانملره هیچ
زحمت ویرمہدن خوشلرینہ کیدہ جک رنگلری ، بیچملری
چیقاروب کوستریورلر .

یومیہ دفتر لرینہ باقدیغ زمان ، بو ترتیب البسه لر اوزرینہ
دها فضله صائیش اولدیغنی کوریورم . مملکتده مودایی برقاچ
سنه تأخرله تعقیب ایدن ، جمعیت حیاتنه ، سوقاق حیاتنه یاواش
یاواش کیرمکه چالیشان مهم برصنف اولماسه ، مودا مغازه لر ی
ایچون موسمی کچن البسه لر ی الدن چیقارمق پک زحمتلی اولاجق .
ایلك تقسیمده کی آپارتمانده ایکی یاردیمیجی قیزله تملنی قوردیغ
ترزینخانه می « آی تن » دوغمازدن اول قاضی کوینه نقل ایتمشدم .
فقط قاضی کوی خلقی ، ترزی یه کیتمک ایچون استانبوله اینمکی
برا کلنجه عد ایتدکلری حالده شیشلی ، نشانطاشی خاتملری قاضی
کوینده چالیشان برترزینخانه ایله مناسبتده بولونمغی نه دنسه خوش
بولیورلر . چوق کچمه دن آکلادم : « مودا » یالکیز البسه لر ،
تووالتر ایچون دکل ، محیط ، دائره و کورونوش ایچون ده واردره
اساساً او طرفده قالان احبابلرم ، تکرار بک اوغلو نه نقل ایتمه
ایچون اصرار ایدیورلردی . بویوک برفدا کارلق ایده رک ، حتی
« آی تن » ک تحصیل مصارفنه قارشیلیق اولارق آیردیغ پاراده
داخل اولمق اوزره المده ، بانقه ده نه م وارسه اورتایه دوکدم .
برآزده انشته مک یاردیمیله بک اوغلنک ک ایشلک برینده ، اسکی
برارکک ترزینخانه سنی کیرالایوب آچدم . ایلك زمانلر بوکینیش
دائره بی دولدورمقده چوق زحمت چکدک . آتلیه نک آلتنده کی
بویوک (ویترین) ی الك فوق العاده موده لر وقوماش لر له سوسله مک
ایچون خصوصی برارکک صنعتکار انتخاب ایتدک . اوزمانکی
موده لر ی میزی « ویانه » یه ، « پارس » ه سپارش ایدوب کتیر .
تیوردم . مصرفی فضله اولیوردی . ایکی سنه متماًدیاً آنجاق

مصرفزی چقاره بیلدک . کیجه لی کوندوزلی تیتز بر چالیشمه ،
ایکی سنه صوکره یوزیمزی کولدورمکه باشلادی . آرتق برایی
قوتلی واسکی رقیه غلبه چالمش ، استانبولک ای کینمک مراقلیبی
یوکسک زمره بی قازانمشدق . بو خانملر ، اوپله قیمتلی بر
مشرتی درکه البسه لریمزلک نوزرلرنده بر ایکی دفعه کورونمسی ،
سالونلرده ، چایلرده بر قاچ دفعه لاقیردیبی کچه سی ، اوتووالترلی
کندیلرینه فاطوره سز هدیه ایتدیره جک قدر بزه شرف وشهرت
تأمین ایدر .

ایشته سالونلریمزده بوزمره یه داخل کنج ویاشلی خانملرک
صیق صیق کورونمکه باشلاییشی « آتلیه » بی سینهما ییلدیزلری
کبی بردنبره پارلاتدی . جانلری صیقیلد قجه شیشیلیدن ، نشانطاشندن
بک اوغلنه اینوب وقت کچیره جک ، دیدی قودی ایده جک یر
آرایان بو خانملر ، بو آرزولرینی بزم دائره لرده راحت راحت
تأمین ایتمکه باشلادیلر . اونلرک بو استیلاسی ، بنی آتلیه ده خصوصی
برصالون آیرمغه تشویق ایتدی . بوراسنی کنیش سدیدرار ،
خالیلرله بر شرق سالونی طرزنده سوسله دم . سدیدرلرک صیره سنه
کوچوک کوچوک صدفلی طابوره لر یرلشدیردم . سالونک
اورتاسنده کی بویوک « آرابه سک » ماصیه قویدیفمز سهاور ، چای
حاضر لاق ایچون بر کبریتله بش اون دقیقه لاق انتظار ایستیوردی .
کبار وظریف مشتری لریمزی بوصالون پک ممنون ایدیوردی .
بوراده آوروپانک هر طرفنده چیقان موده غزته لرینی ، مصر
موده لارینی بولوب اوقویور ، تکلیفسزجه چای ایچور ، یکی کلن
موده لری سیر ایدیور و تصادف ایتدکری اجابلرله بولبول

چکه چالیوراردی . بو طوپلانیشلردن بنده چوق ممنون اولیوردم . چونکه ایچلرینه قاریشما دیغم و بوتون ذوق و آرزولریمی قیزیمک اطرافنه طوپلادیغم حالده او یوکسک جمعیتلرک آز چوق کیزی دیدی ، قودیلارینی دیکله مش اولیورم . مع مافیله بوسه ویملی و ظریف مخلوقلر ، یکی جمعیت حیاتنک ترس و کوسکون بر جلوه سیله کنندی انسانلردن قاچیران مسعود آنه یه یالکیز بویله طاتلی صحبتلر دیکله تمس اولیورلر . اونلرک دائماده کیشیک برشی کوروب آلق احتیاجیله مشغول کوزلری ویتیرلرده ، مانکن لرده دولاشیرکن هر آی نولرینه آغیر بر حساب پوصله سی کوندره جک چیچکلر نه شارپ لر ، آدیوه نلر یا قالا یوب قالدیریور .

یوکسک و ذوق صاحبی زنکیمن صنفک سالونلریمزه دوامه باشلا ییشی ، بکا چوق امیدلر ویردی . آرتق قورقه دن قازاندیغمی ینه آتلیه یه دوکھ بیلیردم . بو کبار صنفک آتلیه ایله علاقه دار اولوشی مودایی اونلرک اطرافنده تعقیب ایدن ایکنجی و صنف خانملری ده بزه طوپلادی . شهرت ، بعضاً چالیشلمه دن ، تشبث ایتمه دن بر تصادف ، بر طالع ، بر پیا نغو کبی انسانی کلوب بولیور . بالخاصه قادینلر آراسنده تأمین ایدیان شهرتک اوکنه کچیلمز ، رقیبسز و بر معدن داماری قدر زنکیمن نفوذی و قدرتی وار . ره قلام ایچون جدی و دواملی بر تشبث یاپمه دن سالونلردن ، چای ماصه لرندن طاشان شهرتمز بزه ایشدن ، دیکیشدن ، رنکدن آکلار ، آکلماز و بیلیر بیلمز ، قاریشیق ، غریب بر مشتری قالا بالیغی کتیرمکه باشلادی . ایشته بونلرک دوامه باشلا ییشدن سوکره آتلیه ده برده چارشئی ایچی شعبه سی آچغه مجبور اولدق .

نه قدر حيا ته کيرسه لر، طالک نه قدر درينه لکنه کومولسه لر ذوق
وظرافتي بيه آلايشده آرايان انسانلري شيق و ساده « ويانه »
موده لر بيله ممنون ايتمک قابلي ؟

بوگون آبالمله ترزخانه يه کيتديکمز وقت « نه ليزاي » غريب
برمشتري قالاباليني ايجنده بولدق . بو موسم ترزخانه لر ايجون
بر آزجانمز کچر . بوکار غماً « نه ليزا » ياريم تورکجه سييله اطرافني
آلان ايريلي اوافقلي ، چارشافلي و پچه لي قالابالينه برشيلر آکلا .
تيوردي . اونک بو ايسته مه يه ايسته مه يه و برديکي قونفرانسيله
مشغول اولمايه راق اداره او طه سنه کچدک . يازموسمنده اون بش
يکرمي کونده برکلوب آتايه نک حسابلرينه باقديغم بو اوافق او طه ده
شمدي يه قدر نه اندیشه لي ونه سه وينديري جي ساعتلم کچمشدر .
الده بورايه صرف ايتدکن صوکره اک کوچوک بر ضرر احتمالي
بيله بني کيجه لرجه دوشوندورمکه کافي کليوردي . اک کوچوک
حساب دفترلرندن باشلايوب قاصه ، يوميه دفترينه قدر بوتون
يازيخانه معامله لريني او کړندکن صوکره و برقاچ بيلا نچو چيقاروب
قازانچک قوتلي رقلريني کوردکن صوکره يا واش يا واش سکونت
بولغه باشلام .

شيمدي آرتق عمر يمک الکمادي وهي جانلي ساعتلريني ايجنده
کچيرديکم بو او طه يه کيرکن تلاش ايتيورم .
امکدار برکاتبهم وار . جدی ، تربيه لي برقادين . آبالام ،
يکي کلدکري ايجون هنوز پا کتلرده دوران برقاچ دوزينه ايبکلي
باش اورتوسني قاريشديررکن بنده صوکه هفته لرك حسابلرينه

کوز کز دیردم. ایلك وصولك بهارلرده طشره لرده دو کونلر فضله
اولیور. اسکی بیچیم البسهلر اوزرینه چوق ایش یاپیلمش، بوکا
مقابل بویازدن قالمش طالعمز بریکی «ویانه» تروالتی حالا یوقاری
ویتزینده کی یرلرنده.. بن ایشیمی هنوز بیترمش دم که «نه لیزا»
النده «بشیوز» لك برکاغده اچری یه کیردی. پارانك آلتنده
اوزون برحساب پوصله سی واردی.

کاتبه «منیره» خانم قونوشیور لر دی. «منیره» خانم حساب
پوصله سی آلدی. پارانك نوستی اولارق قاصه دن اوتوز بش لیرا
چیقاردی. ویردی.

— حساب پوصله سی ویرمیسک منیره خانم.

اوزاتدی. بشیوز لیرایه یاقین یگون طوتان پوصله یه باقدیغم
زمان بزم (چارشی ایچی) ماللرندن اوج طاقم البسه نك، قیمتلر-
ینك یکر می مثل بر فیئاته خارچاندقلرینی کوردم. آکلام که
دهمین یوقاری چیقارکن «نه لیزا» نك اطرافنده طوپلانداقلرینی
کوردیکمز پله رینلی وپجه لی خانم لر، بزم آثار عتیقه شعبه سی پک
ممنون ایده جک آلیش ویریش یاپمشر. (قالامش) ك آلتی اون
بش واپورینه یتیشمک ایچون باشمی یاپارکن «لیزا» یانمه صوقولدی.
— موسم باشلیور خانم افندی. بر شیر آلوب کتیر.

میجکمی بز؟

— بنده دوشونیورم مادام، دیدم. وقت کچیرمکه گلز.
هر کسدن اول داورانمق لازم. آرتق آقشام اولدی. سن بو
کیجه بزه (قالامش) ه کلده کوروشه لم. باشقه بر ایشک وارمی؟
بو جدی و اعتماد ایدیلر قادین، بک اوغلنده بر آلمان عائله

سنگ یاننده بانسیونر قالیوردی . ارالرنده او قدر صمیمی بر رابطه وار که نهوینه خبر کوندره مه دن کله دی .

أنشته مك امكدار باغچوانی «سلیمان» آغا شیمدی آتلیه نك قاواصی، بکجیسی، هر شیبسی . اوکا صیرمه لی بر البسه پایدیردم . بم بیاض اولماسنه رغماً حالا قولاق لرینه قدر بوروب قیویردینی یقیری و کوزلرینی ئورتن آق قاشلریله کلنلره قاپی آچیشی چوق خوشمه کیدیوردی . اوکا اللهه ایصارلادق دبر کن :

— سلیمان آغا دیدم . سنك یارامازلر بو کون مکتبلرینه کیتدیله، هفته آراسنده چیقمازلر سه بورایه تله فون ایده جکلر . «منیره» خاتم سکا خبر ویرر، بر کره کیدوب کورورسك اولمازمی ! اونلرك، بالخاصه «ییلدیز»ك چوق زحمتنی چکن اختیار آدام، باشنی نه کدی، دریندن باقان کوزلری کولیوردی :

— امر ایدرسکیز خاتم افندی ذاتاً کوچوک خانملری چوق کوره جکم کلدی .

— الله عمرلر ویرسون افندم .

بك اوغلندن بر قاج شی آلوب واپوره کلدك . ساکن بر یاز آقشامی ... چوق آغیر کیدن اسکی « فنه باغچه » واپورینك کوکرته سی آنادولی ساحلی یولجیلریله دولو . هر هانکی بر یاز آقشامی کون باطمه دن بو ساحلدن واپورله « پندك » قدر کیتمه ینلر استانبولك چوق نفیس وده کیشیک بر منظره سندن کندیلرینی محروم ایتمشلر در . بن، واپور « قالا میش » قوینه کیررکن داها ایلری به کیده جک یولجیلره دائماً غلبه ایدرم .

بو آقشام کوشك، ایچنده قرق کون، قرق کیجه دوکون

ياپىلاقدن سوكره ترك ايدلس اسكى بر نوه بكنزيور. بزي
باغچه قپوسندن قارشىلايان «سهوكى» آقشامه قدر نوده چله
چيقاردىغندن آجى آجى شكايى اتمكه باشلادى .

آنه سندن اول بن جواب ويردم :

— عجب ايمه يارووم، او شكايى يارين ده بزتكرا ايدده جكزه .
و اونك صارى بر كوله بكنزه ين آلتون باشنى سه ودم .

... كون ينه قاراردى، ده كيزينه دورولدى و اخلامورلرك
قوقوسى ايليق بر نفس كى باغچه لره سيندى . بوراده كچيرديكمز
بوتون آقشاملر كى رنكلر كولاكه اولدى . مسافه لر بو كولوب
قىصالدى و كچه، ايبكدن بر تول كى ارضه ياقلاشوب صاريلدى .
آقشاملرك بو سه وديكمز و آليشديغمز تحسسلرى آراسنده
بو ساكن و تميز ساحللىرى دولدوران كنج و شاقراق سسلرى
چوق بلكه دك . كوشكه و اچمزه چوكن درين سكوتى داغيمق
ايچون قونوشمق ايسته ين دوداقلريمز برشيلر بولوب سويليه مه دى .
حتى ياز ايچنده (قالاميش) ه بر قاج كره كلوب قيزلرك هر كوشه يى
دولدوران ، هر يره يتيشن چيلغينلقلرىنى كورن و ايشلر ينى
پتيرمش، استراحت و اكلنجه ساعتته قاووشمش ، چوجوقلريله
۱۶۶۸-۱۶۶۹ يى اوينا مایه قالمش بر اختيار بابا كى اونلره برابر
«ته نيس» اوينا يان «نه ايزا» بيله بو آقشام معناسز معناسز صوصيوردى .
«سهوكى» بزدن بر باددى . آليشديغى آرقادا شلرندن بردن بزه
محروم قاليشى كنج قيزى شاشقينه چويرمشدى . اونكله براز
اكله نمك ايستدم :

— ئوزوله يارووم ، ديدم ، يارين « فريدكامى » بك كلير ،

وجودی کوزلریمه کیرمک ایستین او قورقولی سرانجامه حائل
اولدی. اونی ثوبدم ، ثوبدم !

* * *
لاجورد اتکلری دیز قاباقلرینی بیله ثورتمکده زحمت چکن
ایکی قیز اللرنده دار و اوزون مارون چانطه لريله واپورک مر دیوه
نلرینی چیقارکن قالابالق آراسنده کنج و حتی یاشلی ارکک
باشلرینک ، تن رنکی چورابلره صاریلی کر کین باجاقلرله برابر
حرکت ایتدیکنی کورییوردم. قیصه، مشین اوکجه لی اسقار پینلرینه
رغمأ دواملی بر وجود تربیه سیله یاشندن فضله سرپیلن (آی تن) له
بویلریمز همان همان بر اولدی. او یله ظن ایدیورم که بر ایکی سنه
کچنجه اونکله سوقاقده کیدرکن صیقیلانچم .

کو کرته نک اک آرقه صیره سنده طوپلانلق. آبلام (بیلدیزه)
هر مکتب دونوشی تکرار ایتدیکی نصیحتلرینی ویریور و قیز جغز
آرتق از برله دیکی بو اوصولق و چالیشقانلق قونفرانسی دیکلر
کبی کورونمکه چالیشیور. واپوره کیرنلر آراسنده بزه یاقین صیرالرده
یربولق آرزوسيله عجله ایده نلری کوردکجه که یله مک ایچون بن ده
آبلامک نصیحتلرینی دیکلر کورونیورم. ایکی کنج قیز اطرافلرنده
قاریشان هوانک فرقنده بیله دکلر. (آی تن) شیمیدین معلملرک
تقلیدینی یاپیور. رسم خوجاسنک کندیسندن بر متروایلریده کیدن
قارنیه هر درسده بر قاچ سهپانی ناصل ده ویردیکنی آکلاتیور .
بوسنه صوک صنفه کچدیکی ایچون کیفی یرنده . . اونی
دیکلرکن حرکتلرینی تدقیق ایدیورم. آکلاتیشنده، طورلرنده
او قدر طبیعی که ایدرلرینی افاده ایدرکن اطرافیه مشغول بیله

اولیور . کوچو کدنبری اوکا ویرمک ایسته دیکم تریه درست ،
 صیمی و سربست دوشونجه لی اولمقدی . بوکا موفق اولدیغ
 ایچون اونو دیکله مکدن ، حتی حرکتلرینی سیر ایتمکدن ذوق
 آلیورم . او ، بعضی خصوصلرده بئم ایسته دیکمداها جدی
 دها پرواسز . بو پاطاواتسز لغیله بعضاً چام ده ویردیکی ده اولیور .
 فقط اونو کندی صیمی فکر لرندن باشقه شخصی قناعتلره
 قایدیرماق ایچون سسمی چیقارمیورم . مثلاً کچنارده بر آقشام
 «سهوکی» نك نشانلیسی بزده یمکده ایکن کزینتی یرلرینه دائر
 بر بحث کچیوردی . «بیلدیز» بر صباح چیفته حوضلرده کی قیر
 قهوه سنده چای ایچمک ایچون اصرار ایدیوردی .
 فرید کامی بك :

— رجا ایدرم افندم ، دیدی ، صباح چایی ایچمک ایچون
 بورنمزك دیننده غارصونلریله ، سرویسيله مکمل «بل وو» وارکن
 چیفته حوضلره قیر قهوه سنه کیدیلیرمی ؟
 و قناعتنی قوتلندیرمک ایچون علاوه ایتدی :
 — هم اوراسی آراباجیلرک مولا ویردیکی برباد بر یردر .
 دوغروسو شیق ، تمیز غازینو دورورکن ویران ، چاتلاق فنجانلی
 قیر قهوه لرنده آرابه جیلرله قارشو قارشو یه چای ایچم .
 «بیلدیز» سرت بر جوابه حاضر لایر کبی قاشلرینی اویناتیرکن
 «آی تن» ک سسینی دویدق :

— سزکده بورنمکز آما بویوک ها !
 بن قیزاردم . آبلام کوزلرینی ایندیردی . «بیلدیز» اوزون
 بر قهقهه سالیوردی . «سهوکی» اوتاندی . فقط اک فنا وضعیتده

قالانینه زاواللی کنج « فرید کامی » بکدی. صوفریه بردنبره
چوکن سکوت آراسنده یوزینه باقدیغ زمان قیپ قرمزی
اولدیغی، دوداقرینک تیره دیکنی، طبیعی کورونمک ایچون
ئوزومنی یکه چالیشدیغی کوردوم. بوسیرهده «آی تن» کوزومه
ایلیشدی. او، قیردینی جويزك فرقنده دکلدی. قوجامان بر
صالقیمک ایچندن چاتلاماش تانه لر آریوردی.

«فرید کامی» نک بورنی حقیقه بر از بویوک اولماسهیدی
«آی تن»ک بوسبوتون باشقه مقصدله آغزندن قاچیردینی لاقیردی،
بو بر باد تأثیری یایمایه جقدی. فقط اساساً عائله آراسنده اونک
یکانه قصوری اولارق بورنک چهره سنه نسبتله بویوک اولوشی،
خفیف بر دیدی قودی موضوعی اولوب دوریوردی.

برکت یمکک صوکنه گلشدهک. آبلام اسکی علم داغی
اکلتیلرندن بر بحث طوتدوردی. بن صاری یارک صولرینی
آکلاتمغه باشلادم. «فرید کامی» نک رنکی «سهوکی» نک حدتی
یرینه کلدی. بوتون بو اولان بیتندن خبردار اولمه مش کبی
«یلدیز» له چکه چالمقده دوام ایدن «آی تن» یمکدن قالقارکن
«سهوکی» نک صاچلرینی چکدی:

— سنک نشانلی بک افندی بی بر کون چیفته حوضاره قدر
یوروتهلم. باق ناصل بکنه جک! اونک بوصیمی وسر بست حرکتلری
بویله پاناواتسز لقرینی عفو ایتدیریور. یارم ساعت صوکره
ایدی. «فرید کامی» ده داخل اولارق اوچ قیز بالقونده کولوشوب
دوریوردی.

شیمدی قارشیمده سیاه شاپقه سنک یانلرندن لوله لوله قومرال

صاچلری چیقمش، کونشدن یانیق، یووارلاق یوزینی سیراید رکن
 بونلری دوشونیورم. بوقالین دوداقلی طوب چهره ده ایکی یشیل
 منبع کبی قایناشان ایری کوزبیکلری، اوقدر بولوطلی ومستیزی که
 یشیل و قورشونی رنک لک ک قایناشدینی بو علمدن درین قلب
 یوللرینی کشف ایتمک هر حالده پک قولای اولمایه جق ظن اییدیورم.
 مکتب بوکون دوکون نهوی کبی .. بربرینه قاووشان کنج
 قیزلر، کمیدیلرینی براز داهافضله کورمک احتیاجیله اورالره قدر
 کلن آنهلرینی درحال اونوتدیلر .

معلملره کوروشورکن بز میکیلری غائب ایتدک «آی تن» ک
 ابتلاسنی بیلن معلملردن بری بزه رسمخانه بی توصیه ایتدی .
 اوزون قوریدورلردن، کینش صالونلردن کچوب آیدینلق برقاپی به
 کلدک. ایچریده اوزرینه نه کیلن برچوق باشلر آراسنده «آی تن» ی
 کوردم. آچاق برسهپانک اوکنده «فنارباغچه» نک رسمنی یاپیور.
 برطرفدن یوکسک سسنله اورادن سیرایدیلن غروبک کوزه لکنی
 آکلاتیوردی .

— بو «غروب» ک اویله مراقیلری وارکه، دییوردی ،
 آقشامی کورمک ایچون دها کون دوغارکن بو قایالقره کلوب
 بکله شیورلر .

آرقاداشلری بو مبالغه یه کولرکن او ، اونلره دیکله به جک
 بر باشقه لاقیردی بولوب چیقارییوردی .

صو اوزرنده قیلدایان ، اوینایان بو کولن نیلوفرلر کبی
 دوردقلری یرده متمادی حرکت ایدن بو یارامازلرک آراسندن
 قولمی اوزاتوب اونک قولاغنی طوتمدم. بردنبره یرندن فیرلادی :

— هایدی آی تن، بز کیدیورز. ٹوپ بنی.

بردنبره ٹوزریمه آتیلدی، بوینومه صاریلدی:

— آم بئم یوموق آنه جکم . قیزی بیله ایل گوشه لرندہ
براقوب ناصل کیدیورسک، یوموق آنه سز بو یاراماز قیزلر
آراسنده صاری کوللر کبی صولاجئم . بریجک قیزینه آجیاز .
میسک سن آخام !

بوتون آرقداشلی اطرافزی آملشر، قاتیلیورلردی .
اونک آغلار کبی سسنی ده کیشدیروب یوزینی بوروشدورمسنه
کولمه مک قابل دکلدی که !

نهایت زورله بر گوشه یه چکدم . بو دفعه بر برینی سوهن
حقیقی آنا قیزلر کبی اوپوشدک .

— آی تن، دیدم . صالی کونی اوزون مکتوبنی یازاجقسک .
صکره پرشنبه یه چیقمازسه ک آتلیه یه تلفون ایت . بن سکا آدام
یوللارم .

صوک بر کره یاتا قخانہ ده کی دولابنی ، ثورتورینی کوزدن
کچیردم . اونلر قالابلیق بر بیلدیرجین کومه سی کبی مر دیونلردن
بر برینی دوشوروب اوچوشارق آشاغی یه ، باغچه یه اینلرکن
زده مکتبدن آریلقدق ...

قالامیشده بولوندیغمز اوچ درت آی ایچنده تریخانہ ایله
یاقندن مشغول اولاماشدم . مکتبدن چیقدقن صکره آبلامله
بک اوغله کچدک .. جدی تشبثلر ، تمادی چالیشملر سایه سنده
استانبولک رقیبسز بر مؤسسہ سی حالنه کتیردیکم تریخانہ ده بوسنه
قیزمله برابر اون آلتی یاشنه کیردی . اوچ ییل اول انشته مک

تشبیهه ترزینخانم ایچون «ویانه» دن کتیرتدیکم حقیقهٔ صنعتکار
 بر قادین، بنی دائمی صورتده ایشلرک باشنده بولونمقدن قور -
 تاردی. بنده داها زیاده «آی تن» له اوغراشدم. بالخاصه اونک
 لسان درساریله مشغول اولدم. چونکه اون فرنگ مکملیرینه
 ویرمه دم. اون اوچ باشنه قدر چوق معلوماتلی بر انکلیر مریه
 نک ائنده قالدی. بو یاشلی قادین، کندینی او قومغه ویرمش
 غریب طبیعتلی بر مخلوقدی. کچکین باشنه رغماً داها کون
 دوغارکن ده کیزه کیرر، کیلومترلرجه ده یول یوروردی. پک
 طبیعی که یاتاق او طه سنده، یمک صوفره سنده هر آن یاننده بولونان
 «آی تن» ده اونک کی یتیشدی. کوربوز، آتیلغان، ارکک
 طبیعتلی بر قیز اولدی. آتیش باشنه رغماً حالا «میس» قالان بو
 بم بیاض یوزلی بیاض کیرپیکلی قادیخجیزیمز اوچ ییل اول مملکتنه
 کیتدی. آرتق «آی تن» ایچون فرانسزجه یی قوتلندیرمک .
 لازمدی. قیزک طالعی وار. تصادف، قارشیمزه (مادام دووهره ز)
 اسمنده قویوقتولیک اصیل و یاشلی بر قادین چیقاردی. قاضی
 کوی «سور» لرنده تاریخ ادبیات او قوتیور، راهبه اولمادیغی حالده
 اوراده ویریلن بر او طه ده قالیوردی. هفته ده ایکی کون درسارینه
 کیتمک شرطیه بزه کله سی ایچون راضی ایتدک .

فرانسه ده معلول بر جنرالک قاریسی ایتمش. غالباً آیریشلر.
 قادین استانبولده بر اجنبی ایله نهلنن قیزیله برابر گلش، فقط
 اونلرله برابر او طور مایه رق (سور) لره قاریشمش .

تربیه لی، کبار بر قادیندی. فقط انکلیر مریه نک سربست
 و یاشندن بکنمز شاقاجی حالیرینه آلیشان «آی تن» ایلك دفعه

قتوليك مادامك چوق جدى و آغير معامله سندن چوق ئوزو-
لدى. بر چوق دفعه لر آرالى آچىلدى. فقط بو قيمتلى قادينى
قاچيرمق دوغرو دكلدى .

برينه نصيحت، برينه رجا ايله بارىشدير دم. فقط تمام بر سنه
كيجه لى كوندوزلى دوام ايدن بو مجادله لى حياتدن بن ده اوصاندم.
«آى تن» ك فرانسزجه سنى و عمومى معلوماتنى بو قادين، چوق
ايلرى كوتوردى. آرتق ابنى بر مکتبه منتظم تحصيله كیره-
بيله حكدى . ايكى سنه اول قيز معلم مکتبى امتحانلرينه كيردى
وايى يوز اللى، اوچ يوز رقيب آره سنده معلملى حيرته
براقان بر موفقيت قازاندى .

اونك يتشمه سنده سوكره دن بنى ياشه دوشوره جك بر
نفسان قالماسى ايچون چوق چاليشدم. اون اوچ، اون درت
ياشنه قدر چوق اقتدارلى ايكى مربيه و معلم، اوكا بر كنج قيز
ايچون الكوزوملى شيلرى اوكرتديلر. انگليزجه سنك بر انگليز
دن فرقسز اولديغنى چوق ايشيتدم. فرانسزجه سى چوق سربست .
اونى معلم مکتبه ويروب اوچ سنه سنى كندى بيلكي سندن داها
خفيف درسله مشغول ايمكده كى مقصدم بر آرز فضلّه احتيا-
طكارلقدن دوغدى .

بن اونك يالكز آنه سى دكل، بوتون مادى وارلغنى
دوشونن وليسى ايدم. تزيخانه نك بزه رفاه ويرون فعاليتنه
رغمآ تصادف و احتمال دولو اولان حياتده، قيزيمى هر هائىكى
بر نانكور طالع زبون ايمه مك ايچون النده هيچ اولمازسه
شرفنى قورتاراجق بر ديپلوما بولونماسنى ايستيوردم. كيم بيلير

قیزم ، بلکه ده بر کون کندیسی ایچون هر احتمالی دوشونک
آنه سنی، کنارده کوشه ده بر مکتبک درس خانه لرنده چالیشارق
تسلی ایدر .

بو قدر بدین اولمقده بلکه ده حقسزم . فقط کندم ، تصادفک
وطالعک او یله نازکور تجلیلرینه اوغرادم که ، قیزم ایچون بو قدر
متجسس و بدین اولمقدن واز کچه میورم .

«ترزیخانه» بالخاصه قیش موسمنده چوق فعالیت کوستریور .
استانبولک بر صنف خلقی واردر که ، کیدکلری البسه نک فوق
العاده لکنی ذوقه او یغون اولوشدن ، ویریلن نه مکک ایجه و
قیمتلی بولونوشدن زیاده نه ولرینه کوندیریلن فاطوره یکوننک
یوکسک کورونوشیله اولچوب آکلار لر . ترزیمی سنه ده ایکی
دفعه «ویانه» یه ، «پارس» کوندیریورم . او قدر ذوق صاحبی بر
قادرین که کتیردیکی ثورنکلری استاد بر رسام آلدن چیقمش
تابلولر کی ساعتلرجه سیر ایدیورم . مع مافیه شرق ذوقنک
ایسته دیکی بعض معین رنگلر و ثورنکلر ده وار که ، بونلر ثوزرینه
یاپدیغمز ایش ، موسم مودالرینی تعقیب ایدنلرله اولان معامله -
مزدن چوق فضله ...

استانبولده فضله پارا صرف ایتمکله ایی البسه قازاندقلرینی
ظن ایدن بر چوق خانملر وار . فقط بوتون مودا غزته لرینه
آبونه اولدقن باشقه کندی خصوصی ذوقلری ده تقدیر اید -
یله جک قدر کسکین و ایجه بر زمره واردر که بزم «نه لیزا» نک
موسم سیاحتلری همان همان بونلری ممنون ایتمک ایچون اختیار
ایدیلیر . بو یاز ایچون کتیردیکی بالو و مراسم تووالترلی ، او قدر

بر بردن ظریفدی که بر آی ایچنده ، حتی دائمی مشتریلریمزه
دعوتنامه کوندروب موسم سرکیسنی زیارتہ کله لرینی رجا ایتہدن
قاپشیلدی ، بیتدی .

استانبول کبار طالنک ذوقلری ایچہ ، صنعتکار روحلی
زمرہ سی تمامیلہ بزم مشتریمز اولمشدی .

فقط تریخانہ نک کیتدکجه یاییلان شهرتی ، استانبول زنکیین
و کبارلرینک بزم آتلیہ لره کیتدکلری حقنہ اغزندن آغزه
یاییلان قیصقانیج خبرلر ، بزه چوق پارالی ، فقط چوق ذوقسز
برصنف مشتری داها قازاندیرمشدی .

یتیشمش قیزلرینہ صاچاقلی ، صایوانلی ، اتکلری درت
آرشین یرده سورونہ جک کلین البسه لری ایصارلایان زنکیین
تجار طائلہ لری ، الکشیق البسه لریمزی (مانکن) لره کیدروب
کوستردیکمز حالده آلی ، مورلی ، قلاپدانلی ، اتکلری صاچاقلی
البسه لر ایستہین بعض یکی زنکیین خانملری ، آتلیہ نک دائمی
مشتریلری آراسنه کیردیلر . « نهلزا ، پک سینیرینہ دوقونان
بو زیارتچیلردن هیچ خوشلانمیوردی . اوکا آتلیہ نک بر ذوق
وصنعت گوشہ سی اولمقلہ برابر داها زیادہ برتجار تخانہ اولدیغنی ایضاح
ایتمک مشکل اولمادی . اوندن سوکرہ آتلیہ نک بر گوشہ سندہ
بویله موداسی سنہ لرجه کچمش و آرتق تیارہ لره کیرا ایله ویریلک
اوزره قادرودن چیقاریلش البسه لر ایچون کینیش بردائرہ آیردق .
ایشجیلکده وقوماش دائرہ سندہ چالیشان قیزلر ، اوقدر آلیشقیین
اولدیلر کہ بویله صالحیملی ، صاچاقلی شیلر ایستہین خانملره هیچ
زحمت ویرمہدن خوشلرینہ کیدہ جک رنگلری ، بیچملری
چیقاروب کوستریورلر .

یومیہ دفتر لرینہ باقدیغ زمان ، بو ترتیب البسه لر اوزرینہ
دها فضله صائیش اولدیغنی کوریورم . مملکتده مودایی برقاچ
سنه تأخرله تعقیب ایدن ، جمعیت حیاتنه ، سوقاق حیاتنه یاواش
یاواش کیرمکه چالیشان مهم برصنف اولماسه ، مودا مغازه لری
ایچون موسمی کچن البسه لری الدن چیقارمق پک زحمتلی اولاجق .
ایلك تقسیمده کی آپارتمانده ایکی یاردیمیجی قیزله تملنی قوردیغ
ترزینخانه می « آی تن » دوغمازدن اول قاضی کوینه نقل ایتمشدم .
فقط قاضی کوی خلقی ، تریزه کیتمک ایچون استانبوله اینمکی
برا کلنجه عد ایتدکلری حالده شیشلی ، نشانطاشی خاتملری قاضی
کوینده چالیشان برترزینخانه ایله مناسبتده بولونمغی نه دنسه خوش
بولیورلر . چوق کچمه دن آکلادم : « مودا » یالکیز البسه لر ،
تووالتلر ایچون دکل ، محیطه ، دائره و کورونوش ایچون ده واردر .
اساساً او طرفده قالان احبابلرم ، تکرار بک اوغلو نه نقل ایتمم
ایچون اصرار ایدیورلردی . بویوک برفدا کارلق ایده رک ، حتی
« آی تن » ک تحصیل مصارفنه قارشیلق اولارق آیردیغ پاراده
داخل اولمق اوزره المده ، بانقه ده نهم وارسه اورتایه دوکدم .
برآزده انشته مک یاردیمیله بک اوغلنک کایشلک بریرنده ، اسکی
برارکک تریزینخانه سنی کیرالایوب آچدم . ایلك زمانلر بوکنیش
دائره بی دولدور مقده چوق زحمت چکدک . آتلیه نک آلتنده کی
بویوک (ویترین) ی الك فوق العاده موده لر و قوماشلرله سوسله مک
ایچون خصوصی برارکک صنعتکار انتخاب ایتدک . اوزمانکی
موده لر لری می « ویانه » به ، « پارس » ه سپارش ایدوب کتیر -
تیوردم . مصرفی فضله اولیوردی . ایکی سنه متمادیاً آنجاق

مصرفزی چقاره بیلدک . کیجه لی کوندوزلی تیتز بر چالیشمه ،
ایکی سنه صوکره یوزیمزی کولدورمکه باشلادی . آرتق برایی
قوتلی واسکی رقیه غلبه چالمش ، استانبولک اپی کینمک مراقلیسی
یوکسک زمره بی قازانمشدق . بو خانملر ، اوپله قیمتلی برر
مشتری درکه البسه لریمزک نوزرلرنده بر ایکی دفعه کورونمسی ،
سالونلرده ، چایلرده برقاچ دفعه لاقیردیسی کجه سی ، اوتووالترلی
کندیلرینه فاطوره سز هدیه ایتدیره جک قدر بزه شرف وشهرت
تأمین ایدر .

ایشته سالونلریمزده بوزمره یه داخل کنج ویاشلی خانملرک
صیق صیق کورونمکه باشلایشی « آتلیه » بی سینهما ییلدیزلری
کبی بردنبره پارلاتدی . جانلری صیقیلد قجه شیشیلیدن ، نشانطاشندن
بک اوغلنه اینوب وقت کچیره جک ، دیدی قودی ایده جک یر
آرایان بو خانملر ، بو آرزولرینی بزم دائره لرده راحت راحت
تأمین ایتمکه باشلادیلر . اونلرک بو استیلاسی ، بنی آتلیه ده خصوصی
برسالون آیرمغه تشویق ایتدی . بوراسنی کنیش سدیدرلر ،
خالیلرله برشرق سالونی طرزنده سوسله دم . سدیدرلرک صیره سنه
کوچوک کوچوک صدفلی طابوره لریرلشدیردم . سالونک
اورتاسنده کی بویوک « آرابه سک » ماصیه قویدیفمز سهاور ، چای
حاضرلامق ایچون برکبریته بش اون دقیقه لق انتظار ایستیوردی .
کباروظریف مشتریلریمزی بو سالون پک ممنون ایدیوردی .
بوراده آوروپانک هر طرفنده چیقان موده غزته لرینی ، مصر
موده لرینی بولوب اوقویور ، تکلیفسزجه چای ایچیور ، یکی کلن
موده لرلی سیر ایدیور و تصادف ایتدکری اجابلرله بولبول

چکه چالیور لردی . بو طوبلانیشاردن بنده چوق ممنون اولیوردم . چونکه ایچلرینه قاریشما دیغم و بوتون ذوق و آرزولریمی قیزیمک اطرافنه طوبلادیغم حالده او یوکسک جمعیتلرک آز چوق کیزلی دیدی ، قودیلرینی دیکله مش اولیورم . مع مافیله بوسه ویملی و ظریف مخلوقلر ، یکی جمعیت حیانتک ترس و کوسکون بر جلوه سیله کندینی انسانلردن قاچیران مسعود آنه یه یالکیز بویله طاتلی صحتلر دیکله تمش اولیورلر . اونلرک دائماده کیشیک برشی کوروب آلتی احتیاجیله مشغول کوزلری ویتیرنلرده ، مانکن لرده دولاشیرکن هر آی نولرینه آغیر بر حساب پوصله سی کوندره جک چیچکلر نه شارپلر ، آلدیوه نلر یا قالا یوب قالدیرییور .

یوکسک و ذوق صاحبی زنکیمن صنفک سالونلریمزه دوامه باشلا ییشی ، بکاجوق امیدلر ویردی . آرتق قورقه دن قازاندیغمی ینه آتلییه دوکوبیلیوردم . بو کبار صنفک آتلییه ایله علاقه دار اولوشی مودایی اونلرک اطرافنده تعقیب ایدن ایکنجی و صنف خانملری ده بزه طوبلادی . شهرت ، بعضاً چالیشمه دن ، تشبث ایتمه دن بر تصادف ، بر طالع ، بر پیا نغو کبی انسانی کلوب بولیور . بالخاصه قادینلر آراسنده تأمین ایدیان شهرتک اوکنه کچیلمز ، رقیبسز و بر معدن داماری قدر زنکیمن نفوذی و قدرتی وار . ره قلام ایچون جدی و دواملی بر تشبث یا پهمه دن سالونلردن ، چای ماصه لرندن طاشان شهرتمز بزه ایشدن ، دیکیشدن ، رنکدن آکلار ، آکلماز و بیلیر بیلمز ، قاریشیق ، غریب بر مشتری قالابالغی کتیرمه که باشلادی . ایشته بونلرک دوامه باشلا ییشدن سوکره آتلییه برده چارشای ایچی شعبه سی آچغه محبور اولدق .

نه قدر حياته كيرسه لر، طالعتك نه قدر درينلكنه كومولسه لر ذوق
وظرافتي ينه آلايشده آرايان انسانلري شيق و ساده « ويانه »
موده لريله ممنون ايتمك قابلي ؟

بوكون آبلامله ترزبخانه يه ايتديكمز وقت « نه ليزاي » غريب
برمشتري قالابالغني ايجنده بولدق . بو موسم ترزبخانه لر ايجون
بر آزجانسز كچر . بوكا رغماً « نه ليزا » ياريم تور كجه سيله اطرافني
آلان ايريلي اوفاقلي ، چارشافلي و پچه لي قالابالغنه برشيلر آكللا-
تيوردي . اونك بو ايسته مه يه ايسته مه يه و برديكي قونفر انسيله
مشغول اولمايه راق اداره او طه سنه كچدك . ياز موسمنده اون بش
يكرمي كونده بركلوب آتايه نك حسابلرينه باقديغم بو اوفاق او طه ده
شمدي يه قدر نه انديشه لي ونه سه ويندي ريحي ساعتلم كچمشدر .
الده و آو و جمده كي بوتون پارايي تجربه سزلكك و برديكي بر قورقو
ايله بورايه صرف ايتدك دن صو كره اك كوچوك بر ضرر احتمالي
بيله بني كيجه لرجه دوشوندورمكه كافي كليوردي . اك كوچوك
حساب دفترلر دن باشلايوب قاصه ، يومية دفترلرينه قدر بوتون
يازبخانه معامله لريني او كرنديك دن صو كره و برقاج بيلانچو چيقاروب
قازانجك قوتلي رقملريني كوردك دن صو كره ياواش ياواش سكونت
بولمغه باشلام .

شيمدي آرتق عمر يمك الكمادي و هييجانلي ساعتلريني ايجنده
كچيرديكم بو او طه يه كيرر كن تلاش ايتيورم .
امكدار بر كانبهم وار . جدي ، تربيه لي برقادين . آبلام ،
يكي كلدك لري ايجون هنوز با كتلرده دوران برقاج دوزينه ايبكلي
باش اورتوسني قاريشديرر كن بنده صو ك هفتة لرك حسابلرينه

کوز کزدیردم. ایلک وصوله بهارلرده طشره لرده دو کونلر فضله اولیور. اسکی بیجیم البسهلر اوزرینه چوق ایش یا پاملش، بوکا مقابل بو یازدن قالمش طالعسر بریکی «ویانه» توالتی حالایوقاری ویتزینده کی یرلرنده.. بن ایشیمی هنوز بیتمشدم که «نه لیزا» انده «بشیوز» لک برکاغده ایچری یه کیردی. پارانک آلتنده اوزون بر حساب پوصله سی واردی.

کاتبه «منیره» خانمه قونوشیورلردی. «منیره» خانم حساب پوصله سنی آلدی. پارانک ئوستی اولارقی قاصه دن اوتوزبش لیرا چیقاردی. ویردی.

— حساب پوصله سنی ویرمیسک منیره خانم.

اوزاتدی. بشیوز لیرایه یاقین یکون طوتان پوصله یه باقدیغم زمان بزم (چارشی ایچی) ماللرندن اوج طاقم البسه نك، قیمتلر- ینک یکر می مثل بر فیئاته خارچاندقلرینی کوردم. آکلام که ده مین یوقاری چیقارکن «نه لیزا» نك اطرافنده طوپلانداقلرینی کوردیکمز پله رینلی و پچه لی خانملر، بزم آثار عتیقه شعبه سنی پک ممنون ایده جک آلیش ویریش یا پمشره. (قالامش) ک آلتی اون بش واپورینه یتیشمک ایچون باشمی یا پارکن «لیزا» یانمه صوقولدی.

— موسم باشلیور خانم افندی. بر شیر آلوب کتیر- میه جکمی یز؟

— بنده دوشونیورم مادام، دیدم. وقت کچیرمکه کلز. هر کسدن اول داورانمق لازم. آرتق آقشام اولدی. سن بو کیجه بزه (قالامش) کلده کوروشه لم. باشقه بر ایشک وارمی؟ بو جدی و اعتماد ایدیلیر قادین، بک اوغلنده بر آلمان طائله

سنگ یاننده پانیسوز قالیوردی . ارالرنده او قدر صیمی بر رابطه وار که نهوینه خبر کوندرمه دن کله دی .

أنشته مك امكدار بانچوانی «سلیمان» آغا شیمدی آتلیه نك قاواصی، بكجیسی، هر شیبسی . اوکا صیرمه لی بر البسه یاپدیردم . بم بیاض اولماسنه رغماً حالا قولاقلرینه قدر بوروب قیور دینی یقاری و کوزلرینی ثورتن آق قاشلریله کلنلره قاپی آچیشی چوق خوشمه کیدیوردی . اوکا اللهه ایصمارلادق دیرکن :

— سلیمان آغا دیدم . سنگ یارامازلر بو کون مدتلرینه کیتدیله، هفته آراسنده چیقمازلر سه بورایه تله فون ایده جکلر . «منیره» خانم سکا خبر ویرر، بر کره کیدوب کورورسك اولمازمی ! اونلرك، بالخاصه «بیلیز»ك چوق زحمتنی چکن اختیار آدام، باشنی نه کدی، دریندن باقان کوزلری کولیوردی :

— امر ایدرسكز خانم افندی ذاتاً كوچوك خانملری چوق کوره جكم کلدی .

— الله عمرلر ویرسون افندم .

بك اوغلندن بر قاج شی آلوب واپوره كلك . ساکن بر یاز آقشامی ... چوق آغیر کیدن اسکی «فنهر باغچه» واپورینك کوکرته سی آنادولی ساحلی یولجیلریله دولو . هر هانکی بر یاز آقشامی کون باطمه دن بو ساحلدن واپورله «پندك» ه قدر کیتمه ینلر استانبولك چوق نفیس وده کیشیک بر منظره سندن کندیلرینی محروم ایتمشدر . بن، واپور «قالامیش» قوینه کیررکن داها ایلری یه کیده جك یولجیلره دائماً غلبه ایدرم .

بو آقشام کوشك، ایچنده قرق کون، قرق کیجه دو کون

ياپىلاقدن سوكره ترك ايدىلىش اسكى بر ئوۋە بىكزىيورە بىزى
باغچە قىيوسىنىدىن قارشىلايان «سەۋكى» آقشامە قىدر ئوۋە چلە
چىقاردىغىنىدىن آجى شىكايەت ايتىمكە باشلادى .

آنەسىنىدىن اول بىن جواب وىردىم :

— عىجلە ايتە ياوروم، او شىكايەتتى يارىن دە بىز تىكرار ايدە جىكزى .

و اونك سارى بر كوله بىكزە بىن آلتون باشنى سەۋدىم .

... كون يىنە قاراردى، دە كىزىنە دورولدى و اخلامورلرلك

قوقوسى ايللىق بر نىفس كى باغچەلرە سىندى . بورادە كچىردىكىمىز

بوتون آقشاملر كى رىنكلر كوله اولدى . مسافەلر بو كولوب

قىسالدى و كىچە، ايسىكىدىن بر تول كى ارضە ياقلاشوب سارىلدى .

آقشاملرلك بو سەۋدىكىمىز و آلىشىدىغىمىز تىمىسلىرى آراسىندە

بو ساكن و تىمىز ساحللىرى دولدوران كىنج و شاقراق سىلىرى

چوق بىكلەدىك . كوشكە و اىچمىزە چوكن درىن سىكوتى داغىتىمىز

اىچون قونوشمىق ايسىتە بىن دودا قىلرئىمىز بر شىلر بولوب سويلە مەدى .

حتى ياز اىچىندە (قالامىش)ە بر قاق كره كلوب قىزلرلك هر كوشە بى

دولدوران، هر يره يىتىش چىلغىنلىقلىرىنى كورەن و ايشلرئىنى

بىتىرمىش، استراحت و اكلنجە ساعىتتە قاوشمىش، چو جوقلىرىلە

۱۸۶۸-۱۸۶۹، اوينامايە قالمىش بر اختىار بابا كى اونلرلە برابر

«تە نىس» اوينان «ئە اىزا» بىلە بو آقشام معناسىز معناسىز صوصيوردى .

«سەۋكى» بىزدىن بىر باددى . آلىشىدىغى آرقادا شلرئىدىن بىر دىن بىرە

مىرورم قالشى كىنج قىزى شاشقىنە چو بىرمىشدى . اونىكلە براز

اكلەنىمك ايسىتەم :

— ئوزولمە ياوروم، دىدىم، يارىن «فرىدىكامى» بىك كلىر،

رجا ایدرز، بز استانبوله اینجهیه قدر بزده قالیر.
 بنده بیلورم که «سهوکی» نشانلیسنک ذوقنی، آرقاداشلر -
 ینک اوکا دو یوردقلری، کنج قیزلره ویرکی او قایغوسز، او
 غمسز او یون وصحبت ذوقنه ترجیح ایده جک قدر عشقی حس
 ایتمش دکلدر، بو آقشام بو قناعتم بوسبوتون قوتلندی. چونکه
 بئم لطیفه ایدن سوزومه عادتا جانی صیقیلیرکی جواب ویردی:
 — آمان تیزه، بن اونکله قونوشاجق لاقیردی بیله بولا
 میورم. صباحدن آقشامه قدر نه یاپارم؟
 اطرافنده عشقک او مهلک روزکاری هنوز نه سمهین بو
 آلتون باشی سهوادم:

— اویله ایسه هایدی چیق یات یاوروم، اویقو سکا دها
 فائده لیدر. طبق کوچو ککن آلیشدینی کی قوجه قیز همان
 قالقدی. اللریمزی صیقدی و اوطه سنه چیقدی.
 «آبلام» یورغونلقدن بحث ایتدی. بر آز صوکره قیزینی
 تعقیب ایتدی. کینش ماصه نک اطرافنده «نه لیزا» ایله یالکنز
 قالنجه غیراختیاری «آتلیه» نک ایشارندن قونوشمغه باشلادق.
 او، بوقیش یاییلاجاق مودالر حقنده شیمدیدن قولاغنه چالینان
 خبرلری آکلادتدی. بن بر آزده «برلین» مودالریله مشغول
 اولمانک لزومنی سویله دم. بوسنه ایچون کتیره جکمز موده -
 للردن بحث ایتدک. نهایت ایلول هفته سنده اونک اوچ پایتخت
 آراسنده یکرمی کونلک برسیاحته چیقماسنه قرار ویردک. بو
 سیاحته عائد تفرعاتی ده حل ایتدکن صوکره «نه لیزا» قیزلرک
 بوش قالان یاتاقلردن برینه چکیلدی.

بيلم نه دن اسكيدنبري نوك اك كچ ياناغه كيرني بن
 اولورم. بو آقشام سنيئرلم بوزوق. دوشونمك ايسته ديكم بر
 چوق شيلر ييغين حالنده زهنمده بريكمشار كبي. «آي تن» ك
 مكتبه دونوشي، مغازه ايشلري، يكي موسم اچون بر جمله ده
 دو قوز اون بيك ليرانك ويريلسي مجبوريتي، عمرى سه وكي،
 ذوق و تحسسه كچن بر قادينى نه قدر آليشسه ينه هيچانه دوشور.
 ييور. حالبوكه بوتون بو حادثه لر هر سنه تكرر ايدن شيلر..
 آكليورم كه بوراده «آي تن» سز بن ده صيقيله جغم. استانبوله
 اينر سه م هيچ اولمازسه آتليه نك ايشريله مشغول اولور، آوونورم.
 ذاتاً «نه ليزا» كيتد كدن صو كره نم اورادن بر ساعت بيله آيريلام
 احتمالي يوق. «آي تن» بو سنه مكتبني بترنجه كله جك موسم
 آوروپا سياحتنى اونكله يپاجغز انشالله!

كيجه ينه آيدينلق. آي حالا بويوك و هوا او قدر سرين كه
 نفسلر صوئوق برر يودوم صو كبي فرحلق ويريور.
 بالقونده كي قولتوقلردن بريني چكدم. هر كس ياتدقن
 صو كره كچ وقتلر بويله كيجه يي، طبيعتي ديكله مكدن چوق ذوق
 آيرم. و بكا اويله كلير كه حياتمه ويرديكم اك مهم و اك كوزهل
 قرارلري كيجه نك بويله كچ ساعتلر نده يالكلرجه دوشونديكم
 زمانلر ويرمشم در.

صاحلريمه فيسكه فيسكه بياضلر دوشورهن صوك اون آلتى
 سنه لك حياتمه چوق عائله ار ككلرينك قلبنى آجيتان انديشه لرله
 مجادله ايتدم. بوتون بو اوغراشديريجي، اوصانديريجي مجادله يي
 صرف قيزيمك سه وكي سندن آلدنغم قوتله ياشاردم. حياتك عشق

و سهو کی چاغنده او قدر اوغراشدیغ حالدہ ایسته دیکم و دوشو-
 ندیکم مسعود ایدیجی عشقی بولامادم . او امید و نشئه دولو ،
 اوزرندن دائم سرین روزکار لر کچه جک چچکللی یو وای قورامادم .
 فقط قزیمله برابر باشلایان یکی حیاتمه مادی مشکلری ینک
 و عشقده ، کوکل ماجرالرنده غلبه چالامادیغ مخلوقلری عمومی
 حیاتده بر قادین اولمه مه راغماً یاشایشیمه و موفقیتلریمه حیرتده
 براقق ذوقنی طاتدم . بو او یله بر ذوقدر که اونی آنجق کنجکلکنک
 اک امید ویره ن و استقبال حاضر لایان چاغلرنده بوتون قلبنی
 آچدیغی رنکلردن نامتناهی و فاسزلق و اهانت کورهن قادینلر
 حس ایده بیلیرلر . بز یالکز نه ولرنده کی آرزو و هوسلری
 ویره ن و بو آرزو هوسلره آماده برر امکدار تلقی ایدن ار ککلرک
 قارشیسنده حیاته بویله حکم ایتمک ، هله اونلردن بر قاجنی حجاب
 و تأثرندن چاتلاتاجاق بر حاله کتیرمک ظن ایدیلدیکندن چوق
 درین و چوق انکین بر ذوقدر . طالع و تصادف بکا بکله دیکم
 مسعود یو وای ویرمه دی . فقط بو ذوقی ، بو موفقیتی دیله دیکمدن
 فضله سیله تأمین ایتدی .

بکا بوتون عمر لرنی ویره جکلرنی سویله یین آغزلرک بو قلب
 چالان نطقلرینه بن بوتون بر کنجکل ویردکن صو کره اونلری
 یکی قادین چهره لری قارشیسنده براقه راق بو حیاته کیردم .
 دوشه نک دوستی اولماز دییه کوچو کدنبری قولاغنده عکس
 ایدن سرت فقط قوتلی آتا سوزو هر دقیقه خاطر مه ایدی .
 بن هپ بو هیجانلرله چالیشدم .

ایلك زمانلر آبلامدن باشقه بنی آرایان اولمادی . فقط مادی

حياتده طوتونوب يورويجه اوزاق، ياقين بوتون آشنا چهره لر،
بنی چوق سينرلنديره ن چيک و جيويق تبسملره اطرافده
کورونمکه باشلاديلر . فقط بن حياتمک حدوديني چيزمشدم .
دوستلغي ، احبابلغي قيزيمک بکا دويورديني سهوکی ايله وظيفه
حسلرندن چوق صوکره آرييوردم . اونک ايچون بعض احبابلر
بندن کوره مه دکلری تکليف سزلکی اسکيدن بکا قارشى تطبيق
ايتدکلری اھمال و لاقيدينک قارشيلغي کبی تلقی ايتديلر .

حياتده آرتق بويله ، انسانلری بربرينه باغلايان معنوی
رابطه لره هيچ قيمت ویرميوردم . ياخود بوتون رابطه لرم قوپدقدن
صوکره اميد سزلك و اضطراب عالنده اک بويوک اميد اولارق
قيزيمه صاريلنجه بودوستقلره امنيم قالمامشدى .

يا لکيز بر ايکی وقعه اولدی که اونلر ماضی يه عائد انفعاللریمی
بر آز اولسون اونوتدوردی . بو حادثه لردن بری قيزیمی ده علاقه دار
ايتديکی ايچون بنی هفته لرجه متأثر ايتدی .

« ای تن » سکيز ياشنده ایدی . يازی کچيرمک ايچون
چفته حوضلرده ، کنيش باغچلی بر کوشک طوتمشوق . قيزم
انکلير مرهيه سيله بو قوجامان باغچده آقشاملره قدر آچيق هوا
درسلری آليردی . بر کون اونلرکينه باغچه نك اوزاق بر کوشه سنده
چاليشدقلى ساعتلرده کوشکه ياشلی بر قادين کلدی . کيمسه يی
قبول ايمه دیکم ، آبلامدن باشقه سيله کوروشمه دیکم ايچون داها
باغچده ايکن خدمتچي يوللادم . نچره دن تعيب ايدی يوردم .
قونوشمه لری اوزون سوردی . نهايت قادين مانطوسنک آلتندن
بر طرف چيقاروب قيزه ویردی . او کوشکه دوغری کلير کن
بنده اشيايه ايندم .

قىزىك كىتىردىكى ظرفى داھا اليمه آلمادن يازيسندن طانيدم .
« آى تن » نىك قىزىنه اسمنى وىرمەين باباسى دوكتور ماجدىك يازىسى
ايدى . ماضى ايله بوتون رابطة لىمى كىسد كىدن سو كره اورايه
عائد جانلى خاطرە لرله مشغول اولماغى قىرار وىردى چوق اولدى .
اونىك اىچون ظرفه ألىمى سورمەدن قىزى كرى چو ىردم :

— قوش ، كىتىردن خانمە وىر . بورادە او طورانلر هىچ
بر ىرلە مخابرە لى اولمايان منزوى انسانلر در .

بونى باغچە قاپسىنىك او كىندە سويليوردم . بز كوروشور كىن
قادىن بر آز داھا يا قلاشمىشى . بىم شىدتلە امر وىردىكىمى
كورونجه بر قاق آدىم دھا آدى :

— چوق رجا ايدرم خانم افدى ، دىدى . بىن دوكتور
ماجد بىك تىزەسىم ، سىزە عائد بىك جدى بر تكلىفى وار . بر
دقىقە مساعده ايدرسە كىز هم كوروشمش اولورز . هم اىضاح
ايدرم .

لاقردىسى دوز كون ، درلى طوپلى بر قادين . فقط هر
حالە بىم نه وىمىزده كورونمى معناسىز بر مسافر .

— دوكتور ماجد بىك اسمندە كىمسە بى طانىيورم افندم
دىدم . عىويكىزى رجا ايدرم . بورادە منزوى بر آنسە ايله
قىزى او طورور .

وهىچ جواب بىكلە مەدن قىزە مکتوبى كوتوروب وىرمىنى
اشارت ايدەرك چكىلدم . فنا حالە سىنىر لىم او ىنامىشى .
اولادىنىك دنيايه كلىدىكى مژدە لىن مکتوبمە سىكىز سىنه جواب
وىرمەين آدام ، بو كون جدى تكلىفلرم وار دىسە مکتوبلرله

قارشیمه چیقیور. شرفلی برارکک ایچون بویوک حجاب. اعصابی
 آلت اوست ایدن بو حادته بنی بر هفته خیرچین ایتدی . بن
 باباسنک یالکز اسمنی اولسون قیزیمه باغیشلاماسنی چوق ایسته
 مشدم. هر سنه بر یاش داها قازانوب جمعیت ایچنه کیرمکه
 حاضر لانان یاورومک آنه اسمنی طاشیاسی ذاتاً کیمسه حقنده
 ایی دوشونمه یین انسانلر ایچون چیرکین بر دیدی قودی
 موضوعی اولاجقدی .

بونی دها بر یاشنده ایکن دوشونوب عزت نفسی ده اورتابه
 آتارق دو قتور ماجده بحث ایتدم . آلدیغم جواب ، سنه لرجه
 دوام ایدن برسکوت اولدی . شیمدی سکز سنه صوکره ،
 کندی درد لرم کندی تسلیرمله باش باشه قلمغه آلیشدیغم و هر کون
 بکا یکی نشئه لر و امیدلر ویره ن قیزیمک کوزلرینه باقوب مسعود
 اولمغه چالشدیغم صیره ده جدی تکلیف کتیره ن مکتوبلرله
 قارشیشیوردم. اک معصوم آرزولری افاده ایدن مکتوبلر جواب
 آلمق ایچون سکز ییل بکلسه بویله مجهول تکلیفلردن بحث
 ایدنلری هر حالده دها فضلہ بکله مک مجبوریتنده درلر . دو قتور
 ماجد بک آچیلما یان ظرفی ایچون انتظارك بپوده اولدیغنی
 آکلایه جاق قدر ذکی در .

بووقه بنی اپی مدت دوشوندوردی . او ییل « آی تن »
 چیفته حوضلردن چوق استفاده ایدیوردی . کوربوز، آفاجان
 بر قیز اولیوردی . قادینک زیارتدن ایکی هفته صوکره بر کون
 آبلامله « سهوکی » ، « ییلدیز » کلدیله . انشته ده ایشی چیقمازسه

آقشامه كلك ايسيورمش . اونلرك كلىشى نهوه طاشقين برنشئه
كتيردى . قيزلر بويوك باغچهده همان غيب اولديلر . « آى تن » ك
آق صاحلى مربهسى ده پيشلرنده ..
آبلامه كوشكك او كنده كى قوم دوشهلى ته راسده قيزلردن
بخت ايديوروز . بكا بردنبره صوردى .

— دوكتور ماجد دن هيچ خبر وارمى !
آبلامك سؤالى آرتق اونوتديغم معهود مكتوب وقعه سنى
خاطر لاتدى . غير اختياري كولدم :

— تام زمانده صورديك آبلا . هم اويله مناسب سزجه بر
خبر واركه .. و او كا قادينك آنده مكتوبله زيارتنى ، آلدىغى
سرت جواب ئوستنه چكيلوب كيتديكنى آكلاتم . آبلام نم
كين و خينج ايله آغز مدن چيقان كله لرى درين بر سكونته
ديكليوردى :

— دوكتور ماجد او قادينى كچن كون (يكي كوى) .
كوندردى . ديدى . ابي بر قادين ، دوكتورى آنده بويوتن
تيزه سى ايمش . ماجد بك قارىسندن آيرلش . تيزه سى بكا دوكتورك
بوتون آرزولرينى آكلاتدى . اكر موافقت ايدرسه ك كنديسى ده
كلوب انشته كله ، نمله كوروشه جك . هر حالده سكا پك محجوب
اولديغى ، فقط آرتق قيزينك وسنك قارشى كزه چيقمق ايچون
سربست قالدىغى سويليورمش . بن تيزه سنه هيچ برشيدن بخت
ايمدم ، يالكز دوكتور بكه خبر يوللارز ، ديدم . او آقشام
انشته كله كوروشدك . او ، دوكتورله برلشمه كزى موافق بوليور .
بيلم سن نه دوشونيورسك ؟

— چوق كچ قلدی آبالا، دیدم، آرتق قلبده سهومك
 ومسعود ایتك قابلیتی یوق. بوش بروجود ای بریووا قورامز.
 بن سکز ییل یالکز یاشامغه آلیشدم. قالدین قبلرینی دائماً تازه
 وهیجانلی کورمك ایستهینر آلدانیرلر. سهوهن کوكلر،
 اعتنا ایستهین نادیده فدانلر کبی در. بر آزاها مال اونلری قوروتور.
 بنم سکز ییل اها مال کوردهن کوكلمده یشرمك امیددی قایلریمی؟
 وایچمده درین بر آغری حس ایدرک آبالامك کوزلرینه باقدم:
 — هم بن حیاتی قیزیمك سوکیسیله او قدر دولدوردم که
 هیچ بر رابطه یه التفات ایدم. یالکز برشی تکلیف ایدم بیلیرم.
 دو قور ماجد وجدانلی برار ککسه اسمنی قیزمه ویره جک معامله یی
 یاپدیر سین. بونی یاپار سه فضیلت کوسترمش اولور. یوقسه
 ماضی یه عائد علاقه لردن تجرد ایتمش، بوش وجودم آرتق هیچ
 برار ککی مسعود ایدم مز. صمیمی اولدیغیمی بیلیرسك آبالا،
 بنی بر آز سهویندیرمك ایسترسه کز یالکز بو آرزوم ایچون
 چالیشکز. بونی بالخاصه انشتم دن ده رجا ایدرم.

اسکیدن بری فکر لریمك قطعی اولوشنه آلیشان آبالام اعتراض
 ایتمدهدی. بو صوک تکلیفینه قیزمك حسابنه یاپیلمش بر فدا کار لقدی.
 یوقسه حیاطمه اوینایان انسانلرک هر هانکی بر تکلیفی مناقشه
 ایتك ایچون دکل، حتی اونلری عفو ایتك ایچون بيله قلبده
 مرحمت یوقدر.

آقشام انشتم کلهدی و آبالام ایرتسی کونی قیزلریله کیتدی.
 اونکله بانچه ده وداغلا شیر کن آقشامکی فکریمی اوده موافق بولدیغنی
 سویلهدی. ایکی هفته سوکره انشتم دن بر مکتوب آلام.

دوقتور ماجدك (آى تن) ى قبول ايتديكنه دائر اورا قى كاتب عدله ياپديرديغى، برقاچ كونه قدر آبلامه ويروب كوندره جكنى يازيوردى بو خبر قيزيمك حسابنه بنى چوق ممنون ايتدى. چونكه يارين اوبركون حياته كيره جك كنج بر قيزك آدينك صوكنه باباسنك اسمنى قويا مامسى هر حالده شرفلى بر حر كت اولمايه جقدى. بوندن بش آلتى سنه صوكره اونى مكتبه يازديرر كن كنج معلم خانم، بويوك بردفترك باشنه « آى تن ماجد » اسمنى حرمتله قيدايتدى. وار تقى نم اچون بودرين قلب آجيسى ده نهايت بولدى. دوكتور « ماجد » ى صرف بوفضيلتى كوستردىكى اچون عفو ايتدم.

« سه وكى » نك حقى وار. آرتق « قالاميش » ك طادى قاچدى. دون بزه كلن قومشو « عاطف » بك خانمى ده سويليوردى. قيزلر مكتبه كيتد كدن صوكره يالكز ايكي كوشكه دكل، بوتون بوساحله ده ايصسزلق چوكدى. بوكون صالى . . « آى تن » مكتبدن چيماز سه هر وقتكى كى مکتوب يازاجاق . كچن سنه بو مکتوبلر بنى نه قدر بگله تيردى . مع مافيه بونلر مکتوبدن زياده بوتون مکتب حياتنى اونك كوزلريله كوروب قيد ايدن برر ژورنال بگزردى .

بوكون آقشامه قدر « سه وكى » ايله استانبولدن كلن واپور لرى بگله دك. چاپقنلر چيماديلر . صوك واپورله « سليمان » آغا كلدى. آتليه تله فون ايدوب طوقا تلياندى فوندىان و چيقولاته ايسته مشلر . سليمان آغا سپار شلر بنى مکتبه كوتوردىكى زمان

اونلری قان تر ایچنده «فود بول» اوینار کن کورمش. «بیلدیز»
 اذن آلامادیغنی «آی تن» کوچوک صنفله نوبجی اولدیغنی
 سویله مش. هپ قورنازلق... امینم که اونلر مکتبه کی اکلنجه
 ایله نه ووده کچیره جکلری کیجه یی مقایسه ایتدیله، مکتبه قلمانی
 داها کیفلی بولدیله. یوقسه ایسته مش اولسه لردی، اذن آلمانک
 یولنی چوق ای بیلر لردی.

آرتق پرشنبه یی بکله یه جکنز، هر شیبی راحت، کوزله
 بر مکتبه اقرانلریله وقت کچیره ن اون آلتی، اون یدی یاشنده
 غمسنز، صحتلی و پرنشئه بر کنج قیزک نه وینی نوزله مه سی پک
 قولای اولمیور. حالبوکه بوتون امیدلری و نشئه لری اونلرک
 کوز اوکنده بولونماسندن عبارت ایچلی و یالکنز آنه لر بو
 کیتدکجه اوزایان هفته صوکلرینی، نه هیجانلی سه وینج لره
 بکلیور لر. اولادلرینک بابالق مسؤلرینی ده نوزرلرینه آلان
 آنه لر ایچون بوتون امیدلرینی بویاشده کی قیزینک باشنه قویمق
 چوق اندیشه لی، چوق اضطرابلی ...

آبلامه دقت ایدیورم، او قدر متوکل وطیبی کورونیور که!
 بو کنیش دوشونجه هر حالده اولادلری نوزرنده کی اندیشه یی
 انشته مله اورتاق ایتمه لرندن ایلری کلیور. واقعا انشته مک نه وینه
 عايد هیچ کیمسه ایله مشغول اولدیغنی یوق آما، نه قدر اولسه
 چوق قوتلی بر استناد نقطه سی. یا بزم حویرات، طاساسز «آی
 تن» می بندن باشقه دوشونه جک کیم وار؟

آبلامه جمعه ابرتسی کونی استانبوله نقل ایتکه قرار
 ویردک. ده کیز موسمی کچدی. آرتق لدوسلر باشلار و «قالامیش» ه

واپور ايشله مديكى زمان بو كوزله ساحل صحراى كيره دونر .
پر شنبه كوني آبلام، «سهوكى» اونلرى قارشىلامق ايچون
دورت بوچوق واپورنده اسكله يه كيتدك . اوزون طاش اسكله نك
صوكنه كلشدك كه واپور «مودا» دن قالقدى .

«قالاميش» آلمانى، انكليزى چوق بر يردر . آقشاملرى
بو واپوردن، صوك پوسته دن چقان ار ككلرينى ، مسافرلرينى
قارشىلامق ايچون اوزون طاش اسكله نك ئوستنه بر آلاى
اوزون باجاقلى ، اينجه جك انكليز قادينلرى ، قالين ، بلسز ،
بونجوق كى ماوى كوزلو آلمان ماداملرى بيريكيرلر . بو آقشامده
اويله .

واپور داها ياناشمه دن بز مكيلرى كوردك . اللرى دولو
اولديني ايچون باشلرينى صاللايوب «سهوكى» يه سسلنيورلر .
بورنندن بر خا-لاط ويرديكى حالده دونوب ياناشمق ايچون
حالامانورا يانمغه چالیشان واپوردن ايلك آتلايانلر اونلراولدى .
هر كس اونلره حيرت ايدر كن آبلام فنا حالده سينيرلندى . بر
قهقهه صاغناغى كى ايكيسى بر دن يانمزه كلير كن آزارلادى :
— قاچ كره سويله دم : واپور ياناشمايخه آتلامايك ديه .
يادوشسه يديكز نه اولاجقدى؟

«آى تن» بويله حدتله ، عصيتله قارشى بر دالغه قيران
كى در . آرقاداشندن اول تيزه سنك بوينونه آتيلدى :
— بيم نونوش تيزه جكم ، سن هيچ ئوزولمه ، دوشسه يدك
يوزه يوزه سزدن اول كوشكه كيدر دك!
و اونى براقوب بكا آتيلدى :

— بيم يوموق آنه جكم، سني ئويله كوره جكم كلدي كه!
واللهي بوتون هفته هپ سني دوشوندم. باق «ييلديز»ه صور.
صالي كوني نوتجي قالدم ديهه اويله آغلادم كه!

بوتون بولا قيردي قالابالغنگ كوه زه لكدن باشقه بر شي
اولديني معلوم. فقط چاپقين قيز اويله طاتلي سويليور كه ديكله.
مه مك و كولمه مك ممكن دكل. كوشكه كيدر كن اللريني، قولتو.
قاريني دولدوران پاكتردن بريني اشارت ايتدي :

— يوموق آنه، باق سنك پاكك، آل دوشمه سين!
مكتبدن هر دونوشنده بكا حقق اوفاق بر هديه كتيرمه يي
اونو تمازا. آناسنك قيزي، نه وه آلي بوش كله مه يي اي او كرندي.
— قصوره باقه يوموق آنه. واپوره وقت اولسه يدي،
سكا بك اوغلندن او سه وديكك نانه شكر لرندن آلا جقدم.

— بو نه؟

— شام فيستيني!

— داها كوزه!

بوتون كتير دكلريني كندي يمكله برابر بو هديه لر بني پك
سه ويند يرر. برارك چوجوغوي اولوب ده اونك كندي قازانجيله
كتيرديكي هديه لري بكله ين آنه لر كيم بيلير نه قدر بختياردر.
بو كيجه كوشكده سنلك وار. فقط اونلر داها كوشكدن
ايچري كيرز كيرمز غيب اولدیلر. واپورده ايكن عاطف بكك
قيزلريه قرار ویرمشلر. بر آز صوكره سسلري ده كيزدن
كلكه باشلادي.

نه زمان صيونديلر. نه وقت چيقديلر. فرقنده اولماق.

باغچه‌دن مايدانوز توپولايان آشجي عبدی آغا اوزاقدن چيغلقلى
كلن ، نار چيچكى رنكسندە باشلقلى ده كيزك اوستندە غيب
اولوب كورون قيزلى اشارت ايتدى :

— خام افندى ، قالايشى ينه جين باصدى !

هوالر ابي كيتمكله برابر آرتق ده كيزه رغبت ايدن يوق .
يالكز فنارده او قيزارمش ده مير يوزلى انكليز قادينلريله او
قالين وجودلى آلمان ماداملرى صباحلى آقشاملى كيريورلر .
صولر قاراردقن صوكره گله بيلدير . «سه وكى» نك نشئه سنه
پايان يوقدى . بو قيزحالا نشانليسندن زياده بوياراماز آرقداشلىيله
دوشوب قالمقندن ذوق آليور .

بو آقشام برده قضا كچيرمشلر . فنار باغچه ده كى قوطره لرك
آچيغنده يوزرلر كن ساحلدن طاش آتمشلر ، برى عاطف بكك
كوچوك قيزينه راست كمش . بركت آرقه سنك قابا اتنه . الله
يرمه سين باشنه تصادف ايتسه يدى . . بيلم كه ، نه دن بوييله شن
و سربست يتيشن قيزلى چكه مه ين و اونلرك بو حر كترلر ينى
حوپپالق ، فضله لق كورهن فنا خويلو ، دار دوشونجه لى انسانلر
وار . طاشى آتانلرك ياشلى باشلى ار ككلر اولديغنى سويله دكلرى
زمان اچم صيزلادى . بو ياشلى انسانلرك اولادلى ناصل
يتشورلر عجا ؟

كيجه اونلره هيچ قونوشاميورز . چونكه يمكدن صوكره
بر آزا طور مه دن اويقولرى كليور . ذاتاً شاقالرك بر قسمنى ده
ياتاق او طه لرينه صا قليورلر . چونكه بزى او پوپ يوقارى
چيقدقن صوكره بر مدت سسلرينى ، قهقهه لر ينى ايشيتيورز .

اويله ظن ايدييورم كه يانمزده يامادقلى ماسقاره لقلرى اوراده
اكمل ايدييورلر . ۴۰

جمعه كوني «آي تن» له «ييلديز» عاطف بلك قيزلرني يمكه
دعوت ايتديلر . بوكا اساساً دون ده كيز دونوشى قرار ويرمشلر .
آقشامه ده هپ برابر مكته دونه جكلر . اونلره صوردم :

— آري بر صوفره مي ايسترسكز ، يوقسه برابر مي ؟

مقصدم ، بزدن چكينه دن ، ايسته دكلري كبي شاقالا شهورق
يمك يملرني تأمين ايمكدي . حالبو كه اونلر بوكا حاجت كورمه .
ديلر . حتى «آي تن» او چيلغين يالواريشلريله بليمه صاريلدي :
— بن يوموق آنه سز ناصل يمك يرم ؟ سن ده بريجك
قيزيكي ياننده چوق كورويورسك غالباً . سن ناصل يوموق
آنه سك آخانم ! اونك بويله «آخانم» ديه ياري جدي ، ياري
لطيفه سرزنشلى او قدر خوشمه كيدر كه !

نهايت قرار ويريلدي . يمك باغچه ده هپ برابر يينه جكدى .
اونلر بر معتاد صباحدن دكيزه دالديلر . اوكله يه قدر بلكه دك . آرا
صيره بالقوندن چيقوب باقيوردم . طاش تهلكه سندن عقلانمشلر ،
هپ آچيقرده دولاشيورلر . دكزده بو قدر دورمق ابي دكل .
ناصل تحمل ايدييورلر بيلمم . طوزلى صودن و كونشدن بوتون
وجودلري باقير رنكي ومشين سرتلكي آلدى . ايلك دفعه برقاچ
كره دريلري قاباردى صوكره صوكره آرتق سختيان حالنه كلديلر .
«آي تن» ي كوچو كدنبري بيلن و هر آي منتظماً عمومي
بر معايته ياپان دوكتور «صفوت عمر» بك اونك وجوديني سپوره
چوق مساعد بولديغي ايچون دائماً حر كته بولونمق شرطيله

د کزده فضله قالماسنده تهلکه کورمیور. جکرلری قوتلی، قلبی
صاغلام، بنیده شدتلی بر انکشاف استعدادی وار. بخصوص
اونلر د کزده ایکی ساعتدن فضله قالسهلر بیله بر چوق و قتلرینی
صال نوزرنده کچیریورلر .

بویله کونشده، ده کیزده ساعتلرجه قالمقدن، آقشامه قدر
قوجه باغچهده ته نیس، وولهی بول اوینامقدن، کورک چکمکدن
هپسنگ وجودی قاتیلاشدی. «آی تن» اونک ایچون بکا یوموق
آنه دیور .

«آی تن» ک صوک بهار و قالامیشه ، ده کیزه وداع ضیافتی
اسمنی ویردیکی اوکله یمکی پک اکلنجهلی کچدی. ماصهیی باغچهده
آچدیرمشدق، آلتی قیز قارشیلقلی اوطورمشلردی . بز آبلامله
ماصهنگ ایکی باشنی آلدق. ایلك زمانلر بر آز آغیر دوردیلر.
فقط «آی تن» بو دورغونلنی بوزمق ایچون بر ایپ اوجی
یاقالادی. اطرافک بو آغیر و جدی حالی کورونجه :

— رجا ایدرم «بیلدیز» خانم افندی دیدی، صالاطه طاباغنی
جاریه کزه احسان بیورمازمیسکز ؟

اونک قاشلرینی قالدیروب کوزلرینه جدیت ویره رک اسکی
زمان افندیلری کبی تشریفاتلی طاباق ایسته مه سی صوفره نگ
جدیتنی بوزدی. آرتق هپسی بردن سویلیورلردی :

— «آسمان» خانم شو بالقدن بر آز داها تناول بیورلمازمی؟

— رجا ایدرم اصرار بیورمایسکز. معدة عاجزانهم پک نازک در.

— واه واه، نه یازلیق که صوفره مزده «طورپ» یوق، نازک

معدله ایچون بره بردی! مع مافیه شو صارارمش صالاطه لقلره

التفات بیورسه کز . .

آرتق اوق یایدن چیقمشدی . ایملک دفعه «ییلدیز» تام
قارشیسنه تصادف ایدن «آسمان» ک یوزونه کوچوک برصلاطه لوق پار
چه سنی فیرلا تدی صوفره همان آلت ئوست اولمق اوزره ایدی . آتیلدم :
— دوروک باقایم . هیکزه بردن صوراجم . سز مکتبده
ناصل یمک یرسکنز ؟ ههپی دوردیله . عاطف بکک قیزلری
«رورقولهژ» ه کیدیورلردی . اولا کوچوکلری ، اک شیطان
«کوکل» جواب ویردی :

— مکتبده ده بویله افندم . چاتال و بیچاقله !
بنده کندیمی طوتامادم . اوته کیلر ده لی کبی کولیورلردی .
فیرطنه کچد کدن صو کره جدیدلشمشیر کبی بود دفعه «ییلدیز» آتیلدی :
— بن آکلادم تیزه ، دیدی . بز مکتبده یمکی اوقویوب
اوفله رده اویله یرز .

«آی تن» درحال علاوه ایتدی :
— اما سینی آکلامه دن کوله یک . مکتبک یمکلری او
قدر اییدرکه ، هضم ایچون یا هیچ یمه مک ، یا خود اوقویوب
اوفله مک لازمدر .

و «ییلدیز» ه دونه رک دوام ایتدی :
— هله صباح قهوه آتیلریمز اوقدر قوتلی درکه آقشامه
قدر جانمز یمک ایسته مز .

اوته کیلر جدیدته دیکلیورلردی . بن فیرطنه یی صاودینمه
منون ، راحت یمک ییوردم . «آسمان» صوردی .
— بزده صباحلری اوقدر قوتلی قهوه آلتی ویرمزلر .
تره یاغی رچل ، پنیر ، سوت ، اوقدر . .

«آی تن» دوداقلرینی بوکدی :

— بزده تمام اوچ عدد زیتون تانهسی ، بر دیلم اکمک ،
بر بارداقده چای ویررلر . هم چایک ایچنده بر تانهده شکر
واردر . بونجه شیئی یوب ایچدکن صوکره انسانده اوکله
یمکنه اشتهمی قالیر .

تیزمه؛ واه واه، قیزلر آچ قالیورلر . باری کیدر کن چانطه لرینه
اوته بری قویلم دییه کنندی کندینه أسفله نیر کن «آی تن» اوکله
یمکنی آکلاتمغه باشلادی :

— مع مافیه اوکله یمکلریمزه هیچ سوز یوقدر . هله او قدر
مکمل پیلاویمز واردر که ایکی ییلدر حالا طادینه دو یامادیغمز
ایچون هر یمکده قازان قازان اوکمزه کلیر .

بو یمک بختی آچدیغمه او قدر اصابت ایتشم که صیره میوه لره
کلدیکی حالده بیتمه دی . و اونلرده بر برلرینه کیرمه دن یمکلرینی
یدیلر . یمک آره سنده اونلره برر بارداق پیرا ایچیرمشدک . پک
کیفلندیلر . بر آراق «آسمان» آیاغه قالقوب بارداغنی اوزاندی .
موسم صوکی بویله بر یمک ترتیب ایتدیکی ایچون «آی تن» ه
تشرک ایتدی . آلقیشلانندی . صوکره بزمنکی قالقدی . اک کولونج
واک کولدوروجی زمانلرنده یاپدیغی کبی یوزینه غیر طبیعی بر
جدیت ویره رک : — الوداع د کیزلر ، داغله ، دییه هر جمله سی بر برندن
صاچه بر نطق ویردی . نهایت بزیمکک آغیر لغیله حاصیر قولتوقلره
اوزانیر کن اونلر چیل یاوروسی کبی باغچه یه داغیلدیلر .

داها موسمک باشلانغچنده آرقاداشلریله بر اولوب
باغچه نك اورتیه سنده کی کنیش میدانلغی «ته نیس» یری ایچون

ياپمغه اوغراشدیلردی. نهوده خدمتجیلره، آشجی عبدی آغایه
 یالواره یاقاره کندیلری ده چالیشارق دوزلتدکلی ساحة اوچ
 کون ایچنده ایشه یارایه جاق حاله کلدی. چیز کیلرینی یاپدیله .
 «سهوکی» نك نشانلیسنی ده چالیشدی رارق اورتایه بر آغ کردیله
 ایسته دکلی «تهنيس» یری اولدی . «سهوکی» نك نشانلیسی
 «فهر باغچه» سپور قلوبنده اعضا .. کندیسى او قدر هوسکار
 اولماق له برابر قیزله بیلدیکی قدر یاردیم ایدیور. عاطف بکک
 قیزلی مکتبلرنده چوق «تهنيس» اوینادقلى ایچون داها ای
 بیلورله. مع مافیه بوتون یاز بزمکیلر ده ای قوتلندیله. یمکدن
 قالقارکن «ای تن» سسلندم :

— یارین استانبوله اینورز . آغلی چیقارک . کله جک
 سنه لازم اولور .

شیمدی محقق اونکله اوغراشیورله. یازی بویله فرح و
 سربست کچیره ن بو آفاجان قیزلی قیشین ناصل ضبط ایده جکنز
 باقلم . چونکه هر کچن ییل، اونلری بر آز دها تهلهکلی یاپور .
 آبلام صوک زمانلر ده آلیشدینی سیغاره سنی اسکی برتیریا کی
 کبی توتدوریوردی :

— انشتم کچیکیرسه استانبوله، آپارتمانده صیقيله جقسک
 آبلا. ایسترسهک سز «سهوکی» ایله بر هفته داها قالیک! دیدم .
 آبلام بکا آلیشمسدی. استانبوله بر بریمزه یاقین اولمقه
 برابر طیبی هر کون بولوشامیوردق . اونلر شیشیلده ایدیله .
 بن آتلیه یه یاقین اولمق ایچون تقسیمده صره سرویلر ده بر
 آپارتمانه یرلشمشدم . مع مافیه بالخاصه «سهوکی» همان هر کون

بكا كليردى. «آى تن» اولمادىغى زمانلر ئۇدە بىنى مشغول ايدردى.
آبلام اولمادىمىشدا قالمىي ايستركن قيزلرئك بر هفته لىق يوقلىغى
اوكاده تاثير ايتمىشدى:

— نافله، ديدى. يارين هپ برابر اينه رز. اولور بىتر.
سن ده كيتد كدن صوكره بوراده نه ايشم وار؟

قيزلر باغچهدە بر ايكى ساعت غيب اولدقن صوكره كورو
نديلر. مسافرلى حاضرلانىق ايجون ئولرئنه آيرئمشلردى.
بزمكىلرده مكتبه آقشامدن كىتمك ايجون البسه دكيشدير.
ديلر. چانطه لرئنى طوپلاديلر. اونلرى هر وقتكى كىي واپوره
قدر كچيردك. «آى تن» آرتق كله جك ييله قدر دونمه يه جكى قالا
ميشدن آيريلركن پك متاثر كورونيوردى.

— يوموق آنه. بوراده بزمده بر كوشكمز اولسه نه
اينى اولور، آيرز دكلى؟ دييوردى.

— انشالله ديدم. هله سن مكتبكى بىتيرده.

اونى ايلك دفعه صمىمى و متاثر كورئيوردم. تميز قلبى انسانلر
صمىمى فكرلرئنى افاده ايدركن بيله متاثر اوليورلر. بويله لرك
سه ومه سى پك مهلك در. چوق شكر كه قيزم انسانلرئك ظواهره عائد
مزيتلرئنه قارشى چوق تىتيز درسلىر المشدر.

اونلر تكرر مكتبه دونديلر و بز كوشكده كى اشيامزى حاضر
لادق. ايرتسى كون بزمده پك اينى برياز كچيرديكم كوشكدن آيريلدق.

*
**

تقسيم: * ۱۹۲

مادام «ئهلز» كيتدى. بوتون كونم آرتق آتيلهده كچيور.

موسم سرینله دیکی ایچون بو طرف خلقی ده داغیلدقلری
 یرلردن عودته باشلادیلر . اساساً هر ییل بویله در . اولاً
 چوجوقلری اولانلر، مکتبلر آچیلنجه صیفیه لری براقغه باشلارلر .
 اونلرک آچدیغی عودت یولی آطه لری، طرابیه یی، اوزاق یاقین
 صیفیه لری بوشالتیر . هنوز یکی ئورنکلر کله مشکن آتلیه یی
 زیارتلر باشلادی . بو طرفک کوزله چهره لری هر موسم بر آز
 دها کنجلمش اولارق صیفیه لردن دوزلر . قیشین طوپلادقلرینی
 یازین یورومکله، صیجاقده دانس ایتمکه غیب ایدنجه کندیلرینی
 عادتا خفیله مش ظن ایدیورلر . بو خفیلاک یالکز وجودلرنده
 قالسه حقیقه خوش اولاجق . فقط اونلر وجودجه بر آز
 اینجه لنجه حال و حرکتجده خفیلیورلر . کندیلرینه تقدیرکارانه
 باقانلرک :

— اینجه لمشسکز، دیمه لرینی ، کنجلمش سکز . شکلنده
 تلق ایدن خانملر پک چوق . فقط یازین صیجاقله ، دانسه ،
 یوزومکله غیب ایتدکلرینی قیشین همان بر ایکی آینده تلافی
 ایدیورلر . چای ماصه لری باشنده مهادیا یاغلی ، شکرلی خمور
 ایشلری یمک ، اوزون کیجه لرده ایلیق اوطله لرده اویومق، هله
 اوتوزینی کچیره ن قادینلری نه یاپماز . بزم نسلک قادینلغی اوطورمانی
 یورومکه ترجیح ایتمکه آلیشقین درلر . شیمدیکیلر کبی دکل .
 اسکیلرک کز مه سی بیله آرابه و اوطوموبیلله در . حتی بزم
 آتلیه نک دواملی مشتریلرندن بر خانم افندی واردی که بوتون
 کوننی اوطوموبیلده کچیریر ظن ایدرم . اونک اوطوموبیلی
 و اینچنده کندیبی کونده برقاچ کره بک اوغلنده کورونورلر .

طانیقدردن بری ادعا ایتدی که خانم افندی شیشلیده کی اون
یکرمی آدیم یاقینده کی قومشولرینه بیله او طوموبیلله کیدر مش.
بوکا امینم. چونکه کندسی ده، شو فوری ده آرتق یایان یورومیه جک
قدر سمیر مشلدردر .

آطه لردن دونلردن بعضیلرینک بو سنه آوروپایه کیتمک
ایسته دکلرینی خبر آلام. بزده کی کبارلق بر آزده ئوزه نمک
و کوره نک اوزرینه در. بروقتلر قیمتلی کورک موداسی واردی.
ئهرمین، مائی تیلکی، لوظر کبی اک ای جنسدری بیکلرجه
لیرایه تأمین ایدیلن بو کورکلر ئوزرینه بک اوغلی پیاسه سنده چوق
بو یوک ایشلر یاپیلدی. هر کس بر بردن بهالی و کوزه ل کورک صاحبی
اولمغه چالیشیوردی. بو هوس بوتون بر قیش بزم زنکین و مودای
تعقیب ایدن صنفی هیجاندن قیردی، کچیردی. نهایت هپسی
حاله کوره آرزوسنه نائل اولدی. اوندن ده اول طاقم پرلانطه
رقابتی واردی. قولیه، یوزوک و کوپه دن عبارت بر طاقمک
قیراطی اک آغیر اولاننه مالک اولمق ایچون نه زحمتلر چکیلدی،
نه اویقولره یازلیق اولدی. تمیز و یوکسک قیراطده پیرلانطه
بولمق اپی مشکلدی. فقط پارانک غلبه چالمادینی مشکل وارمی؟
بومهلک و مهیج مودا برنجی صنف کبارلر آراسنده بر ییل
قدر هیجان یاپدی. صوکره بوتون اوتنه کی قادین هوسلری کبی
بو آرزوده کندی کندینه سوندی .

ایکی سنه دنبری باشقه بر مودا وار: قیشک بر قاج آینی آوروپاده
کچیرمک! بوسیاحت آرزوسی صالغین بر حالده. فقط علی العاده
بر تووالت موداسی کبی بر قاج یوز لیرالق مسئله اولمادینی ایچون
آنحاق بر قاج معین چهره منحصر قالیور .

داها تقسيمه كچديكمزك هفته سنده اپي ديدى قودى قولانغه چاليندى . بزيازي قالاميشده تماميله آسوده و منزوى بر حالده كچيرديكمز اچون سه وىملى مشتريلىمزمك الكزياده طويلاندقلىرى اطهرده نهر اولوب بيتديكنى طبعى بيلمىوردق . شيمدى ديدى قوديلرى ده كنديلرى كچي خفيف ولطيف اولان بوشن ومسعود انسانلره عائد حوادثلرى دامله دامله طويليورز .

« نهلزا » كيتدى . برايكى هفته يه قدر يكي موده لركلكه باشلار . شويله تخمين ايتديكمه كوره بوسنه دوز رنكلره رغبت فضله . غارنيتورسز ، ساده توالترك بزده او قدر مراقيلسى يوقدر . اما هر حالده بر قاچ كيشى يا نجه ديكر لرى ده پيشندن كله جكلر . اولكى سنه « لامه » لر چوق كچوردى . بر چوق ياشلى باشلى خانملر « لامه » توالتر ياديلر . كچن سنده پوللى و بونجوقلى البسلر واردى . « موده ل » لرمزدن باشقه بوتون قوماشلريمزي بونجوقلى البسلر اچون كسدك .

« مودا » قدر حكمنى يوروتن بر قوت يوق ديه ادعا ايده بيليرم . اوچ سنه اول ايلك دفعه بونجوقلى و پوللى البسلر كورونمكه باشلادىغى زمان بر چوق خانملر سنيرلنديلر :

— اويله اونجوقلى ، بونجوقلى شى كيه مه يز . ديه ادعا ايتديلر . مودا صالحينلا شنجه او موده ل اوستنه برر ايكيشر طاقم ايصار لايانلر آراسنده كنديلرى ده واردى .

بوتون بو اكلنجه لى ، مراقلى صحنه لرى ، ديدى قوديلريله بزم آتليه باشلى باشنه بر عالم دره . بيم كچي حياتده يكانه تسليسى ، قيزينك يتشمه سنى و اونك مسعود تبسملرينى كورمك اولان

ھجرانلی بر آنه ایچون بو محیط، بوھوا ایستہ نیمہ جک قدر
دہ کیشیکلی واکنجه لی.

«آی تن» بو صالی تله فونہ ایتدی. یالکز کلہ جکی ایچون
بر آدم ایستہ دی. بر او طوموبیلله «سلیمان» آغایی کونردم.
«یلدیز» اذن آلاماش.

«آی تن» ائندہ قوجامان بر رسم چرچیوہ سیلہ کلدی. بر
هفته ایچندہ یاپمش. بر سبت چیلک.. کندیسنک دہ پک سهو.
دیکی چیلکلر او قدر بکزه مش که:

— بونی توزله دک، او یله یاپدک محقق، دیدم.

— واللہی او یله، آنہ دیہ بوینومہ صاریلدی. کچن سنہ
داھا امتحانلر دہ ایکن اونکله بر ایکی دفعہ «استیہ» توزرنده کی
چیلک تارالارینه کیتمشدک. کندی الیله طوپلامق ایچون او
قدر چیرپندی که نہایت طوپراقلرک، توزلرک ایچنہ صالویرمکه
مجبور اولدم.

— آرتق صولو بو یا یاپہ جغم آنہ، دیدی. بو هفته صولو
بو یا طاقی آلمق ایچون چیقدم. بملہ برابر کلیر میسک یوموق آنہ!
برشی ایستہ دیکی زمان او یله سهویملی، او یله ایچلی اولور که
اک کوجہ نیک دوشمانی بیله اولسون دیدیکنی یایمق ایچون چیرپنیر.
آقشامہ دوغرو برابر تونلہ دوغرو ایندک. اونک بو یله
صنعتہ، سپوره، ای شیلرہ عائد هوسلری بنی او یله نمون
ایدیور که آرزولرینی یایمق ایچون اوندن فضلہ هیجان دویو.
یورم. کوزہل بر صولو بو یا طاقی آلدق. صوکرہ، زسم دفتر
لری، مودہ لار، قارتونلر، احتیاط فیرچہ لر، بو یا کاسہ لری، عاداتا

کوچوک بر رسم آتلیه سنی دولدوراجق اوفاق تفک شیلر. بوتون بونلره برده دمیر آیاقلی «شواله» علاوه اولونجه اوطومو - بیلده بزه یر قالمادی. فقط «آی تن» او قدر ممنوندی که بنمله آپارتمان قدر یورومک ایستیوردی. اوطوموبیلی نهوه کوندرک، بز جامکانلری سیر ایده ایده عودته باشلادق.

بک اوغلنده بعض مغازه جامکانلری واردر که اونلری سیر ایتمک انسانک ذوقنی تربیه ایدر. بونلر اوروپانک یوکسهلمش، اینجهلمش صنعتک نمونهلری در.. مثلا بللور برسیغاره طابلاسی.. او قدر کوزل کسيلمش، اويله ظریف بر شکل ویریش که اوزرنده کوزلرک توقضی منع ایتمک امکانسز.

ایچنده قابایوک، قوللی دیوه نلر، تهنیس را که تلی. کنار لری مشینلی طیاره کوزلکلری، دیز چورابلی کبی سپوره عاند اشیا بولونان بویوجک بر جامکانک اوکنده «آی تن» دوردی.

— هیچ باقه «را که ت» ک وار، داهانه ایستیورسک؟
پارماغیله قالین، قورشونی قوللی دیوه نلری کوستردی:
— بونلر، اوطوموبیل قوللانان قادینلر ایچون اولاجق دکللی آتیه؟

— ظن ایدرم، دیدم. یوقسه اوکاده نیتک وارمی؟
کولدی. کوزلرینی اونلردن آیرمه دن جواب ویردی:
— وار آما مکتبه کیدرکن اولماز که آتیه دیدی. کله جک یازه.. اوزمان بکا کوچوک بر اوطوموبیل آلیرسک دکللی یوموق آتیه، هانی برانکلیرک وار. لاجورد کوچوک، ایکی کشیک..

— فنا دكل ، ديدم ، برده شو فورلك او كره نيرسهك بزى
آرتق سن كزديررسك .

او هر حالده بر او طوموبيل اداره ايمه سنى عقلنه قوميش
اولاجاق . تقدير ايتديكم بر طبيعتى وارسه ، هوس ايتديكى
شيرلك زماننى تعين ايديور . مكته كيدر كن بو آرزوسنى
ياپامايه جغنى بيلور . هر هانكى شماريق و آرزولرنده عنادجى
برقيز اولسه بونى خاطرندن بيله كچيرمز . مادام كه ايسته دكلرئنى
دائما خوش كوره نلر وار .

بم او قدر شى آلمه قارشيلق اوده بكا طوقا تلياندن بر قوطو
ليكورلى « فوندان » لردن آلدى . كچ وقت نه وه كلك . بويوك
بر هوسله رسم طاقلرئنى يرلشديردى . او طه سنك آيدينلق
بر كوشه سنه « شوواله » يى او طور تدى . رسمه و سپوره
قارشى شايان حيرت بر استعدادى وار . ايشلرئنى بيتيرد كدن
صو كره يانمه كلدى :

— يوموق آنه ، سنك بر « پورتره » كى يامق ايستيورم
اما دوغروسى او قدر جسارتم يوق . بوقيش ، بر آرزو چاليشايم ده
يازه ياپارم اولمازمى ! بورسم ايشى بيلمزسك ، اويله عنادجى
برشى كه .. اينجه اينجه دقت ، اوصانمه دن بيقمه دن اوغراشتمق
ايستيور . اما موفق اولونجه ده اويله ذوق ويريور كه !

ايلك رسم درسلرئنى انكليز مربيه سندن آلمشدى . ميس ،
اونفكه باغچه ده ، دكيز كنارنده كزر كن يانلرنده كتابليله برابر
دائما رسم طاقلرئنى ده برابر بولونوردى . موده ل اولارق انتخاب
ايتدكلرى طبيعت پارچه لرى اوزرنده چاليشتمق « آى تن » ك

کوروشلرینی چوق قوتلندیرمشدی. آمریقالیلر توکلی مکتبلرینی داغ تپه لرندە یاپمازلر. چوجوقلرک درس ساعتلرینک همان یاریسی آچیق هواده کچر. بو طرزده یتشمه نك بنيه اوزرنده اولدیغی قدر اخلاق و تلقی اوزرنده ده تأثیری اولیور.

بوکیجه یالکزذوق. مسافرلریمز کله دی. اکثر آقشاملر آبلام تله فونه ایدر. یاخود آپارتمان قومشولر مزدن اسکی احبابلر کلیرلردی. آنا قیز بوکیجه بی کچ وقته قدر اونک او طه سنده کچیردک. اونکله بویله یالکز قالدیغمز زمانلر آنا قیزدن زیاده ایکی آرقداش کبی قونوشورز. اونکله هر فکری بر آرقداش کبی سربستجه مناقشه ایتمکدن او قدر ذوق آلیورم که! بویله آرالرنده درین بر دوستلق اولان ایکی مکتب آرقاداشی کبی قونوشورکن اونک قلبه، تحسسلرینه، خصوصیتلرینه عائد اک اینجه نقطه لری آکلیورم. آرامزده او قدر ایچلی برصمیمت وار که «آی تن» اک محرم آرزولرینی بیله حیاتنده ایلک دفعه بکا ایضاح ایده جک قدر بو دوستلغه آلیشقین در.

حیاتده بر چوق آجی، هجران و اضطراب کوردکن صوکره یالکز قیزینک صحتندن، تبسملرندن و سعادت امیدلرندن ذوق آلان بر آنه ایچون بویله یالکز کیجه لرده اونک او طه سنده اونک هواسنده، اونک اون آلتی یاشنده کنج قیزلره مخصوص خفیف و تمیز فکرلرینی دیکلیهرک کچن ساعتلرک نه بولونماز برطادی و قیمتی واردر.

بکا قالسه اونک درس لرینه، معلم لرینه، آرقاداشلرینه دائر کلیشی کوزل هیچ برقید آلتنده اولمه دن بیلدیکی، دوشوندیکی

کچی پارچه پارچه ، بریسندن اوتہ کنہ آتلا یہ راق مکتب حیاتی
آکلاتیشنی بلکہ صباحہ قدر دیکلیہ جکدم . فقط یاواش یاواش
کوز قاپاقرینک ایندیکنی ، سسنگ آزالدیغنی ، یشیل وقورشونی
رنکلرک قایناشدیغنی ایری کوز بکلرینک بولوطلانیدیغنی کورونجه
اونک صحتی ایچون کندی ذوقی بر اقدم . اللرندن طوتوب
کوکسمہ چکەرک برچوق ، برچوق ئو پدم :

— هایدی «آی تن» آرتقیات ، یارین ایرکن مکتبه کیده جکسک .

سسنی چیقارمادن قالقدی ، صویوندی . چورابلرینی
چیقاردی . قیصہ کیجه لکی ، قویوقومرال ، کسک صاچلری ،
وقوتلی ، قصورسز ، اوزون باجاقلری کنج قیزلق چاغنگ اک
تازہ موسمنده اولدیغنی آکلاتیوردی . یووارلاق یوزونده ،
قالین و قیصہ قومرال قاشلرینک آلتندہ آقشاملری افقرده
بیریکن خزمہلی ، مور و قورشونی بولوطلرہ بکزہین ایری
کوز بکلریلہ اونی هر وقتکندن چوق کوزل ، چوق سه ویملی
بولدم . ئورتولرینی چکوب بردفعہ داها آلتدن اوپرکن اونی
مسعود کورمک ، اونک یوزندن آجی چکمه مک ایچون هجرانلی
برآنا قلیله اللہہ یالواردم . . .

... ایلك پارتی موده لدر کلدی . اونلرک قوطولرندن
چیقاریلوب مانکن لرہ پرووا ایدیلہ سی مهم بر ایشدی . فقط
موسمک بو یکی چشیدلرینی کوزدن کچیرنجه «ألز» نك ذوقنی
بردفعہ داها تقدیر ایتدم . «پارس» دن کوندردیکی بر مکتوبده
هفته صوکنده بویوک برپارتی «مودهل» له کله جکنی یازیوردی .

هر سنه دائمی مشتریلریمز ایچون آچدیغیمز سرکی یی اونک
 عودتیه تأخیر ایتدم . آتلیه نك موفق اولماسی ایچون بوتون
 موده لارك کله سی لازمدی . مع مافییه بعض احبابلر هنوز قاریشیق
 بر حالده بولونان مانطولری ، قاپلری ، کیمونولری کورمک
 ایچون اصرار ایدیورلردی . آلدن کوستردیکمز بر قاج پارچه
 شی بیله شیشلی سالونلرنده اوزون و مراقلی بر دیدی قودی
 یاپدی .

نهایت تشرین اولک اون برنجی کونی ایچون بر چای
 ترتیب ایتدم . بو ، بر بازارتسی کونی ایدی . «ئلیزا» نك پارسدن
 کتیردیکی نمونه لر پك کوزهل شیرلردی . اساساً پارسک اک بویوک
 مؤسسهلرندن سچیلوب کتیریلش بو بر بردن کوزهل موده لار
 آراسنده ایکنجی بر انتخابده بز یاپدق . دعوت کونی ترزیخا-
 نه نك اوچ بویوک تشیر سالونی حقیقه بر کوزهلک و صنعت
 سرکیسی حالنه گلشدی . اوکله دن صوکره بویوک ، شیق اوطو-
 موبیللر قاپیده بریکمکه باشلادی . او کون چای ویرمک ایچون
 کتیردیکمز قیزلردن باشقه بعض ایشلریمزی ئولرده یاپان قیز-
 لری ده کتیردک . بونلرک وجودجه ، چهره جه کوزهل اولانلرندن
 بشنه یکی موده لارندن آک نفیسلرینی کیدیردک . برینه کووه ز
 قدیفه ، ایچی بیاض ایپکلی یاقلری و اتکلری تیلکی کورکی
 چوریلش چوق شیق بر قاپ ، اوته کیلره بو سنه نك اک صالغین
 رنک مودامی اولان نفی مانطولردن ایکسینی ، وجودجه کوزهل
 اولانلرده سوواره تووالترندن بیاض اپک موسلین ئوستنه
 سیاه تولدن کلبک قانادلری ایشلمش بر البسه یی هوئی مائی

زمین ئوستنه قورشونی غارنیتورلر ایشله نوب بولوط منظره سی
 ویریش چوق کوزهل بر تووالتی کیدی رک. « پرووا » ایچون
 بویوک قدیفه پرده لرله آریلان قسمده بو قیزلر بکیورلردی .
 دعوتیلر مانکه نلرده کی، ویتیرن لرده کی البسه لری اوزون اوزون
 تقدیر ایتدی لر. استانبولک اک کوزهل که یینن عائله لری، معروف
 چهره لری بکندک لری بر چوق موده لر ایچون اسملرینی قید
 ایتدی ریلر. ساعت آلتی یه دوغرو بوتون سالونلر بر دوکون
 نهوی کبی دولمشدی. اک شیق ، اک کوزهل اک کبار عائله لری
 صنعت و کوزهلک دولو سالونلریمه طولایه بیلدی کم ایچون
 جدی بر غرور دویویوردم. قیزلری کویسترمک ایچون وقتک
 کلدی کنی « نه لیزا » یه اشارت ایتدم. او، یان سالونلرده دولاشانلری ده
 دعوت ایتدی. ترتیباتی کوزهل یاممشدق. هر کس بویوک سالونه
 طولانلرینی زمان الکتریقلری سوندوردک، بویوک قدیفه پرده
 آچیلدی. یوقاریدن و یانلردن ویریلن الکتریک ضیالری ایچنده
 ایلك دفعه کووه ز قاپلی قیز کوروندی . شدتلی بر آلتیش
 سالونی دولدوردی . قیز اولدینی یرده آغیر آغیر بر قاچ کره
 دوندی ، یورودی، « قاپ » ک بوتون کوزهلکنی ، الکتریک
 ایشیقلری آلتنده بر یاقوت پارچه سی کبی کویستردی . صوکره
 اوته کیلر، مانطولر و نهایت تووالتلر کوروندی . شیشیلنک همان
 اک کوزهل قادی نلرندن بری دیسه بیله حکم قدرالنسا خانم
 بیاض اوزرینه سیاه تولدن کله بک قانادلری ایشلمش تووالتی
 کورونجه الیمی طوتوب چکدی .

— بونی هیچ ئورنک آلمادن بکا آیراجسکنز چوق رجا

ایدرم، دیدی. بو تووالت حقیقت اوکاده یاقیشاجاق بر شیدی. — های های. دیدم. اساساً سزه مناسب برشی. حتی

هیچ بر دیکشه بيله لزوم یوق ظن ایدرم.

تبریکلر، تقدیرلر، سپارشلر کچ وقت قدر دوام ایتدی. موفق اولمشدق. «نهلیزا» بی ده بن تبریک ایتدم. مقاوله سی موجنبجه حقنی آمله برابر بکا بوتون موفقیتلری تأمین ایدن بو دکرلی و ذوق صاحبی قادینه تشکره بورجلو ایدم. کیجه، سپارش دفترینی تدقیق ایتدیکمز زمان کتیرتدیکمز موده لردن یاریسندن فضله سنک اشارتلمش اولدیغنی کوردک. بونلر آرتق بازارلسز صاتیلیمش دیمکدی. چونکه قید ایدیلن اسملر شیمدی یه قدر هیچ بر فاطوره مزه اعتراض ایتمه مش زنکین عائله لردی. آرتق بئم ایچون موسمک ئوزونتو و دوشونجه کونلری نهایت بولمشدی.

«نهلیزا» نک کتیردیکی اوزون حساب پوصله لرینی، کومروک معامله لرینی، سیغورطه و بانقه حسابلرینی، فرائق، انکلیر لیراسی فرقلرینی تدقیق ایتمک ظن ایدلایکندن چوق یوروجی و اوصاندریحی.. قیزم اولمازدن اول بو قدر بویوک ایشلره کیره. جکمی، اجنبی پارالریله، کومروک، ویرکی ایشلریله مشغول اولاجغمی خاطریمه بيله کتیرمزدم. ایلك ایشلریمز بزه کتیریلن قوماشلری یچدیروب دیکدیرمکدن عبارتدی. شیمدی اون آلتی سنه لك متمادی بر نه مکله آتلیه نک عمومی قیمتی آلتش، یتش بیک لیرایه قدر یوکسلی. یالکز قوماشلرک، کورکلرک، ایپکلرک و دیگر سوس اشیا سنک قیمتی اللی بیک لیرادن فضله...

بو موفقیتی بن «آی تن» ك طالغنه ویریورم. بنم حیاتمده ئوزونتو
واضطراب چكمه دن یاشامق مقدر اولسهیدی بوتون كوكله
صارلدیغ انسانلر بنی سیلكوب آتمازدی .

«آی تن» دوغدیغی كوندنبری بكاده اوغور كتیردی .
هر كسك قولای قولای جسارت ایده میه جگی بو مهم ایشه
قورقه دن درین برتوكل و اعتماد ایله پارامی قویمق جسارتنی ینه
«آی تن» ك تقدیس ایتدیكم طالغندن آلام. و قیزیمك اوغوری،
اونك و بنم حیاتمزی آرزو ایتدیكمدن چوق یوكسك شرائط
ایچنده تأمین ایتدی . اونك ایچون «آی تن» ك مسعود
اولماسنی شفقتلی بر آنه آرزوسندن زیاده ، اون آلتی
سنه در دایما كولن مقدراتك قدرتنه كووه نه رك تمنی اییدیورم.
کیم بیلیر ، سعادت بیلمز و آکلاشیلماز سبیلرله راست کله
داغیتان او اسرار انکیز قدر و قسمت ، بلکه ده آنه سنك قانه
قانه چکدیگی اضطرابی ، هجرانلری قیزی ایچون ده کافی کور -
مشدر. فقط حیاتده مشترک آجیلر بزه مقدرسه بن چوق چله
چکمش قبله قیزیمك حصه سنه ده تحمل ایدرم . . .

مکتب مدیره سیله دوستلغمز وار. اونك ایچون همان هر
آقشام تله فونله «آی تن» نك خبرینی آلیورم. بعضاً کندیسيله ده
کوروشیورم . چاپقین قیزی هر وقت بولوب تله فونه کتیرمك
ممکن دکل که! درس ساعتلرندن باشقه زمانلرده بولونماسی مشکل.
رسمخانه، موسیقی سالونی، جیمناستیکخانه اک چوق دولای -
شدیغی یرلر. «ییلدیز» له بر صنفده اولدقلری حالده درس
آرالرنده بر برلرینی غیب ایدرلرمش . «آی تن» چالیشقان بر

قیز دکل. هله جبر، هندسه کی خوشلانمادینی درسله قارشی زورا کی برچالشمه سی وار. یالکز او یانیق و ایشلاک بر ذکاسی وار. قاورا یشلی.. چوق زحمت چکمه دن کندینی قورتاراجاق نومرویی آلیور. بوکا مقابل ذوق آلدینی درسلا ایچونده رقیسز. بلکه ده آنه لک سهو کیسی؛ بکا او یله کلیور که اونده کی ذوق و صمیمیت اوکا موفقیتدن یوکسک بر درجه و موقع قازاندیراجاق .

پرشنه آقشامی ایچون آبلامی ، «سهوکی» بی نشانلیسنی یمکه دعوت ایتدم . «آی تن» ی قالا بالیق بر عائله صوفره سنه آلیشدرمای، اونکه یالکز باشنه یمک یمکه ترجیح ایدیورم. او قناعته یم : تمیز ، صیمی بر عائله صوفره سی کنج قیزلرک تلقلیرینی، اعتیادلرینی، کورکو و تحسسلرینی داها درست و داها ایجه بر حاله کتیرر .

انشتهم حالا ازمیرده . اونک ایچون آبلامده یالکزلقدن پک صیقیلیور. چونکه انشتهمک نهوده بولونوشی بوتون حیاتلرینی ده کیشدریور . آبلام داها زیاده اولادلریله مشغول اولمانی سهوهر. فقط انشتهمک نهوه کلیشی عادتا اونلرده تازه حیات و اکلنجه کتیرر. او کلنجه نهوده ، صوفره لرنده هر آقشام محقق بر قاچ مسافر بولونور. انشتهم عمرنده بلکه ده بر کون یالکز و ایچکیسز یمک یمه مشدر . حیاتی هپ بویله نشئه لی ، غمسنز کچیردیکی ایچونده آبلامدن داها دینچ و داها کنج قالمشدر. پرشنه کونی هپسی ایرکن کلدیله . بن هنوز آتلیه ده ایکن آبلامله سهوکی ، «ییلدیز» له «آی تن» طوپلانمشلر . اک

نهایت «سه وکی» نك نشانلیسی ده کلدی . بوتون یاز قالا میشك
کنیش باغچه سنه آلیشان قیزلر آپارتمانك اوطه لرندن صیقیلدیله .
قوشوب اکنمه دکلری ایچون ایشی که وه زه لکه دو کدیله .
«آی تن» متهادیا دونوب دولاشیور ، بریده دوروب
اوطورامیوردی . اوکا ك زیاده آلیشان «ییلدیز» ده پیشنده .
زاواللی قیز ، اوته کی اودادن اودایه کیروب چیقدجه بکا درد
دو کیوردی :

— واللہی تیزه (آی تن) مکتبده ده بویله . پایدوس زیلی
چالیمی بولابیلیرسه ك عشق اولسون .
او نهایت یایی بر حاصیر قولتوغه اوطوروب صاللانارق
کندینی مدافعه ایتدی :

— بیلمزسك یوموق آنه . اوطورمقدن او یله ایچیم
صیقیلیورکه ، هم بر ساعت صنفده اوطورونجه قانبور اولدم
ظن ایدیورم .

فقط «ییلدیز» ك شکایتلری بیتمه دی :

— کچن صباح «آی تن» مکتبده نه یاپدی بیلورمیسك
تیزه ؛ «آی تن» ك کوزلرینی آچوب اوکا باقاسندن ایشی آکلادم .
هیچ بر قباحتنی بدن کیزله مه ین قیزم «ییلدیز» دن اول آکلادتدی :
— هر وقت یاپدیغمز شی یوموق آنه دیدی ، «ییلدیز» ك
جانی یاندی ده حالا اونو تاماش . کچن بازار صباحی کچ قالمشوق .
هر کس آشایه اینش . ایکنجی زیل چالدیغی زمان کوزلریمی
آچدم . بزم صنفدن «مونسه» ده بزم کبی او یویه قالمش . همان
کوکسلکلری کچیروب فیرلادق . فقط ییقانغی ، قورولانغی

اوزون سوردی. او کوزل چایی قاچیرمشدق. مونسه «ییلدیز» ک
 کوزنده چیقولاته کوردیکنی سویلهدی. طبیعی همان بولوب
 یدک. دها باشقه شی وارمی دیه رافلری قاریشدرکن الیمزه
 برقوطو کچدی. برده نه کورهیم. «شیطان توزی» دکلی؛
 کافر بلکهده هیمزک اویقوده ایکن اللریمزه، قوللریمزه نه که جک،
 بزى قاشیندیروب کوله جکدی. اوندن اول بز یا پام، دیدک.
 پا کتی ایکی یه تقسیم ایدوب درس خانه یه ایندک. طبیعی اول
 «ییلدیز» دن باشلامق لازمدی. بندن شبه له نیر دیه صوقولمادم،
 «مونسه» بر آز کاغذک توزرینه قویوب یا واشجه ا کسه سنه
 توفلهدی. آرتق منظره یی دوشونک. بش دقیقه ایچنده قوجه
 صنفک یاریسی قاشینیوردی. بوقباحتمی؟ بز یا پاماسه یدق اویا په جقدی.
 اوقدر طبیعی سویلیوردی که آ کلاتدیغی شی بر فالق دکل،
 عادتا ضرر سز، خوش بر حکایه ایدی. وقعه نک توزریمزده کی
 تأثیرینی بیله دوشونم دن مهم برشی خاطرینه کلش کبی دوغرو لیدی.
 — اصل اویون اولکی هفته اولدی. «مونسه» آقصیربق
 توزلرندن بر پاکت آلمش. کیجه دن خبر ویردی. آمان صاقلا
 «طباخت» درسند لازم اولور دیدم. یکی بر فرانسز معلمه کلدی
 چاچارون برشی. فقط قادین اویله نفیس پاسته لر یا پیور که طوقا تلان
 یاننده خلط ایتسین. قادینک الی معرفتلی آما دیلی چکیلیر شی
 دکل. آقسام درسند یه چکه سی بوشاندی. قره مالی پاسته
 تعریف ایدیور، بر طرفندن ده یاغلی، اونلری بر برینه قاتاراق
 هوا غازی اوجاغنده پیشیریوردی.

«مونسه» توزی هوا یه سرپمک ایچون قیورانیوردی.

— عجله ایتمه، دییه اشارت ایتدم پاسته لر اولدی. هر کس ذاتاً قوقوسنه بایلمشدی. قادینجغزك عادتی در. معرفتی بکندیرمک ایچون برر لوقه طاتدیرمق ایستر. اوتام بوکا حاضر لانیکن «مونسه» بی دورتدم. هر کس پاسته لرله مشغولکن توزی هوایه سرپدی. بز همان ساچ تپسیلرک یانه صوقولدق. ممکن مرتبه صیق نفس آلامغه چالشیوردق، بر دقیقه کچمه دی، آقصریق لر باشلادی. بن برآزده تر جانلغنی یاپدیغم ایچون:

— آمان مادام دیدم، پاسته لره میقروب کله جک. بونلری قالدیرالم. و اوده آقصریمغه باشلامشدی که تپسیلرک برینی بن، برینی «مونسه» قاپینجه کندیمزی دیشاری آتدق. بز مردیوه نلردن یوقاری چیقارکن آشاغیده قیامت قویوردی.

رسمخانه نك قاپیسنی ئورتدك. اوکمزه سهپالری چكدك. تام اوکوزه لم تازه، تازه پاسته لری عافیتله بیرکن قاپی آچیلوب مدیره ایچری کیرمه سینمی. اویله عقللی قادین که پاسته لرک قوقوسندن ایچریده اولدیغیزی آکلادی. اطرافی قوقلایه قوقلایه کلدی. بزى سهپالرك آرقه سنده بولدی. فقط اودها بزى کورمه دن تپسیلرک اوستنه برر بویوک رسم کاغدی ئورتمشك. ساده «مونسه» هنوز آغزنده کنی بیتیرمه مشدی. مدیره:

— بو ساعتده بوراده ایشکز نه؟ دییه صورونجه زواللی یوتقونامادی. همان بن آتیلدم:

— رسم معلمی بوش وقتکزده داغیلان موده للری طو- پلایوب یرلی یرینه قویک، دیدی ده اونلرله اوغراشیورزم مدیره خانم، باقسه کزآ، رسمخانه نه حالده؟

— پکی آشاغیده ، طباحت درسنده کی ماسقارالنی کیم
یابدی؟ «مونسه» آغزنده کنی یوته بیلمش و راحتلامشدی .
ایکیمز بردن حیرت ایدر کبی بر وضعیت آلدق .

— بز طباحت درسنده بر آاز بولوندق مدیره خانم ،
دیدم . بز اوراده ایکن برشی اولمادی .

بر کره یالانه باشلامشدق . صوکنه قدر دوام ایتمک لازمدی .
مدیره ایثی آکلادیمی ، آکلادیمی بیلیم . آغیر ، نازک داو -
راندی . حالزدن ، طوریمزدن برشی آکلایه چالیشهرق
ایکیمزی دقتله سوزدی : صوکره :

بو یوله وقتلی وققسز اوته ده بریده دولاشمایک ، زده ایسه
درس زیلی چالاجاق ، درسخانه کزه کیدک ، دیدی .

سوینجمدن آزقالسین قادینک بویننه آتیلوب ئوپه جکدم .
بزاورالری طوپلار کبی قارتونلری ، موده للری بر بردن آلوب
اوتیه قویارکن آغیر آغیر چکیلدی . چیقدی .

داها اوچ درت پاسته قالمشدی .

— بونلری کاغده صاروب صاقلایه لم دیدم .

تپسیلری آیری ، پاسته لری آیری پاکت یاپدق . پاسته لری
موده دل دولابنه قویدق . بن قوریدوری کوزدن کچیردم . کیمسه لر
یوقدی . مونسه کاغدره صاریلی تپسیلری آشاغییه ایندیروب
براقدی . او آقشام طبعی یمکه اینه دک . او قدر پاسته دن صوکره
ساده صویه پلاوینیرمی؟ فقط ایکیمزک بردن یمکه اینه یشمزه
هر کس دقت ایده جکدی . « مونسه » یه :

— خسته اولام ، دیدم ، هم آقشام مطالعه سنه ده کیرمه مش

اولورز . مکتبک اختیار دوقتوری اویله شکر آدام درکه ،
قیزلره هپ اولاد کبی باقار . بو آقشام یوقدی . خسته باقیچی یه :
— مدهش باشم آغرییور ، دیدم ، چاتلایاجاق کبی .

یوفقه یوره کلی ، مرحمتلی برقادین :

— واه اولادم واه دیدی . همان آسپیرین پاکتنی آچدی .
ذاتاً مکتبده اک مهم علاجلر بونلر .. ته نوردی بود ، فیناستین ،
آسپیرین ، غرغره ایچون شیشه شیشه « بوراقس » ئوست
طرفی اخلامور ، نانه روحی ...

« مونسه » نك ادعا ایتدیکی بل آغریسنده ایکی « آسپیرین »
ویرد کدن سوکره اوچ ساعت استراحت آلدق .

« آی تن » ك چکهمی آچیلمشدی . براقسهق بوتون
یارامازلقلری صایوب دوکه جک ..

— قباحترلیکی آکلامق خوشکه کیدیورغالبا ، دیدم ،
داها باشقه ماسقارالق وارسه اونلری ده یمکدن سوکره یه صاقلا ..
باق هپمز آچیدق .

یانده کی اوطه یه کچدک . بو سفر « ییلدیز » باشلامشدی .
همان بر ایکی ساعت ایچنده مکتبده درس ساعتلرندن سوکره
ناصل وقت کچیردکلرینی او کړندک ، ایکیسی ده بر برلرینک یارامازلغنی
خاطرلامق ایچون یاریش ایدیورلردی . نهایت « ییلدیز » مهم
برایپ اوجی یاقلامش کبی آتیلدی :

— آمان تیزه ، باق دیکله . سنک « آی تن » کچن کون
مطالعه ده نه یابدی بیلورمیسک ، برخیمیل کلثوم وار . مسکین ،
یرندن قیلدماز ، اویوشوق برشی . چوجوقلر هر وقتکی کبی

اوبى قىزدىرىيور ، اُكلنيورلردى . نهايت كلثوم دايانامادى .
مديره يه شكاييت ايده جكم . ديه يردن فيرلادى . برقاچىز اوكنه
كچدك . تام بو صيره ده « آى تن » قيزك آرقه سنه شكر كولاهى
كبي بوكولى قوجه برغزته يي ايكنه له مزى ؛ بزكلثومه ، وازكچ ،
كىتمه آجانم ديركن اوقيزك يوزونى كوزونى اوقشايه راق :

— كيت قارده شم كيت ، ديه قيشقيرتدى . بونلرك ائلدن
باشقه تورلو قورته لامازسك ، شكاييت ايت كه جزا كورسونلر .
زوالمى كلثوم بوتوشويقله اللريمزدن فيرلادى . آرقه سندن
قوجه غزته يي قويروق كبي صاللايه رق مديره نك اوطه سنه قدر
كىتدى . بوتون صنف كولمكدن قيريليوردى . فقط « كلثوم » ك
كليشى داها عمر اولدى . مديره طبيعى آرقه سنده كى قويروغى
كوروب چيقارمش ، فقط صيرته قويروق طاقديراجاق قدر
سرسم اولديغى اثبات ايدن كلثومك شكايته ده قولاق آصامش
اولاجاق كه كلثوم صنفه برقارشى صوراتله دوندى . شيمدى
حاريل حاريل غزته يي ايليشديره نى آرييوردى . « آى تن » ايشى
حس ايدنجه اوبى يانه چاغيردى :

— كل قارده شم كل ، نيم يانمده اوطورده سكا برشى ياپماسينلر .
باقه سن اويارامازلره !..

زوالمى قيز ايناندى . « آى تن » اوكا بيك دره دن صو
كتيردى . چيقولاته ويردى . رسم ياپدى ، حرصنى آلدى .
يمك ، هپ ايكي قيزك مكتب حكايه لريله كچدى . اونلر
آكلاتيركن ، دقت ايدىيوردم ، « سه وكى » نك كوزلرى پارلييوردى .
تحصيلنى ايكي ييل اول بىتيرد كدن باشقه اوچ آى درده نشانلى اولان

بوقیزده حالامکتب حیاته، کنج قیز اکلنجه لرینه قارشى شدتلى برتمایل وار . اوته کيلرك كوده زه لکلرینه نهایت ویرمک ایچون اوکا صوردم :

— « سهوکی » ، یالکز قالدک ديه سن ده « ته نیس » ی براقدک غالباً . زواللی قیز بویله برسؤال بکلیورمش کبی ایچنی چکدی :

— صورمه تیزه ، آپارتمان کلدک کله لی بن ده بونلرک خیمیل کلثومنه بکزه دم . اویوندن واز کچدم ، شوپله اوزونجه بریول بیله یورودیکم یوق ! « آی تن » کینه سسی چیقدی :

— جابی سوقاغنده کوزهل برته نیس قورتی وار . نهوده ایشک نه ، صباحلری قالقنجه آل را که تنی ، کیت !

همیز « فرید کامی » بکک یوزونه باقدق . نشانلیسنک یا بکز باشنه برچوق کنج ار ککلرک ده دوام ایتدیکی بریره کیتمه سنی هر حالده خوش بولمايه جقدی . دوشوندی کمز کبی ده اولدی . میشلکدن آلدیغی برقاوون دیلمنی طاباغنه قویاراق « آی تن » ه دوندی :

— قنافکر دکل « آی تن » خانم . فقط کنج قیزلر ایچون بویله عمومی اکلنجه یرلری پک موافق دکل در ظن ایدرم .

« فرید کامی » نک بوفکرینی تیزه درحال تصدیق ایتدی :

— دوزخوسنی ایسترسه ک بدن ده اویله ! آش ، دوست آراسنده اکلنجه بی ، وقت کچیرمه بی آکلارم آما ، اویله هر کسک کیره بیله جکی عمومی بریرده اکلنمه یه عقلم ایرمز .

بن ایکیسی اورته سی بر فکر دوشونبوردم . فقط « آی تن » وقت براقادی . مهم بر مناقشه یه حاضر لانیر کبی حاولوسیله آغزینی سیلدی . کری یه چکیلدی :

— داريله اما تيزه ، نيم عقلمده بويله انسانلردن قاجه يه
ايرمز. بربريمزدن چكينه جك ، قورقاجاق اولدقدن صوكره
كيمسه ايله كوروشمه ملي . اويله ظن ايدييورم كه « تهنيس »
قورتنه اوجوارك اك تميز كنجلري كليور . « سهوكي » اوراده
تهنيس اوينايان ينه كندي كبي عائله چوجوقلرينه قاريشماياجاق
قدر زواللي مي ؟

« سهوكي » برآزده عزت نفسني اوقشايان بوجوابدن ممنون
قلمش كييدي . نشانليسنك اوزرنده ياپه جنجى تاثيرى ده دوشونمه دن
لاقيردى يه قاريشدى :

— براوو « آي تن » ، سانكه هپ كوروشدكلريمز كو كدن
بزم ايچون خصوصى اينديريلن انسانلر مش كبي . شوراده
بوراده برچوق كيمسه لرله احباب اوليورز ، شونك بونك واسطه سيله
هر كسله طائيشيورزده « تهنيس » قورتنده تصادف ايده جكمز
انسانلرله طائيشمقدن چكينيورز . دنياده بوندن بويوك معنا -
سزلق اولورمي ؟

« آي تن » طرفدار بولونجه قونفرانسى اوزاتدى . نهايت
« فريد كامى » بلكده اونلرله برابر اولديغنى حيرتله كوردم .
صوفرادن قالفاركن كوله كوله :

— اورايه دوام ايدن بر ايكي احبام وار . كوروشه يمده
بركون برابر كيدرز . اولمازمي ، دييوردي .
« آي تن » :

— كله جك جمعه يه ، ديدي . برابر . چونكه مكتبده « تهنيس »
يرى يوق . « ووله ي بول » اوينامقدن ده آرتق اوصانج كلدي .

يمكدن صوكره كچ وقته قدر قونوشدق . هرشیدن بحث
 ایتدیلر . « آی تن » ، فریدکامی بکدن غزته جیلکه دایر بر چوق
 شیلر صورتی . غزته نك ناصل باصیلدیغنی ، محررلرک یازیلری
 ناصل طوپلانیدیغنی ، حوادثلرک ناصل ترتیب ایدیلدیکنی اوزون
 اوزادییه آکلانان « فریدکامی » بک نهایت بر جمعه آقشامی
 هپمزی مطبعه یی کز مکه دعوت ایتدی . بر آزده « سهوکی » نك
 کمانیله « آی تن » نك پیانوسنی دیکله دک . کچ وقت قالقدیلر .
 آناقیز ، یالکز قالدیغمز زمان بکا بو کیجه یا ککش بر حر کتده
 بولونوب بولونمادیغنی صورتی .

— هیچ بر شی یوق آی تن ، دیدم ، هر کس فکرنی
 سویله مکده سربست در . یالکز باشقه سنه طأد حقلره حرمت
 اتملی . هله عزت نفسه دو قونان بخلر ، بک تهلکه لی در .
 آکلورسک دکلی ؟

اونکله یاریم ساعت قادار قونوشدق . صوکره بوتون
 وار لقیله ، حساریله بنم اولان بو آلتون قلبی قومرال باشلی
 یاورومی یاتاغنه یاتیردم . صاچلرندن ، آلتندن ئو پدم ...

... قیش کچور . ترزیخانه نك چای سالونی هر آقشام
 دولوب بوشالیور . ایشلر امیدک فوقنده بر موفقیته کیدیور .
 « آی تن » خصوصی امتحانلرده اپی نوظلر قازاندی ، هرایکی
 جهتدن او قدر ممنونم که ! رسمده کیتدکجه موفق اولیور .
 اوکا پیانو درس لرینی کندم ویرم شدم . فقط شیمدی بر آزده
 آافرانه چالیشدیر مق ایستیورم . چونکه آلاتورقه موسیقی
 « پیانو » یه بک خفیف کلیور . کندم کوچو کدنبری آلاتورقه

ایله مشغول اولدیغ حالده بزه کوزهل کلن بر چوق پارچه لری
 پیانو ایله چالمقده مشکلات چکدم . پیانو ایله مشغول اولانلر
 ایچون آفرانغه نی اھمال ایتمک اولمور . « آی تن » ، جمعه -
 لرینی ایکی یه آیردی . اوکله یه قدر « تهنیس » ه کیدیور . یمکن
 صوکره آفرانغه پیانو نه کزهر سیزلرینه چالیشور . مع مافیه
 اونده موسیقی یه قارشى او قدر قوتلی بر تمایل یوق . موفق اولمور
 دکل . چونکه ذکی و استعدادلی .. فقط موسیقینک بعض یانیق
 مفتونلری واردر که پیانویه و یا خود هر هانکی بر سازه باشلار کن
 بیله درین بر عشق حس ایدر لر . « آی تن » ک بو حالندن آ کلیورم که
 قلباً بندن چوق قوتلی . چونکه موسیقی یه فضاه دوشکون
 اولانلرک کوکلری ضعیف اولور .

« آی تن » ده موسیقی آرزوسی ، رسمدن و سپوردن
 چوق کری .. بوکا رغماً آلاتور قهده بنم قدر موفق اولمور .
 آکلامادینی و خوشلانمادینی شیر ، شریلرک و پسته لرک
 معناسی .. مکتب تحصیل ضعیف کیدیور . اساساً مکتبده کی
 درس لری پک یوکسک دکل . یالکز فیزیک ، کیمیا کبی بعض
 درس لر وار که « آی تن » اولجه بونلری خفیف کورمشدی .
 بعض جمعه صباح لری « تهنیس » ه کیدر کن بنده طا قیلورم .
 « سه وکی » ، همان دائماً نشانلیسیله برابر کلیور . « فرید کامی »
 بکده یاواش یاواش اونلر کبی سپوری سه و مکه چالیشور . فقط
 هیچ استعدادی یوق . او قدر دوام ایتمدیکی حالده حالا « راکت »
 طوماسنی بیلیمور . ووردینی طوپلر هوالرده دولاشیمور .
 « آی تن » برایکی هفته ایچنده بوراسنی ده اُلنه آلمش . طانیدق

عائله لردن برقاچنك قيزلرى اطرافدن آيريليورلر. اجنيلردن ده دوام ايدنلر وار. « آى تن » ك اوطوموبىلى اداره ايدر كن كوروب ايمرندىكى انكليز قادينى ده اوراده .. اونكه صيقى فيق اجباب اولمش. زنكيين برانكليز تجارينك مادامى اولان بوكنج قادين « آى تن » كى كسكين برسپور مراقلىسى. بزى بركون بالموججى چيفتلكندن ايلريده ماصلاغه ياقين انكليزلرك يابدقلىرى « غولف » يرينه دعوت ايتدى. طرابيه يه كيدر كن يولك صاغ طرفنده بياض اشارت نقطه لريني، صويونمه اوطه لريني كوردى كمز يرده برچوق اجنيلر همان هر كون « غولف » اوينارلر. « آى تن » ذاتا اوزاقدن حسرتنى چكديكى بوكوزل يره دعوت ايدىلنجه قابنه صيغاماز اولدى. فقط « غولف » دها زياده ار ككلرك مشغول اولاجنى برسپور. « فوت بول كى يوروجى وسرت! بويله او يونلره كيريشه جك قادينلر « لهدى ادوار » كى يورومكه باشلادىنى دقيقه دنبرى سپوراچنده يوارلانا نلر، ادمانلى وجود ليلر اولابيلير. « تهنيس » قورتنده برقاچ كنج ار كك ده وار. نازك كبار چوجوقلر. « فريدكامى » اونلر حقنده بزه معلومات و يردى. بعضيلرى « غلظه سراى » قلوبندن، برقاچى ده زنكيين تاجر- لردنمش. جمعه كونلرى قالا باليق اوليور. بالخاصه ار ككلر فضله كلييور. اوينا مادايغم حالده نيم ده پك خوشمه كيدن بو او يونه هفته آراسنده كى كونلر دوام ايتمك ممكن اولسه ... بوندن « آى تن » ده ممنون دكل. چونكه پارتى صيره سى كلمك ايجون چوق بكلييورلر.

« آى تن » بو ييل مكتى بيتيره جكنه چوق سه وينيور .

يکي اجابلری ، غولف ، اوپوموبیل سپورلری اونک باشنده
حسرتلی خولیارل چویریور . مکتبک دار محیطی و معین ،
منتظم حیاتی یاواش یاواش اونی صیقمعه باشلادی .

بو قیش اونکله فضله مشغول اولدم . سر بستی حیاته کیرمزدن
اول طادی آلینان بویله جاذبه لی اکلنجه لر منتظم مکتب تحصیلنی
دائما تهلکه یه دوشورور . « آی تن » حسلری ، فکرلری نه قدر
جدی و منتظم اولسه ینه بوسار صینتیدن کندیسنی قورتاراماز .
اونک ایچون دیپلومه سنی آلینجه یه قادار اونک حسلرینی اداره
ایتمک لزومنی حس ایدیورم . چوق منونم که بکا قارشی صمیمی
و اعتماد کوستره ن بر اطاعتی وار .

جدی قناعتلرینی مدافعه ایچون باشقه لرینه قارشی عادتاسر کس ،
عنادجی برطور آلیرکن بئم توصیه لریمی ، فکرلریمی درین بر
امینتله قبول ایدیور .

عمومی حیاته قاریشمازدن اول برکنج قیزک فکرلرینی قوتلندیرمک
ایچون بر ساعتی بیله زیان ایتمک لازمدر . « آی تن » بوسنه
اونیدیسنی بیتیره جک . بوزمانه قدر عمومی سینه مالردن هیچ برینی
کورمش دکلدر . مکتبه کوستردکلری تاریخی فیلملردن باشقه
برصحنه کورمه دی . کتبخانه سنده اونک حسلرینه مضر آشیلر
یا په جاق بریا اراق یوقدر . مکتبدن هر کلیشده اوکاحس ایتدیرمه دن
دفترلرینی ، کتابلرینی کوزدن کچیرر ، اوزون اوزادی یه قونو-
شورکن مکتبه کچیردیکی زمانک همان هر ساعتی حقنده معلومات
آلیرم .

حیاتنده چوق شی کورمش ، ارکک یوزوندن اضطراب

چکمش حساس ، چله کش بر آنه شفقتله اونک هر دقیقه سیله
 مشغول اولمقدن نهایتسز بر ذوق آلیورم. حیاتده هیچ بر سعادت
 یوق که دوامی ایچون بزه امنیت ویره جک بر طرفی اولسون .
 بویله اولمقله برابر هر کنج قیزک مقدراتنده ، آنه سنک وعائله
 تربیه سنک چوق قوتلی تاثیرلری وار . بن قیزیمک حسلرینی ،
 فکرلرینی ، تلقیرینی قیصقانیچ ، بیلکلی و تجربه لی بر شفقتله
 تعقیب ایتمک ایچون چوق چالیشدم. بوندن صوکره حکم ویره جک
 آنجاق قدردر .

شباط کچدی . برقاج جمعه هوا پک فنا کچدیکی ایچون «آی
 تن » ته نیه کیده مه دی . اورادن محروم قالدجه بوتون هوسنی
 رسمه ویریور . پرشنبه آقشامی طوپلانیشریمز چوقا کلنجه لی
 اولیور . بو هفته آبلامده ایدک . انشته مک کله سی شرفه مکمل
 برضیافت واردی . آپارتمان بردو کون نه وی کبی ایدی . «سه وکی» نک
 کوروجهلری ، ایکی کنج و تربیه لی قیز ، سنیحه ایله بلقیس ،
 بز میکیلر ، آپارتمانک اوست قاتنده اوطوران مبعوث کامران
 بک ، خانمی ، قیزلری .. اپی قابالیق اولمشدق . ذاتا انشتهم نه وه
 کلنجه هیچ بر آقشام ضیاقسنز ، اکلنجه سز کچمز . کنج قیزلر
 اولماسه انشتهمک صوفره سی صباحه قدر یمک یمه دن دائما کلوب
 کیدن تازه مزه لرله دوام ایدر .

بو آقشام او قدر آرزو ایتمه سنه رغماً آنجاق یمکدن اول کامران
 بکله برقاج قدح ایچمه سنه مساعده ایتدک . او ، حیاتی قازانوب
 آغز طادیله ، کوکلنک چکدیکی کبی صرف ایتمک ایچون سه وه ر .
 اللی یاشنه کلدیکی حالدله بزدن چوق کنج روحلی . « فرید

کامی « نک سا کن ، دورغون حاللرینی کوردکجه عادتاسینیرله نیور ، سهودکلرینه قارشى او قدرده لابلالی درکه ایکیده بر چوجوغنک ساچلرینی چکوب :

— سن ده کنجسک ها . بن سنک یاشکده ایکن ماصه لک اوستنده زیبک اویناردم . دیه طاقلیوردی .

بو آقشامده نشئه لمسی ایچون اوچ قدح کفایت ایتدی .
داها یمکه اوطورمه دن اللرینی چارپدی :

— هایدی قیزلر ، برزبک هواسی چالک باقیم .

انشته مک بودعوتی ماضیدن کلن برسس کبی قلمده عکس ایتدی . اونیدی ، اون سکز سنه اول « یکی کوی » ده کی کوشکده انشته م ، مسافر لریله کله نیرکن عینی رجایی بکا پامشدی . اوکیجه نک صاحنده حیاتمک یولی ده کیشدی و بن بر ایکی ییل امید و آرزو ایچنده چیرپینه چیرپینه عزت و نفسم و بندن قاچان سعادتمله نچه لشم . قدر ، بکا بوتون درد لیمی اونوتدوران قیزی می و یرمه سهیدی کیم بیلیر او خراب عمری ناصل سورو کلیوب کوتوره جکدم .

انشته مک قومانداسی قیزلری حرکت کتیردی . « آی تن » پیانویه کچدی . « سه وکی » کمانی آلدی . اویناق برزبک هواسی باشلادی . کامران بکک قیزلری چوق کوزهل زیبک اوینورلر . از میرده او کره نمشله ، بابالرینک اصراری ، بزم رجامله قالدیلر . بودانس ای اوینا نیرسه چوق خوش در . قیزلر اوینارکن انشته م کندینی طوتامادی . جیندن مندیلنی چیقارارق اورته یه آتیلدی ، هم اوینور ، هم بزى چاغیر یوردی :

— هایدی یا هو ، نه اوطوریورسکنز ؟ بویکرمی کشی
ایلهده اوینانیر . صوکره قاین پدرینک بو جوشغون نشئه سنی
حیرتله سیر ایدن « فرید کامی » یه باقدی :

— هی ده لیقانلی ، اسپینوز کبی نه دوشونویورسک ، قالمسه کا .
برکت قیزلر ، بو باشی صوکی بللی اولمایان هوایی چابوق
کسدیلر . انشتم ده چوق یورولمه دن اوطوردی . فقط « آی
تن » همان بر « فو قس تروت » چالمغه باشلادی . قیزلر آیاقلاندیلر .
— به بی ، به بی ! فقط قاوالیه نره ده !

« فرید کامی » دن باشقه دانس ایدن یوقدی . او کامران
بکک قیزلر دن بریله دانسه باشلار کن آچقده قالا نلرده بر بر لریله
اوینامغه مجبور اولدیلر .

انشتم دوداقرینی بو کیور :

— نافله بو دانسلر اون پارا ایتمز . انسانی دو یور میور ؟
دیبه کامران بکه شکایت ایدیوردی .

بوتون کیجه چوق اکلندک . کیچ وقت اویقوسی کلدیکی
ایچون آرتق تمامیله محمور لاشان « آی تن » ی قابالی بر اوطوموبیله
یرلشدیروب نه وه کتیردم . بویله اوزون سورن اکلنتیلر یاورومک
صحتتی و اعتیادلرینی بوزیور . اونک ایچون کیجه اکلنجه لرینه
ممکن مرتبه آزا اشتراک ایتمک لازم .

...

... بر کوزهل بهار باشلادی .. استانبولک بهارنده انسانی
قیرلره ، و ده کیزه چکن ایللیق و اویاندیریجی بر قوت واردر .
سوقاق آرالزندن ، آپارتمان بالقونلرندن پارچه پارچه کورونن

کونش و ماوی کوک، چوق کوزمل بر ایپکلی قوماشدن کیلمش
 نمونه کبی انسانه اصل بویوک و کوز دو یوروجی طرفلرینی آراتیر.
 بو حس ایله ظن اییدیورم که کوچوکلکیرینی بویوک باغچهلرده
 آیدینلق و کنیش اسکی زمان دائره لرنده کچیره ن استانبول
 خلقنک آپارتمان حیاته کچه لرندن دوغان برئوزله ییشدن کلیور.
 بزم قیزلر کونشی بول و ایللق کورونجه محقق ساحلی تنها،
 قیرلری کنیش بریره کیتمک ایچون صبر سز لانیرلر. بویاز بن
 بوسبوتون باشقه بر پروغرام ترتیب ایتدم. «آی تن» امتحانلرینه
 چالیشیور. ایکی هفته صوکره مکتبی بوسبوتون ترک ایده جک،
 بوسر بستلکدن استفاده ایده رک بویاز کتیره جکمز موده لاری
 کورمک ایچون اونکله بر کوچوک سیاحت یایمق فنا اولمایه جاق.
 بو فکر مدن آبلامه بحث ایتدیکم زمان هیچ ممنون اولمادی.
 سنه لردنبری همان بوتون یازلری برابر کچیر یوردق. اونلر یکی
 کوی «ده کی کوشکی بیله هر یازی بکا باغلانوب باشقه بریده
 کچیرمک ایچون کیرایه ویریورلردی. بنده یالکز قالمادیغم
 ایچون چوق ممنوندم. نه چاره که حیاته یکی کیره ن قیزیمه اونک
 کور کولری اوستنده هر حالده ایی تأثیرلر براقه جغنی امید ایتدیکم
 بر آوروپا سیاحتی یاپدیمرق لازم. بکا اوله کلیور که ایی بر سیاحت
 قوتلی بر تحصیل قدر استفاده لیدر. اونک دماغنی و روحنی
 قوتلندیره جک واسطه لری بولدقجه قلم راحت اییدیور. اولادلرینی
 آرزو ایتدکلی کبی حیاته حاضر لایان آنه لر ایچون بوموفقیته،
 شبهه سز که بر ذوق در. فقط بوتون بواهما لردن صوکره اونلری
 حیاتک هر هانکی بر اضطرابه دوشمش کوره ن آنه لر کیم بیلیر

نه بدبخت درلر. بویله بر احتمال بیله کوزلریمی یاشارتیور .
 بوسیاخت ایچون «آی تن» دن کیزلی حاضرلقلر یاپدم .
 تریخانه ده کی ٹولچوسی اوزرینه بر ایکی تایور ، بر غاباردین
 پارده سو یاپدیردم . ذاتاً آوروپا حقنده مرسیه لرندن بر چوق
 معلومات طوپلادیغی ایچون بویله برسیاقت خبرینک اوکا بر
 او طوموبیل مزده سندن داها قیمتی کله جکنه امینم . بنم سیاحت
 حاضر لغمله اونک امتحان کورولتولری برابر کیدیوردی . هر
 هفته کلیشنده «قالامیش» ده کی کوشکی بوسنده طوتامیزی
 خاطر لاتان «آی تن» ه صوک امتحاندن کلدیکی آقشام طاقیلدم :
 — بویاز بریره کیده میه جکز «آی تن» ! «تریخانه» نک
 باشنده بولونمق لازم . ایشرله بر آز یاقندن مشغول اولاجغم .
 امتحانلری قازانمق ، مکتبی بیتیرمک ذوقیله پرنشئه نه وه
 کلن «آی تن» بنم کدرلی کدرلی ویردیکم بر خبرله عادتاً صاراردی .
 هنوز او آجی واضطراب کولکه سی عکس ایتمه یین براق ورنکلی
 کوزلری دومانلانیر کبی اولدی . قیویر جق ، اوزون کیرپیکلرک
 صیق بر ئور کو کبی چه ورده دیکی کوز بیکلری چابوق ، چابوق
 حرکت ایتدی . بوتون چالیشمه مک قارشیلغی بومی کیلرده
 کوزلریمک ایچنه باقان بو یشیل و قورشونی دالغالی بیکلری
 داها فضله بولولان دیرمغه قیامادم . یووارلاق ، قومران باشنی
 کوکسمه چکدم :

— یوق «آی تن» ، سکا شاقا سویله دم . قالامیشه دکل ،
 فقط پرشبه کونی آوروپایه کیدیوروز . هر شیئمز حاضر .
 ناصل شیمدی ممنونیمسک؟

چیلغین بر هیجانله بلیمه صاریلدی. یوزومی ، اللریمی ،
 کوکسی ئوپور، البسه لریمی پارچالایان بر حوصله بنی دیدیکلیور:
 — بئم یوموق آنهم، بئم یوموق آنهم ، سن نه شیطان-
 نسک . دیسه هایقیریوردی . بو خبر، عادتا اونده بر بحران
 یاپدی، سهوینجدن بنی بر اقوب ماصه نك ئوستنده کی پاسور طره
 قوشیور، اورادن سیاحت ایچون یاپدیردیغم البسه لره کیدیور،
 صوکره تکرار بکا دونوب :

— آه یوموق آنه، سن نه شیطانسک ؛ دیسه بوینومه
 آتیلیوردی .

آرتق مکتبی بیترنجه آلاجغمی وعد ایتدیکم او طوموبیلی،
 «غولف» اویوننی ، قالمیشی ، هپسنی هپسنی اونوتمشدی . یکی
 آدیغم شاپقه بی باشنه کیریور. البسه لرینی والیزلره دولدوروب
 چیقاریور، صوکره ینه بکا قوشیوردی . اوننی بو قدر نشئه لی
 بو قدر چیلغین کورمه مشدم . سهوینجدن نه یاپه جغنی بیلیموردی .
 عمرنده بلکه ایلك دفعه ایسته یه ایسته یه کچ وقت قدر بنمله
 او طوروب قونوشدی . بو کیجه اویقوسی کلیور، چکه سی دور-
 میور، یرنده طوروب او طورامیوردی . نهایت اوننی تسکین
 ایتمه مجبور اولدم .

— ساعت اون ایکی اولدی آی تن، هایدی آرتق یات ،
 کوزل ، کوزل اویوده یارین ایشلریمزی بیتیر، پرشنبه ایچون
 حاضرلانیرز اولمازمی ؟

بوینوننی بو کدی، بنمله قونوشمق، کیده جکمز یرلرحقنده
 سویلشمک ایستیوردی . اوننی یاتاغنه یاتیرمق ایچون عادتا اصرار

ایتم. پاسپورطنی یاصدیغک آلتنه صاقلامش، البسه لرینی والیزینی
اوطه سنه طاشیمشدی. اونی یاتیروب قاپسینی چکر کن ینه تکرار
ایتم :

— آی تن، او یوده سینئرلرک دیکله نسین یا وروم امتحا-
نلرده یورغون دوشدک.

بونی تکرار ایتمه ره رغماً اونک کوزلرنده بو کیجه راحت
بر او یوقو کچیره جک سکونت کورمه دم. کنج قیز کوکلرنده
قویان هیجانلر، او قدر شعورسز و حدودسزدرکه بویله بر آن
بوتون بر عمرک یولنی و تاریخی ده کیشدیره بیلیر . . .

آبلام ، انشتم ، قیزلر ، آتلیه ده کی آداملریمز ، واغونک
اوکنده ، طوپلانمشلر ، هپسی یولده «آی تن» دن چکه جکلریمی
سویلیورلر. او، هنوز ایکنجی قامپانا وورمادن تیره نه کیردی.
آچیق پنجردن، یولده یمک ایچون کتیریلن پاسته، چیقولاته ،
شکرله قوطولرینی «سهوکی» یه کوستروب آلائی اییدیور:
— بونلر بکا ادرنه یه قدر یتیشمز آیول ، سن نیچین آلی
بوش کلدک ؟

هله «سهوکی» نک نشانلیسی «فریدکامی» بکک کتیردیکی کوزهل
بر چیچک دمتی ایچون :

— بک افندی پاسته جیلری ده چیفته حوضلرده کی قیر
قهوه سی ظن ایتمشلر غالباً ، ییه جک یرینه «بوکت» هدیه
ایتدیلر . دیمه سی اولور ماسقارالتق دکلدی. زواللی «فریدکامی»
ایجه لک یامق ، بوشاقدن کندینی قورتارمق آرزوسیه :

— سزی استانبول قوقولریله تشییع ایتمک ایسته دمده آی
تن خانم ، اونک ایچون چیچکلری اتخاب ایتدم. ده یشی اونی
بوسبوتون کولدوردی . لطفه ایتدیکنی آکلاتمق ایستر کبی
واغون پنجه سندن بر ره وه رانس یاپدی :

— چوق نازکسکز بک افندی ، فقط بر قوطو فوندان
کتیرمش اولسه دیدیکز جاریه کزی حدوده قدر تشییع ایتمش
اولوردیکز . نهایت صوگ قامپانا ووردی . صوگ وداع کله لری
آراسنده بنده واغونه کیردم. ذاتاً اوچ واغوندن عبارت قطار
سرعتله حرکت ایتدی. بر دقیقه ایچنده بوتون دوست چهره لرینی
غیب ایتدک. سیاحت سهوینچی ، هابه ایلک دفعه و صرف کزوب
کورمک آرزوسیه اولورسه انسانه چوق درین بر ذوق ونشئه
ویریور . شمدی یه قدر مملکت ایچنده برایکی سیاحت یاپدم .
کوچوکلکمده بابام مأموریتله بزى اپی کزدیرمشدی . صوکره
یالکز باشیمه اوچ آیلق بر طربزون سیاحتی یاپدم . فقط او بر
سیاحتدن زیاده اراده سز ، شعور سز بر حرکتک ماجرا سیدی .
شیمدی بنده قیزم کبی یالکز کورمک و کزیمک آرزوسیه
سیاحت ایدیورم . اونک ایچون قلمده نه بنلکمی غیب ایتدیرم جک
و بنی اطرافله مشغول ایتیه جک بر احتراض وار ، نهده مادی
حیاتی دوشونه جک بر اندیشه .. صرف بر سیاح کبی ، یکی بر شی ،
یکی بر عالم ، باشقه محیط ، باشقه انسانلر ، ده کیشیک حیات کورمک
آرزوسیه یوله چیقیوروز . «آی تن» له «واغون ره ستوران» ده
قارشی قارشی یه چکه چالیوروز بزدن باشقه تورک اولارق قوجه سیله
« قارلسباد » ده ضعیفله مکه کیدن بر خانم وار .

تیره ن سیاحتی طانیدق اولمانجه بر از صیقیجی . هله
کیجه لری، صباح اولماسنی بیلمیور. آنا قیز بر قومپارتمانده یز.
«آی تن» ک دیدیکی چیقدی. داها «بلغراد»ه کله دن بوتون پاسته
و فوندان قو طولری بوشالدی. ییه جک آبور جو بور بولامیان
«آی تن» ی تسلی ایتدم :

— یارین صباح «ویانه» ده یز . آرتق دنیانک بلکه اک
نفس شکر لرینه قاووشورسک. پارس، ویانه حقنده استانبولده
ایکن بر چوق معلومات طوپلامشدم . اینه جکمز اوتلری ،
کزه جکمز یرلری، آلیش ویریش ایده جکمز مغازه لری نوط
دفتریمه اشارت ایتشدم . «ویانه» یه کلیر کلز شهرک همان همان
مرکزنده صاییلان «قارل» اوتلنه ایندک . نه بن نه «آی تن»
آلمانجه بیلمه دیکمز ایچون صیقینتی چکیوردق . برکت اوتلده
انکلیزجه، فرانسیزجه بیلورلر. مع مافیه «آی تن» ک «ته نیس»
قورتنه کلن ، قالا میشده دیکزه کیره ن آلمان قیزلرندن او کر-
ندیکی بر قاق آلمانجه کله ده ایشه یارامیور دکل .

«ویانه»، دوشکونلکنه رغماً حالا کبارلغنی محافظه ایدن بر
اصیلزاده یه بکنزیور. کوزی و کوکلی طوق اهالیسی وار .
حرکتلرنده ، یاشاییشلرنده کوروب کپیرمش انسانلرک حالی
حس ایدیلور . ویانه ده قالدیغمز اون کوندن چوق استفاده
ایتدک. اوکله یکنندن صو کره سپارش ویره جکمز مؤسسه لری
کزیور، آقشامه دوغرو «قافه کسهر»ه اوغرایوب بر آز
دیکه نیورز. بوراده بن «ویانه» نک او پک لذتلی قایماقلی قهوه سنی
ایچرکن «آی تن» بر قاق دفعه میوه لی دوندورمه کتیرتیور .

صکره یاواش یاواش «کرتنه رشتراسه» ده کی قالا بالیغه قاریشیورز.
 «آی تن» بوراده برچوق ظریف ماروکنلی دفترلر، رسملکلر
 آلدی. بنده ایچنده سیاحت طاقلری اولان شیق بر چانطه
 آلم. «ویانه» نك دری اوزرینه اولان ایشلری پك کوزهل ..
 صباحلری اوندن اون ایکی به قدر سرایی، اورمانی، جوار
 ده کی کزینتی یرلرینی دولاشیوردق . موسم کچدیکی ایچون
 قاپانمغه حاضرلانا «اوپه را» یه آنجق ایکی آقشام کیده بیلدک .
 بر قاق آقشامده «بورغهر ته آتر» ده کی اوپه تی سیر ایتدک .
 آلمانجه بیلمه نلر ایچون «ویانه» ده چوق او طور مق معاسز ،
 هله تیاتر ولرده انسان ، یالکز موسیقی ایله ده قوردن استفاده
 ایده بیلور .

بوراده کی ایشلریمز بیتدی . سپارشلریمز بلکه ده بزدن اول
 استانبوله کیده جک . صوکنده «پارس» ه کیتمک قراری
 اولماسه «ویانه» ، سیاحت ایدنلره داها خوش کورونه جک .
 فقط «ویانه» ده قالدیغمز مدتجه «پارس» دائما بر خیال کبی کوز-
 لریمزدن آریلمادی . چوق راحت ایتدی کمز اولدن چیقوب
 استاسیونه کیدرکن «آی تن» قافه کسنهره اوغرایوب برپاکت
 «فوندان» آلمایی اونوتمادی .

انسان، «ویانه» دن صوکره اصل آوروپایه کیردیکنی حس
 ایدیور. بلغراده، حتی پشتیه کلنجه یه قدر بز کندیمزی حالا
 مملکت مزده ، شرقده ظن ایتدک . بو حس غالباً استانبولدن
 ماجارستانه قدر طبیعت و حیات ئوستنده اساسلی برده کیشیکلک
 اولمادیغندن کلیور .

... «پارس» ده بر آقشام اوزرى ايندك، خفيف بر ياغمور وار. بر محشر حالى كورون «غار» دن چيقنجه همان بر تاقسى يه آتلاق. و دفتر يمه كي اوتل آدرسنى شو فوره سويله دم :

— شانزه ليزه «اوتل بايرون» !

مشهور انكليز شاعرى «بايرون» عائله سى طرفندن اداره ايديلديكي سويله ن بو اوتله چوق جدى عائله لر كلديكى ايشيتمشدم. اونك ايچون مثلا «غراند اوتل» كبي پارسك قلى ديمك اولان «پلاس دولوپه را» اطرافنده كي مركز اوتلرينه بوراسنى ترجيح ايتدم. فقط فرانسزلر «بايرون» اسمنى ممكن دكل بزم سويله ديكمز شكلده تلفظ ايتيورلر. بز «اوتل بايرون» ديدكجه يوزومزه باقيورلر. نهايت بزده اونلر كبي «اوتل بايرون» ديمكه باشلاق. «پارس» حقنده بن و «آي تن» او قدر چوق رسملر كورمشدك كه اسملر ، سوقاقلر ، بويوك مغازه لر بزه هيچ يابانچي كليوز .

«اوتل بايرون» شانزه ليزه نك «اتوال» ه ياقين قسمنده تنها ، ساكن برسوقاق ايچنده !. ذاتا بو جوارده كي بوتون سوقاقلر و اوتلر هپ مشهور محررلر ك ، شاعرلر ك اسملرينه ويريش ، يانمزدهده اوتل بالزاق وار.

«بزم اوتل» اوفاق ، فقط «قونفور» ي مكمل. دائما صيچاق بانيو ، تميزلر ك ، مكمل يمك ، هر شى ابي ، بوراده هر كس بر عائله كبي. ذاتا مشتريلر ك چوغى انكليزه . «آي تن» همان بر ايكي اجاب بولدى . اوتلك يكانه قصورى مركزه اوزاق اولماسى .. مع مافيه تاقسى اوطوموبيللرى او قدر چوق و او

قدر او جوز که بو اوزاقلنی حس ایتدیرمیور .

«پارس»ک هواسنده بيله انسانی حرکته و اکلنجه به چاغیران بر قوقو وار. آنا قیز بو هوانک تأثیرینه اوقدر قابیلدق که ایلک آقشامدن باشقه بر کون بيله اوتلده یمک یمک نصیب اولمادی. هر کون منتظماً ساعت اون برده چیقیور و کیجه یاریسی اوتله دونیورز. ایلک حمله ده «پرنتان»، «غاله ری لافیت» کبی بویوک مغازه لری آلت اوست ایتدک . صو کرا داها یوکسک مودا مؤسسهلرینی دولاشدق. دنیانک بلکه ده اکینجه ذوقلرینی تطمین ایدن بوضعت یووالرنده انسان عادتا کوروشلرینی تریبه ایدیور. سنهلردنبری قوماشلر، ایپکله، موده لله ئوستنده، عادتا یکی بر «سروم» کشف ایتکه چالیشان بویوک دوقتورلر کبی فکر یوران قادینلری، ارککلری کوردکجه انسان صنعت عشقیله میدانه کلن اثرلرک قیمتی آکلیور. هر کسک بکنوب تقدیر ایده جکی بر یکی موده ل میدانه کتیرمک ایچون بیکله، مانکن لر اوزرنده ایلرجه چالیشان «مودا» حکمدارلرندن بر چوقلریله طایشدق. میلیونلرجه لیرا ایله چه وریلن بوضعت مؤسسهلری «آیتن»یده بئم قدر حیرته دوشوردی. شیمدی به قدر «مودا» ایله هیچ علاقه دار اولمایان قیزم پارسده کوردیکی او کوزه لک نامتاهیبی ایچنده حیران قالدی.

بوتون بر کونمزده «شوسه دانتهن»ده کی پیرلانطه سرکیلرنده کچدی . پارس ذوقنک پیرلانطه لر اوزرنده یاپدینی تأثیر هیچ برشیئه بلزده میور . استانبول بدستاننده کورمکه آلیشدیغمز شکلر، طاشلرینک قیمته رغماً بوضعت پارچه لرینک یاننده یوننو لماش خام طاشه بکزیورلر. پیرلانطه اوزرنده بو قدر اینجه موفقیتی

کوستمک هر صنعتکارک خرجی دکل. ایشی، کسلیشی، ترتیب
 ایدیلیشی، هپسی آری آری بر کوزه لک کوستره ن بیکلرجه
 پیرلانطه سیر ایتدک، بوتماشا برقادین روحی ایچون هر حالده
 ویانه اوپراسنک موسیقیسنی دیکله مک، «پارس» اوپراسنک صحنه
 لرینی سیرایتمک قدر، بلکه اونلردن فضله ذوق ویریحی، غشی
 ایدیجی ... «آی تن» بیله شیمدی یه قدر پیرلانطه یه قارشی
 بر تمایل کوستره مشکن مورقدیفه لر اوزرنده اینجه صنعتلری و
 پیریل پیریل عکس ایدن شوقلرله کوزلرینی قاماشدیران یوزلرجه
 کوبه، یوزوک، قولیه کبی نفیس پارچه لر قارشیدسنده کندینی
 ضبط ایده میور، مشکل بر انتخاب مجادله سی ایچنده قیورانوب
 دوریوردی. نهایت «کوز یاشی» اسمی ویریلن تک پیرلانطه لی
 طاشلی برچیف کوبه ایله پیلاتین اوزرینه ایشلمش بر «راکت»
 ایکنه یی سچدی .

— بوراده بیله سپورجیلق «آی تن» دیدم. باری برده تک
 اینجی آرایه لمده طوپ اولسون. بونی تصادفاً فرانمزجه سویله.
 مشدم. بزمله، انتخابمزله بالذات مشغول اولان مغازه صاحبی
 خاطرینه برشی ککش کبی درحال اطرافنده کیلره امروردی :
 — اینجیلری کتیریکز !
 و صوکره بزه دوندی :

— چوق ظریف بر فکر بولدیکز، دیدی. را که تک
 اورته سنه بر اینجی ایلشدرنجه، اوقدر کوزه ل برشی اولاجاق که ..
 ودرحال کتیریلن تک اینجیلری، تللری پیلاتین اولدینی حالده
 هر تک چاپراز کلدیکی کوشه لرده اوافق پیرلانطه لردوران را کتک
 آغنه تجربه ایتمکه باشلادی .

— اینجی بی بورایه یرلشدرمکده بر مسئله در. فقط یاپارسه ق
 فوق العاده برشی اولاجاق ، دیوردی .
 صابی آریجه پیرلانطه لر قابلی « راکت » ک آغ قسمی بر
 چای قاشیغی قدردی . بوجسامته کوره اینجی بی مناسب دوشورمک
 ایچون هپمز چالیشوردق . ایری اولدقیری ایچون قیمتلی پک
 یوکسک اولان اینجیلی تجربه ایدرکن مغازه صاحبک چوق
 صیمی برصنعت هوسیله هیجان کچیردیکنی کوریوردم . نهایت
 بزه اپی بهالی یه کلن فقط رنک و جسامت اعتباریله ، اکناسب
 دوشن بر اینجی بی متفقاً انتخاب ایتدک . « آی تن » ک او قدر
 عجله سنه رغماً اینجی بی پیرلانطه لر ، پیلاتین تلر ئوزرینه یرلشدرمک
 مسئله سی اوزونجه سوردی . او ، آئنده قیمتلی پاکتلیله برهیجان
 جاده یه چیقدیغمزوقت کیجه اولدیغی کوردک . ایکی اوچ ساعتز
 حس ایتمدن ناصل کچمشدی .

ساعت آلتیدن صوکره پارس سوقاقلری کوز قاماشدیران
 برانسان و اوطوموبیل سیلابی ایچنده قالیور . « اوپه را » میدانه
 چیه بیلدک ایچون دقیقه لرجه کوشه باشلرنده بکله مکک مجبور اولدق .
 اوتله کیتمک ایچون « آی تن » تاقسی اوطوموبیلندن زیاده
 « متروپولیته » ی ایستور . کوستبک یوواسی دیدیکی بویرآلتی
 یوللری انسانی پک چوق شاشیرتماسنه رغماً او قدرده اکنجھلی که!
 آقشاملری « پارس » ک یاری خلقی پارسک آلتنده سیاحت
 ایدیور . هله یاغمورلی هوالرده یوزبیکلرجه خلق یرآلتی بوللرنده
 عینی بیلته برتیره ندن اوته کنه کچمک سایه سنده ایسته دیکی قدر
 وقت کچیریور . بز ایلک دفعه لر قاچ کره یولومزی غیب ایتدک .

« بولوار ده زیتالین » ده کی مغازه جامکانلرینی سیرایده ایده
دولاشیرکن وقت اپی ایبرله دی . « آی تن » آنده کی قیمتی
شیلری راحت او زرنده تجربه ایده بیلیمک ایچون صبر سز-
لانیوردی . نهایت دایانامادی :

— یوموق آنه ، بو آقشام ده یمکی اوتلده یسهك اولماز می ،
دید ی ، هم بر آزی قانمش ، دیکلنمش اولور ز .

اصل مقصدینی طبیعی حس ایتمشدم . اوکا هیچ جواب
ویرمه دن یا نمزدن بوش کچن بر تاقسی به اشارت ایتدم . آتلادق .
بو کیجه « آوه نو دوشانزه لیزه » اوزرنده کی « موزیق هال »
لردن برینه کیده جکدک . « پارس » ک مادی ذوقلری تأمین ایدن
نهایتسز منبعلری یاننده صنعته ، شعره ، موسیقی به عائد او قدر
زنکین گوشه لری وار که کنج بر قیزک بونلری کورمه دن طانیمه دن
« پارس » دن کچوب کیتمه سی بر پیرلانظه محرومیتدن چوق آغیردر
ظن ایده رم .

پروغرا همزی چوق صادقانه تعقیب ایدیور ز . کیجه لریمز
منتظم کزینتیلرله کچیور . فقط پارسی طانیق ایچون بیلیم که
بزم بودنیا پایتختنه آیردیغمز یکر می اوتوز کون کفایت ایده جکمی ؟
« آی تن » پیرلانظه ذوقنی یکی طاتمش بر کنج قیز هوسیه
کوپه لری و ایکنه سیله اوزون اوزون مشغول اولدی . اوتلده
یمکه اینرکن اینجیلی را که تنی کو کسنده کورونجه صوردم :

— کوپه لریکی نیچین طاقادک آی تن ؟

دوداقلرینی بو کدی و او یله صاف برباقیشله جواب ویردی که
عقلمه کلدکجه کولدم :

— کئدم قولاقلامی کورمیورمده اوندن !

« اوتل » ده يمك پك طاتسز كچيور. موزيك يوق. اطرافمز
هپ آغير باشلی ، اكثریسی آق صاحلی انكلیزلره دولو . .
بو اوتلده عادتاً آغير برسیت وار . قهوه لریمزی ایچر ایچمز
سوقاغه چیققدق .

ییلدیزی برکیجه ، « شانزه لیزه » بولواری « ایکی طرفلی
آغاچلری وچوق قوتلی الکتریکلریله برجت یولی کبی . یورومکی
ترجیح ایتدک . « پارس » ک کیجه حیاتی بو طرفلرده یوق کبی .
پارسک بلکه اک شیق ، اکمکل بنالری بوراده . فقط اوباش
دوندوروجی اکلیجه عالمردن محروم . « آی تن » ، « شانزه
لیزه » ایچون پارسک شیشلیسی ، دیور . اصل « بولوار » دکلسه
بیله یان سوقاقلردن بعضیلری — بزم شیشلی به بکزه میور دکل . .
آشاغی به دوغرو اینورز . بوراده مغازه لر ایرکن قاپانیور .
کوندوز برقاچ دفعه کیردیکمز « پارس » ک مشهور لوانطه فابریقه سی
« کهرلن » نک ساتیش مغازه سی بیله قاپالی .

صاغ گوشه ده بر « موزیک هال » وار .

— بو کیجه تیا ترولری قاچیردق ، آی تن « دیدم . بورایه کیرلم می ؟
بو آقشام او قدر نشئه لیدی که اک خوشلانمادیغی بریره ده
کوتورسه م کیده جک ، اون ، اون بش آیاق مردیونه له یر آلتنه
اینلین موسیقی سالوننه کیردیکمز زمان حیرت ایچنده قالدق .
قوجه سالونده قرق اللی کشیدن فضله یوقدی .
ایلریده بویوجک بر صحنه ده پیانو ، کمان ، آلتو ، ویولونسه لدن
عبارت بر موزیک وار . فقط اکغریبی بوسازلری چالانلرک هپسی
کنج قیزلر .

« آی تن » له صحنه یه یاقین برکوشه انتخاب ایتدک.. قیزلر کنج آما او قدر کوزل چالیورلرکه .. هله « آلتو » یی چالان قیزک یابنده چوق قوت وار. هپ قلاسیق پارچه لری چالیورلر. اونلره یاقین ماصه لرده اوطوران بر اختیار آدم آراسیره قیزلرک یانه کیدوب نوطه لرینه برشیلر اشارت ایدیور. بزه خدمت ایدن غارصونه « آی تن » بونی صورتی . اختیار مکر مراقلی بر بسته کارمش . یکی اثرلرینی چالان قیزلره اوافق تفک نوطه نقصانلرینی کوستریورمش . حقیقه چوق تیتیز، عصبی ، تحف بر اختیار . ممنون قالدقجده اوزون اوزون آلتیشلیور قیزلره ایلله لیکور اگرام ایدیور .

مع مافیه، ذاتا قرق الی کشیدن عبارت دیکه ینلرک سازنده لرله بسته کار آراسنده بوملاحظه لردن سینیرلندیکنی کورن « شهف » قیزلره اشارت ایتدی . هپسی بردن در حال اوسنه پارسده ایلک دفعه شهرت بولمقه باشلایان « والانسیا » یی چالغه باشلادیلر . ایکی آقشام اول « موله ن روژ » تیا تروسنده بالذات « میسته نکت » آغزندن دیکه دیکمز بو کوزل پارچه دیکه ینلری ممنون ایتدی . قیزلر او قدر قیوراق، او قدر نشئه لی چالیورلردی که هر کس اولدیغی یرده آللری ، آیقزلیله حرکت ایدیوردی . بیتنجه « آی تن » ه صورتدم :

— « موله ن روژ » ده دیکه دیکمز ناصلدی ؟

— بوده کوزل آنه دیدی . فقط « میسته نکت » ک

سی و اورانک موزیکی داها خوشدی غالباً . . هله « غازینو

دوباری » ده (موریس شووالیه « نک والانتینو » سی .

«غازينو دوپارى» ده اوسنه «پارى آن فلور» اسملى چوق زنکين بر «رهوو» واردى. اک مهم نومرولرندن برى ده هيچ شهبه يوق که «پارس» ک سه وديکي «موريس شوواله» نک «والانتيو» ي انکليز، آمريقان تلفظى و تقليدى ايله سويله ييشى. . اکثر يسي اجنبي اولان سيرجيلرى بوشرقى چيلديرتيوردى، «آى تن» نک پک خوشنه کيدن بو «رهوو» اونک اصراريله ايکي دفعه سيرايتدک. مع مافيه «غازينو دوپارى» ده بو «رهوو» اوچ آيدنبرى کوسترلديکي حالده بر کون اولدن بيلت آلمانجه يربولمق امکاني يوق. «مولهن روژ» ک تياتروسى ده بويله . اوراده کي لوجه مزى ده اون ايکي ساعت اول تايمين ايتمشدک .

«موزيق هال» ده والانسايي دیکه دکدن صوکره داها فضله او طورامادق . هر آقشام قالاباليق ، اکلنجهلى تياترولره آليشديغمز ايچون بو تنها «موزيق هال» بو کيجه بزى پک صيقدى. داها ساعت اون ايکي اولمه دن اولته دوندک. استانبولده ايکن «آى تن» ک صحتنى دوشونهرک کيجه او طورمالرينى ممکن اولدينى قدر قيصالتيوردم. فقط «پارس» ده بو کانه لزوم، نه ده امکان کوريبورم . چونکه بوراده بر ايکي ساعت اويقوسوز قالمقله ضايع ايديلن صحته مقابل کورمک و آکلامق کي قازانچلر وار که تلافيسى هر زمان قابل بر قاج ساعت اويقويه هر صورتله ترجيح ايديلير . .

. . بو کون «لوور» موزه سنک زيارت کونى . . «آى تن» استانبولده معلمى مادام «دووهرهز» دن دیکه يه دیکه يه ذهناً از برله ديکي بومعظم موزه ي کورمک ايچون چيلديرييور .

بر تاقسی بزى اسكى سرايك كنىش اولوسندن كچروب طاش
مردیوه نلرك او كنده براقدى. قالین مرمر ستونلرله ایریلش
آنترهدن لوش و كنىش بر قوریدوره كیردك. صاغده وصولده
موزه ده كى رسملرك، هیکللك تاریمخه عأد كتابلر، بروشورلر
داغیتان صأیحیلر وار.

— «آی تن» صاغدن باشلايهلم، دیدم.

كنش واورته سنه، كوشه لرینه قیریق-اسكى هیکللكر او طور
تولش قوریدوردن كچوب ایكنجی قاته چیققدق. «آی تن»
هیکللكردن زیاده رسم سالونلرینی كورمك ایچون صبر سزلانیور.

ایكنجی قاته چیقنجه قارشیدن بویوك تابلولری كوردك.
اوقادارده قالابالیق كه، اوموزلردن قایشله آسیلی فوطوغراف
ما كنه لريله انكلیز، آمریقان «طوریمست» لری، اللرنده رسم
طاقملريله مكتبلی قیزلر و ار ككلر، عجائب قیافتلی انسانلر.

«موزه» لره كیرنلر ایلك كوردكلى اثرلر اوزرنده فضلہ
توقف ایدرلر. فقط سالونلری، قوریدورلری دولدوران یوز
بیکلرجه هیکل، تابلو و اشیا، كوزلری اوقدر دویورور و
یورار كه انسان هر هافكى بر سالونده، یالكنز اولاراق كوردیكى
زمان اوزون اوزون سیر ایده جكى بر اثره بوراده بر كوز
اوجیله بیله التفات ایتمه دن یورور كچر.

«لوور» ك یاغلی بویا تابلولری عدد و جسامت اعتباریله
دنیا نك بلكه ده اك زنگین قولله قسیونی. بیللرجه ئەمك ویریلهرك
یاپیلان او یله تابلولر وار كه ایكى پارچه سی بر بویوك سالونك
دیوارینی تمامیله قاپلیور. هانكى صبرلی صنعتكارك اوصانمه دن

اوغراشدینی بو معظم تابلولر شکلی اعتباریله بر صحنه ده قورینه بکزه دیکی حالدده رنگ، ترتیب، اینجه لک جهندن او قدر حیرت ویریحی که .

حضرت عیسانک حواریلریله آیینی کوستره ن بر تابلونک اوکنده ایدک . «آی تن» درین بر دقتله سیر ایدیوردی . صنعتکارک چهره لره ویردیکی معنوی افاده او قدر قوتلیدی که انسان کندینی همان همان جسامت طبعیه ده یاپیلان بو معظم تابلونک ایچنده ظن ایدیور .

طرزینه، تاریخنه کوره سالونلره تقسیم ایدیلن بیکلرجه تابلویی دولاشمقله آکلامه نک امکائی یوق . تابلولر عادتاً بر سینه ما صحنه سی کبی کوزلرمزدن کلوب کچور . ایچ ایچه اون ایکی بویوک سالون ایتالیان، فرانسه، آلمان، انکلیرساملرینک تاریخی تابلولریله دولو .

نهایت، اوکنه قیرمزی فالین قوردون چکیلمش بر تابلونک قارشیسنده بریکن قابالیغه قاریشوق : «ژوقوند» ! بر زمان موزه دن اسرار انکیز بر شکلده چالینوب تکرار بولونان، بر زمان سینیرلی بر قادینک قوجه بر بالطه ضریه سنی ییه ن بو ماجرالی تابلویی بر چوقلری حیرتله ره سیر ایدیور . «له ئونار دوو نیچی» نک؛ دنیاچه طاینمش، قارت پوستاللری هر طرفه قاپیشیلمش بو تاریخی تابلوسنک اصلی بوتون دقتی طوپلا- یه رق سیر ایتکه باشلادم .

بر میلیون لیرا قیمت تقدیر ایدیلن ، قویه لری دنیانک هر طرفه یاییلان ، حقنده مقاله لر ، کتابلر یازیلان و نهایت

ماجرا سیلہ دیلرہ داستان اولان بو تابلودن کندی حسابہ
 هیچ بر ذوق آلام ، یا « مونالیزا » بک خیمیل بر قادیمنس ،
 یا خود « لہ نوناردو وینیچی » بو چہرہ یہ شیشکین بر خمور منظرہ سی
 ویروب قادینی بر باد ایتس . بونی « آی تن » ہ سویلہ دیکم زمان
 فنا حالہ جانی صیقلدی . دقتلہ تابلویہ باقدینی حالہ جواب ویردی :
 — کوزلردہ کی جانلیغہ ، رنکلردہ کی قوتہ باقسہ کا آنہ .

رسمدہ چہرہ نک کوزہ لکی آرانیری ہیچ !

اودھا سویلر کن بن قارشیدہ ، ایکی نشئہ لی کویلو قیزینک
 درہ کنارندہ چاماشیر یقادرینی بوتون تفرطایلہ کوسترن
 بر تابلوی سیر ایدیوردم . « آی تن » ی بو خمور یوزلی قادینک
 زسمندن آیروب اوتہ کی سالونلرہ کچیرنجہ یہ قدر چوق زحمت
 چکدم . کوز یوروجی حتی اوصانج کتیریچی رسملر بیتمک ،
 توکنمک بیلمیور . وصالوندن سالونہ کچدکجہ تابلو موضوعلری
 داھا اسکیلہ شیور . نہایت اویلہ بر سالونہ کیردک کہ بوتون دیوارلر
 پاپاس ، عیسی ، حواری رسملری ، حضرت عیسانک چارمیخہ
 کربلدیکنی کوسترن یوزلر جہ تابلولرلہ قاپلی . « آی تن » تابلولرک
 گوشہ لرنده کی امضالرہ باقوب :

— بونلر چوق بویوک رساملرک اثرلری آنہ ، دیدکجہ ایچمی
 صیقینتی باصیوردی . « لووور » اسکی زمان سرایلرنده کی
 « لایرہنت » لردن چوق قاریشیق . . آرتق « آی تن » ی قولوندن
 چکوب یانلردہ کی سالونلرہ کوتورمکہ باشلادم . قالابالیقجہ
 کوردیکمز بر سالونہ کیردیکمز زمان ہر کسک ٹوست ٹوستہ
 بریکوب اورتہدہ برشی سیر ایتدکلرینی کوردک . سالونک ایکی

باشنده سلاحلى ايكى محافظ واردي. ياقلاشديق، صيره دن آيريلان
ايكى اختيار آمريقالى قادينك يرلرينه چكدك. سالونك نام اورته سنده
اطرافى برمترو آراق ويره جك قديفه قوردونله چوريلش بويوك
بر جامكان كورونيور. بندن اول صوقولان آي تن هي جانله
قولومدن چكدى :

— آمان آنه ، باق نه كوزهل !

يوكسك سياه بر قديفه تپهسى اوستنه ياصلانمش ايرى بر جوير
جسامتنده تپه دن كلن آيدى نلقه پيريل پيريل يانان مدهش بر الماس
پارچهسى . غير اختيارى بن ده اعتراف ايتدم :

— چوق كوزهل !

قديفه قوردونلرله چوريلش جامكانلى محفظه نك درت باشنده
درت سلاحلى محافظ ، بوتون دقتلريله سير ايدنلرى كوزدن
كچيريورلر . « آي تن » قديفه قوردونه قدر صوقولوب يازيلرى
اوقودى بويوك محفظه ده پيرلانطه قراليجهسى كچي ياصلانوب يانان
معظم الماسك آلتنده مرصع بر قيليچ ، ئوزرلى پيرلانطه دولو
ايكى ده تاج وار. فقط نه مرصع قيليچ ، نه پيرلانطه لي تاجلر ئوزرلرنده كى
حشمتلى نك ياننده كوزه كورونميورلر .

« آي تن » بردنبره دوغرولدى :

— بوهانكى الماس بيلورميسك آنه ، « كوه نور » ديد-

كلرى بر بويوك طاش واردي. ايشته او، يوزيكرمى درت قيراطلق!
« كوه نور » حقنده غزته لرده اپي يازيلر اوقومشدم . غالباً
دنبانك ايكنجى بويوك الماسى ايدى . بونى آكلايجه داها فضله
سيرايمكه باشلادق. هر كس ساكت ، بويوك بر انسانك ، معجزه

كوسترن برفوق العاده مخلوقك قارشيسنده كې حرمته قارشيق
عادتا دیندارانه بر خشوع ایچنده الماسی سیر ایدیور . کوزلر
تیزمه دن ، باشلر دوئمە دن هپسی عینی نقطه یه چوریلش ، عادتا
عبادت ایدر بروضعیتده مراقبه یه وارمشلر . عینی سکوت ایچنده
غشی اولور کې محفظه یی سیرایدن « آی تن » ه نه کیلام :

— کوچوک خانم ، « ژوقوند » تابلوسنی بو قدر مراقله سیر

ایتمه دیکزدی !

اوتاندی . یاواشجه چکیلدی . دولاشمقدن و آیاقده دورمقدن
دیزلم آغریمغه باشلامشدی . درت ساعتدنبری دولاشیوردق .
جامکانلری دولدوران اوافق تفك یوزبیکلرجه زینته عائد آتیقه لره
بر کوز اوجی بیله باقمە دن کچوردق . دونه دولاشه آلت قاتده
اصل بویوک هیکل دائره سنه ایندک .

— آرتق دورمه دن کچلم « آی تن » ، دیدم . حالم قالمادی .

قاپی یی بولق ایچون یوزلرجه هیکل دیزیلی قوریدورلری

کچوردق . « آی تن » دوردی و اشارت ایتدی :

— وه نوس دومیلو سالونی .

— بونی کورمه دن چیقمايه لم ، دیدم . قیرمزی قدیفه پرده

ایله ئورتولو قاپیدن کچدک . اورته ده یوکسک بر « پیه دوستال »

اوزرنده قیریق قولی ایله مشهور وه نوس دومیلو .

سالونک درت گوشه سنده مراقیلرک دویه دویه سیر ایده .

بیلمه لری ایچون قاناپه لر وار . « وه نوس » ه باقمە دن اول بوش

بولدیغم بر قاناپه یه کندیمی آتم . « وه نوس » شیمدی قارشیمده . .

کوزه لک معبوده سی نارین بوینی ، ایجه بلی و اوزون باجاق لریله

عصر لردنبری کندینی تشهیر ایدیور ، دورت طرفنده قادین ارکک برقالالبیق حیرتله سیر ایدیور لر . نهایت دایانامادم ، اوقدر یورغونلغمه رغماً بنده قالقوب بومعبوده نك اطرافنده دونمکه اونك هر خطی برباشقه کوزه لک افاده ایدن وجودینی سیر ایتمکه باشلادم . بیکلرجه ییل اولکی انسانلرک ابداع وصنعت قدرتی بوتون اینجه لکلریله ایضاح ایدن بو اثر ، بکا بر آزاوول سیر ایدر کن صمیمی بر حظ و انجذاب حس ایتدیکم « کوه نور » دن چوق باشقه تاثیر یاپدی . هله « وه نوس » ک کندی وجودینی ، کندی حسنی تماشا ایدر کبی اینجه ویووارلاق بوین اوزرنده کوزل باشنی اوکه دوغرو نه کیشی ، صنعتکارک اوکا ، اوقدرتی ، او افاده بی ویریشی بی پک متحسس ایتدی . نه رسام ، نه هیکل تراش اولمایان هر هانکی برحساس انسان کبی دوشونور کن « وه نوس دومیلو » بن « ژوقوند » دن چوق فضله علاقه دار ایتدی . « آی تن » بویوک و تاریخی صنعت اثرینی قانه قانه کوره بیلمک ایچون هر گوشه سنده دوروب سیر ایدیوردی .

نهایت قوریدور لرده آقشام اولدیغنی خبر ویره ن زیللر چالغمه باشلادی . ساعتله باقدم . بش بوچوقدی . یاریم کونمز « لوور » ک چایسی آلتنده کچمشدی . « آی تن » ده ، بنده ایچمزده غریب برخن حس ایده رک سیرایک لوش مرمر مردیوه نلرندن اینوب دیشارینک تمیز وسرین هواسنه قاووشدق . بو قدر متنوع و تاریخی اثری برقاچ ساعت ایچنده کورمک ، اونلرک زماننی دوشونمک روحزی او یوشدورمش ، اعصابمزی بوزمشدی . بو حزن ایچنده او طوموبیله بیز کن :

— « آی تن » دیدم . بو آقشام ییکی « قافه آنغله » ده
 ییلم . او قدر صیقیلدم که کندیمی تاریخه کومولوب قالمش ظن
 ایدیورم . اوراده ییکی پارسی ، یکی حیاتی کوروب آچیلیرز ؟
 « قافه آنغله » پارس کبار عالمک ، بویوک صنعتکارلرک کلوب
 کچدکلری چوق لوکس بر یر . مع مافیة اجنیلرده پک فضلہ .
 کوزل برموزیک ، تمیز و منتظم بر سرویس ، کبار ، شیق بر
 قالابالیق ایچنده ییکلریمز ییک . « آی تن » بک سهودیکی
 استریدهلرک اک بویوکلرینی بوراده بولدینی ایچون ممنون . حقیقت
 پارس لو قنطهلر نده ییدیکمز استریدهلر قدر لذتلی و بویوک استریدهیه
 استانبولده تصادف ایتمه دک . .

. . « پارس » ک ، بوتون سیاحت پروغراملرینی آلت
 اوست ایتمه کة قادر بر سحر بازلنی وار . کندیمی ایچون آیردیغمز
 یکرمی کون کچدیکی حالده عودت آرزوسنی حس ایتیمورز .
 بن استانبولی نوزله مکدن زیاده آتلیه بی دوشونورم . « آی
 تن » بو اندیشه دن وارسته اولدینی ایچون « پارس » ه او قدر
 ایصیندی و آلیشدی که استانبولدن بحث ایتیمور بیله . .

ایکی آقشام « اوپهرا » یه کیتدک . آی تن . ک دیشاریدن
 مناره سز آیاصوفیه جامعنه بکزه تدیکی اوپهرا نک بناسی ده صحنه سی
 قدر محتشم . . ایچ ایچه سالونلری و برقبول او طه سنه بکزه یین
 « به نیووار » لوجه لری ، کوز قارار تیجی بر قالابالینگ دولدوردینی
 « پیست » ی ایله اوپهرا انسانی صحنه سندن اول کندیسيله مشغول
 ایدیور .

ایلك کیجه بیلیم قاچنجی دفعه اولارق « فائوست » اوینا .

نیوردی . آرتق تاریخه قاریشان بو اثرک چوق نفیس موسیقی
دالغهری ایچنده قوتلی آرتیستر طرفندن اوینایشی انسانه یپ
یکی بر موضوع حسی ویریور . «آی تن» آرتیستره ، «ده قوره»
و بالخاصه موسیقییه بایلدی .

بر آقشام یکی بر پیس سیر ایتک ایچون «شاته» تیاترو-
سنه کیتدک . تیاترو تامیله دولو .. «پارس» لیلرک پک خوشنه
کیدن یکی بر پیس تمیل ایدیلور . موضوع هان هان کونک
وقعه لرندن آلمش . بزداها پارسه کیتمزدن اول فرانسز فرانغی
پک دوشمشدی . بزه چوق فائده سی دو قونان بوسقوط پارسک
پیس محرر لرینه ده ظریف بر موضوع قازاندرمش . پیسه ده
«فرانق» خسته بر آدام اولارق کوستریلیور . بر چوق دو قوتور لر
کلوب تداوییه چالیشیور لر . بودو قوتور لر هپ اوصرده موقع
اقتداره کلوب بر شی یاپامایارق کیدن باش و کیلر .. و غربی
شو که صحنه ده تمیل ایدیلوب کندی لریله ا کله نیلن سابق ناظر لر باش
و کیلر ده تیاتروده ، کندی کندی لرینی سیر ایدیلور و اهالی ایله برابر
کولیور لر . نهایت قالین بیقاری ، قانبورجه بوی ، قیرچیل
صاچلریله «بریسان» صحنه ده کورونیور آرتق امیدسز بر حاله
کلن خسته یه بر «دولار» شیرینغسی یاپیور . خسته کندینه
کلیور . بو زمانه قدر کلوب کیدن دو قوتور لرک ، یعنی سابق باش
و کیلرک یابدقاری بوتون تداوی هپ فرانسه نک سیاسی درد لرینه
عاند مسئله لر . . . فرانسز پولتیقه سنی ، فرانسز سیاسی لرینی ،
اونلرک کوزلری اوکنده تهزیل ایدن بو «پیس» ی ایرتسی کون
منع ایده جکلر صاندنم . حالبوکه بر کون صوکره چیقان غزته لر ،

زورنال، ماتن، پوتی پاریزین، حتی فیغارو بو پیه سی بوتون
نشئه لریله آلقیشلیورلردی.

* * *
— قوزوم آنه، بنم یوموق آنهم، هایدی بو کون
«ویلاقومپ»ه کیده لم، هم هوا او قدر کوزهل که!

غزته لرده هر کون آت یاریشلرینی، ته نیس ماچلرینی تعقیب
ایدن «آی تن» بنی ایکی اوچ کره زورله یاریشله کوتوردی.
شیمدی ده «ویلاقومپ» ده یاپیلان فوت بول، ته نیس، راغی
ماچلرینی کورمک هوسنه دوشدی. آرزوسنی قیرمادم. بوتون
بر کونمز سپور میدانلرنده، آفیته آترلرده کچدی. بن کندی
حسابه آت یاریشلرینی اوته کی سپور اکلنجه لرینه ترجیح
ایدیوردم. چونکه یاریشلرده هم بحث طوتمق، هم ده پارسک
اک شیق انسانلرینی کورمک وار، حالبوکه آی تن:

— بوراده چوق قالسه قده شو ماچلره بن ده کیرسه م،
دیه خولیا قوریوردی. اونک قلبنده تطمین ایدیله مش هوس
براقه مق ایچون تسلی ایتدم:

— ته نیس دکلی آجانم هپسی بر. استانبولده اوینا مادیفک
شیمی؟ هم استانبولده کیدنجه ایسته دیکک او طوموبیلی آلیرز.
داها کبار بر سپور اولور.

چوق کوزهل وصیجاق بر کون «وهرسای»ه کیتدک.
طالعمره اورانک مشهور فسقیه لی صولری، «فونتهن لومینوز»
لری. آچیلمشدی. یوزبیکلرجه پارسلی پی، اجنپی ییشیلک لرینه
چکن «وهرسای» باغچه لرنده آنا قیز آقشامه قدر دولاشدق.

دنيانك بلكه ده اك كوزهل طرح ايدلمش، اك نادیده نباتات
ايله سوسلنمش بو عصرديده سراي باغچهلري انسانك روحنده
درين بر تحول ياپيور. بر رسم صنعتكارينك فيرچه سيله بويانمش
كبي كورونن بو طرحلر، يوللر، «لايرهنت» طرزنده ترتيب
ايدلمش آغاچقلر، حاووضلر و نهايت اورمان ذوق، ذكا و
صنعتك بلكه اك يو كسك بر ابداع نمونه سي ...

رؤيالريمزده جانلانير كبي كورونن بو مخيل جنت اعلالر،
تاريخدن بر خيال كبي بزه انتقال ايدن بابيلونيانك آصمه باغچهلري
بيلمم كه «وه رساي» دن داها فوق العاده مي؟

«وه رساي» دن عودت ايدر كن ايجمه ده دنيانك اك مهم
صنعت اثرلرندن بريني كورمكدن دوغان بر ذوق و حيرتله برابر
درين بر ملال واردى . بيلمم غالبا كورديكمز منظره لردن
صوكره بر قاچ كونه قدر قاووشه جنمز طبيعت كوزهل يور -
ديمزي خاطر لامشدم.

. . . پارسدن بر قاچ باوول فضله اشيا ايله دونيور دق .
«آي تن» ابي بر فكر بولدى . درت كون، درت كيجه مزعج
بر تيره ن سياحتي يامقدنسه «مارسليا» يه اينوب واپورله عودت
ايدلم، ديدى . سياحت آجته لرندن برينه صور دق . مارسليادن
«پهرلوتى» واپورى آيك يكرمى دو قوزنده حركت ايدىوردى .
— اوچ كون غيب ايدم جكز آي تن ، ديدم . واپور
سياحتي ده يدى كون سورييور .

او حسابنى اولدن يانمش كبي كوله رك يانمه صور دقلى :
— بو اوچ كونى پارسده كچيرمه يز، آنه، ديدى . ماده م كه
واپوره وقتمز وار . عجله ايشمزده يوق ، «نيسه» اينه لم، ايكي

کونده اوراده قاليرز. اولمازمی ؟

ذاتاً ناصل اولسه سیاحت پروغرامنی آلت ئوست ایتشدک.
«پهرلوتی» واپوریله کله جکمهزه، کوندردیکمز سپارشلره دائر
استانبوله اوزون بر مکتوب یازدم. «آی تن» ک کشف ایتدیکی
یکی پروغرامی تطبیق ایتمک اوزره پارسدن حرکت ایتدک .

سیاحته چیقالمی ایکی آیه یاقلاشدیغنی حالده حالا آلیشه مامشدم.
بو مملکتک لساننی، عادتلرینی ده بیلمه مه رغماً بکا ایچمه ده دائماً
بر ئوزونتو، حرکتلمده عجمیلک وار کبی کلیوردی. حالبوکه
«آی تن» بوراده دوغمش، بویومش کبی اجنبی اولدیغنی هیچ
کیمسه یه حس ایتدیرمه دن ممنون، راحت یاشیوردی .

آقین آقین انسانلرک کوروب چیقدیغنی «غار» لرده کیمسه یه
صورمه دن، تردد ایتمه دن، اشیاریمزی ده کوزدن قاچیرمایه رق
بنی واغونلره کوتورمسی کوروله جک شیدی .

اوزون تیره ن سیاحتلری پک مزعج در . فقط دنیانک
بلدکده اک طاتلی تیره ن یولجینی پارسدن جنوبه اینن تره نلرده
کچور ظن ایدرم .

«نيس» ک موسمی دکل، ایندیکمز «غراند اوتل» ک بر چوق
دائره لری بوش . بو ساحلی دولدوران او چیلغین قالابالیق
چکیلمش کبی، فقط بویوک «غازینو» یه اکلنجه لی. آقشاملری
«پرومه ناده زانغله» ده یه عجائب، اکزانتریک قادین، ارکک
چهره لری کورونبور .

«نيس» ده فوق العاده بر اکلنجه یوق . فقط بر بوچوق
آی ایچری آوروپاده دولاشدق دن صوکره ده کیزه، ساحله

قاوشمەنك ویردیکى او آكلاشیلماز ذوق بزى داها چوق
 ممنون ایتدی. ده کیزه حسرتی، هله بوتون عمرلری ساحلرده
 کچن بزم کبی ایچلی انسانلره چوق تاثیر یاپیور .
 «نيس»ه قدر کلد کدن صوکره بر آدیم ایلریده «مونا قو»یه
 کیتمه مک معناسزدی .

دنیا نك بواك كوچوك، فقط اك مسعود حكومتی حدودلرینی هر
 كسه آچمش .. «آی تن»ك چوق خوشنه كیدن شیق بر «روز
 ریوز» اوطوموبیلی بعض یرلرده یوز اون کیلومتره کبی باش
 دوندوروجی برسرعتله بزى «مونا قو»یه کوتوردی .

بوراسی ده «نيس» کبی آرتق حرارتنی غیب ایتمش. حزیراندن
 صوکره بورانك مفتونلری «اوستاند» کبی پلاژلره «دوویل» لره
 کیدیورلر . بوساحلك آرتق قاینامه ، یانمه موسمی ..

یشیل ساحل ، شیمدی قوشاری ، یاورولری قانادلانمش
 بر بوش یووا منظره سی کوسترییور . «آی تن» پارسده آیشدیغی
 جیوجیولی نشئه لی ، قالابالیق حیاتی بوراده بولامانجه جانی
 صیقیدی :

— یوموق آنه ، بزیاكلش یاپدق ، سیاحته بورادن
 باشلاسه یدق تام اكلنجه لی زمانه تصادف ایدردك .

«نيس»ه عودت ایچون تکرار اوطوموبیله بئزکن یاناقلرینی
 اوقشادم :

— بزمکی برکیف سیاحتی دکلدی که یاوروم ، «ویانه» دن
 «پارس» دن یوللادیغمز سپارشلر شیمدی استانبولده بیتمشدر
 بیله . فرصت بولورسه ق بورایه كله جك قیش کلیرز اولمازمی؟

سیاحتدن عودت قرارینی ویرد کدن سوکره مملکت حسلری
وئوزله بیشرلی بردنبره جانلانیور. بوسیاحته قانامایان «آی تن» بیله
آرتق صیق صیق استانبولدن بحث ایتمکه باشلادی .

بوتون دنیانک خیالی قوروب حسرتنی چکدیکی ماوی ساحلدن
آنا قیز بو حسله آیریلدی .

بهارک یازده قاووشدیغی آیلده چوق راحت برواپورله یاپیلان
آق ده کیز سیاحتی انسانه ساکن و پرصحت برساناتور یوم حیاتی
کچی کلیور .

کوزهل «پهرلوتی» ایکی آیلق سیاحت یورغونلغیزی
اونوتدورمق ایستر کچی براق برکوک آلتده ایتالیا ساحلرینی
دولاشدی . واپورده اپی قالابالق وار . بویوک بر آمریقان
غزته سنک مخبری ضفیله سیاحت ایدن کسچ میس «کته تی»
ایله «آی تن» احباب اولدیله .

اکن راحت بر آپارتماندن دهامکمل اولان واپورده کچیردی کمز
برهفته ، سیاحتیزک نم ایچون بدکه اکن خوش بر قسمی اولدی .
بو ساکن و مستریح کونلرک سوکنده استانبوله و دوستلره
قاووشدی .

«آی تن» ک ، وبنم انتخاب ایتدی کمز موده لرداها
بز اسانبوله کله دن قاپیشیلش . اونلری مانکن لرده دکل ،
اجابلرک آرقه سنده کوردک .

بوتون بهاری سیاحتده کچیرد کدن سوکره یازک اکن صیجاق
کونلرنده استانبوله و آپارتمان کملک «آی تن» ک پکن خوشنه
کیتمه دی . بانیموسمنده اونی آپارتمان قاپامغه ، اکثرمداملری

صیفیه لره کیتد کلری ایچون طادسز کیمسه لره دولان «ته نیس»
قورتنده یالکز براقغه کوکلم راضی اولمادی .

آبلام بوییل بزدن آیری قالدقیری ایچون «یکی کوی» ده کی
کوشکه کیتمشلردی . استانبوله کلدی کمز وقت انشته مک بر معتاد
اوزون بر سیاحتده اولدیغنی خبر آلدق . بوسفرده بر
توتون ایثنی یایمق ایچون «ویانه» یه کیتمش ، انشته اورایه
کیتد کدن صوکره «اکس له بن» ، «دوویل» ، قدر
اوزانمایه جاق قدر ساده دل دکدر . بناءً علیه بویاز آبلام ینه
یالکز دیمک . ذاتاً داها ریختیمده بزنی قارشیلار کن «یکی کوی»
مسئله سنی اورتایه آتدی لر . فقط بن کندیمه ، کنجلمکه طاند
آجی ویاطاتلی برچوق وقعهلر خاطرلاتان او کوشکدن عادتاً
تشم ایدیورم .

ایچمه او یله کلپورکه بنی ، کنجلمکی خویالی ، نیم مست
صحنهلر ایچنده حس ایتمدن آله و اضطرابه کوتورهن وقعهلر
تصادفلر قیزیمک یولونده چیقاجاق . .

بویله بر احتمال دکل ، حتی تخیل بیله بن اورادن اوزاقلاشدی رمنه
کافی در . کیمسه یه ایضاح ایده میه جکم بوسبب ، آبلامک بوتون
رجالرینه رغماً بنی اورادن باشقه بریره کیتمه مجبور ایتدی .
کچ قالدیغمز ایچون قالا میشده کی کوشکی قاچیرمشدق . فقط
«سهوکی» نک نشانلیسی بزه قاضی کوینده کی احبابلرینک
یاردیمیه «مودا» اسکله سنده کوزهل بر نه و بولدی . ایچنده
قوشوب اوینایاجاق باغچه سی اولمایان بو نه وک اک بویوک ایلیکی
کوچوک مودا باغچه سنک یاننده اولماسیدی .

« آی تن » بوراده اوطوموبیلی اونوتدی . « ده کز » ک
 اویله سحرلی بر قدرتی وار که بوتون اکلنجه لری کریده براقیور .
 آنا قیز صباح قهوه آلتیریمز ایچون باغچه یه کچپورز . او قدر
 ایرکن قالقیورز که باغچه ده وده کیزده بزدن باشقه کیمسه بولونمیور .
 سیاحت هدیه لرینی داغیتقدن صو کره زیارتلر باشلادی .
 آبلام « یکی کوی » دن کیراجیلری چیقاردیغنه چوق پشمان :
 — بیلسه یدم ینه برابر بویوک بر نه و طوتاردق دیبور .
 قیزلرینی آلوب بر ایکی کیجه قالمق ایچوق بزه کلدی .
 « ینلیدیز » له « سهوکی » بوراده کی اکلنجه لی حیاتی کورونجه
 « یکی کوی » یه کیتمه یز دیه طوتدوردیلر .

بو هپ « آی تن » ک معذبلیکی ایدی . مع مافیله بونده
 « سهوکی » نک نشانلیسنک (قاضی کوی) ده اولوشی ده تاثیر
 یامیور دکل . « فرید کامی » بک اونلرک « یکی کوی » ه کیتمه لرندن
 ممنون دکل کبی . هر حالده « سهوکی » ده عینی فکرده . غزته
 ایله برابر « حقوق » مکتبنده دوام ایدن « فرید کامی » نک
 نه ولنمسی ایچون انشته مک قویدیغی شرط اولماسه چوجوقلری
 باش کوز ایده جکز آما ، انشته مک حقوق دیپلوماسنی آلمانجه
 نکاح اولاماز دیه اصرار ایدی شی هر ایکی طرفک آرزوسنه
 نه نکل اولیور . « آی تن » نک جوشغون زمانلرنده « فرید
 کامی » یه طاقیلیرکن اک نازک بولدیغی طرفی ذاتاً هپ بومکتب
 مسئله سی !

اونلری بعضاً یالکز ، باش باشه کوردکجه همان « سهوکی » یی
 طوتوب قالدیریور . « فرید کامی » نک اوکنده حرمتله نه کیلوب :

— نافله بك افندی ، امتحان ویرمه بجه سزه قیز یوق !
دیبه زواللی بی قیب قیرمزی ای دیبور .

مع مافیہ ظن ایدرم بوقیش سوکنده دیپلوماسنی آلاجاق .
اوقدر ذکی دکل ، فقط چالیشقان بر کنج .

ایکی کیجه قالدقن سوکره آبلام « یکی کوی » . دونمک
ایسته دی . ایکی قیز بردن یالوارمغه باشلادیلر :

— برکون دها قالالم آنه ، « یکی کوی » . کیدوبده
نه یاپه جغز ! قونوشه جاق کیمسه یوق .

« آبلام » بوتون بو فکر لرك « آی تن » دن کلدیکنی آکلپور .
فقط بویله مناقشه لرده اونی کورمک امکانی یوقدرکه !

ایکی کون ایچون کلشکن بر هفته قالدیلر . فقط « آبلام »
« یکی کوی » ده کی کوشکی دها فضلہ بر اقامازدی . نهایت بر
قاج کون سوکره ینه کلک اوزره کیتدیلر .

« آی تن » بو هفته « فنه ر باغچه » قلوبنه کیردی . بو کیریش
تحف بر مناسبتله اولدی .

آبلام ، بزده ایکن بر آقشام « آی تن » له « ییلدیز » خفیف
بر صاندالله مودادن فناره کیدیورلرمش . « فرید کامی » ایله
« سهوکی » ده صندالده ایمشله . او صیره ده ایچنده ینه دیگر ایکی
کیشی طاشیدیان « فنار باغچه » قلوبنک ایکی چیفته بر صندالی ایله
بر خذایه کلشله . « آی تن » ک معدبلکی طوتمش . کوره کلره
اصیلمشله . اوته کیلر « فرید کامی » بی طانیدقلری ایچون بو یاریش
حاضر لغنه اولاکولمشله . ادمانلی قوللرک کوتوردیکی بر قلوب
صاندالی ایله یاریش ایتمک کیمک حدی یا . فقط بز میکیلر ایشی

جدی طوتوب ایلری کچنجه صیق بر یاریش باشلامش و مجادله
نهایت بزمکیرک غلبه سیله نتیجه لشمس .

بو وقعه بی بزه یمکده آکلاتمشردی . آبلامله قیزلر «یکی
کوی» ه دوندکن صوکره بر آقشام اوزری «فرید کامی» بک
بزه اوغرادی . «آی تن» اونی بر معناد :

— بویله کزوب توزه جاق یرده شوامتحافلری ویرسه کزده
داماد بک اولسه کز . دیه قارشیلار کن او لاقیردینسی کسدی :

— شیمدی او مسئله بی براقده جواب ویرک ، دیدی
سزی «فنارباغچه» قلوبنه اعضا یامق ایستقورلر . نه دیرسکنز ؟
بن بر معنا ویره مه دیکم بو آرزونک منبعی آکلامق ایسته دم :

— ایسته یهن کیم فرید بک ؟

— بوتون قلوب هیئی .

صوکره بزم حیرتمزی بر طرف ایتمک ایچون تفصیلات ویردی :

— کچن آقشام بر یاریش اولمامشیمدی . قلوبک صدالنی
کچمشدک یا . او صاندالده قلوبک ریسی واردی . بالخاصه «آی تن»
خانمک کوره کچکیشی نظر دقتنی جلب ایتمش . قلوبده بر
چوقلرینه آکلاتمش . نهایت اکر آرزو ایدرسه ایلك قادین
اعضا اولارق کندینسی قلوبه قبول ایتمک قرار ویرمشلر .
کچن آقشام بنی بولدیلر ، تکلیفلرینی قبول ایتمک ایچون رجاده
بولونمامی ایسته دیلر . ایسته مسئله بو . .

«فرید کامی» بک دوشوندیکمی کورونجه بکا دوندی :

— شاید موافقت ایدرسه کز بر کون هپ برابر «قلوب» ه

کیدرز . بنم همان هپسیله دوستلغم واردر . سزه ، «آی تن» خانمه

بر قاچنی طاینیتیرم . اولور بیتر .

بویله وضعیتلرده «آی تن» بنم فکریمی آکلامه دن حسلرینی
اظهار ایتمز . اونک ایچون مکالمه کندیسینی او قدر علاقه دار
ایتدیکی حالده بر شی سویله مه دن نهایتنه قدر دیکله دی .

بحث ینه «فرید کامی» بکله آرامزده دوام ایتدی :

— «آی تن» قلوبه اعضا اولمقله نه استفاده ایده جک ؟

«فرید کامی» بک قیزمه عائد مسئله لرده نه قدر حساس اولدیغی

بیلدیکی ایچون اصل مقصدیمی آکلامقده کچیکمه دی :

— اوراسی نهایت سپور قلوبی در تیزه خانم ، جنتلمن ،

سپورجی کنجلك طوپلانقلری بریر و بر قاچ شعبه سی وار .

اك قوتلی قسمی بیلورسکنز «فوت بول» طاقمی در . صوکره

«ته نیس» ، «هوکه ی» «ده کیز» شعبه لری وار . اعضادن اولانلر

بوتون بو شعبه لردن استفاده ایده بیلیرلر . مثلاً «آی تن» خانم

ای کوره ک چکیور ، ده کیزجیلک قسمنه عائد قوطره لردن ،

فوطه لردن بوتون قلوب آرقاداشلری کبی استفاده ایدر . «قلوب»

بناسی ده کوزه لدر ، طبیعی بیلورسکنز . استانبولک اک کوزهل

قلوب بناسی . بوراده بوتون سپور مجموعه لری بولونور . آرقادا

شجه طوپلانلوب کوروشولور . والحاصل تمیز ، اکلنجه لی بر

حیات در . بن بیله سپورله او قدر مشغول اولمادیغ حالده صیق

صیق کیدر ، وقت کچیررم . قلوب اعضاسی هپ ای ، تمیز عائله

چوجوقلری در . اکر ایسترسه کز سزه قلوبک برده نظامنامه سنی

کثیریم . کوره جکسکنز که جدی ، تمیز بر سپور و اکلنجه

کوشه سی در .

«فرید کامی» ایضاحات ویررکن بن «آی تن» ی دوشونوردم .

بو يازك صوكنده ارتق مكتبه دونمه يه جك، بزده مكته بيتره ن
قيزلري كرده بكه ين يكانه حيات ، عائله و ازدواج حياتي در .
بو او ديمك در كه تحصيلي بيتره ن بر قيز، نه ولنمه ديكي تقديرده
بوش وقتلريني تولدورمك ايچون سربست انسانلرك قبول ايند
كلري مشغوليتلري آرايوب بولا جقدر.

بوده اويله تهلكه لي بر مشغوليتدر كه اك تميز اعتنالره
يتشمس قيزلري بيله آرزو ايديلز و بكنمنز حادثه لرله قارشيلار
شديرر .

ايچي، كنج قيز روحلريني فنا تلتق لر، يا كلش دوشونو -
شلرله شاشيرته جاق چوق مهلك ديدى قوديلر ، وقعه لر و
تصادف لرله دولو اولان جمعيت حياتمزه «آي تن» ي قاريشدير -
مقدن دائما اوزاق قالا جغم.

قيزم، قاعده لري هنوز تاسس ايمه ين والآن بزم نسلك
چوروك و ضعيف روحلي قادينلرينك حاكم اولدق لري طور -
طولي، سقط دوشونجه لي ، ظواهرنده كي بوتون جعلي نزاھتنه
رغماً ايچنده مضر ، مهلك وحتى ايكرنج حقيقتلر ياشايان بو
كونكي جمعيت حياتنه، درست و تميز كنجلرك فكر آرقاداشلغني
ايتدكلري بر قلوب حياتني ترجيح ايمه ليدر. بوكا بر آنده قرار
ويردكن صوكره «آي تن» ه صوردم :

— فئار بانجه قلوبنه كيرمك ايسترميسك قيزم .

بوتون آرزولريمي يوزومدن آكليور، اونده كي بو صاف
حسلر وقوتلي قناعتلر، حياتني وحركتلريني اداره ايتمك ايچون
بكا رهبر اوليور. بوتون صميمتيله جواب ويردى :

— چوق ایسترم آنه !

— او حالده یارین «فرید کامی» بک بزى قلوبه کوتورور،
بنده کورمش اولورم. ظن ایدرم که ممنون قالیرسک.

«فرید کامی» تشکر ایتدی و یارین آقشام بزى قلوبک
ساندالیله کلوب آلق اوزره کیتدی. «آی تن» متشکر، چوق
چوق یوزومی ئوبدی، برابر چیتدی. آقشاملری کوچوک موداباغچه
سنگ هر طرفی کورهن گوشه سنده بن چای ایچرکن او ده کیزه
کیریور. بو آقشام ده کچ وقت قدر قالدی. هر کس چکیلدکن
صوکره مایوسنی چیقارمهدن، آرقه سنه بورنوسنی آلب
یانمه کلدی. ده کیزه، هوا و کونش اونک هر کون سرپیلوب
کوزهللشن وجودینه نه قدر یاریور. اک کوزهل خطلری
بلیرن قوتلی و یووارلاق یوزی، بر نشئه وهیجان منبعی کبی
دائما کولن، چیچکله بن بویوک قورشونی کوزلری ایله اونک
دالغهلی کسیک صاحلی کوزهل باشنی سه و مکن کنیدی آمادم.
قلمدن کنج قیزله عائد امیدلر و قورقولر کچدیکی حالده
اولادینک یاننده بر صیانت ملائکه سی کبی یاشایان حساس و
تجربه لی بر آنه یوره کیله اونک سعادتنه دعا ایتدم. قیزم آرتق
آدیم آدیم حیاته کیریور. اونک تمیز قلبی، دوز و معصوم فکر
لریله کوروب آکلادینی بو حیاته نه بلیرسنز تهله کله، نه کورو
لتوسز فاجعه لر واردر. «آی تن» ک ذکاسنه و اخلاقنه چوق
قوتلی اعتماد واردر. فقط حیاتی و انسانلری اک فضله طانیش
تجربه لی قادینلرک بیله بعضاً او یله بر کوکل ضعف لری واردر که
بر باش دوندوروجی، مست ایدیجی آنلرده شرف و عزت نفس

مجادله سی پک بیهوده اولور.

«آی تن» ایچون اک قورقدیغم نقطه بودر. بوندن صوکره اونک قلبی و تمایلرینی صیقی بر تدقیق آلتنده بولوندورمق لازم. بو کونک جمعیت حیاتی بر کنج قیز ایچون مضر اولا- بیلیر. فقط کنجاری بر مسلک و بر هوس اطرافنده طوپلایان بو یکی سپور و قلوب حیانتک ناصل بر محیط حاضر لادینی ده مجهول در. «آی تن» اوله ادا ایدم بیلیرم که بویله بر حیاته اک ای حاضر لائمش اولان بر تورک قیزی در. بئم جمعیت حیاته عائد تجربه لرم قدر اونک ده محیطی و انسانلری کوچو کدنبری آدینی غرب تربیه سیله قبول و تلقی ایدن بر کوروشی وار. بوتون آرزولری، رسم و سپور کبی بیقدهر میان، دائما تازه هیجان کتیره ن موضوعلر اطرافنده بیریکن بر کنج قیزک قلبی، سالون کوشه لرنده قاریشیق دیدی قودیلرله وقت کچیره ن «موند» قیزینک قلبندن چوق قوتلی در.

صیجاق بر حزیران آقشامی .. افقار سیس ایچنده غیب اولیور. ده کیزده حرکت یوق.

«آی تن» بورنوسنه صارینمش یارین آقشامکی قلوب زیارتندن بحث ایدیور. یاواش یاواش سرینله یین باغچه ده اونی اوشو- تمه مک ایچون قالدیریورم. برشی سویله مهن البسه لرینی قولتو- غنه آلوب یانعه کلیور. اونی بر چیلغین کبی ئوپمه مک ایچون کندیمی کوچ ضبط ایدیورم. قیزی هیچ بر زمان بو آقشامکی قدر کوزه ل بولمادم. بوتون حسلری و دوشونوشلریله بئم اولان یاورومک آرزولری و دوشونجه لرله مشغول اولق بکا

اويله هيجانلى برحظ ويريور كه !

يكدن صوكره بالقونده كچ وقته قدر قونوشدق . اوكا
يكي كيرديكي حياتك حقيقي منظره سنى طانيتمق ايچون ار ككلره
وقادينلره عائد بر چوق مشاهده لر، تصادفلر و حقيقتلر آكلاتم .
انسانلري، كوچوكدنبري آلايني تربيه ايله كندى تلقيلرينه
كوره طانيان «آى تن» بنم بو كيجه كي حكايله لريمى ديكه دكدن
صوكره صميمى وارلغندن چوق شى غيب ايتدى . بونى حس
ايتدم . فقط اوكا، اطرافنده چوريله جك ظريف و كورونو-
شلى چوق امنيت ويريحي انسانلرك حقيقي چهره سنى طانيتمق
ايچون روحنده و تلقيلرنده بو انقلابى ياقمق لازمدى .

قيزم بن كچ وقته قدر ديكه دى . اونكه انسانلره، جمعيت
حياتلر يميزه دائر ايكي تكليف سز آرقداش كى قونوشدق . قناعتلريمى
اوكا هر هانكى بر آنهك آرزولرى ، نصيحتلرى كى دكل ،
حياتده كورديكنى اونوتمه مش و تجربه لرندن عبرت آلمش بر
ياشلى آرقداش كى وقعهلردن ، تصادفلردن ، نتيجه لرندن بحث
ايدرك تلقين ايتدم . اونك ، داها اولديغندن باشقه صورتده
كورونمكه آليشماش قلى، بومراقلى وهيجانلى حكايله لرندن چوق
شى او كرندى . پاك و حساس بر كنج قيز روحنى حقيقتلرك بو
سرت افاده سيله دولدورمق چوق فنا . . . نه چاره كه حيات
بويله ايستيور . بوتون ار ككلر «مجنون» دكل كه «آى تن»
ليلا اولسون .

« فنار باغچه » قلوبنك دره كنارنده كوزهل بر بناسى وار .

« فرید کامی » بك كله جكمزى آقشامدن خبر ویردیکی اچون
قید معامله سنی حاضر لامشدر . « آی تن » نك اسمنی ایلک قادین
اعضا اولارق قید ایدر کن قلوبك تربیه لی و ظریف رئیس ،
خانم آراسنده باشلایان سپور هوسلرندن بحث ایدیوردی :
— ظن ایدیورم که برایی کون صو کره برقاچ خانم آرقاداش
داها قازانه جغز افدم ، دیدی . بلکه طانیرسکز « قلامش » ده
عاطف بک قیزلی واردر . چوق سپور مراقلیسی خانم ..
قلوبه کیرمک اچون بر آرقاداشمزدن رجا ایتشدر . شیمدی
اداره مجلسنده مذا کره ایدیله جک .

اچری کیردیکندنبری آغیر باشلی کورونمکه چالیشان
« آی تن » بونی ایشیدنجه کندینی طوتامادی :
— آمان آنه بزملیکلر ، دیدی .

و صو کره اونک بردنبره آتیلیشنی کوروب آفالایان
رئسه دوندی :

— مذا کره نه لزوم وار بك افندی . اویله ای قیزلر-
درکه ! هله « غزال »

آدمجغز آکلایشلی ، هضملی برذات ، « آی تن » ک اختیارسز
حرکتلرندن ناصل بر قیز اولدیغنی حس ایتش کی کوله رک
باشنی ساللادی :

— طبیعی خانم افندی ، حقکز وار . شهه سز آرامزه
قاریشه جقار . فقط معلوم یا ، قلوبلرده بعض اصوللر وار ...
اونلرده رعایت ایتک لازم .

و صو کره « آی تن » ی اقناع ایتک ایسترکی دوشونه رک
علاوه ایتدی :

— بواصولر اولماسه، قلوبه کیره جکلر ایچون مذا کره لر
 یاپیلماسه بلکه ده بوراده آرقاداشلق ایتمکدن چکینه جکلر
 چهره لرله قارشیلایر سکنز . آرامزده صمیمی برآهنک قورا-
 بیلمه من ایچون همزک مراجعت ایدنلره قارشى برآز متجسس
 و مشکلیسنده اولمه من لازم . اوله دکلی خانم افندی ؟
 «آی تن» بوقیر صالحلی، کبار آدامک لاقیر دیلرینی صبر سز لقله
 فقط حرمتله دیکلیوردی . ویریلن ایضاحات اوکا قناعت کتیر مشه
 بکنز بیوردی .

اونی «فعال اعضا» دفترینه قید ایدن رئیس «آی تن» .
 تشکر ایتدکن صوکره بکا دوندی :

— آرزو ایدر سه کز سزک ایچون ده بر دفتریمز وار خانم
 افندی ، دیدی . اصلی وحامی اعضا لزمزده وار که وجود لر یله
 قلوبمز افتخار ایدر . اونلرک آراسنده بولونمق ایستر سه کز .
 هم کریمه خانمی ده قلوب آرقاداشلغنده یالکیز بر اقامش اولور سکنز .
 «آی تن» ایکی اللریمی طومش اصرار ایدیور فرید کامی :
 — صورمغه لزوم یوق یازیویرک جانم دییوردی .

اساساً رد ایده جک دکلم . قیزیمک بولوندیغی بریره بن
 ذاتاً علاقه دار اولاجقدم . فقط حیاتده هر شیئی تفرط ایله
 دوشونمدهن برقرار ویرمه مکه آلیشدیغ ایچون کوچوک برتردد
 آنی کچیر مشدم .

نهایت اصلی اعضا دفترینه ده بن قید ایدلم . آنا قیز، برابر
 یکی بر مکتبه باشلامش کی سه وینیوردق . بزه قلوبی کزدیر دیلر .
 هر احتیاجی تأمین ایدن کوزهل ، حقیقی بر سپور قلوبی .

« آی تن » دره کنارینه چکلمش ایریلی اوفاقلی قلوب
قوطه لرینی ، صاندالترینی کورونجه اللرینی چیرپدی :
— نه کوزهل شیر ، هله یاریش ایچون مکمل ..
رئیس ، اوده کیشمه ین ، ساکن سسیله « آی تن » ه
مژده لهدی :

— برده خفیف ، شیق قوطره مز واردر خام افندی .
بلکه مودا اوکلرنده کورمشسکزدر . بزم چوجوقلر همان هرکون
آلیر ، آطه لره ، بوغازه کیدر لر . سزک دکز سپورلرینه
هوسکز وار .

فقط بیلیم یلکن قوللانمقدن ذوق آله جقمیسکز . « قالا میش »-
ده کی آرقاداشلریکزی آرامزه آلامده برکون هپ برابر قوطره
تجربه لری یپارز .

« آی تن » ک سه وینجه آرتق پایان یوقدی .
« قلوب » بوکون پک تنها ایدی . بزى قاپی به قدر کچیرن
رئیس قلوبه عايد نظامنامه لردن بررتانه ویردی ، آرتق موفقیتلرینی
غزته لرده تعقیب ایتدی کمز قلوبک بزده اعضاسی اولشدق .
« آی تن » ، « فنار باغچه » قلوبنک کوکلی برمدافعی ایکن
برایکی کون ایچنده اسمنی قلوبک دفترلرنده کورونجه اسکی
چوجوق چیلغینغیله سهویندی ، همان ایرتسی کون بنمله برابر
استانبوله ایندی . بک اوغلندن قوطرده ، صاندالده کیمک
ایچون بری نورمه ، ایکسی کتن اوج فورمه آلدی ، اللره ، قوللره قوت
ویره ن طوقالی مشین ، شیق بیله زیکلردن بولدی . آلتی دوز
سپور اسقارپنلرندن ایکی چیفت آلدی . بریکن پا کتر آراسنده

نم اڪ چوق خوشمه کيدن اوزرلری چاپلی بری بیاض بری
لاجورد ایکی کمیچی شاپقه سی اولدی. اونک یووارلاق قومرال
یوزونه نه قدر کوزل یاقیشمشدی .

ذاتاً کوچو کدبری سه ویدیکی ده کیزله بو قدر یاقیندن علاقه دار
اولوشی اوکا هر شیشی اونو تدوردی. سیاحتدن دو نجه آلاجمی
وعد ایتدیکم او طوموبیلی ، حتی « تهنیس » ی ، « غولف » ی
هپسینی براقدی .

ده کیزجیلکه عاند شیرله دولو پاکتلی آقشام اوزری
سلیمان آغا نه وه ، مودایه کتیردی . « آی تن » شیمدی راحت
راحت ده کیشیور ، قیافتدن قیافته کچوردی . بو کیجه اسکی
فرانسز معلمه سی مسافر کلدی . قادین « آی تن » ک کوچوک کن
آلیشامادینی حیوا کی خویپالغنی حالا ترک ایتمه مش ، کورونجه
نه سویله جکنی شاشیردی . بکا اویله کلدی که اونک حاللرنده
معصومیتله قاریشیق بر ایچلی یارامازلق حس ایتسه یدی فرانسز لرك
پک قوللانقلری « شماریق » کله سی آغزندن چیقاجقدی .
فقط « آی تن » ک لاابالی و جوپیا کی کورونن حاللرنده هر کسه
امنیت و جدیت تلقین ایدن بر وقار و تواضع ده وار .

البسه لریله اولان مجادله سی بیتد کدن سو کره ایچی راحت
ایتمش کی اسکی معلمه سنک یانه کلدی . شیمدی اوکا آوروپا
سیاحتنده کوردکلرینی آکلاتیوردی . « پارس » حقنده ویردیکی
مهم تفصیلات اختیار فرانسز قادینک قولتوقلرینی قبارتدی .
« آی تن » اونی یاریم ساعت ایچنده تسخیر ایتمشدی .

. . بو آقشام قلوبک ایکی چفته فوطه سیله « قالامیش » ه بزم

اسكى قومشولره كيتدك . كوره كلرده «آي تن» له «فريدكامى»
بك وار . «آي تن» اوكا طاقيليور .

— نه تذبذبل آدامسكنز فريد بك . شو امتحانلرى
ويرمه ديكز كه «سهوكى» نى سزه ويره لم . بو يازى ده آيرى
كچيرديكنز آجانم .

«آي تن» بو اقشام اسكى قومشولرينه «قلوب» ه يازيلدقلىرىنىك
مژده سنى كوتوريوردى . اونلرى كوشكده دكل ، داهايولده
ده كيزده بولدق ، اوچ قاردهش كچن سنه كى كچي قاپي تحته لرندن
يايدقلىرى صاله بينمشلر ، آچيلورلردى .

كچن سنه عكسلىرى قولاقلردن كيمه ين «هوهو» لر باشلادى .
نهايت بزم قاپدان ماهرانه برمانورا ايله ساندالى صاله ياناشديردى .
اونلر ذاتاً يارى صالده يارى صوده ايديلر . صالدين هپ
برابر سانداله دولديلر . كوچوك فوطه بو فضله آغرلقه صاللا
نجه «فريدكامى» بك هايقيرمغه باشلادى !

— واللهم باطه جفز . يامه بك الله عشقكزه !

كاشكده بو قورقويى حس ايتديرمه يدى ، شيمدى «آي
تن» ده اونلرله برابر اولمش بر برلريله شاقالاشوب ساندالى قابوق
كچي اويناتورلردى . بن ده قورقغه باشلادم :

— يامايك چوجوقلر اچكزده بن وارم . صوكره بر
داها سانداكزه بينم .

اونلرى بر آرايه كلدكن صوكره ضبط ايتمك امكانى
يوقدر . «قلوب» حوادثى اوته كيلرى ده چيلغينه چويرمشدى .
هله «كوكل» له «غزال» همان همان «آي تن» قدر خاشارى .

نه دنسه بويوكلر بر آز اوصولو اوليورلر. آبلامك « ييلديز » يله
« عاطف » بلكرك « كوكل » اوتنه كي قارده شلرينك ياننده آووجده
دورماز برر طوتام جيووا .

زواللي « فريدكامي » بو آفاجانلر آراسنده كوره كلري براقوب
يانمه قاشمدي . « آي تن » باشده آياقده دوريبور ، اوتنه كيلر
كوره كلره كچمشلر چكيورلردى !

— بزى قارايه چيقارك قوزوم ، صوكره نه حالكنز وارسه
كوروك ديدم .

كندى حالنه ترك ايديلن سال اوزاقلرده قالمشدى . بزم
خفيف سانداال عادتاسو ايله برابر كيديبور . « آي تن » آلتده
« ماييو » سى اولديغى ايجون بياض ده كيز كوملكنى آرقاسندن
چيقاردى . مقصدينى آكلامشدم . فقط بن داها آغزيمي آچمهن
او فيرلادى . كنديني ده كيزه آتدى .

اونك صيچرايشى سانداالى فنا حالده اويناتدى . بزخلجان
ايجنده طوتونمغه چاليشيركن آرقاسندن « آسمان » آتلادى . آرتق
ساندالده موازنه قالمامشدى . اوتنه كيلر ، « غزال » له « كوكل »
كوره كلري براقديلر ، برر برر ده كيزه آتلاديلر . شيمدى
هپسى اطرافمزده دالوب چيقه راق شاقالاشيور ، صاله قدر بر
ياريش ياقمق ايجون قرار ويرمكه چاليشيورلردى .

« آي تن » آرا صيره « فريدكامي » بكه صو آتيور . سانداك
ياننى طوتوب صالليور ، آدامغزى معذب ايتك ايجون ياقمادىغنى
براقيبوردى .

« قالاميش » قوينده كي بو منظره كون باطنجه يه قدر دوام

ایندی. نهایت اونلر صالدرینه دوندیلر. «آی تن» بزه عودت
ایندی. «فریدکامی» بک بزی موده ده کیز حامنک اسکله سنده
براققدن سوکره قلوبه دوندی.

بو آقشام یمکده یالکزز. فقط «آی تن» نشئهلی اولدینی
زمان کندیمی قالابالیق بر صوفره باشنده ظن ایدرم. موضو -
علری هپ محیطه، طانیدقلرینه، کچیردیکی حیاته عائد... کونک
حادثه لرینی آکلایرکن او یله جانلی نقطه لری تثبیت ایدیورکه
وقعه لر اوچ کله ایچنده درلی طوپلو برمنظره حالی آلیور. اونک
حرکتلره و افاده لره ویردیکی وضوح بر فوطوغراف عدسه -
سندن داها امنیتلی ...

بو آقشام کونک بوصیمی وقعه لرینی دیدی قودی حالنده
آکلایرکن صوردم :

— «آی تن»، هر کونک حادثه لرینی اک قاباریق نقطه لرینی
از برلیه رک آکلایورسک بونلر چوق کوزهل کنجلاک خاطره
لری در . بر زمان کلیرکه بوتون بوصیمی وقعه لر ، اکلنتی لر
اونوتولور، آرتق مکتبک ده یوق، یالکز رسم، موسیقی، سپور
انسانی مشغول ایتمز. آرا صیره فکرده ایشله مهلی. نه اولور ،
کونک بو کوچوک، کوچوک خاطره لرینی بردفتره کچیرسهک!
دقتله بنی دیکلیوردی . بر آز دوشونور کبی اولدی .
صوکره موافق بولمش کبی باشنی صاللادی :

— نه ایی دوشوندک آنه، دیدی. صاحی خوش اولاجاق.
فقط بن ایی یازی یازامام که آنه!

— ضرر یوق . بویله خاطره لر انسانلرک اک صیمی یاز -

یاری در. ناصل دوشونیور، ناصل آکلایورسهک اویله یازار سک. فقط بر شرطله «آی تن»، بو یازیله هیچ بر قید هیچ بر آقیری دوشونجه حاکم اولمالیدر. کیزی، شهلی بر کو- شهسی اولان خاطرله ویریلن ئەمک بهوده در. اونک ایچون صیمی اولماقلا ایچون چوق کیمسه بو خاطرله درده موفق اولاماشدر. هم انسانک کندی آلداتمه سنه نه لزوم وار دکلی؟ حقیقتدن بحث ایده مهینر آلرینی قلمه اوزاتمالیدرلر. یشیل، قاریشیق قورشونی کوز بیکلری بویوردی. دوشوندیکی زمانلر دایما کوزلری بویله دالار. بو تکلیف هر حالده خوشه کیتمشدی اونی بر آز داها تشویق ایتش اولمق ایچون دوام ایتدم:

— هم سن بونده موفق اولورسک «آی تن». چونکه حیاتک، وقعهرک اک چپلاق، اکسرت کوشه لرینی کوریور- سک. صوکره باشقه بر شی داها وار. کوزهل رسم یاپان، موسیقی ایله مشغول اولان بر کنج قیزی یازی یازماسینمی؟ آرتق قانع اولمشدی. چونکه کوزبیکلری پارلامغه باشلادی. — بن سکا یارین کوزهل بر دفتر آلیرم. آقشاملری وقت بولدقجه یازارسک. کوره جکسک باق، بر کون اولاجق، بونلری چوق ئەمکله یازیلش مراقلی بر رومان کبی اوقویه جکسک. شو فرقله که، بو یازیله درده هیچ بر رومان محررینک موفق اولاما- یه جنی درین بر صمیمیت واردر.

اطرافله دوشوندکجه خوشنه کیدیور:

— صاحی ای اولاجاق آنه، بیلسهک شیمیدین عقلمه

نہلر کلیور. فقط نرہ دن باشلامالی بیلیم کہ !

— بن سکا سویلہ یه می می آی تن، مکتبدن چیقده، کوزله
برسیاحت یابدک. ای بریاز کچیریورسک. بو یازک سنک ایچون
اک مهم حادثه سی بنجه «قلوب» داخل اولمقدرد. شیمدی یه قدر
بزده کنج بر قیزک صرف ار ککلرک منسوب اولدقلری برسپور
قلوبنه کیردکلری کورولمه مشدی . ایلک دفعه بوکا سن آدم
آتدک. بو حرکت یکی بر حیاتک باشلانغیچیدر. سن ده یازیلرینه
قلوب حیاتندن باشلارسهک هم کندک ایچون، هم ده یکی حیاتک
نتیجه لری ایچون حقیقی برلوحه یاشاتمش اولورسک. فنامی ؟
— براوو، آنه، دییه قالقدی، قوجاغمه او طوردی. صا.

چلریمی، یوزومی ئوپور، اوموزلریمی صارصیور :

— اویله عقللیسک که آنه، دییه هر طرفنی دیدیکلیوردی.
دیزلریمی آغریتان آغیرلغی، قوتلی، ادمانلی وجودی ایله
بو قوجامان قیزی سهومه مک ممکنمی؟ اونک حیاتنده آرا صیره
بو یله تازه آرزولر، هوسلر او یانیدیرمق خوشمه کیدیور. بو
کیجه او قدر ممنون قالدی که هر آقشامکی اویقو ساعتی بيله
کچیکدیردی.

کچ وقت، کوزلری یاری قابالی اونی اوطه سنه کوتورورکن
ایچمده حالا اون یدی ییل اولکی هیجان واردی . قوجاغمه
کلدیکی کوندنبری بوتون آرزولریمی اوزرینه چوکوب طوبولایان
یاوروم، نه قدر بویوسه کندینی بر چوجوق کبی سهودیرمه سنی
بیلور .

اونی یاتیردقدن صوکره بالقونه چیقدم . . هوا ایلیق ،

آیدینلق بر كوك يوزى... ده كيز آنكىن . آطه لر كوموشى بر
قدیفه اوزرینه آتیلش پیرلانظه لر كې . .

«آی تن» ی یکی آرزولر، یکی هوسلر ایچنده بر اقوب
آیریلدیغ زمان دایما اونك كیتدكجه قاریشدیغی حیاتی دوشونورم.
اونك ایچون بو قدر دقت و اعتنا كوستردكن صوكره حیاته
نهدن بو قدر قاریشدردیغنی بكا صوران بولونه بیلیر : قیزی
ایچون اندیشه ایدنلر اونى دیزینك دپندن آیرمامالی دپهن
بولونور . یتیشمش قیزینى كندی قلبی و دماغی ایله دكل ،
عائله سنك بر بكجی ، بر محافظ كې یاننده بولونماسندن كلن
بر حضور و امنیتله یاشاتان آنه لر ، عیجا اولادلرینك مقدر
آیریلیشلرنده ، اولنرك سعادتنن امین اولا بیلیرلرمی؟ حیاته
موفق اولان كنج قیزلر ، اعصابی و دماغی قوتلی اولانلر ،
كوروشلری و حس ایدیشلری درست و صمیمی اولانلردر .
نه عائله قیزلری واردر كه آنه لرینك دیزلری دپنده ، دائمی بر
حمایه آلتنده موازنه لرینی غیب ایدوب ، صرف بو فنا تریه
اوغورینه سقوط ایتمشلردر .

قلبنه و اعصابنه حاكم بر كنج قیز ، اكر كندینه محقق
بر اضطراب مقدر دكلسه سعادتتی بولمق ایچون حیات ایله
مجادله ایدر، فقط آنه حمایه سی آلتنده بئلكی نهریهن بر قیز
تصادفلردن باشقه كیمدن نه بکلیه بیلیر ؟

بن «آی تن» ی هر زمان آنه شفقتی آرایه جاق بر استعداد-
دده یتیشدیرمه دم ، قیزیمك بكا یالکز سه وکیسی وار . اونك
یکی کیردیکی حیاته بوتون بئلكیله یاشایه جغندن موازنه سنی

غیب ایتیمه جکندن امینم، بنم اندیشه‌م، ایچلی و سه و کیسی چوق
آنه لرك قبلندن کلن او تطمین ایدیلز مراق و تحسدر .
اوکا هر کونکی دیدی قودیلری یازدیرمقدن مقصدم ،
حقیقتله قارشیلشمغه آلیشدیرمق ایچون . حیاتده بعض وقعه لر
وارددر که یاغمورسز بر بولوط کبی کچر و قارارتیسی او قدر
قورقو و هیجان ویرمز . فقط بو وقعه لرك اوزرندن بر مدت
کچوب اونی حاضر لایان جریانلردن صیریلدینی زمان تمامیه
باشقه بررنکده برباشقه شکلده کورونور . تازه قویویشیل برچارده
بوی ویرن قیرمزی بر کلنجک چوق کوزه لدر . فقط اونی ،
رنکنی چرچیوله نیشیللکدن قوپاروب چیقاردیکزمی
روحکزی غیجیقلایان اصل ذوقنی درحال غائب ایدر . هر
کونکی حیاتمزده ، دوستلریمزله مناسبلریمزده بزه حاکم اولان
تصادفلر، جریانلر، وقعه لرده بویله در . اولری تحلیل ایده بیلیمک
ایچون بررندن آیروب آیری آیری محاکمه ایتمک لازمدر .
کونک وقعه لرینی اوزرلری بر آرزو غودقدن صوکره یازمق
بونی تأمین ایدر . شبه یوق که انسان یالکز قالدینی زمانلرده داها
محاکمه لی اولور .

« آی تن » ذاتاً کوروندیکی کبی یاشایان بر قیز اولدی .
اونک ایچون کونلرینه عائد خاطره لری قوطوغراف او بزه -
قتیفندن داها قوتلی بر صداقتله قید ایده جکنه امینم .
قیزم اون سکز یاشنه کیردی . برکنج قیز ایچون شوپله
بویله بیلیمسی لازم هر شیئی اوکا اوکره تدم . اونی ، باباسزلغنی
حسن ایتدیرمیه جک بر اهتمامله یتیشدیردی کیمی ظن ایدیورم .

«آی تن» بنم ایچون بر امل، بر غایه اولدی. او دنیایه کلدیکی
زمان بن اونک شیمدیکی یاشنده ایدم. بنم اسکی تریسه، اسکی
تلقیرله هنوز بو یاشده ایکن حیاتم یولنی شاشیرمشدی. کیم
بیلیر بنی ده بویله صبرلی و حسابلی اعتنارله یتیشدیره نلر اولسه یدی
داها اون سکنز یاشنده، کوکل باغلرندن آیریلان بر تارک دنیا
اولمازدم.

«آی تن» بوتون حرصلرمی و آرزولریمی اوزرینه طوبلادی.
اوکا هر هانکی بر آنه نك شفقتندن چوق قوتلی بر سه وکی
ایله باغلاندم. او، شیمدی بنم اونی دنیایه کتیردیکم یاشه
کیردی. هانی یشیرمکدن قالمش آغاچلرک یاننده یم یشیل کور-
بوز، قوتلی فیلیزلر پیدا اولور. تازه محصول آلق ایچون آرتق
چیچک و یرمه ین بویوکلری کسمک و تازه فیلیزلری قوتلندیرمک
ایستر. ایشته اصل حیاتنده انسانلرک و نسللرک یرلرینی بر برینه
ترک ایتمه لری طبیعتک بومقدر حکمنه تابع!..

«آی تن» حیاته کیردی. بن آرتق یریمی اوکا و یریبورم.
او حیاتده بوی و یروب بویوکسه لیر، چیچکله نیرکن یاننده اونی مضر
و خودکام اللره قارشلی حمایه ایدن قورو بر دال کبی قالیرسه م
او سعادت بکا کافی کله جک!..»

ایلمی قسم

۱ تموز - مودا

«.. آنهم بو چیز کیسز کاغذلی قالین دفتری نره دن بولمش بيلمم. گوشه لر نده کی کوموشدن پرچینلری، یوشاق کوده ری قاپلی جلدی ایله عادتاً اوفاق بر والیز نمونه سی. هله کاغذینک چیز کیسز اولوشی هیچ خوشمه کیتمه دی. شیمدی یه قدر چیز کیسز کاغده دوز کون بر تک سطر یازدیغمی خاطر لامیورم. مع مافیه ا کر بو بر قصورسه اونیده حل ایده بیلیرم.»

آنهم دفتریمک ایلك صحیفه سنه دوغدیغ تاریخی و کونی قید ایتدی. بنده یازیلریمه باشلادیغ بو کونی اشارت ایتدم. دفتر کوزه ل، هوس مکمل، آما یازمق مسئله. مکتبده ایکن آنهمه، اوزون اوزون مکتوبلر یازاردم. فقط بونلری یازارکن بر ثانیه دوشوندیگی خاطر لامیورم. او یله راست کله باشلاردم که

صوکی زریه وارا جغنی بیله دوشونمزدم. تخفی شوکه آنهم ده
بنم بو باشی، صوکی بلیرسز صاحبه صاپان مکتوبلریمه بایلیردی.
یازدیغیم بو ایلمک سطرلره باقیورم. بر صحیفه دولدی. چوق شکر
قورقدیغیم اولمادی. سطرلرم اپی دوزکون اولمش.

آنهم بکا، یازیلرینه «قلوب» دن باشلا. دیدی. «قلوب»
ده نیجه کوزومک اوکنه ماوی کوزلری جام کبی پارلایان بیاض
بیقلی رئیس کلیور. آدامجنز قالبدن چیقمش یکی البسه یه بکزییور.
اوقدر ضعیف که جام کبی کوزلری حرکت ایتسه انسان اونی
محمود پاشاده حاضر البسه جیلرک قاپیلره آصدقلری قوستوملردن
ظن ایده جک. فقط کبار بر آدم. هله لاقیردیسنی بر آزداها چابوق
سویله سه داها جانه یاقین اولاجاق.

قلوبده چوق اپی انسانلر وار. فقط «فوت بول» ده چالیشا.
نلرک اعتباری داها فضلده. مع مافیله بز اونلری «ته نیس» ده مکمل
صورتده یه نلرک خنجیمزی آلیوروز. «فوت بول» ده رقیبیز
صاییلان او یله کنجلر وار که اوقدر چالیشالرینه رغماً «ته نیس» ده
مغلوب اولیورلر. هله ده کیزجیلکلی هیج یوق. ده کیز
شعبه سی بز کیردکن صوکره پارلادی. آسمان، کوکل، غزال
ایکی چفته بر صاندالله هر کون بر ایکی ساعت اکزرسیز
یاپوروز. آغستوسک اون بئشده موده ده کیز یاریشلی اولاجاق.
استانبولک همان بوتون قلوبلریله قارشیللاشه جغز.

بوکون قلوبکم اشارتلیرینی بوتون البسه لریمه ایشله دم.
آنهم ده یاردیم ایتدی. لاجورد، صاری ده کیز فانیلاریم یارین
کله جک. آرتق مندیلله وار نیجه یاقدره پ قلوبکم رنگی اولسون ایستیورم.

... بو کون رئیس بکک وعد ایتدیکی قوطره علمنه چیقوروز.
 قلوبک قوطره سی اوفاق، اویناق بر شی . رئیس حکمت بکک
 دکز جیلکه چوق مراقی وار. کندی ده ائی دومن قوللانیور.
 بو کون بکاروزکارلری، بو ساحلرده کی آقینتری، صیغیلقری
 اوکره ته جکنی وعد ایتدی . بو کزینتی به آنه مده کلدی .
 فقط قوطره او قدر اوفاق که آسمان له غزال کوپشته لرده قالدی لر.
 مع مافیه هیمز دکز البسه لر یله یز. فانیله لری ، بول، قیصه کتن
 اتکلری بر اقینجه ده کیزه آتلایه بیلیرز . خفیف بر روزکار
 وار . حکمت بک بزه یلکنلر، سرنلر ، مانافوره لر حقنده بر
 آزدرس ویرد کدن صو کره ایکی بویوک یلکنی فورا ایتدک .
 خفیف قوطره صو ئوزرنده بر یپراق کبی یآدی . باشده فلوفا
 شیشدی . بویوک یلکن ده کیزه دوغرو نه کیلدی . و قوطره
 بر توی کبی اوچمه باشلادی .

اولا موده او کنده بر قاچ مانورا یاپدق . بن حکمت بکک
 یانده یم . بکا روزکارک قوتندن ناصل استفاده ایدیله جکنی
 اوکره تیور .

— بویوک یلکن «پوپا» اولاجاق ، فقط قوطره ایچون بو
 کافی دکل درر . روزکاری یلکنه یدیرمک ایچون «ایسقار موزه»
 طاقیلی بو ایپی که وشه تملیسک . چونکه هوا، ده کیزی یالایه رق کلیر .
 حکمت بک هم سویلیور هم ده آکلاتدقلرینی یاپیوردی .
 حقیقه آئنده یالکز بویوک یلکنک ایپی اولدینی حالده قوطره نک
 وضعیتنه دومندن فضلہ حاکم اولیور . دومن قولی بنم الیمده .
 حکمت بک آرا صیرا قوماندا ویردکجه چویریورم . فقط چوق

سرعتی کیتدی کمز ایچون صولر دومنی باصدیریور . قوطرده
دومن قوللامق صاندالده کورهك چككم قدر یوروجی .
بر ایکی وولطا یابدقن صوکره خفیف بر یالپا ایله آطه لره
چه وریدك . حکمت بك شیمدی روزکارلر وبو ساحلرده کی
آقینتله حفته معلومات ویریور :

— فنار باغچه یی کچد کدن صوکره دالیان آقینتسی باشلار ،
بوراده یول آلمق ایچون آچیلماق لازم . دومنی خایرسز آطه یه
چویرسه کز داها سرعتی کیدر ، روزوکاری ده داها صاغدن
یش اولورز .

قوطره کزینتسی ، بیلمیورم ، ایلك دفعه اولدیغی ایچونمی ،
بك خوشمه کیتدی . آنهم اورته ده ، سپره او طورمش ، قوطره
یانه یاتدیجه آغیرلغی و یروب دوغرو لتمق ایستر کی علسی
طرفه نه کیلور :

— خام افندی ، بهوده تلاش ایدیورسکز . دیدی ،
حکمت بك . سز نه قدر چالیشسه کز موازنه اولماز . هم قو -
طره نك ایی کیدیشی یانه یاتدقن صوکره در . یلکن عادتاً
ده کیزله قاووشمالی ..

نه یالان سویله یه ییم ، اسکیدن قوطره لرك بویله یانه یاتمش ،
سوزولوب کیتدکلرینی لذتله سیر ایتدیکم حالده ایچنده اولونجه
ایلك دفعه بنده قورقدم . فقط بو قورقو ده کیزه دوشمك
تهلکه سندن کله دی . بن یلکنلرك بویله ایصلانه جق قدر صویه
یایشنی قوطره ایچون بر تهلکه ظن ایدرك قورقدم . اصل کیفك
بو یاتیشده اولدیغی آکلادقن صوکره آرتق آنهم کی عکسی

طرفه دكل بن ده يلكنه آجالان طرفه كليوردم.

آسمان ، كوكل ، غزال ، لاجورد چوخه دن صاري قور -
دهله لي كهيجي قاسكه تلي و يم بياض ده كيز البسه ليله باش
طرف كويشته سنده برر برر مارطي كبي جيويلاشيورلر .
حكمت بك :

— سزك آرقادا شلري ده برر برر يلكنه ، دومنه آليشديرالم .
دييور . يالكز يوزمك ، كورهك چكمك ده كيزجيك دكل در .
كوره جكسكز كه قوطره علمي بوتون سپورلردن چوق داها
اكلنجه لي در .

روز كار قوتله نيور . حكمت بك بويوك يلكني كه وشه تدجكه
قوطره ياتيور . آرقه مزه باغلي بر كشيلاك صاندال يم بياض كو
پوكلر ايجنده .

— قهلي آچيقلرينه كليورز ، باقك دقت ايدك « آي تن »
خاتم ، بوراده اويله تهلكه لي بر صيغلق واردر كه ئوزرندن كچن
تكنه دن خير كلز . قاچ قوطره بوراده صاپلانوب پارچه لاشمدر .
و آيله ايلريده ده كيزك صارارديغي بر نقطه بي كوستره ن
حكمت بك دوام ايتدي :

قوطره لرك صوكسيمندن آشاغيسي اوزون اولديغي ايجون
بورادن كچمك تهلكه ليدر . صيغلقلر اوزاقدن بللي اولور .
ده كيزك رنكي بويله كورديككز كبي ده كيشير .
خفيف بر دومن تامسي استقامتمزي ده كيشديردى . فقط
بو ده كيشمه روز كارك قوتني آزالتي آغيرلاشدق .

— قوطره نك صفاسي قدر زحمتي ، جفاسي ده واردر . دومني

یلکنی قوللاندقندن سوکره ده کیزی ده بویله قونترول ایتمه لیدر.
جریانلری، آقینتیلری اکر بیلنمه یین صولرده ایسه کزرنفکدن،
دالغه لردن آکلار سکنز، مثلا «بورغاز» له «هکبه لی» آره سنده
سرت بر آقینتی داها واردر. باقکنز، اوزاقدن بیله اوراده
ده کیزک داها قویولاشدیغنی کورورسکنز.

حکمت بک بنی بر نفسده قاپدان چیقارمق ایچون بوتون
بلاغتنی صرف ایدیور. باش طرفده کیلر هایقیریورلر:

— «آغیر کیدیورز آی تن» استیم بیتدی می؟

صیغنگ اطرافندن چه وریلدک. حکمت بک روزکاری
یدیرمک ایچون بکا یکی امرلر ویردی. دومنی اولا صاغه آلم.
یلکنلر شیشدی. سوکره او، یلکنی بر آز قیصارکن یاواش
یاواش صوله چویردم. کوچوک بر چیزکی ایچنده دوندک.

— وولتا یا پمانجه کیده مه یز، روزکار آرقه مزده قالدی؟

آرتق بو مانورالر آلیشدم. موافق نقطه یه کلنجه امر
آلمدن دومنی اداره ایدیورم.

— قوطره ایچون اک بویوک تهلیکه ندر بیلورمیسکنز
آی تن خانم.

— ندر افندم؟

— روز کارک قالیشی.. فیرطنه اولسون، ده کیز کوپور.
سون هیچ قورقو یوق. فقط ده کیزک دوروشی، روزکارک
قالیشی قوطره ده کیلر ایچون تحمل ایدیلمز بر صیقینتی در. هله
بو حال آچیلرده اولورسه..

— غالباً روز کار خفیلیورده اوندن خاطر یکنزه کلدی
بک افندی، دیدم.

— خایر، بوروزکارله ده کرمن دردی، توتون چیفتلکنه
قدر کیده رز. واقعا ایسته دیکم بوروزکار دکل. مثلا بو کون
ای بریلدیز پویراز اولسهیدی شیمدی یه قدر « یاط قلوب »
اوکنده ده میرله مشدک.

وولتا مانورالری دوام ایدیور. هکبه لی آچقیرنده یز. باش
طرفده کیلرک آرتق ایچی صیقلدی. اول « کوکل » صوکره اوته
کیلر یانمزه کلدیله. بوراده عادتاً کومه اولدق. بو کویشته سز
دومن ئوستنده صیقی بر روز کار نه سه هیمزی ده کیزه سو-
ره جک. بن شیمدی اونلره اوکره ندکیریمی صاتیورم :

— باقک چوجوقلر، روز کاری یلکنه یدیرمک ایچون
دومنی اداره ایتمک لازم در. یلکن پویا اولونجه یه قدر یاتمالی .
سزک آکلایه جفکمز یلکنلری صویه ایندیرمه لی.

« حکمت » بک هم کولیور، هم تصحیح ایتمک چالیشیور.
— یلکن پویا اولونجه یه قدر یاتمایه جق، قو طره یاتجه یه

قدر یلکنر پویا اولاجاق!

« کوکل » بو پیلانک صوکنی هپسندن اول آکلادینی

ایچون هایقیردی :

— آیواز قصاب هپ بر حساب!

حکمت بک لاقیردینک معناسزلغنی آکلایجه کندی ده

کولمکه مجبور اولدی.

هکبه لی ایله بویوک آطه آراسنده ایکی کنیش دائره چیزدک.

بویوک آطه اوکنده صاندالر موتورلر دولو. داها قیلرده رنک

رنک باشقلی قادینلر یوزویور.

— ياط قلوب او كنده ده مير ليه لم. چيقار بر چاي اچهرز ،
ديدي حكمت بك.

بويوك يلكني كه وشه تمشدك. ياواش ياواش صوقولديق .
— بزم قوطره يي آطه ده طانمايان يوقدر «آي تن» خانم .
بزم چوجوقلر همان هر جمعه بازار بورايه كليرلر. آرتق اونلره
قلوبك فوطه لري قالدی .

«ياط قلوب» ته راسندن بزي سير ايديورلر. قلوبك كوچك
بايراغی يلكنك او جنده ساللا نيور. «آسمان» له كوكل بزيك نلري
ايندير نجه باشدن ده مير آتديلر. «ياط قلوب» ك اوزون اسكله -
سنه ياقين دورديق .

بو قياقتلر يمزله قلوبه چيقمامق ايسته دك .

— بوراسي ده ده كيز قلوبی صايلير، ديدي حكمت بك .
سز اورايه پودره لي اختيار زنكينر ك كلكلرينه باقايك . كون
باطاركن بورانك كيني بر يرده بولونماز .

اوافق صاندال آنجاق ايكي كيشي طاشييور . «ياط قلوب»
اعضاسندن اولديني اچون ايلك دفعه حكمت بكی اسكله يه
چيقاردق . او بزي مسافري ديه قيداي تديردي . دار، مرديوه -
نلي يوللردن يوقاري يه، باغچه يه چيقدق .

ايكي سنه اول بورايه آنهم ، تيزهم ، ييلديز ، سه وكي هپ
برابر كلشدك . «ييلديز» ك باباسي بو قلوبده اعضا اولديني اچون
بزه بر ضيافت ويرمشدي .

باغچه نك حاصير قولتوقلري هپسي طوتولمش . حكمت بك
بك زحمتله بزه بر كوشه بولدي . كوش اولديني اچون

کیمسه نك، سوسلو خانملرك رغبت ایتمه دكلى بو كوشه ، تام
هكبه لی یه قارشى . . كوش صاحبدين كوز قاماشدیر یور . فقط
صباحدين آقشامه قدر روزكارده ، صوده ، كوشدن قاورولان
انسانلره بویله خفیف بر آقشام كوشى تأثیر ایدرمى ؟

آنه مدن باشقه هپمز ده کیز قیافتنده اولدیغمز ایچون هر
كسك كوزى بزه دیکلیدی . ئو كچه سز مشین آياق قابلیمیز ،
ئورمه چاكتلیمیز ، بیاض آقوردیون اتكلریمزله قلوبك آقشام
چاینه كلش غران تووالتی خانملری آراسنده پك بیچیمسز
قالدق . كوكل :

— واه واه ، بوراده بویله تشریفات اولدیغنى بیلسه يدك .
قو طره یه برده « غاردروب » آلیردق ، دیور . آنهم :

— مراق ایتمه يك ، بو خانملر آراسنده سزه غبطه ایدن
چوق هوسلی وار ، دییه ، ظن ایدرم تسلی ایدیوردی .

حكمت بك چایلریمزى عجله عجله ایچیردی :

— کون باطنجه روزكار دوشر . صو کره کیخه یاریسی
قورقدیغمز او غرارز . هایدی باقالم ، چوزوله لم خانملردیه مکمل
بر قوماندا ویردی .

چاملر آلتنده ئوبك ئوبك طوپلانوب قونوشان ، چای ایچن
قادینلی ارککلی قالابالیغك چه وریلن ، تعقیب ایدن كوزلری
آلتنده قو طره یه دوندك .

قو طره صفاسنك بر اذیتلی طرفیده ده میر آلمق . . باش
طرفیده کوچوك بر ماکنه وار . فقط چویرمك ایچون قول
لازم . « آسمان » له « غزال » اپی زحمتله ده میر آلدیلر . یلکنلر

ياواش ياواش قاباردی . کونش ، هنوز هکبه لی نك ایکی صیرتی
آراسندن غیب اولمهدن آچیلدق .

حکمت بکک دیدیکی اولدی . روزگار کیتدکجه دوشدی .
آطیه بر ساعت ایچنده کیتدی کمز حالده آنجای ایکی ساعته
یاقین بر زمانده دونه بیلدک .

بو کونکی قوطره کزینتسی همزی چوق ممنون ایتدی .
حکمت بکدن آرتق قوطره بی باشقه لرینه ویرمه سی ایچون رجا
ایتدک . فقط راضی اولمادی . بوتون قلوب اعضاسنک حق
واردر . دیدی . نهایت جمعه و صالی اولق اوزره هفته نك ایکی
کوننده بزه ویریلسی ایچون سویلیه جکنی وعد ایتدی .

بیلیم نه دن بو کون بنده یورولمشم . بو یورغونلق ایلمک
دفعه آیشدیغم قوطره قوللانمقدمه کی کوچلکدن کلیور غالباً .
نه قدر یورغونلق ویرسه بوتون اکلنجه لردن کوزه ل اولدیغنه
ایناندیغم قوطره دن واز کچه جک دکلم .

... بو کون ایکی هفته دنبری بکله دیکریمزه قاووشدق . «سه وکی»
ایله «بیلدیز» کلدی لر . اونلر کلنجه «فرید کامی» بکده عرض
اندام ایدر . اونلره قوطره ماجراسنی بر چیرپیده آکلادم ،
«بیلدیز» بایلیدی . «سه وکی» کیتدکجه خانم افندی اولیور . یارین
صبح ایرکن یایان قالا میشه ، «آسمان» لره کیده لم ، دیدم ده
دوداقلرینی بو کدی . قیز غالباً افندی سنک امتحانلرینی بکله مکدن
صیقینتیلی اولدی . آنهم «فرید کامی» بکی یمکه آلیقویدی .
«سه وکی» نك خوشنه کیتمک ایچون لاقیردی آراسنده «فرید
کامی» بکه طاقیدم :

— انشته بك، حقوق نوطرینی بكا ویرسه كزده امتحانه
بن كیرسه م، دیدم.

نه اولاجاق، كیلرده یوزومه باقدیلر.

— نه یاپایم، دیدم. سزك امتحانی و یروب «سهوکی» بی
آلاجفکز یوق. باری بن قازانوب آلایم.

ایکیسی ده قیزاردیلر. آنهم دوداقلرینی ایصیردی. «ییلدیز» له
بندن باشقه هر کس ده برصیقتی باشلادی. غالباً پوط قیرمشدم.
اویله اولاجق که آنهم لاقیردی یه قاریشدی :

— اونلرک دو کونلرینی بویاز یاپه جغزایشاللاه: ذاتاً انشته م ده
بوراده اولما یخجه امکانی یوق، اونك آوروپادن کله سی ده یازی بولور.
بیلیم نهدن ایچمده بو «فریدکامی» بکه قارشی برا کلنمك
آلای ایتك آرزوسی وار. اویله آغیر، اویله دورغون آدام که!
سهوکی بوسه ویمسز آدامك نره سنی بکه نیور بیلیم. خوش کندی ده
کیتدکجه خانم آنه اولیوریا.

یارین فناردن، مودا اسکله سنه قدر یاپه جغمز فوطه یاریشنه
«ییلدیز» ی ده دعوت ایتدم. بو یوک یاریشلر یاقلاشدیغی ایچون
تعلیملری صیقلاشدیر ییوروز. حکمت بك، قلوبك امید ی
سزده در، دیدکجه بز کوره کلره یاپیشیوروز. شیمدی یه قدر
یابدیغمز تجربه لره کوره یاریشه کیره جك ایکی چفته فوطه نك
کوره کلرنده «آسمان» له «کوکل»، اداره سننده ده بن بولونه جغم.
«غزل» احتیاطده قالاچاق. ایکنجی سرعت یاریشنده ده «کوکل»
احتیاطده دوراچاق. حکمت بکه صوردم :

— بنم قوللریمه امنیتکمز یوق غالباً بك افندی ؟

قير قاشلرينك آلتنده برر ماوی جام کبی معناسز معناسز
پارلايان کوزلرینی قیرپدی :

— یاریشلرده دومن. کوره کدن مهم در آی تن خانم، دیدی.
هم سزك اعتدال دمکزه ، جسارتکزه داها زیاده اعتماد وار.
اوافق برهيجان ، کوچوک برتردد الك قوتلی قوللرک کوتوردیکی
برصانداله یاریشی غیب ایتدیرر .

حکمت بك ده کیزجیلکده بنی چوق استعدادلی کورسپور،
یاکیز بر موسمه یاپیلان ده کیز ا کلنجهلری، اوته کی سپورلردن
داها باشقه، داها ذوق دو یوروجی ویوروجی. بن دورت ساعت
«ته نیس» اوینادیغم حالده یورولمازدم. فقط سرت هواده صانداله
مودادن فنار باغچه یه کچر کن اپی زحمت چکیورم .

بوکون ینه قوطره کونیدی . بزم قالامیشلیلر قوطره دن
اشارت ویردیله . « ییلدیز » ی ده آلوب کیتدم . بوکون
حکمت بك یوق . قاپدانلغی بن یاپه جغم . هواده اپی سرت .
روزکار صیقی آسیور . دیکیزک رنکی بعض یرلرده قویوشیل .
حتی بر آز کوچوک بیله یاپسور . بزم چیلغینلر بوکا داها چوق
سه وینورلر . قوطره مز او قدر خفیف که هنوز « فلوقا » یی
آچهدن دومنه حرکت ایتدی :

— باقك چوجوقلر دیدم . اوزاقلره کیتمک یوق. صاقین
آطه ، مادا ایسته مه یك، شویله فنار آچیلرنده برایکی دولاشیر،
دوروز. فقط شیمدین سویله یه یم، دیدکلریمی در حال یاپه جقسکز.
ده کیز کیتدکجه سرتله شیور. ایکی یلکن حکمت بك ایسته دیکی

كبي پوپا اولونجه يه قدر شيشدى . صاللانوروز ، يلكنلرى صوك
 حدينه قدر كه وشه تدم . بويوك يلكن صويه ياتدى . آرتق صالينتى
 يوق . قوطره بر اوق كبي صولرى ، دالغهرى ياروب كچيور .
 « ييلديز » ايلك دفعه كيرديكى قوطره نك بوتهللكلى كبي كورون
 وضعيتلرندن ئوركمش ، اورته ده كى آنباره كيرمشدى .

— قيزلر سره نلره ، ايلره صيقى طوتونك ، بريكزده كيزه
 كيتدىمى ، دونوب آمازها !

« كوكل » يونلو ئورمه جا كتتك ياقاسنى قولاقلىنه قدر
 قالديرمش روزكاردن سسنى ايشيتديرمك اچون اللرىنى بورو
 كبي ياپوب هايقىردى :

— امر ايت بك بابا . باش ئوستنه !

حكمت بك واپورلرده ، كميلرده طائفه نك قاپدانلره « بابا »
 ديدكلرىنى سويله مشدى . كافر قيز شيمدى بنمله آلاى ايدييور .
 اونلرى قورقوتتمق اچون سرت بر وولطا ياپدم . قوطره
 بردنبره صارصيلدى ، صاللاندى ، ده ويريلير كبي اولدى . بنده
 قورقدم . فقط اونلر اوچى ده پالدير كولدور كنديلرىنى اورته يه
 (ييلديز) ك صاقلاندىغى آنباره آتديلر .

كوشه ين يلكنلر ياواش ياواش دوزهلدى ، شيشدى ،
 قوطره بوسفر عكسى استقامته دوغرولدى . شيمدى برر برر
 ده ليكدن چيقانلره كوليوردم :

— نه اولديكز آجانم ، سزك ده كيز جيلككز بو قدر ميدى ؟

« كوكل » ياپديغى معذبلكى آكلامش كبي سرت سرت
 يوزومه باقيوردى !

— زاواللی قیز، دیدم، آیول به نزه کول کبی اولمش .

نه اولدی؟ باری یانمه کلده سکا جسارت ویرهیم .

ده کیز کیتدکجه کوپو کله نیور . هیمز صیچرایان سولردن ایصلانیورز . فقط او یله کیفلی کیدیورز که ایصلاندیغمز که فرقنده بيله دکلز . طائفه نك صحتی کوزه تمك مجبوریتنده اولدیغم ایچون کز مک، اکنمک اوغرینه خسته اولمالرینی ده دوشونیورم . روزکار چوق صیقی . بو موسمه بویه سرت پویراز پک آز بولونور . ده کیز پارچه پارچه ، یشیل ، قویو لاجورد رنگلر آلیور .

روزکارلری هنوز بیلمیورم . دوام اتمسی، آرتماسی احتمالی اولان بو هواده ده فضلہ آچیلماق ایشیمه کله دی . ایشی طانده براق ایچون کنیش وولطالر یاهر ق (مودا) آچیلرندہ یاریم ساعتدن فضلہ دولاشدق .

هوا بولولطانیوردی . هر حالده طادسزلاشان روزکارک بر فیرطنه یامسی احتمالی واردی . بو موسمه تصادف ایدیلهین بو هوانک آلاجنی نتیجه دن قورقدم . عقلی، تجربیلی بر قابدان مهارتيله دومنی چویردم . قوطره سرت ، سیوری دالغهلری بر قامچی کبی یاروب کوپو کلندیره رک مودا اوکنه کلدی . اسکله پی سولده براقه رق ساحله یاقین ده میرله دک .

بز یلکنلره اوغراشیوردق . یانمزده بزم قلوب فوطه لرندن بری پیدا اولدی . حکمت بکک سسی :

— سزی چاپقینلر سزی دییوردی . آز قالسین موتوره آتلا یوب آرقه کزدن کله جکدم . نه تهله که آتلاتدیغکزی بیلورمیسکز؟

بز حیرتله کوپشته به دیزیلدک . حکمت بک فوطه بی یاناشد .
یرکن حالا آزارلرینه دوام ایدیوردی :

— هیچ بویله هواده ، یالکز باشکزه آچیقاره چیقیلیرمی؟

«کوکل» صبر ایده مهدی :

— یالکز باشمزه می بز آبک افندی باقسه کز آ تمام بش

کشی بز . بو قدر جق قوطره به بر قابدانله درت طائفه یتیشمزمی؟

«حکمت» بک صومورتدی . «کوکل» قباحتی اوزرندن

آتمق ایچون بی کوستردی .

— هم بز ایسته مه دک که ، او قدر اصرار ایتدی کمز حالده

«آی تن» بز سوروکله دی .

حکمت بک کندینی طانیتمق ایسته ین مکتب خوجالری

کبی باشنی ساللادی :

— بویله خفیف قوطره لر قوتلی ده کیزلره هیچ کلز .

ده کیزه آچیلدیغکیزی خبر ویردکلری زمان کیچ اولمشدی .

یتیشه مه دم . باقسه کز آ بر کره آچیقده هیچ یلکنلی وارمی ؟

انکلیزلرک قوجه ایکی دیرکلی قوطره سی بیله لیمانده . . .

بن ده ایشک شیمدی فرقنده اولیوردم . حقیقت مودا

بورنی روزکاری کسمکله برابر قویده بیله دالغه وار . «حکمت»

بک بز پر نشئه ، عادتا قورقدینی تهله که دن خبر سز کورونجه

بوموشادی .

— نه ایسه کچمش اولسون ، هایدی صنداله آتلا بک ده

سزی اسکله به چیقارالم دیدی .

«بیلدیز» له بن صانداله کیردک . قلوبدن بزم اسکی یاریشجیلر ،

عدنان بکله پرتو بک کوردک چکیورلردی. عدنان بک :

— واللہی ائی جسارت «آی تن» خانم دیوردی . اوچ
سنه در ده کزجیلک ایدیوروز . فقط بویله هواده بو قوطره
ایله آچیلق خاطریمزه کله دی . بو قوطره دکل ، عادتا یلکنلی
صاندال در . آدام عقللی صافره ترتیبائی بیله یوقدر .

— شو حالده صاندال یاریشنده اولدینی کبی قوطره .
جیلقدده سزی کچدک . دیدم . کوله رک باشنی صالادی :
— یووق ، سزکله ده کیزده یاریشه کیریشه جکلردن دکلم
خانم افندی .

— «نه نیس» ده!

— اوده او یله . . سز قلوبه کیردکن صوکره بز آرتق
آوجیلغه باشلادق خانم افندی ، و آوجیلغی ده کیزدن داها
طاتلی بولدق .

اسکله یه کلشدک . حکمت بکه ، آرقاداشلره وداع ایتدک .
اونلر «آسمان» لری آلمق ایچون قوطره یه دونرلرکن «عدنان»
بک علاوه ایتدی :

— ظن ایدرم که آوجیلقدده بزه رقیب اولامایه جقسکز!
— زمان ، آرزو مسئله سی عدنان بک ، دیدم . هله ده کیز .
جیلکدن هوسمزی آلامده !

نه وده «سه وکی» ایله «فرید کامی» بکی بولدق . یمک او طه .
سنه هم چای ایچپور ، هم طاوولا اوینورلردی . اونلری بویله
باش باشه ، کیف ایدر کورونجه ینه کندیمی طوتامادم .
— ماشاللاه نشانلی بک افندی ، سز وقتکیزی بویله

کچیرسه کز وای حالکزه .. قارنجه ایله آغستوس بوجکنک
حکایه سنی بیلورمیسکنز ؟

زوالی آدام ، او قدرده صاف که ، آکلامادن :

— نه اولمش ، بزطاولا او نیورز . دیدی .

— ای یا ، سزده آغستوس بوجکی کبی وقتکزی او یونله ،

ا کلنجه ایله کچیرسکنز . صو کره یاز کله جک ، انشتم کله جک ،

سز . . .

آرتق آکلامشدی . ذاتاً ای کله ین زارینی حیزله طاوانک

ایچنه آتدی :

— آمان بالدیز خانم افندی ، سن ده ، دیدی . باقلم ،

سزی ده کوره جکز . نهوده خانم خانم او طور مایک ده صباحدن

آقشامه قدر ده کیزده ا کلنجه ده کزک . باقلم صوکی نه اولاجاق ؟

حرسله ، حدته سویلوردی . سسنده آغلایشلی برحال

واردی . بندن انتقام آلمق ایچون بلکه داها آجی سویله جکدی .

پارمقریمک او جسرلیله خفیجه اتکلمیمی قالدیروب مکمل بر

ره وهرانس یاپدم :

— عفو ایدرسکنز داماد بک افندی ، «آی تن» کیمسه یه

حساب ویرمک مجبوریتنده دکل در .

و برشی سویله مه دن البسه ده کیشمک ایچون یوقاری یه

اوطه مه چیقدم .

اوطه مک نچره سندن قارشی ساحل ، فنه ر ، قالا میش قوینک

یاریسی ، فنه ر یولنده کی آغچلقره کومولی کبی دوران ویللالر

کورو نیور . کلدی کمز زمان بورانک صولی بو یار سمنه باشلامشدم .

ده كز اكلنجه لری چیقدی چیقالی آل سورمه دیکم بو لوحه یه
بر آز چالیشمق ایستدم . یاریم متره بو یوکلکنده کی لوحه یی
جانلانیدیرمق ایچون یمک وقتنه قدر چالیشدم . هیجانلی ده کیز
عالمندن صوکره بومشغولیت اعصابی تسکین ایتدی . یمک وقتنه
دوغرو آنهم او طهمه کلدیکی زمان اوزون اوزون لوحه یه باقدی .
صوکره صاچلریمی اوقشادی :

— براو و آیتن . دیدی ، ده کیزک رنگنی اوقدرو پردک که !
صوکره یانمزده بری وارمش کی یاواشجه قولانغه نه کیلوب
فیصیلدادی :

— قیز ، بوچوجغه ینه نه ایلشدک . راست کلدیکنه سنی
شکایت ایدیور .

فیرچه لریمی صویه براقدم . « فرید کامی » بکک بجز یکسزجه
حالاری چوق ضمیمه کیدیوردی . آنهمک سرزنشی ایچیمده کنی
دو کمه کافی کلدی :

— باری سن سویله آنه ، حقی دکلیم؟ بن « سه وکی » نک
یرنده اولسه م ، اونی قولاغندن چکه چکه درس لرینه چالیشدیریرم .
اویله قانی اویوشوق آدام که !
آنهم غالباً بو بحثی آچدیغنه پشیمان اولمشدی . یوموق
ألرینی باشیمده کزدیردی :

— بن ده بیلورم قیزم . فقط ظن ایدرم « سه وکی » ده
صیقیلیور . « فرید کامی » بک آغیر روحلی ، قلندر بر آدام .
باقسه کاسز بو قدر کزییور ، اکلنیورسکنزده اوداها شوپله

کنج برارک کبی یورومسنی بیلیمور. وقتی، اسکی زمان قادنلری
کبی نه ولرده، سالونلرده، دانسیرلرنده دیدی قودی ایتمه کچپور.
بوکنج لر، کندی اقرانلری قیزلرک بیله یکی یکی اکلنجه لرله مشغول
اولدقاری بر زمانده سالونلرده بوی کوسترمکدن ناصل ذوق
آلیورلر بیلیم. مع مافیله بزمنه، اوله دکلی ؟

آنهم اونی معذور کورمه می آکلاتمق ایسترکبی بنی اقعاع
ایتمک چالیشوردی . حالبوکه بن « سهوکی » ایچون نوزولپورم.
کوچو کدنبری بزمله دوشوب قالقان او نشئه لی ، او حرارتلی
قیزده بو آدامله نشانلانقدن صوکره عادتا قیشین مانغال آلترنده
ساعتلرجه او یقو کسیرن کدیله دوندی . اسکیدن او طور دینی
یرده دورامایان او آفاجان قیز ، شیمدی دوشونمک مراقلیسی
بر فیلسوف اولدی . بیلیم غالباً « فرید کامی » بکه اولان خنجم
بر آزده « سهوکی » پی بزدن آیردینی ایچون ..

فقط دوشوندکجه آنهمه حق ویریورم . « سهوکی »
حیاتی باغلایه جنی ارکی خوش کورد کن صوکره بکانه ؟ صوکره
شاقایه تحمیلی یوق . چابوق آلیور . چاره یوق . بو آدامله ، بوندن
صوکره بر آزرسمی دورمالی .

آنهمله برابر آشانی یه ایندک . « ییلدیز » بنم قول ادمانلری
ایچون قوللاندیغم « نه کستانسور » ی آلمش ، تجربه ایدیور .
اوته کیلر صوفره نک باشنده قونوشیورلر :

— نافله ییلدیز ، دیدم . بو اوچ تللی پی اون دفعه دن فضله
آچامازسک . او ، بردن باشلادی . کورونوشده او قدر قولای
کلن ، بویایی تللر اوله سرتدرکه ادمانسز قوللری درحال کسر .

ایچریدن « فرید کامی » بکک سسی کلدی :
 — اوده برشیمی آجانم . بن سزه یکر می دفعه آچایم .
 « سهوکی » ایله برابر یانمزه کلدیله . « ییلدیز » بشه قادار
 آچدی ، لندن آلوب « فرید کامی » بکه اوزاتم :
 — بیوریکز . بردن یکر می یه قدر صایورز .
 اهمیتسز برشی تجربیه ای دیورمش کبی « ا کستانسور » ی
 آلدی . قوللری کرینجه یه قدر آچدی .
 — بر !

بن ایکی دیمک ایچون حاضر لانیر کن اونک آچیلان ، کر کین
 قوللری بردنبره قاووشدی ، یایی تلک چار پشماشندن کلن سس
 اوطهده شاقیردادی .

— آمان دیدم . نه یایدیکز ؟ بوچوق فنادر .
 تلرک کر کین حالنده قوللری بردنبره که وشه تمک سینیرلری
 کسر . « فرید کامی » بکده بویله اولمشدی . او یوشان قوللری
 ایکنجی دفعه تللری آچق ایچون اوکا جسارت ویرمه دی النی بکا
 اوزانه رق :

— واز کچدم کوچوک خانم دیدی . ذاتا سز کله بجه کیرمک
 دوغرو دکلدی یا ... اویله استهزالی باقیوردیکز که داها ایلک
 آچیشده بوتون جسارتم قیریلشدی .
 آنهم یمک اوطه سنه کیرمش :

— هایدی چوجوقلر ، که وهزه لکک لزومی یوق یمکه !
 دیوردی .

بو آدامك حقیقه بر زواللی اولدیغنه بنده اینانمغه باشلادم.
الله « سهوکی » قیزه صبر و تحمل ویرسین .

... مودا بویوک ده کیز یاریشلی « فنهر بانچه » قلوبنک
خاطره دفتینه چوق هیجانلی و شرفلی بر یپراق داها علاوه
ایتدی .

او کون صباحندن ده کیز بانیوسنی یابدق . « آنتره نمان » لریمزده
نظارت ایدن حکمت بك :

— یاریش کونی کندیکیزی یوراجاق دکلسکز . صو کره
یورغون دوشرسکز .

دییه صیق صیق تنیهلر ایدیوردی . بانیودن صو کره هیچ
اکزرسیز یاممادق . حتی یاریش فوطه لرینی مودایه قدر قلوب
آرقاداشلی کتیردیله . (مودا) او کنده بو کون عادتا بر فیلو وار .
زرهیلر ، طورپیدولر ، یاطلر ، بوغاز ایچی صنداللی ، بویوک
بالقچی قایقیری ، قلوب فوطه لری ... ساحل بر پاپاتیه تارلاسی
کبی ... بایراقلر ، موزیقه لر ، دودوک سسلری قیامت قوپیور .
یانمزده « غلطه سرای » ک خانملر فوطه سی وار . یاریش همان
همان اونلرله آرامزده اولاجاق . حکمت بك :

— اونلر ادمانلرینی بوغاز صولرنده یاپدیله . دها قوتلیدرلر .
دییه بزى عادتا قورقوتمشدی . واقعا بوغاز صولری دها قوتلی در .
فقط بزده اک چوق ادمانلریمزى بو ساحللی خیر پالایان لدوسلی
هوالده یابدق . اسکه اوزرنده یاریش هیئتى اشارتله یاریشلی
تنظیم ایدیور . بو کون ، یاصاری قازانه جاق یا لاجورد .

«اسمان» له «کوکل» اللری کوره کلرده، بیلکلینی حرکت
آلشدیریورلر. غلظه سراي فوطه سیله آرامزده بر قاج قولاج
وار. یاریشی سیر ایدنلرک چوغی بو ایکی صاندال له علاقه دار.
بونی قولاغمه کلن سسلردن آکلیورم. هر ایکی صاندالک
طرفدارلری وار.

حرب کیلرینه عائد بطل فلیقه یاریشلی بیتدی. صره
زه کلیوردی. یاواشجه خاطر لاتدم:

— چوجوقلر، عجله ایده جک دکلسکز. «ایسقار موزلر»
چوق یاغلی در. بر کوره ک فیرلادیمی رذیل اولورز. باصماق
تخته لرینی، ایسقار موزلری بر داها کوزدن کچیرک، هیجان یوق،
عجله یوق.

یان کوزله «غلظه سراي» فوطه سنه باقیورم. اونلر تلاشلرینی
بللی ایدیورلر. هله دومنده کی خانمک ایکیده بر دومن بکه سنی
قونترول ایدیشی پک کوزه باطیور.

نهایت وقت کلدی. حکمت بکک ده بولوندینی «قله» دن
اشارت ویریلدی. ایکی فوطه نک سکز کوره کی بردن قالقدی
و بر آنده صویه دالدی. پارمقلمه دولادیم دومن ایپلرینی
صیقیورم. یاریشک صوک نقطه سی انکلزلرک آچقده کی بانو
دوبه سی ایدی. قاپلان آوینه چیقمش بر آوجی کی فوطه نک
بورنیله دوبه یی نشان آلمشدم. اوته کیلره باقیوردیم. اویله ظن
ایدیوردیم که باشیمی چویرنجه دومن ده برابر حرکت ایده جک،
کوره کچیلریمک بوتون نه مکلی بر هوا اولاجاق. ایلك نانیله لرده
باش باشه کیتدی کمزی کورک سسلردن آکلیوردیم. بر آز

صوکره عینی سسلر بکا بر آز داها کریدن کلیر کبی اولدی .
مراق ایدیوردم . فقط بن باشیمی چویرمه دن « کوکل » کندی
طوتامادی .

— اوچ کورک ایلریده ز . دیدی . « آسمان » علاوه ابتد :

— صیقی کوره ک قوللانیورلر .

صیقی کوره ک کوپوک و کورولتو یاپار . فقط یاریشلرده
فنادر . شیمدی مناقشه زمانی دکل .

— باقماک شاشیریرسکیز . دیدم . یاری یولده ز . غیرت .

کوره ک چکه دیکم ، قوت صرف ایتمدیکم حالده صیقینتیدن
ترلیورم . کندم اونلره سکونت توصیه ایدرکن آووجلرم تر
ایچنده قالمشدی . صاندالردن ، ساحلدن ، اوزاقلردن اوغولتو
حالده آقیشلر کلیور . واپورلر ، استمبوطلردودوک چالیور ،
دوبه ده کی قالابلق آراسندن بربرینه ضد تشویق سسلری
یوکسه لیوردی :

— براوو فنار باغچه !

— ها غیرت غلطه سرای !

« آسمان » له « کوکل » بوتون دقتلریله چالیشیورلر . دوبه یه
بش آتی قولاج قاله صبر ایده مه دم ، باشیمی چویردم . رقیلریمز
بزدن سکزاون کوره ک آرقه دن کلیورلردی . آرتق تهلکه قالما
مشدی . یاریشده دوبه یی ساده جه طوتمق لازم اولدینی حالده
بن یاقلاشجه سرت بردومن ضربه سیله فوطه یی بر بالق کبی
چویروب یاندن دوبه یه یاناشدیردم .

آرتق قیامت قویمشدی . یاشا « فنارباغچه » ، سسلری بوتون
مودا ساحلررنده چینیوردی . یاریش هیئت یوک مادالیه سنی

ویردی . « حکمت » بك قابنه صیغامیوردی :

— آفرین چوجوقلر ، یاشایک قیزلر ، دیرکن کوزلری
صولانیوردی . صانداللرک یاننه عودت بک محتم اولدی .
بزم قلوبک بوتون صانداللری اطرافیزی چویرمشر . صاری ،
لاجوردک ظفری شرفنه عادتا بر موکب قورمشردی .
صاندالدن صانداله کچهرک بزم فوطیه تمام یدی تانه « بوکت »
کلدی .

آرتق آقشامه قدر نشئه لی بر سرخوش کیدک . یاریشر
بیتدی ، سسلر کسلدی ، « حکمت » بک بزى قلوبده بو کونک
غالبیری شرفنه ویریلن « چای » ه کوتوردی . کچ وقته قدرده
قلوبک باغچه سنده اوطوردق ، سویله دک ، سویله دیلر ، کولک ،
کولدیلر . فقط بونلر هپ بر طاتلی رؤیا کبی کچدی .. کندیمزی
بر توی قدر خیف ، چیچک باغچه سنه دالمش بر کلبک کبی
مسعود کوریوردق . کچ اولمشدی . یکر می بش اوتوز کشیلک
قلوب آرقاداشلری بزه صوک بر تشکر داها ایتدیلر . بوکتلریمزی
طاشییاراق بزى قلوبک او کندن صانداله بئدیردیلر .

« حکمت » بک آنه مه حرمتلرندن بحث ایتدکن صوکره
اسکی ده کیزجی « عدنان » بکه دوندی :

— خاتملر کیدیور ، اعلی آما صاندالی بورایه کیم کتیره جک ؟
« عدنان » بک کندینه ایش چیقدیغنی آکلادی . بزمه برابر
اوده صانداله آنلادی . مع مافیله کوره کلرده « غزال » له « کوکل »
وار .

اونلری قالا میشده براقدقن صوکره کوره که بن کچدم .

«عدنان» بك دومن قوللانیور . كونس چكىلمش . دومانلی
بر یاز آقشامی . . اوزاقلرده سیس وار کبی کورونیور . هم
آغیر آغیر کورهك چکیور ، همده بو کونکی یاریشدهکی
هیجانمی آکلایورم .

— بیلسه کز او یله بحران کچیردم که عدنان بك ، اگر
یاریشی غیب ایتسه يدك چوق فنا اولاجقدم . حتی بنی فضله
سه وینچ بيله چیلغین ایدیور .

— چوق عنادجی بر قیزسکز . آی تن خانم . بو عنادیکنز
بكا ده کیزی دویشان ایتدی .

— نیچین ؟

— طبیعی دكلی یا . سزکه آرقاداشلق ایتك پك کوچ . یانکز-
ده کنی محقق کنیدیکنزن کری ، ضعیف براقق ایچون چالیشیور
سکز . سزکه رقابته کیریشمك بر تهلكه . . مادی هوسلریکنزه
چوق حاکمسکز . عزمنکز بو قدر قوتلی اولورسه کیم بیلیر
قلبکنزه عاڈ تحسسلرده نه قدر قیصقانجسکز .

«عدنان» بکه درحال جواب ویردم :

— اوت او یله یم !

بونی نیچین سویله دیکمی بیلمیورم . فقط شیمدی یازارکن
دوشونجه او قدر لزومسز بولیورم که !

لزومسزلی شونکله ده ثابت که بر آز صوکره « عدنان »
بك ینه بو بحثه عودت ایتك ایسته دی :

— سزك کبی عصبی ، حساس و قیصقانچ اولانلر کوکل
دعوالرنده ده چوق صافدرلر . سزك سه وه جککنز ارکک نه

کوره کلری صیقی آلفه باشلادم . «عدنان» بکک بو فکر -
 لری بکا خوش کورونمهدی . کندیمه، قلبه عائد شیرلی، ائی
 دوستقله صیقدیغم برکنج ایله مناقشه ایده جک دکلم یا! هم بوتون
 رابطه لری سپور هوسلردن عبارت قالان قلوب آرقداش لری
 آراسنده بویله موضوعلرک یری یوقدر . بن قلبمدن و قلبه
 عائد آرزولردن او یله سنه بحث ایتمه لی یم که یا آنه کبی بکا شفقت
 حسلریله باقسین یا خود کو کلمده کچیلیمه جک، فدا ایدیلمه جک
 یری اولان بر آرقداشم بولونسون . بونلرک خارجنده قلبه
 عائد حسلری مناقشه ایده جک بر کیمسه تصور ایتم . اونک
 ایچون «عدنان» بکک صوک جمله سی مع التأسف جواب سز قالدی .
 و بنم قوتلی کوره کلرم، صاندالی بر ایکی دقیقه ده اسکله یه یا ناشدیردی .
 — اللهه اصهار لادق، عدنان بک بورایه قدر کتیر دیکز،
 تشکر ایدرم افندم .

— برشی دکل خانم افندی، کوله کوله ...

قوللریمده حصه مه دوشن بویوک چیچک ده متلریله ایچری یه
 کیرر کیرمز آنه مک بوینونه آتیلدم . اونی قانه قانه، دویه
 دویه اویدم .

اک سهوینجلی، اک مسعود زمانلرمده دائما آنه مک یاننده
 بولونمق ایسترم . آنه م بنم سهوینجلی می کوردیکی زمان او یله
 سهوینیر که !

بو آقشام آنا قیز صوفره باشنده ایکی آرقاداش کیدک،
 آنه م یاریش لری بک یاقیندن سیرایتمش او قدر هیجان کچیرمش که .
 — یا «حکمت» بکی صور میورسک آنه، آدامجنز بو کون

محقق صاحبك ياريسنى دهاها بياضلاتدى. بزى قلوبه چايه كو -
توردىكى زمان ناصل اكرام ايده جكنى شاشيريوردى.
بردنبه خاطر يمه «عدنان» بكك لاقيردىلرى كلى.
— آنه سكا تحف برشى آكلاته يم: بو آقشام بزى صاندالله
قلوبدن بر آرقاداش كتيردى بلهكه طانيه جقسك، هانى صارى،
ماوى كوزلو اوزونجه بر كنج وار. «عدنان» بك، بر قاچ دفعه
ياريش ايتمشك.

— پكى نه اولدى؟

— «آسمان» لرى قالايمشه بر اقدقن صوكره كليوردق، شورادن
بورادن لاقيردى ايدر كن بنم چوق عصبي، حساس، قيصقايچ
اولديغمدن بحث ايتدى.

بر آز اويله سك يا، بونده برشى يوق آي تن!

— آما ديكه يوموق آنه، «عدنان» بك بوني سويله -
دكدن صوكره «سزك سه وه جككزاركك نه مسعود انسان اولاجاق!»
ديبه برده مكممل كو كس كچيردى.

— سن نه جواب ويردك؟

— همان كوره كبره اصيلوب اسكله يه ياناشدم.

آنهم بوجوابمه اوزون اوزون كولى، صوكره صاچلر يمي،
يوزومى اوقشادى. آنهمك بو اوقشاييشلرندن بر كدى كبي
خوشلانيرم. هله اونك يوموشاق سسى اويله ايجيمي فرحلاتير كه!
— بنم كوزهل قيزم، ديدى. ار ككلر اولامق ايسته دكلرى
كنج قيز قىلبريني دائما بويله مونس، طاتلى التفاتلرله غشى
ايدرلر. طبق خسته سنه عمليات ياپمق ايچون شوندن بوندى

بحث ايدرك آغزینه «قلوروفورم» ویرمن دو قوتورلر کبی .. بر
فرقی وارسه دو قوتورلرک بو طوزاقلرندن صوکره یابدقلری
عملیات چوق دفعه خسته لرک حیاتی قورتاریر. فقط ارککلرک
کوکلری آلدانان التفاتلری، نمایشلری اکثریا کنج قیزلرک
خیالی وسعادتی بر لحظه ده چوروتوب محو ایدر. جواب ویرمه
دیگکه نه ابی ایتمشک آی تن.

آنهم ارککلره عاؤد بختلرده بکا دائما اعتمادسزلق توصیه
ایدر. حالبوکه بن ارککلره بر آرقاداش کبی کوروشورکن
اونلرک بکا قلب و کوکل مسئله لرندن بحث ایتمه لرینی دوغرو
بولمام. مادام که بو مسئله لر ایکی طرفک اشترا کنندن دوغور.
هیچ حاکم کندینی محاکمه ایدرمی؟

مع مافیه آنهمک فکرلری ده دوغرو .. «عدنان» بکک
هیچ مناسبتی یوقکن بنمله مناقشه آچاسنه بکا عاؤد ارککلر
مسعود اولاجغندن بحث ایتمه سنه نه لزوم وار. آرامزده بو قدر
دوستلق نه زمان اولدی بیلمم که!

... «آسمان» لرله برکون آطیه کیمکه قرارویردک. حکمت
بک آرتق قوطریمی بزه امنیت ایدیور. بوکا رغماً قلوبده بو
کزیئتیدن بحث ایدیلیرکن:

— ایسترسه کز بزم اسکی ده کیزجیلرده سزکله کلسینلر،
اونلر یلکنلره باقارلرسه سز داها راحت اکلنه نیرسکنز، دیدی.
هممز بردن اعتراض ایتدک:

— بز یالکنز قالیرسه ق داها زیاده اکلنه نیرز.
قلوب حیاتی خوشمه کیدیور. یالکنز آرقاداشلر بوراده کی

دوستلنی داها خصوصی داها ایچلی کوکل رابطه لرینه کوتور-
 مك ایچون واسطه یاماسه لر.. اك جانمی صیقان شی، دوست
 و آرقاداش دیه آلرینی صیقدیغم کنجلك بو طبیعی مناسبتدن
 لزومندن فضله متحسس اولماری . . . بوراده او یله کنجلره
 تصادف ایتدم که بنمله ویاخود بزمله داها یاقیندن مشغول اولد-
 ق لرینی آکلاتمق ایچون غیر طبیعی وضعیتلره کیریورلر . بو
 کولونج غیرتلی کوردکجه سینیره نیورم . بر قادینک خوشنه
 کیتمک ایچون اولدیغندن باشقه تورلو کورونمکه چالیشان
 ارککلر نجبه آرزولرینی حسلرینی اك فنا یولدن افاده ایتمش
 اولانلردر . بنم قلبمده یرینی آرایه حق ارککک ایلک موفقیتسز-
 لکی بو ظاهری علاقه دارلق در . بکا خوش کورونمک ایچون
 غیر طبیعی حرکتلر یاپان، بنی لسانه کتیرمک ایچون صیق صیق
 قلب و کوکل حادثه لرندن بحث ایدن ازکک دائما بدن اوزاق
 قالمغه محکوم در . . .

آرقاداشلرله آطه کزینتیمز چوق کوزهل کچدی . بویوک
 آطه اوکنده بانویو پادق . صوکره کچ وقت هکبه لی آرقه سندن،
 چام لیمانی آچیق لرندن دولاشدق . حکمت بکک آطه لرك اك
 شدتلی آقینتیمی دیدیکی هکبه لی ایله بورغاز آراسنده کی بوغازدن
 کچدک . آرتق قینه لی یه دوغرو یول ویرمشدک که آرقه مزده ایکی
 دیرکلی بر قوطره پیدا اولدی . بز آغیر کیدیوردق . ساحلی
 کورمک ایچون روز کاری یلکنلره یدیر میوردم . « کوکل »
 آرقه ده کیلره دقتله باقدقن صوکره بکا اشارت ایتدی :
 — اوزریمزه کلیورلر . هکبه لی، بحریه مکتبنک قوطره سی . .

اوتہ کیلر دہ باقوب تصدیق ایتدی لر :

— اوت .. غالباً یاریش ایتمک ایستور لر .

— نه مناسبت، دیدم . غالباً سزک جانکز یاریش ایتمک

ایستور .

قینه لی اوکلرینه کلیوروز . آرقه مزده کی قوطرہ دن سسلر
ایشیتیلیور . « کوکل » آچیلماز ایچون اصرار ایدیور . اصل
مقصدینی آکلیورم . اونلری ایلری کچیرمه مک ایستور . فقط
بن، بزدن بویوک، دورت یلکنلی بر قوطرہ ایله یاریشه چقمغه
جسارت ایده میورم . مع مافیہ یاریش ایچون دکل، آقشامدن سوکره
روزکار سز قالمق دن قورقدیغ ایچون بر آز آچدم . خیزلاندق .
اوتہ کی قوطرہ بی ترصد ایدن « غزال » واردیادن خبر ویردی :

— بر آز داها آی تن، اونلر دہ یاریش حاضرلنی وار .

بو یاریش علتی همنزه صالحین .. پک ساکن کچن کونمزہ
بر آز هیجان کتیرمک احتیاجی دردیمز دی ده چیمدی کلیور .
آرتق بنده سینیرلنمشدم . اونلرک اوکندن بر وولطا یاپوب
آچیلماق ایچون دومنی چویردم . تام روزکار آلتندہ ایدک .
بو مانورا وضعیت می ده کیشدیردی . اونلر کریمزده ایکن
شیمدی یانمزده قالدیلر . بزم حقیف تکنه بر توی کبی مانورا
یاپیور . عینی وولطایی اونلر دہ یاپدی لر . یاریش یایمق ایسته دکلرینه
بنده ایناندم . فقط قوتلر آراسنده نسبت یوقدی . سوکره
مکتبی ، مدرسہ لی بحر یه لیلرله بزم کبی آماتور لر ناصل یاریش
ایده بیلیر لر ؟

« کوکل » له « غزال » بزم آغیر حرکتلر مدن سینیرله نیور لر .

بحریه قوطره سی کوپوکلر صاچاراق دوندی. اونلر بویوک
تکنه بی چویرنجیه قدر بن روزکارک آلتنه کیردم. ایکی یلکنمزده
یادی. آرتق وضعیتدن امیم. چونکه داها اونلرک ایکی بویوک
یلکنی مندیله کبی صاللانور. روزکاری یدیره مه دیلر. و بز
اوق کبی کیدیورز. آرتق برنمایش پامق صیراسیدی. دومی
اوزرلرینه چویردم. ایکی قوطره بو وضعیتده کیتسهر محقق
چارپشیرلر. اونلر بومانورادن شاشیرمش کیدیله. اون بش
یکرمی قولاج قالنجه دومی قیردم. ده کیز و روزکارینه صاغه
دوشدی. بویوک بر سرعتله آچیلغه باشلادق. بو مانورای
یامازدن اول حساب ایتشدم. اونلر بویوک یلکنرله شهه سز
بزی کچه جکلردی. بزم قوطره، خفیف اولماسنه رغمالیکنجه
چوق ضعیفدی. بوتون معرفت روزکاردن وده کیزدن استفاده
ایتکده ایدی. اوزرلرینه کیدنجه اونلرده روزکاری باشه آلمغه
مجبور اولدیله. بزم مقصدم اونلری شاشیرتوب مانوراسر عتمزدن
استفاده ایتکدی. ایسته دیکم اولدی. تام یانلرینه کلشکن دومن
قیرنجه بز روزکار آلتنه دوشدک و بوتون سرعتمزله اوزا قلاشدق.
کونشده کیزه اینمشدی. بحریه قوطره سی بو قورنازلغمزدن
کندینی طوبار لایوب پیشمزه دوشونجهیه قدر چوق یول آلدق.
کون باطینجه روزکارک دوراجغنی بیلن رقیلریمز تعقیدن
واز کچدیله.

مودا اوکنه کلدی کمز وقت بزم چیلغین طائفه یه چیقیشدم:
— برداها یاریش ماریش دییه قالمایک قوزوم، نه مه لازم
بر کونده بزی کچه جک بولونور. بو آقشام چوجوق جغزلره

اویون ایتدک یوقسه درت یلکنله بزى فرح فرح کچرلردی .
قو طره نك كو چوك صانداليله اسكله یه چیقدم . اونلر
قالامیشه کیتمک ایچون « قلوب » صاندالنی بکیه جکلردی .

مودا باغچه سنده ، آنهم ، تیزم ، سهوکی ، ییلدیز چای
ایچمشلر ، بنی بکلیورلردی . آیاغده آلتیری دوز بیاض ده کیز
صانداللری ، آرقه مده لاجورد فانيله جا کت ، باشمده قلوب
قاسکه تیه بنی ایلمک دفعه کورهن تیزم باشنی ایکی یانه ساللادی :
— حاجت یوق ، باری آیاغنه برده بانطولون کچیر ، چیق
ایشک ایچندن .

صو کره آنهمه دوندی :

— بوقیز دنیا یه یا ککش کلدی . عجب اراکک اولسه یدی نه لر
یا په جقدی ، اکی اینسی سن بونی نه ولندیرده بوسپور مراقندن قورتار .
تیزمک یا ناقلرینی دویه دویه اوپدم :

— مراق اتمه تیزه ، اوزمان داها چوق سپور یاپارم .

اللرینی ، یوزونی زورله بندن قورتاران تیزم :

— یاغما یوق دیدی . اراکک آدامک هر دیدیکنی یاپارمی ؟

— یاغما زسه کوله کوله آجانم .. بنم قافامده ، بنم طبیعتمده

اولمایان اراککه بنم نه آلیش ویریشم اولور . هم بن ایسته دکلری

یا ییلما یه جق ، طبیعتی چکیلمیه جک قیزمی یم تیزه ؟

بونى سویلر کن تیزمک بیاض تللر قاریشمش باشنی برداها

قوجا قلام :

— اوح بنم شکر تیزه جکم ، سویله سه که ، بنم ایسته نیمه جک

نرم وار ؟

زواللی قالدین چابالایوب دورییور :

— واز کچدم ، واز کچدم ، سویله مادم ، دییه هایقیر

بیوردی . صوکره آنمه چیقیشدی :

— بوقیزی چیلغین ایدن هب سنسک . آله بونی آلاجاق

ارککه صبرلر ویرسون .

قارنم آجیقمشدی . هپسینی طوبارلایوب نهوه کوتوردم .

بوکون رسم کونم .. صباح ده کیزدن صوکره اوکله یه قدر

چالیشدم . لوحه آرتق بیتور . بنی اک چوق اوغراشدیران

فنا ر باغچه ده کی آغاچلر اولدی . بونلرک اوزاقدن کورونن معناسز

رنکنی بولونجه یه قدر او یله ئوزولدم که !

پارمقلم فیرچه ایله مشغول کن راحت راحت دوشونبورم .

رسمک قدرتنی کوزلرم ویریور . شیمدی بویا کاسه سنده

فیرچه لیک رنکنی خیفتمکه چالیشیرکن دون آقشام تیزه مک

بنم ایچون سویله دکلرینی دوشونبورم . حقیقت بن او قدر خاشا

ریمدم که تیزه بن آلاجاق ارککه صبر و تحمل دیلیور . شیمدی یه

قدر هیچ بر ارکک ایچون کندیمه عاند دییه دوشونمدم .

الترینی صیقدیغم بوتون کنجلی بر آرقاداش کبی تلقی ایتدم .

فقط او یله حس ایدیورم که بو احباب چهره لر آراسنده

دوستلغیزی ، آرقاداشلغیزی هر هانکی بر قالدینه ارکک آراسنده کی

خصوصی ، کیزلی مناسبتلره سوق ایتمک ایسته ینلر وار . بونلرک

او یله غریب طورلری وار که بنی کندیلرینه حتی صیمی اولمقدن

بیله اوزا قلاشدیریور . دنیا ده هر کسک قابی ، بر هیجان کچیریور .

فقط بوهيجان تصادفلردن، تماسلردن، آكلاشمه لردن طوپلانوب
دماغده سوزولد كدن صوكره قلبه كیره ن بر سه ویشمه نك
نتیجه سی در. ایکی هفته لق بر قلوب آرقاداشلغنك ایچلی ، كینش
بر قلب یولی آچماسنه امكان وارمی ؟

تیزه مك حقمده کی فکری هر حالده دوغرو دكل . بلکه
خیرچین بر قیزم ، فقط دكل بكا طأند برار ککی ، حتی الك اوزاق
بر دوستی بیله بیقیدیراجاق ، اوصاندیراجاق طاتسنر لقلری یامق
نم ایچون دكل در. نم حرکتلری می خوش کورمه ینلر بولونه بیلیر.
فقط صمیمیت بدن شبهه ایدنلری اصلا عفو ایتم.

بن یالکز حیاتمه دورغون و اولدیغندن باشقه صورتده
کورونمك ایستین انسانلره اویوشامام. تیزم بلکه بنی ده بویوك
قیزی «سهوکی» کی ساکن و اویصال کورمك ایستیور. بوکا
امكان وارمی بیلیم.. باشقه سنك حسابنه اصل بنلکمی ده کیشد
یرمك مشکل اولدیغی قدر فناده ! . . بونی تجربه ایتك بیله
انسانه صمیمیتدن بر چوق شیر غیب ایتدیرر. حیات و خلقت
انسانه حقیقی رول لر ، وظیفه لر و یرمشکن غیر طبیعی ، ایکره تی
وضعیتلره کیرمکه نه لزوم وار؟ بونی اکر بر بریمزی آلداتمق
ایچون یاپیورسوق بو تشبث خوش کورونمكدن چوق باشقه
بر فنا حیلله ، بر چیر کین حرکت اولمازمی.

تیزم کی باشقه لری ده بنی خیرچین ، عصبی ظن ایدیورلر .
حیاتده قلبنك ایسته دیکی قدر کولوب اکلنمك خیرچینلقسه
قبول ایدرم. فقط سینیرلی هیچ دكل و اولمق ایسته م. سینیرلی
اولماق ایچون حیاتده دائمًا نشئه لی و غمسز کورونمك ایسترم.

کونلری ده کیزده ، اکلنجه لرده ، لوحه سنک ، پانوسنک
 باشنده کچن بر کنج قیزک، ایچندن کلدیکی کبی کولوب اکلنمک ده
 حق دکلیدر؟ تیزه بنی آلاچاق ارککدن بحث ایدیور . بن
 تیزه مک یرنده اولسه یدم ، بونی ، بنم حیات آرقاداشی اولارق
 انتخاب ایده جکم ارکک دییه افاده ایدردم. بنی آلاچاق، یاخود
 بنی ویره جکلری ارکک بندن برشی بکلیه مز. سعادت قی شهبه لی در.
 آرزولیمک آرقه سنده قالان ، کیم اولورسه اولسون بندن بر
 فدا کارلق بکلیه مز. فقط سه وه جکم بر انسان کندینی مسعود
 بیلین . . بو سعادت «عدنان» بکک آکلاتمق ایسته دیکی کبی
 یالکز قیصقا نجلقدن و صداقتدن کلز . . قبلرک او یله هیجانلری
 اولورکه اونلری نه قیصقا نجلق ، نه صداقت ، نه فدا کارلق
 کله لری افاده ایده مز . بو بر حالت درکه اونی آنجاق سه وه ن
 بیلیر و سه ویلن آکلار .

قلبمک بو جوشغون گوشه لری صاقلادقلری هیجانی
 قولای قولای افشا ایتمه جکلر. او حسلرک سیرینی کشف ایده جک،
 سه وکی سنک طلسمیله چوزه جک ارکک کیم بیلیر نه زمان حیاته
 کیره جک؟ هر حالده بو قهرمان، دوستقلرینی تکلیف سزک ولا ابالیلک
 شکلنده قوللانوب ایچلی دیشلی اولمق ایسته ین قلوب آرقاداشلری
 کبی احتیاط سز، پاتاوات سز و ضعیف روحلی ارککلردن اولما
 یه جاق ! اونلر بندن دائما اوزاق قالا جقلر .

آشاغی یه ایندی کم زمان هپسینی صوفره باشنده بولدم .
 فرید کامی ، اونلرک کلدیکنی نره دن خبر آلمش بیلیم . تیزه مله
 « سه وکی » نک آراسنه اوطورمش بر شینلر آکلاتیور . بن
 ایچری کیرنجه آیانه قالدی :

— شیمدی سزدن بحث ای دیورددم «آی تن» خانم ،
دون آقشام بر آرقاداشله قونوشیوردق ، بنم سزکله یاقین مناسبتیزی ،
اقربالغمیزی هنوز بیلمیورلر . «قلوب» دن لاقیردی آچیلمشدی .
بری بکا چیقیشدی :

— قلوبده کوروندیکک یوق . براوغمراده یکی خانم اعضاضله
طانیس ، دیدی ، او یله شکر ، او یله جانه یاقین شیلر که !
یاندی کی ، بو حواده همان علاوه ایتدی :

— هله بر قومرالی وار ، اسمی ده «آی تن» ، جیوا کبی ،
آلده ، آووجده دورور شی دکل ، هم مدهش بر سپورتمن !
« فریدکامی » بک بو حوادی بندن اول اونلره آ کلاتدینی
ایچون هم دیکلیور هم یوزومه باقیورلردی . انشته بکک واپور-
لردن ، سالونلردن طوبلایوب کتیردیکی «دیدی قودی» خوشمه
کیتمه دی دکل .

— پک اعلی فرید بک ، سز نه جواب ویردیکنز .
— کولدم و سزی طانیدیغمی ، تقدیر ایتدیگمی ، یاقینده
اقربا اولاجغمیزی سویلهدم .

— تشکر ایدرم . چوق نازکسکنز « فرید » بک ،
آرقداش لریکنزک حقمده کی التفاتلرینه هیچ دییه جک یوق .
اسملرینی ، شخصلرینی بیاسمه بالخاصه تشکر ایتک ایستردم .
تیزم صاحی ظن ایدرک :

— داها نهلر ، داها نهلر ، دیبور .
آنهم ، ییلدیز کولیورلردی . بر آزده « فریدکامی » بکه
طاقلمق ایستدم .

— شو حالده سزی ده قلوبه یکی کلن ، ناصل دیوردیکنز ،
بو « جانه یاقین » بو « شکر » آرقاداشلری کورمه دعوت
ایدرز. تشریف بیورمازمیسکنز ؟

— های های ، افندم ، ذات عصمتانه لرینه عرض حرمت
ایچون نزهه اولسه کیتمک وظیفهم . فقط قلوبده هر حالده ایی
دیددی قودیلر اولدینی آکلاشیلور . اوراده بر عادت واردر .
هر کسه براسم ویررلر . باقالم سزه نه سویله جکلر ؟ صو کره دن
خاطرمه کلدی ، بیلسه یدم سزکله اقربا اولدیغمزی سویله مه دن
آغز لرینی آرادم .

یمک هپ « فرید کامی » بک بو دیددی قودیسيله کچدی .
تیزه صمیمی بر حمایه و صیانت آرزوسيله بکا قلوبه صیق صیق
کیتمه مک دوغرو اولمادیغنی تکرار ایدیور . « فرید کامی » بک
قلوب کنج لرینک چوق تمیز و کبار عائله چوجوقلری اولد -
قلرینی سویله یوب تیزه می تأمین ایتمه ک چالیشیوردی . نهایت
آنهم ایکی جمله ایله بو بحثه نهایت ویردی :

— « آی تن » بویله دیددی قودیلره قارشى یاپیلاجق حرکتی
بیلیر . ار ککلرک تعقیلرندن اولدینی قدر تقدیر لرندن ده چکینمک
لازمدر . بوده بر سپوردر .

صو کره حیرتله باقان تیزه ایچون علاوه ایتدی :

— اویله یا ، کوره ک چکمک ، ته نیس اوینامق ، وجود
ایچون ناصل بر ادمان سه اطرافنده مختلف آرزولرله دونن
باشقه باشقه یوللردن کندینه حلول ایتمه ک چالیشان ار ککلرک
بو خود کام حسلریله مجادله ایتمه ده قوتلی بر کوکل ادمانی در . .

«فرید کامی» بک تصدیق ایتدی.

— اوت، بالخاصه بویله بر مجادله، هر سپورده غالب کلمکه
آلیشان «آی تن» خانم ایچون شهبه سز دائما ظفرله نتیجه لیر .
بو مناقشه تامیله اونلر آراسنده کچدی . بزواج قیز، بخی
نهایت قدر بر کله سویله دن دیکله دک . «فرید کامی» بک، صوک
جمله سیله کندی دیدی قودوسی یوزوندن آچیلان بو بخی قابادی .
طبیعی مناسبتلرک بویله غریب دیدی قودیلره سبب اولو .
شنه حیرت ایدیورم . قادین اولسون، ارکک اولسون هر کسک
کندینه کوره بر مزیتی اولابیلیر . کوزه لک بر قادین ایچون
فوق العاده برشی دکلدرکه بویله حقنده لاقیردی سویله ته جک
قدر اونی معذب ایتسین . هله حسلرینی، دوشونجه لرینی هر
هانکی کوزه ل بر قادین قارشیسنده ضبط ایده مه یین ار ککلره
آجیماق قابل دکل .. آرقاداش دیبه ألی صیقدینی بر قادینک
چهره سندن، کوزلرندن و یاقینلغندن، آرقاداشلقدن باشقه حسلر
آلتنده ذوق آلان ار ککلر وار . بونلرک چوروک وضعیف
کوکل هیجانلری آراسنده حتی سه و کیدن ، ازدواجدن بحث
ایدنلرینه بیله تصادف ایتمک ممکن .. بویله دائمی بحران حالنده
باشایان کنجلره دوستقله آل اوزاتمق نه الیم برشی ...
اطرافک بو کورونمز غیرطبیعی حاللری، اولدقلرندن باشقه
صورتله کورونن انسانلری، بنی کیتدکجه معذب ایدیور . قار-
شیسنده کی آدامله کوروشورکن سوزلرینی و حرکتلرینی تحلیل
ایتمک چالیشمق ، باشقه مقصدلری اورتن کله لری اوزرنده
دوروب تدبیرلر المق نه مشکل ونه قدر فنا .

محیط و انسانلر، صمیمی قلبلری شبهه یه و خودکاملغه
 دوشور ییور. دوستقله آللری صقیلان انسانلردن شبهه ایتمک
 قدر فنالق اولورمی؟ نه یازلیق که کندی سکونت و حتی سلامتمز
 ایچون بو شبهه یی کوسترمک، بو فنالغی خوی ایدینمک لازم...
 ... بو آقشام «آسمان» له «کوکل» صاندالله کلوب بنی
 آدلیر. پرشنبه آقشامی «بلوو» ده قلوب منفعتنه ویریله جک
 بالو حاضرلقلرینه باقق ایچون «حکمت» بک بزمده کله مزلی
 رجا ایتمش. بر بالو ایچون داها اولدن بزه برچوق تکلیفلر
 یاپیلمشدی. طانیدق عائله لره صاتمق ایچون بر چوق بیلت
 ویرمک ایسته دیلر. بن آلامدم. بو طرزده بیلت صاتمق هیچ
 خوشمه کیتمز. بکا اویله کلیر که هر هنانکی خیرلی بر منفعت
 ایچونده اولسه آلاجم بیلت بدلنده بئم خاطریمک و عزت
 نفسمک ده بر حصه سی واردر. «حکمت» بک بونی قبول ایتدیره
 مه نیجه بالو کیجه سی چیچک داغیتمه می رجا ایتدی. هر کسک
 پاراسنی ووروب کیره جکی عمومی بر بالوده کلنرله بر معارفه
 زمینی حاضر لایه جاق بر چیچک وبارا مبادله سی بئم کبی صمیمی
 قلوب آرقاداشلریله بیه احتراز و تمکینلر تماس ایدن بر قیز
 ایچون قبول ایدیله میه جک بر تکلیفدی. مع مافیه بونی «آسمان» له
 قارده شلری کندیلری آرزو ایسدکلری ایچون، بن قولایقله
 ایشک ایچندن صیریلدم. بوتون قلوب ارکانسک آل بر لکیله
 چالیشدقلری بو بالوده بکاده بر حصه ویرمک ایسته یین «حکمت»
 بک نهایت غازیئوده بالو ایچون یاپیلان ترتیباته، سوسلره نظارت
 ایتمک وظیفه سنی یوکلندی. ایکی کوندنبری چالیشیوردق.

ایشلرینی برعسکر ، برقوماندان کی انتظامه و ساعتله یامق ایستین سه ویملی قلوب رئیسمز بوکونده بزى چاغیرتمشدى . « بلوو » نك تحته مردیوه نلی اسکله سنه یانا شدیغمز زمان همان بوتون قلوب آرقاداشلری بزى قارشیلادیلر . « عدنان » بکله « کامران » بک آشاغی به قدر اینمشلر . « آسمان » ك دالغینقله ترس یانا شدیردینی صاندالدن بزى آلمق ایچون یاردیم ایتک ایستیورلردی . تحته اسکله باصاغنه آتلا رکن « کامران » بک ألی اوزاندی :

— تشکر ایدرم « کامران » بک دیدم . برقو طره قاپداننك صاندالدن چیقارکن یاردیم ایسته مه سی خوش بر حرکت دکلدر . مساعده ایدیگزده آتلا یوب چیقایم .

قیزاردی و چکیلدی . اوته کی آرقاداشلرک اوکا باقوب کوله لری اونی محجوب ایتمشدی غالباً .. هر حالده بن فنا برشی یامادم . دونکی تنبهریمه رغماً بویوک ته راسک دیرکلرینه ماوی ، پنبه ، طورونجی اوچورتمه کاغدلری صارمشلردی . « حکمت » بکه کوستردم :

— انصاف ایدک بک افندی ، شو حاله باقک . بایراملرده دوناتیلمش محله قهوه لرینه بکزه میورمی !

اطرافزه طوپلانمشلردی . « کوکل » علاوه ایتدی :
— محمود پاشا باشنده کی شرتجی دکانه دونمش . آمان نه چیرکین ، نه چیرکین ...

« حکمت » بک سوس دییه یاپیلان بوماسقارالغک چیرکینلکنه قناعت کتیرمش کی ، کورونیوردی :

— یازین بویشیل موسمنده هر طرفده دفته ، طافلان، چام
دولو ایکن بورالره یوز پارالق اوچورتمه کاغدی قونماز. بوراسی
برقیر غازینوسی ، ویره جکمز بالوده بر قیر بالوسی در . بوراده
هرشی طبیعی اولمالی که داها صمیمی کورونسون !

آرقاداشلر تصدیق ایدیورلر. بعضیلری شیمیدن کاغدلری
سو کوب سو کوب ایندیریورلردی . نهایت جوار گوشکلردن
پالمه لر ، چام داللی کتیر یلسنه قرار ویریلدی . « حکمت » بک
چالیشمقدن یورولمش ، بر سیغاره یاقوب به زقولتوقلردن
برینه چوکدی :

— توکلی سزدن کله کزی رجا ایتیمورز، قادین آلی، باخصوص
سزک کبی صنعتکار ، رسام ، ذوق صاحبی خانملرک آلی نزهیه
دکسه کوزلشدیرر . امینم بوبالو همتکزله موسمک اک کوزهل
بر اکلنجه سی اولاجقدر .

« کامران » بک یانمزده ، ده مینکی محجوبیتدن قورتولمش
کبی یوزی کولیور .

— مستریح اولک رئیس بک ، خانم افندیلر قلوبلرینک
شرفی ایچون هر زحمته قاتلانا جاق قدر فدا کار و نازک درلر .
بزم حسابمزه سویله نمش بو وعده یالکز « آسمان » قورو
بر جواب ویردی :

— طبیعی !

— چوق قالابالیق اولاجاق ظن ایدرم ، دیسوردی .
بوتون دعوتیه لر داغیلدی . یالکز قاضی کویندن استانبولدن
دکل ، آطهلردن بیله کله جکلر وار . طانیدق بر چوق عائله لرده

توالت حاضر لغی وار. سز نه لر یابه جقسکز باقلم کوچوک خانم لر،
هر حالده قلوبم زک رنگلرینی اوزریکزدن ا کسیک ایتمه یه -
جکسکز دکلی ؟

توالت انتخابی قدر بزنی مشغول ایتمه ین مسئله یوقدی .
برهفته ، اون کوندنبری « بالو » ترتیباتی یاپیلدینی حالده برکون
اولسون او کیجه کییه جکمز البسه نک رنگی و شکلی حقنده
قونوشماق . « حکمت » بکک بولا قیردیسی بزه باشسقه لرینک
چوق مهم تلقی ایتدکلری بومسئله یی خاطر لاتدی :

— حقکز وار بک افندی ، دیدی کوکل ، بزه آرتق
مساعده ایدیکزده کندیمز عاڈ شیلرله مشغول اولالم . باشقه
ایشمز یوق دکلی ؟

چوق نازک و جدی رئیسمز آیاغه قالقدی :

— طیبی افندم طیبی ، برفکر آلتق لازم اولورسه ینه
رجا ایدرز دکلی ؟

آرقاداشلره واداع ایتدک . بر آزچکه چالمق ایچون « آسمان » لرک
کوشکنه کیتدک .

آرامزده بلکه ایلک دفعه البسه وسوس اوزرینه قونوشیوردق .
« غزال » اینجه اوزون بوی ایچون « پوتی قاره » برصیفه تووالتی
یاقمق ایستیوردی .

— فنا اولماز ، دیدم . هله بو « قاره » لرک بری صاری
بری لاجورد اولورسه « حکمت » بکده ممنون قالیر .

— نه کلنمه ده بزنی سویله ، دیدی « کوکل » هپ .. برابر
نهش بزنی یاپالمی اولمازمی ؟ دوداقلریمی بوکدم :

— بيلمم كه ، بن بياضدن باشقه رنك ايستم، بياشده
اولانلر ايجون بو موسمه اك موافق رنك بياض در . راضي
اولورسه كز نهش يپارز .

« آسمان » قارده شلرينك اك سا كني و اويصالي درحال
موافقت ايتدي :

— موافق، يالكز شكلي قونوشلم.

— ايكي كون ايجنده فوق العاده برشي ياپمق امكاني يوقدر.
ايسترسه كز يارين هپ برابر استانبوله اينرز ، بزم « نه ليزا »
هم قوماشلري كوستيرير هم موده للري، اولمازمي؟

آرتق قرار و يرلمشدي . صنف قايسندن بر فيرطنه حالنده
قوبان مكتب چوجوقلري كبي صانداله قوشدق . هپمز ذاتا
اسكي رومانك « له ژيون » عسكرلري كبي ده كيزه آتيلمغه
حاضر قيافته ايدك . « كوكل » له « غزال » ك قوتلي كوره كلري
بزي برقاچ دقيقه ده آچققرله كوتوردى . البسه لريمزي چيقاردق،
مايولر يمزله ده كيزه آتلادق .

صيحاق كونلرك آقشامي « قالاميش » آچققرلنده ياپديغمز
بانيولر بزه تازه برصحت ويرييور . آنهم ده كيزك بني ضعيفلتيكني
سويلييور . بنده اويله حس ايدييورم . فقط شيشمان اولمقدن
چوق قورقديغم ايجون بني خسته ايتمه جك قدر ضعيف قالماني
دائما ترجيح ايده جكم ..

* *

بكله ديكمز بالو كيجه سي گلدي . البسه لريمز آتليه ده كي
بوتون قيزلرك چالشمه سي سايه سنده وقتنده يتيشدي . قلوبك

دورت قیز اعضاسنك ، یا قالرنده صاری لاجورد قوقاردلری
و دوز بیاض البسه لریله قالابلیق ایچنده دولاشمه لری هر کسی
علاقه دار ایدیوردی .. کوزهل بر « جازباند » دورمه دن چالیور .
« قاضی کوی » ك همان بوتون معروف چهره لری بو کیجه
بوراده . . . بزم قلوب آرقاداشلری دورمه دن دانس ایدیورلر
ایلك دفعه « عدنان » بك قبول ایدیله جکندن امین برلا بایلکله
بردانس تکلیف ابتدی :

— قرار ویردم . بو کیجه دانس ایده جك دکلم ، دیدم .
جدیشیر کبی اولدی . بر آرز دوشوند کدن صو کره یالکنز
بکا ایشیتدیرمك ایستر کبی صوقولدی :

— بر معماسکنز « آی تن » خام ، دیدی . دقت ایتم ،
شیمدی یه قدر هیچ بر آرزو و تکلیفم سزجه قبول ایدیله دی .
اوله حس ایدیورم که بو حرکت لریکنز ده بکا قارشی دوشونولمش
بر قرار یکنز وار .

غیر اختیار ی کولدم :

— ضریب بر تلی « عدنان » بك دیدم . کندیکنز قارشی
اعتماد یکنز پک فضلّه غالباً !
بو کنجك بنمله مشغول اولمقده کی اصرارینی خاطر لایوب
دها زیاده جدیشدم :

— سزه قارشی خصوصی بر قرار ویرمک ایچون سبب
یوق « عدنان » بك ، کندیکنزه اهمیت ویردیرمك ایستیور .
سه کنز ... فقط بونی ظن ایتم ، چونکه پک نازك کورونیورسکز .
« کوکل » یا تمزه کلشدی :

— بزمکیر زرده لر قوزوم دیدم ، اونلری آریوردم .
و « کوکل » له برابر قالابالغه قاریشیر کن « عدنان » بکی
باشیمله سلاملایوب آریلدم .

— اونلر کوشده بویوک برماصه طوتدیلر ، دیدی . « کوکل »
آنه کده سنی صوریوردی .

ده کزه کلن کوشده آنهم ، تیزم ، « آسمان » ک آنه سی
باباسی ، فرید کامی بک طوپلانمشلردی .

« ییلدیز » له دانسدن هنوز عودت ایدن « فرید کامی »
بک بنی کورونجه تکرار قالدی :

— « آی تن » خانم سزدن بردانس رجا ایده جکم ، فقط
جسارت ایده میورم .

برآز اول « عدنان » بکه ویردیکم جوابی بالخاصه تکذیب
ایتمک ایچون نام فرصتدی . آیاقده بکله یین « فرید کامی » بکه آلمی اوزاتم .

— انشته بکک آرزوسنی رد ایتمک ممکنسی افندم دیدم .
حتی بو « فوقس طروت » دن سو کره برده « بلووز » اوینایه ییلدیز .

« فرید کامی » بکک کوزلری آچیلدی :

— ایشه اونده ده بن عفویکنزی رجا ایده جکم ، هنوز
یاپامیورم . مع مافیله بو بنم ایچون درس اولدی . یاریندن اعتباراً

« بلووز » و « طانغو » درسلی آلاجم !

— « بوستون » ی ده اونوتمایک !

— های های ، امر ایدرسکنز !

قالابالغه قاریشندق . بویله عمومی قالابالیق یرلرده دانس
ایتمش اولق ایچون عجمیلر آراسنده اوتنه کنه بریکنه چارپوب

ترلمه یی هیچ سهوم .. بو آقشامده دانس ایتمک فکرنده دکلم.
فقط باشقه لرینک دانس تکلیفی قصدا رد ایتدیکمی آکلاتمق
ایچون اقربا صاییلان « فرید کامی » بکله بر ایکی « طووور »
یاغنی موافق بولدم. چوق کچمه دن ایسته دیکم اولدی. ایکنجی
دفعه دونیوردق که برکنارده دانس ایدنلری سیر ایدن عدنان
بکله کوز کوزه کلدک . بز چکرکن :

— سوزو کزده دورمادیکنز « آی تن » خانم ، دیدی .
سزی بو قدر هوئی بیلمزدم .

عینی تبسمله جواب ویردم :

— سوزوم یاقین اقربامز ایچون دکلدی عدنان بک . .
بورودک . قالابالینه قاریشوق . او کیجه کچ وقته قدر بالوده
اونک چهره سنی کورمه دم . دانس ایتدیکمی کورهن قلوب
آرقاداشلرندن اکثریسی بر دفعه او گنده نه کیلدیلر . ایسته .
مدیکی زمان انسان او قدر کوزهل معذرتلر بولیورکه .. هم
بونلر او یله معذرتلر که رد ایدیلنلر ایچون ایکنجی بردفعه کلوب
دانس تکلیف ایتمه یه ده امکان بر اناز . مثلا « کامران » بک
کلدیکی زمان :

— باشقه سنه سوز ویردم افندم ، دیدم .

بومعذرتدن طبیعی هیچ شبهه نهدی . بلکه ده ایکنجی بردفعه
داها کله جکدی . فقط بنم دانسده کیمسه ایله قالقمادیغنی کورونجه
بومعذرتک چوق ناز کانه بر آتلامه اولدیغنی طبیعی آکلادی .

« دانس » بک خوشمه کیدر . سپوره دوشکون بر قیزک
دانسدن ذوق آلاماسی ممکنمی ؟ هله بو کیجه تیزه مک اگرام

ایندیکی شامپانیا اویله خفیف بر نشئه ویردی که صقیلما سه
 کندی کندیمه قلوب دانس ایده جکم. بزم انشته بک ده «فوقس
 طروت» دن باشقه برشی بلمیور. حالبو که بنم اک سه ویدیکم
 «بوستون» دره برده آلمانلرک پک سه و دکلری سالون والسری.
 بو قدر آرزو ایتمه ره رغماً بو کیجه یالکز بر دفعه، اوده نمایش
 قیلندن «فرید کامی» بگله دانس ایدیشمه آنهم بیله حیرت
 ایدیوردی. حالبو که بن هر حرکت لرنده انسانه حلول ایتک
 ایستین بر معنا سزدیکم آرقاداشلرمله، اونلری و بنی مشکل
 وضعیتله کتیره بیله جک بر تماسی خوش بولمیورم. قورقدیغم
 ایچون دکل... اونلرک تمایللرینی ایسته دیکم نقطه ده توقیف
 ایده بیله جکمدن امینم. یالکز «سپور» کبی اکلنجه لی بر مقصد
 اطرافنده طوپلانان دوستلری بر لرینه قارشی متردد، قوشقولی
 و افشاسی بودوستلغی بوزاجاق آرزولرله دولغون کورمکدن چکیند.
 یکم ایچون بو تهله ک لری حاضر لایاجاق وضعیتلردن ممکن مرتبه
 قاچینیورم. ایستیورم که تمیز بر محیط ایچنده بر بریمزه قارشی کویستر
 دیکمز صمیمی آرقاداشلق هر هانکی بر ضعف نتیجه سی بوزولماسین.
 «کوکل» اشارت ایتدی. قالدقم. اوده دانس ایستیور.
 یالکز بر یرده دوروب او طور مق ایسته مه دیکی ایچون تمادیاً
 دولاشوب طانیدقلره طاقیلیور. قالدقم. بیلدک اجابلرک ماصه لرنده
 آیاقده بر آرز طاقیلوب دیدی قودی ایده ایده بوفیه قدر کلدک. «آسمان»
 بوفیه نظارت ایدیور. بزی کورونجه ایشنی براقدی. چکه چالمنه
 باشلادق. بو صیره ده، یانمزه «قلوب» ک فوت بول
 طاقندن «مکی» بک پیدا اولدی. او کمزده نشئه لی و مکمل

بروهرانس یابدقن صوکره اوچمزہ بردن رجا ایتدی :

— قلوبمزه محترم ده کیزجیلرینه بر قرح شامپانیا تقدیم
ایده بیلیرم ظن ایدرم . قبول بیورولورمی افندم .

— اوچیمز بردن جواب ویردک :

— تشکر ایدرز افندم ، چوق نازکسکز !

تمیز و آچیق کوکللی بر چوجوق . « فوتبول » ده کی
شهرتی ، اطرافنده بر چوق دیدی قودیلر یابدینی حالده او اوپله
ساکن و آغیردرکه اونی طانیمایان هیچده بو شهرتک صاحبی در
دیمز . ظریفانه تکلیفی قبول ایتمه مز اونی پک ممنون ایتدی .
دردیمز بردن صیرالاندق . قدحالر اللریمزده ایدی . مکی بک
باشنی نه کهرک بزنی سلاملادی :

— محترم ده کیزجی آرقاداشلرک شرفنه !

بزده مکمل بروضعیت آلدق :

— محترم و جسور فوت بولجیلرمنزه شرفنه !

بوطاتلی و آرقاداشجه نمایشی کورهن آرقاداشلرده طوپلا-
نمشلردی . شیمدی « آتلهت » لر « آوجیلر » ، « تهنیس » جیلر
« هوکهی » جیلر برر برر طاقلری نامنه بزده اکرام ایتمک
ایستیورلردی . اطرافمزده طوپلانان بر آزده طبعیلکدن چیقان
بوقالابالینی داغیتمق لازمدی :

— مساعده ایدیکز افندم ، دیدم . « مکی » بک اکرامی

بوتون قلوب هیئتئ نامنه اولمشدی . اوپله دکلی بک افندی ؟

تمیز و آکلاییشلی چوجوق آرزومزی حس ایتدیکی ایچون
درحال تصدیق ایتدی :

— اوت، ولطفاً قبول ایتدکلی ایچون کندیلرینه ینه
قلوب نامنه تشکرده ایتدم.

یاواش یاواش یورویوب قالابالغه قاریشداق. «کوکل» باشی
اوموزیمه نه کیش گولیوردی :

— بزم آرقاداشلر نه قدر نازک انسانلر... ا کرام ایتک
ایچون بهانه آریورلر.

— نهوت، دیدم ایچلی دیشلی بر دوستلق حاضر لایه جاق
فرستلی قاچیرمیورلر. مع مافیله بزم انشته بکک سوزونه
باقیلرسه «قلوب» آرقاداشلریمز شیمدیکی کنجلاک اک نازک
و کبار اولانلری...

آرتق کیجه ایلرله مشدی. چوق عائله لر یاواش یاواش
عودت ایدیورلردی. بر قسم خلقده هنوز ذوقه ودانسه قاندا
مامش کبی فیریل فیریل دونیورلردی. بر آرتق اوزاقدن
انهمک بکا اشارت ایتدیکنی کوردم :

— آرتق کیده لم «آی تن» دییوردی. تیزدم، بو کیجه یانندن
آریلمايان «سه وکی»، حاضر لانتشلردی. هپ برابر قالقدق.

صانداله اینیوردق. تهراسک اوکنده قایناشان صاندالار
ایچنده بزم قلوبک بر فوطه سی کوزومه ایلشدی. بوتون آرقا-
داشلر یوقارده نه کله نیرکن صاندالیلردن باشقه کیمسه اولمايان
ده کیزده بزم فوطه بی کیم قوللانیوردی؟ قارا کلفه کوزومی
آلیشدیرنجه باقدم. کوره کده آقشامدن بری اورته دن غائب
اولان «عدنان» بک واردی.

*
*

... آرتق لدوسلر باشلادی.. ده کیز صیق صیق خویلمز-

لاشيور. ايلول كچديكي زمان بوساحل بوتون كوزهللكنى
غيب ايتش اوليوروتوموزصيجاقلرى يشيل ساحلى اويله قاوور يوركه!
بوسنه «تقسيم» ه ايركن دونمك ايستيوردق. يازى بك
اوغلنده كچيرن بعض احبالر هفته نك برقاچ كوننده «بك»ه،
«طرابيه» به كيدوب اكلندكلرني سويله مشلردى. آنه مك بو
ييل ايچون آلاچغنى وعد ايتديكي اوطوموبيلك تام زمانيدى.
تيزه مده استانبوله چابوق اينك، يكي كويه ده كليرسكز ديه
تشويق ايدىوردى. داها بش اون بانو آلق امكانى واركن
«مودا» يي براقدق.

آنه م برانكليز قادينك اداره ايتديكى كورديكم كوچوك
اوطوموبيل كې ايكي كشيلىك برشى آلق ايستيوردى. بو
اوطوموبيللر ك غاراژنده بر تجربه يادق. قوللانىشى غايت قولاي.
او قدر كه حریت ابدیه تپه سنده كى تجربه دن عودتده دير كسيونى
بن قوللاندیم. بش بيكيير قوتنده كى بو آرابه خوشمه كيمه دى.
داها دوغروسى اونى بر آز خفيف بولدم. آنه م تردد ايتد.
يكى كورونجه معقول بر فكر بولدى:

— هر فابريقه نك بر چوق موده للى وار. قاتا لوغلىرى
كتيرته لم. اوقورز آكلارز، صكره اوطوموبيلى تجربه ايدرز
اولمازمى!

بو مهم ايش برقاچ كون سوردى. تمام اون بر فابريقه نك
موده لارينه باقدق. نهايت موتورى قوتلى، بيچمى كوزهل بر
مارقه بكندم. بو آرابه اوچ (ويتس) لى ايدى. غاراژ ديركتورى
برووالرى كنديسى يادى. سرعت وقوللانىش اعتباريله اوته.

کیلردن چوق کوزهدی. تردد ایتمه دن بکندم.

«غاراژ»ك بر معلم شو فوری اوج دورت کون بکا ا کزر سیز یاپدیردی. «آوانس» لری ایلری کری حرکت لری، (فره ن) لری، غاز درجه لرینی چابوق او کرندم. اک آلیشامادیغم شی مسافه و کوز عیاری اولدی. او طوموبیلک سرعته، مسافه بی حساب ایتمک ایچون بر آ ز چالیشمق لازمدی. نهایت سک زنجی کون دیره کسیون بکا معاونسز اولارق تسلیم ایتدیلر.

آرتق «ته نیس» ی، صاندالی، هله او پک سه و دیکم قوطره بی، هپسینی اونو تمشدم. کونده اوج ساعت دیره کسیون قوللانینور دم. «غاراژ»ك بر انکلیز اولان دیرکتوری او طوموبیلی تسلیم ایدرکن :

— بوش بر زمان کزده کلیک زده بر آزده ما کنه یه عائد پراتیک درس لر آلیک ز. مراق ک زوار، اساس لی بر شی او کرتمش اولور سک ز، دیدی. وبکا کوزهل باصیلمش، رنگلی رسم لرله دولو بر کتاب ویردی. بوانکلیزجه کتاب چوق ایشمه یارادی. ما کنه نك تفرع اتنه، «دینامو» یه «رادیا تور»، «آککومولا-تور» عائد اپی شی او کرندم. هله لاستیک لر مسئله سی بی پک مشغول ایتدی. یوله پان یامش او طوموبیللری کوردکجه ایچیم صیزلاردی. بویله بر وقعه باشمه کلیر، لاستیک پاطلار دیبه دهشتلی قورقیوردم. ا کسک اولماسین دیرکتور بکا هواسی اینش بر بوش لاستیکی شیشیرمه سنی، آرابه نك آلتنه «قیری قو» بی قویوب تکرلکی قالدیرماسنی، لاستیک یاماسنی او کره تدی. بو ا کزر سیز لرك چوغنده یانمده بولونان آنهم:

— بن سنی بلکه بر معلم اولورسک، دیه اوزه ندم، فقط سن داها ای بر شوفور اولیورسک، دیه نه کلنیوردی.
درد کشیک، شیق و قوتلی اوطوموبیلی اویله سویورم که، اونی بعضاً قیرده، حاجی عثمان بایرنده، استیه یولنده، کاغذخانه یوقوشنده دوردوروب ایندیکم زمان طبقی جنس حیوانی سهوون بر ساهی کبی اوقشیورم.

آرتق استانبولده کی پروغرامی تنظیم ایتدم. صباح یدیدن دو قوزه قدر «ته نیس»ه کیدیورم. نهوه کلنجه رسملریمه و یازیلریمه باشلیورم. اوکله یه، آننهم مغازه دن کلنجه یه قدر بو ایکی ایش بنی مشغول ایدیور. آننهم رسم ایچون بکا ایی بر فکرووردی. هفته ده بر کون اوده بنم اوطوموبیل کنزیتیلرینه کلیور. بو زمان کاغذخانه، ماصلاق طرفلرنده بکندیکمز بر یرک رسمنی یاپ، دیدی، بو چوق کوزهل بر فکردی. فقط شیمدی کندی کندی یه یاغلی بویایه باشلادم. بر آزالم رنگلره یاتسینده صوکره..

... بو صباح اوچ مکتوب، آلدیم بریسی قلوبدن، بری «آسمان» دن، بری ده «یکی کوی» ده بز میکیلردن. «سهوکی» بنی و آننهمی بر قاج کیجه ایچون کوشکه چاغیریور. «آسمان» آرتق «قالامیش» ک پک ایصسز قالدیغدن شکایت ایده رک یوروش یایمق ایچون بنی اورایه دعوت ایدیور.

«قلوب» ک دامغاسنی طاشیان مکتوبی اک صوکره آچدم. بو محقق یا بر اجتماع دعوتی، یا خود آیلق تعهدات مقبوضی اولاجقدی. ظرفی اتوب کاغدی آچدیغم زمان حیرت ایتدم.

مکتوبده «عدنان» بکک امضاسی واردی . بو محترم دوستک
مکتوبنی صوکرهیه صاقلادینغه جانم صیقیلدی .

عصبی، صومور تغان قلوب آرقاداشمک باقالمینه نه دردیی واردی .
هر شیدن اول سرلوحه خوشمه کیتدی . بکا «کوزه لاککی
خودکاملغنی صاقلایان مستهزی خانم افندی» دیبه باشلیوردی .
کندم ایچون سویله نن بو اوج کله دن برنده بن وارمی یم
عجبا . کوزه ل می یم ، اولماسه مده هانکی قادین کندی ایچون
سویله نن بو کله دن ذوق آماز . اونک ایچون بکندم . فقط
«خودکام» می یم ، هیچ دکل . «مستهزی» بلکه ! فقط استهزایی
یرنده قوللانان بر قادین نجبه کوزه لده اولماسه ظریف در .
عصبی قلوب آرقاداشم بکا نه لر سویله میور . اونی بر خاطره
دیبه دفتیرمه عیناً کچیرمه یی موافق بولدم . نه یازیق که اونک
کوزه ل یازلسی بنده یوق .

« بوسا حلدن آریلالی بر بوچوق آی اولدی . جوشغون
نشئه لریکزنه دولوب طاشان قالامش قویی شیمدی بیلسه کز
نه قدر ایصنر و غملی .

حساس قلمکیزله صنعتکار فیرچه کزه رقیب اولمق ادعاسنده
دکلم . فقط بویأس و ملال دولو منظره یی افاده ایتک ایچون بو قدر
کله بولا بیلورم . آریلما کز بو محیطه وقتسنر بر صوکه بهار کتیردی .
فقط بو بنم ایچون ماتملی بر حادئه اولدی . سزه حسلریمی اعتراف
ایتمه مک ایچون نفسمله چوق مجادله ایتدم . فقط بوتون مقاومتمه
رغمآ مغلوبیتی اعتراف ایدن بر انسان کبی قارشیکزه چیقوب
دردیمی آکلاتمايه مجبور اولدم .

« آی تن » خانم افندی . سزك جوال روحكزی صیقمه مق
 ایچون حقیقتی بوتون وضوحیله ، حس ایتدیکم کی آكلاته جیم .
 قلوبمك بالو کیجه سی بی اوسزه مخصوص اینجه وناز کانه اولدیغی
 قدر قارشیکزده کنه مقصدیکزی بوتون قوتیله آكلاتان طرزده
 ردایمه کز کندیکزه قارشی بی قوتلی برانفعاله سوق ایتشدی .
 فقط استهزا و حقارت کورن قلم بو انفعالی حس ایدرکن
 کوزلم اراده سز برجرأله یوزو کزی کوزلیکزی آریوردی .
 سزه کورونمه مک ایچون عزت نفسله مجادله ایتدم . غرورم
 تکرار قارشیکزه چیقمدن بی منع ایدیوردی . فقط ایضاح
 ایدمه حکم بر حسله کوزلیمی سزدن آیرمق ایسته میوردم .
 بو مجادله بکا بر الهام تلقین ایتدی . درحال هوائی فیشکلی
 یاقق ایچون کتیردیکمز قلوب فوطه سنه آتلادم . ده کیزقارا کلقدی .
 فقط ایچرینک آیدینانی او طوردیغکز کوشده سزی بکا
 کوستریوردی . کندیمی کوسترمکدن قورقارق ساعتلرجه
 سزی سیر ایتدم . بونم ایچون کبویوک بر حظ اولدی . ویلیور
 سکز که « مودا » دن عودتکزه قدر بی کورمه دیکز . کیم بیلیر
 بلکه ده بوکا دقت ایتمه دیکز بیله .. بونده شبهه لی یم . فقط بنم
 هر فرصته کندیمی کوسترمه دن سزکله مشغول اولدیغمی شیمدی
 اعتراف ایتمه مه مساعده ایدیکز .

« آی تن » خانم افندی ، بن مغرور و عزمکار برکنجم .
 سزی چوق تدقیق ایتدم . سزه هر هانکی بر آرزو ایله حلول
 ایتمه نک مشکل ، ممکنسز اولدیغی آکلادم . اونک ایچون سزه
 صمیمی ، آچیق بر فکرله مکتوب یازیورم . مقصدیمی آرتق

آكلاديكنز ظن ايدر م . ايستيورم كه قلوبده دوستجه برلهشن
 اللريمز بربريمزه اوزون حيات آرقاداشاني ايتديره جك بر كوكل
 باغي ايلهده برلشسين .. فكريكزي ، قلبكزي آكلامه دن اول
 جدى بر تشبث يامقمده معذور اولديغم اچون مكتوب يازمق
 جراتنى كوستردم . سزى مسعود ايتك اچون كندمدده قدرت
 كورييورم ، سه وكيكز بو قدرته درين بر منت و محبت قانا جقدر .
 دوشونجه لريكزه حرمت ايدر م . اميد ايلرم كه صميمى بر
 فكرله يازيلش بو مكتوبى جوابسز براقازسكز . ويره جككز
 قراره هيجانله منتظرم و علاوه ايديم كه « آى تن » خانم بو
 قرارك عليهمده اولماسى بنى تخمين ايدميه جككز قدر درين
 برياسه دوشوره جكدر . بونك تصورى بيله بنى متأر ايدبيور .
 حرمتلر ، محبتلر .. »

عمرانه

بزم سپور آرقاداشى كندى كندينه كلين كووهى اولمش
 ده خبريمز يوق . فقط اوندن اول مكمل بر محررده ... بر
 صحيفه اچنده نهر نهر سويله ميور . هله صوك سطرلرده بر آزده
 ديپلوماتده اولمش . عاداتا تهديد ايدر كى عليهنده ويريله جك قرارك
 كنديسى ظن ايدميه جكمدن فضله ياسه دوشوره جكنى علاوه
 ايدبيور . بو عاداتا ؛ صاقين بنى رد ايمه ، صوكره فنا اولور
 كى برشى .. دوغروسى بو نزاكتسزلك خوشمه كيمه دى .
 صوكنده بو صوئولغنى يامماسه يدى داها ممنون قالا جقدم .
 حياتمه يوزومى قيزار تاجاق هر هانكى بر حر كتن اوزاق
 قالمايه قرار ويرمه سه يدم بو مكتوبى بيرتار آتاردم . فقط بر

باشقه سندن كيزله مکه مجبور اولاجم هر شی بنی معذب ایدر .
 قلمده ایزی قلمایه جاق حادنه لر و تصادفلر آرزو و قنا
 عتدیرمی ، ده کیشدیره مز . بر مناسبتله بنی طانیاز، آرزولریمی
 بیلمه ین بر آرقاداشك گندی قلمده بسله یوب بو یوتدیکی حسلری
 بك ساده بر دوشونجه ایله بکا ایضاح ایتمکه چالیشماسی حتی بر
 حاده بیله اولاماز . اونك ایچون اصل گندی خودکام دوشونجه
 لرینه قاپیله رق بکا قلمدن و آرزولرندن بحث ایدن بو آرقاداشك
 دردینی جوابسز بر اقعنه مجبور اولاجم . بو مکتوبك بکا تلقین
 ایتدیکی حس شو اولدی . بزم سپور آرقاداشی بندن هیچ بر
 تمایل و موافقت کورمه دیکی حالدله خیالنده ، دماغنده او یله عالم
 یاشامش که آکلامق ایسته دیکی حسلری عادتا حقیقت شکلنه
 کتیرمش و یالکز حس و خیالدن میدانه کلن بو وضعیت اون
 تردد ایتهدن بکا بو غریب مکتوبی یازمغه سوق ایتمش . گندی
 حسلری و قناعتلریله بلکه ده صیمی اولاراق بو مکتوبی بر جمله ده
 یازدینی آکلاشیلان آرقاداشك سطرلری آراسنده بکا عاڈ بر کله
 صیقیشدیر مایشی اك بو یوك خودکاملق دکلی ؟

بو مکتوبی ، خوشه کیدن بر شینك کوندریله سی ایچون
 بر قویو بچی یه ، بر او یونجاق مغازه سنه یازیلان سپارش مکتوب بندن
 آیرمق ممکنمی ؟ « عدنان » بك برادریمزك خوشنه کیتدیکم
 ایچون بنی ایستور هم او یله ایستور که اکر قبول ایتزسه م تصور
 ایدمه جکم قدر اون یأسه دوشوره جکم سویلیه رك عادتا بنی
 مجبوری موافقت کورسته یه دعوت ایدیور . قبول و یا خودرد
 ایتك ایچون بر شی دوشونمه دم که نتیجه سندن چیقه جاق یأسلری ،

کدرلری تصور ایدیم ، ارککترک هپسی بر فکرده ایسه
کندی حقلرنده چوق توجهکار دوشونیورلر .

« عدنان » بکک مکتوبی عادتاً بنم منته، شکرانله، اوزلیهرک
صبرسنزلقله بکله دیکم بر خبری مژده لر کبی یازیلش ... شاقا
درجه سندن چیقما دینی حالده اونکله بر ایکی دفعه چارپیشمشدق
بو مصادمه لرده اوکا جسارت ویره جک هیچ بر حرکتده
بولونمادم . بالعکس ده ایلری کیمه سنی منع ایده جک وسیله لر
بولدم . بونا رغماً سپور آرقاداشمک جوشقون بر هیجانله بکا
حیاتی برلشدرمکدن بحث ایدیشی اکر چوجوقلق دکلسه
محقق فنا جرأت در .

حیاته قاریشمق ایسته دیکی قادینک تمایللرین و آرزولرین
آکلامه دن اوکا قلبندن بحث ایتک بویوک غفلت .. « عدنان »
بک عادتاً سه ویلیدیکندن امین بر آدم کبی اویله آچیلوب صاچیلمش
که مکتوبی اوقور اوقوماز سویله دیکم کبی عادتاً کندی کزدینه
کلین کووه ی اولمش .

« آسمان » ک قالامیشه دعوت مکتوبنه جواب یازدم ،
اوطوموبیل کزینتیلرندن وازکجه میه جکم ایچون قالامیشه
کله میه جکمی سویله دم واک صوک سطر اولارق شونی علاوه
ایتدم : « قارداش لرینی ده آل بزه کل ، سزی طرابیسه
کوتوره میم ... »

« سهوکی » نک مکتوبیله بزم سپور آرقاداشنک آرتق
سیاسی نوطه می دیبیم ، ادبی پارچه می ، یوقسه علی اعلاده
اعلان عشق « نامه » سی می؟ دیبیم، قولای قولای اسمنی بولوب

ویره مدیکم مکتوبنی آلم او طه دن چیدم .
 آنهم کلش ، یمک او طه سنده یمیشلکه میوه دولدور یوردی :
 — حوادنلر مهم یوموق آنه، دیدم . « سهوکی » بزى
 « یکی کوی » ه چاغریور صو کره « آسمان » ده قالا میشه دعوت
 ایدیور . دها صو کره بزم قلوب آرقاداشلرندن « عدنان » بك
 محترم کریمه کز خانمی ایستیور .
 آنهم شاشیرمش ، آکلما مش کبی یوزومه باقیوردی .
 ألمده کی مکتوبی اوزاتم :

— قیزک نه مکتوبلر آلیور خانم باقده عبرت آل .
 مکتوبی آغیر آغیر او قودی . بعضاً کولیور بعضاً قاشلری
 چاتیلیوردی . بیترنجه صوردم :

— نه بویورولیور والده خانم افندی ؟
 — بو عدنان بکی سن ناصل طانیورسک !
 — بزم غاراژ دیره کتورینی ناصل طانیورسهم اوله . حتی
 دها آز .

— اکلنجه یی براقده جدی سویله ، احبابلغک ناصل ؟ ..
 — احبابلق زرده یوموق آنه . بوتون آرقاداشلر کبی
 اونیده قلوبده براقج کره کوردم . بر دفعه بنی صاندالله مودایه
 کتیردی .

— هاء بر دفعه بحث ایتمشدک .
 — براوو ، ایشته او .
 — آرا کزده یالکنز بر بریکزه عاڈ بر بحث کچدیمی ؟
 — نه مناسبت !

— پك اعلا بو مکتوبه ناصل جواب ویرمک فکرنده سک !

— هیچ جواب ویرمه مک فکرنده یم .

— موافق .

آنه مله محاوره من عادتارسی بر استجواب شکلنده کچدی .
اک صوک کله بی سویله ین یوموق آنهم قولارینی آچدی .
چیلغین کبی کوکسنه آتیلدم . حیاتمک اک ذوقلی زمانلری
آنهمک سه وکیسنی بویله قلمدن طاشیردیغ هیجان زمانلری
در . آنهمک ضبط ایده مه دیکی کوز یاشلری یوزومی ایصلا تیرکن
ایچمدن قوپوپ کان بر آرزو ایله اوکا صاریلیور ، برتهلکدن
قاچوب قورتولمش کبی باشمی کوکسنده صاقلامق ایستورددم .
بوکون آناقیزیمک یرکن او قدر نشئه لیدک که آنهم بو
سه و ییجیمزی قوتلندیرمک ایچون بکا بر بارداق بیرا ویردی .
بو ا کرانه قارشیلق اولاراق بنده اونی آقشام او طوموبیل
کزینتیسنه دعوت ایتدم :

— « یکی کوی » ه کیدر ، « سه وکی » نک مکتوبه جوابی

کندیمز ویریرز اولمازمی آنه دیدم .

بوصباح اوکله به قدر مکتوبلرله ، یازیلرمله مشغول اولمش ،
لوحه لریمه برفیرچه آتاماشدم . اوکله دن صوکره بر آز چالیشدم .
ساعت درتده آنهم کلدی . غارازه تله فونه ایتدم . او طوموبیلی
کتیردیله . باشمه موشامبه شابقه بی ، آلریمه یوموشاق قوللی
ال دیوه نلریمی کچیردم . دیره کسیونه او طورددم .

اون ایکی بیکیر قوتنده کی موتورم کیتدکجه آچیلیور . شیمدی
ساعتده آلتش کیلومتره قدر یاپیور . شیشلیدن صوکره ، هله

ماصلاق يوقوشنه دوغرو بوتون قوتله غازه باصیورم . يولك ايكي طرفنده آغاچلری صایاما جایه جاق بر سرعتله اوچیوروز . بزم « تهنیس » آرقاداشلرندن اورخان بکله کچن کون بوراده بریاریش یابدق، او، کندینه کووه ن برسواری . چوق قیمتلی بر آتی وار . نه اولسه ، اون ایکی بیکیر قوتنده بر او طوموبیلله یاریش ایدیلمی . فقط او، يولك کسديرمه يرلرندن، دونه مجلردن استفاده ایدیور ، بن یولی تعقیب ایتکه مجبور اولیوردم . ماصلاقده باش باشه کلدك .

— سزك ایچون تهلكه لی بریاریش اولدی . آی تن خانم دیدی . يولك ايكي طرفنده کی آغاچلر او طوموبیللر ایچون بویوك تهلكه .. بویول اوزرنده کی بوتون قضالره پ بو آغاچلر یوزندن اولمشدر . داها کچن کون الكد کرلی آرقاداشمز « حیدر » ی شو کوردیکز قالین، مشوم آغاچه چاربان او طوموبیل ایچنده غیب ایتدك ، نه ایی قلبی کنجدی .

— حقکزوارد، اورخان بك، دیدم . فقط آرابه م کوچوكده اداره سی قولای اولیور . مع مافیه عینی تهلكه سزك ایچونده باشقه بر جهتن وار . یول خارچندن کیدیورسکمز، باقسه کز، نه چوقورلر ، نه خندقلر وار .

او، بینجیلکنه حیواننه اعتماد ایدر بر طورله دوداقترینی بو کدی :

— تهلكه بللی اولماز ، خاطره کله دك بر حادته قضایه سبب اولور . فقط بنم « طورنا » مه اوستنده کوزلرم قاپالی، قوشه جاق قدر امنیتم واردر .

« طورنا » كوزمل بر انكليز آتی .. بارلاق ، طورو بر
رنکی ، ديك قولاقلى ايجه ، اوزون باجاقلى وار .
« اورخان » بك ده ابي بر سپورجی . « تهنيس » ده همان
همان باش باشه يز . او ، سويله ديكنه باقيليرسه سگيز ياشدن بری
تهنيس اوينا بورمش .

كبار ، جدی بر كنج . عینی زمانده قيصقانچ بر غلظه
سرايلى . . شمدی ماصلاق يولنده كيدر كن آنه مه بو وقعه يي
آكلاتيوردم . بيم چوق سرعتلى كيديشمدن ذاتاً ممنون اولمايان
آنه م :

— سن ده بو قدر خيزلى كيمه آجانم ، ديدم . الله
ويرمه سين ، قضا كليورم ، ديمز كليويرر . چوجوغك ديديكی
دوغرو . معاذالله بو سرعتله كيدر كن قارشيسنه آراهه دكل يا ،
بر قويون چيقسه تهلكه در .

ايشته يوقوشك باشنده غازى كسدم . ديره كسيونله اينيورز .
بوراده اويله سرت « ويراژ » لر وار كه كوچوك بردقتسزلكله
آراهه نك اوچورومه كيمه سی احتمالی وار . مع مافيه آرتق كوز
عيارلرم ، ديره كسيونى حر كترلرم قوتلندی .

« يكي كوی » ده ، كوشكك اوكنده دورديغمز وقت
« سهوكی » ، « ييلديز » ، « فرید کامی » بك باغچه مردیوه نلرندن
اينيورلردی . « فرید کامی » بك دون آقشام اونلره مسافر
كلش ، واپوره كيدر كن اسكله به قدر كچيرمك ايستورلر بزی
كورونجه واز كچديلر :

— سزی پارا آلمه دن بك اوغلنه براقيرم . فقط عجله ايشكز

وارسه قاریشمام ... دیدم «فرید کامی» بک راضی اولدی .
هپ برابر یوقاری چیققدق . اصل دعوا یوقاریده باشلادی .
تیزم بو کیجه قالمامزی ، «قلندر» ده بر آقشام یمکی یمه مزی
ایستیوردی . آنهم قالمق آرزولری کوستریور ، بن اونلری
طوبار لایوب «تقسیم» ه کتیرمک ایستیوردم .

— ایکی پارتی اولورسکمز، سزی دیگر پوسته ده طاشیرم .
دیدم . راضی اولمادیلر . «سه وکی» اصرار ایتدی . نهایت آنهمی
صالیورمه دیلر . «فرید کامی» بک مطبعه ده همه حال بولونمغه
مجبور اولدیغنی سوبله دی . بن اوننی تقسیمه قدر کورتوره جک ،
تکرار دونه جکدم چونکه آدامجغزه زورله واپوری قاجیرتمشدق .
— سزه زحمت ویره جکم «آی تن» خانم . ممکن اولسه یدی
قالیر، بو آقشامکی اکلنجه کزدن ده محروم قالمازدم، دیدی .

ینه نه کلنمک خویم قابارمشدی :

— اکلنجه بی نه وقت اولسه یاپارسکمز دیدم . شمدی
ایشکزه کیدک باقالم . ارککلز ایشلرینک باشنده یاقیشیرلر .
نهدیمک ایسته دیکمی آکلادی . امتحاندن بحث ایتمه مشدم
فقط لاقیردم ، اوننی آکلتمش اولدی . قاپونک اوکنده طو-
پلانان قالابالینه :

— پوسته قالقیور ، دیدم . بک اوغلنه کیده جک وارسه
بویورسون ، داها ایکی کشیلک یریمز وار .
کیمسه مشتری چیقمادی «سه وکی» :

— چابوق کلده بزنی طرابیه یه کورتور، طوقاتلیانده موزیک
دیکلرز . دیوردی .

شیمدی استیه یوقوشنی طیرمانیورز . پاراسز مشتریمی
قورقوتیق ایچون :

— بو دونه مجکلری کوریورمیسکز «فرید» بک، دیدم .
بورادن بر قایدقی آرتق هیچ مسئله یوقدر . کوریورسکزیا،
عادتا حیاتکز آلرمده ..

— اولسون، دیدی . سزکه برابر اولدقن صوکره . .
باشیمی چویروب باقدم . کولیوردی . بن سانکه اونی دها
زیاده سویله تمک ایچون باقشم کبی یوزومی کورونجه علاوه ایتدی :
— سزکه برابر اولدقجه اک بویوک تهلکه بکاسعدت کتیرر .
— عجائب، دیدم . بو کوزهل فکرلری نره دن آلیورسکز
بک افندی . .

— کوزلریکزدن ! اونلرک اوزرمده اوپله تأثیری وارکه
بکا امر ایتسه لر حقوق امتحانلرینی بر کونده ویرر، دیپومه
آلیرم .

بو آدامجغزله آلائی ایتمه که قرار ویرمشدم . صبر ایتمک
ممکنی؟ اوکا مکمل بر طوقات ایندیرمک ایچون بر آز دها
سویله تمک لازمدی :

— کوزهل «سهوکی» سزه بو قوتی ویرمیورمی؟
— بلکه ویره جکدی . فقط سزکه طانیشماسه یدم، سزک
بو تون استهزالریکزه رغماً امتحانلری اهمال و تأخیر ایتمه مک
سینی بیلیم که شیمدی آکلیورمیسکز؟

— آکلایامادم، دیدم . ایضاح ایدرمیسکز؟
— بسیط، امتحانلر بیتنجه نه ولننه مز لازم ، حالبوکه بن

نه و لئمه مزى تأخير ايجون امتحانلرى اهمال ايدييوردم .

— بونى نپچون ياپيورسكز؟

— آرادىغم سعادتى بر باشقه قادينده بولاجمى آكلادىغم ايجون .

— بو باشقه قادين؟

— سز:

آرتق فضله سويلتمكه لزوم يوق . صو ترازيسنه كلشك .
غازى كسدم . يولك صاغنده ياواشجه دوردق . او شاشيرمش :
— بنزىنمى يتدى . ديهه صور ييوردى . حدىمى بللى ايمه مك
ايجون ديشلر يمى صيقيوردم :

— خاير ، ديدم . بر شى يوق . بر آاز دورمق لازم كلدى .
اللم ديره كسيونده ايكن بو نانكور و فنا انسانله مناقشه
ايدمه جكدم . او طوموبيل دورونجه اوكا دوندم . يوزم يانيور ،
پارمقلم قيصيليوردى . بايغين صارى كوزلرى ميسكين بر كدى
كبي سوزولن بو خيميل چهره نى طوقاتلاماق ايجون كندىمى
كوج ضبط ايتدم . فقط اللمك ، آووجلر يمك بو خينجىنى
اعصابمدن قوپوب كلن كين و تحقير فيرطنه سى ايجنده دوداقلم
افاده ايتدى . عمرمده ايلك دفعه بر ار ككك يوزونه بو قدر
آچيق بر حقارتله هايقيردم .

— سزى بجرىكسز ، خيميل ، اويوشوق فقط آاز چوق
جدى ، حسلرى منتظم بر ار كك ظن ايدييوردم . بو خيميل و
ميسكين چهره نك آلتنده بويله عادى ، بو قدر ايكرنج بر قلب
اولديغنى تخمين ايمه مشدم . سز هويتسز ، آبدال و بوزواليلغكزه

رغمآده كستاخ، متجاوز بر آدامسكنز. يازيق او كوزهل قيزه كه
 بوتون آرزولريني سزك كبي نانكور بر مخلوقك باشنه قويمش .
 «سهوكي»، چوق اينجه، چوق ايجلي بر قيزدر. اونك معصوم
 عشقني كندى نانكور آرزولرينه واسطه يانمغه چالیشان سزك
 كبي عادى مخلوقله بر دقيقه بيله كوروشمك بنم ايچنده ذلدر.
 فقط . .

حدتن ، بحراندن، هر طرفم تيره يوردى. آريوب بولديغم
 اك شدتلى ، اك سرت كله لر خينجى تسكين ايده ميوردى .
 بو هيجان آراسنده زواللى « سهوكي » نك پنه ، تميز يوزونى
 كورور كبي اولدم . اونك سعادتني ، بيلمه دن ، حس ايمه دن
 حاضر لاق ايسته ديكي مسعود يوواي بوزمامق ايچون پارمقلىمك
 اوچه قدر وجودي آتله ين خينجيمي فدا ايتمك لزومنى حس
 ايتدم . قارشيمده بوسبوتون سر سمله شوب قالان بودالانك
 بوشاشقين حالندن استفاده ايتمك ممكندى . مرحمت ايدر، عفو
 ايدر كبي كورونن برده كيشيكلكله دوام ايتدم :

— سزه چوق جدى بر سهوكي ايله باغلانان كنج و كوزهل
 قيزى بر آن اول مسعود ايتمه كه چاليشاجق يرده اونى چو جوقه
 هوسلره واسطه يانما كز چوق چيركين بر حر كت در . بونى
 هيچ كيمسه سزدن اميد ايتمز . هر كس سزى سا كن و درست
 بر كنج اولارق طانير . اويله ظن ايدييورم كه بنى يوزو كزه قارشى
 چوق شدتلى حر كته سوق ايدن جرأتى كچيجى بر بحران ايچنده
 ياپديكز . بويله اولماسى لازم درده .. موقعكزى وسعادتكزى
 محو ايمه مك ايچون بن بوچو جوقه جرأتكزى واقع اولمامش .

کبی تالقی ایده جکم . فقط سزدن رجا ایده جکم ، کندیکزی
 کولونج موقعلره دوشوره جک بویله بحر انلرک تکررینه میدان
 ویرمه یکز . بوتون آرزولرینی سزدن بکله ین « سهوکی » قیز،
 سهوئلکه ومسعود ایدیلمکه لایق برقیزدرد. اونک قیمتی بیلکیز
 ودوستقله ، صیمی بر اقربا محبتله الکز صیقان طاله قیزلری
 ایچون بویله معناسز، چیرکین دوشونجه لر بسله مه یکز. آراخزده
 بویله بر وقعه کچه مش فرض ایده رک بر آن اول امتحانلری کزی
 ویرمه کچالیشکز. « سهوکی » نک عشقی سزی مسعود ایتکه
 کافی در . حیثیتی و شرفنی دوشون بر ارکک هر شیدن اول
 قلبنی اداره ایده جک قدر درست اولمالی در. سزی شیمدی تقسیمه
 قدر کوتوره جکم ، سزک شرفکیز و « سهوکی » نک سعادت
 ایچون بن بو حادثه یی اونوته جنم . فقط هر شیدن اول سزک داها
 مضبوط وجدی اولما کز لازمدر. بر اکیکز که سزه قارشی حس
 ایتدیکم جدی عائله دوستلنی چوق فنا سبیلرله زائل اولماسین !
 یاواش یاواش سکونت بولیوردم . اونک بر قویون باقیشنی
 آندیران سوزوک کوزلری یره اینمشدی . یاواشجه دوندم ،
 اللرم دیره کسیونه کچدی . غازی آچدم ، « ویتهس » ی چکدم .
 حرکت ایتدک . . .

تقسیمدن ایلری به کچیوردم . شهر داخلنده وثیقه اولمدن
 او طوموبیل قوللانق ممنوعدی . بنده هنوز امتحان ویروب
 اذن آلامیشدم .

تقسیم تراموای موقعنده دوردم . چوق متأثر کورونن بیچاره
 آدامه آلمی اوزاتم :

— الله ایصار لادق انشته بك .

یوزی کولدی . و اوزاتدیغ الی صیقدی :

— چوق تشکر ایدرم آی تن خانم ، سزه زحمت و یردم .

ویره اینمشدی که بر آرز دوروب تکرار دوندی . محجوب ،

دوشکون برطورله یوزومه باقدی :

— عینی زمانده عفویکزی ده رجا ایده جکم . بنی بوکون ..

مقصدینی آکلادم . او بجه عودت ایدوب اعتذار ایتک

ایستیه جکدی :

— بن سزدن رجا ایده جکم فرید بك دیدم . بویله بروقه

اولماش در . و بزینه اسکی دوستر .

منون و متشکر تکرار اونی اوزاتدی .

— اورووار ، دیدم ، بر آقشام یمکه بزه کلیکنز فرید بك ،

بن « سهوکی » بی ده آلیر کلیرم ا کله نیرز .

آیریلدی ، اوطوموبیلی چویردم . یکریمی دقیقه صوکره

« یکی کوی » ده ایدم . دونوشده قارشیدن کلن سرین آقشام

روزکاری یوزومک آلهوینی آلمشدی . بنی قاپیده قارشیلایان

کوزهل « سهوکی » نك اونی صیقارکن کوستردیکم دورغونلغه

کندمده شاشدم . انسان بعضاً اولدیغندن باشقه صورتله کورونمکه

مجبور اولیور . اک دوشمان اولدیغیم بوحرکتی نه آجی بر مجبوریتله

یاپدم . « سهوکی » نك سعادتنی بوزمامق ایچون حقیقتدن بو قدر

آیریلق ضروری ایدی . کیم بیلیر زمان بلکه بو آجی حقیقتی

اونوتدورور .

کیجه ، کیچ وقته قدر سالونده اکلندک . بوغاز آرتق

بالقونده اوطورولمايه جاق قدر سرينلشدى . تيزم هفته صوكنده
شيشلى يه دونيور . « سهوكى » ايله « بيلديز » بو عودته چوق
سه وينورلر .

« پارتى » دن چيقدق . كنارده كي صيره لرده ديكلنيورز .
شيشمان دينه جك قدر آغير كورونن عزمى بك تر ايجنده ..
هر صباح ته نيس قورتنه ايكي منديله كلن بوكنج آدام برسونكر
كي اوينادقجه تردو كيور . مع مافيه او آغير كي دوران وجودينه
رغمآ نه كوزل ووروشلرى وار . بزم (پارتى) ده اكثر يا
اونكله اورخان بك بولونيور . « قورت » ك ابي او يونجىلرى
بونلر .. « كتى » ايله قوجه سى ده صايلى او يونجىلردن . ابي را كهت
قوللانيورلر . بزدن صوكره پارتى يه كيره فلر ك او يوننى سيرايدر كن
قونوشيورز . اورخان بك بنى سپاهى اوجاغنه كيرمكه دعوت
ايدييور :

— برآزده سواريلكه مراق ايديكز ، سز ماشاللاه ،
سپورك بوتون قسملرنده موفق اوليورسكنز . دييوردي .
عزمى بك قورونه جاق براوچونجى منديلي جييلرنده آرار كن
لاقيردى يه قاريشدى :

— كافي دكل ، اوموزيكزه برده توفك ووروب آوه چيقارسكنز
تمام اولور . سز نه كزه لازم خانم افندى ، هيچ برسپور ته نيس
قدر كوزل و كبار اولاماز .

— يوق ، ديدم . برآز نشانجيلغه هوس ايدييورم . موافق
برير اولسه ، روولورله نشان آتمق اچون چوق هوسم وار .

عزیمی بك اوطوردینی یردن قالدی :

— براوو خانم افندی ، دیدی . بن هر کون یاریم
ساعت نشان تعلیمی یاپارم . برآیده اوقدر ایلری کیتدم که ،
شیمدی یکریمی آدیم اوزاقدن بر آووج بویوکلکنده کی نشانی
ووریورم .

« اورخان بك ، میس «غره تا» دیکلیورلردی . باشلرینی صاللا دیلر :

— ایی موفقیت دوغروسوی .. بن صوردم :

— پکی آما بوتعلیمی زرده یاپورسکمز ؟

— بزم باغچه ده اسکی ، بویوک برلیمونلق وار . بزدن اولکی
صاحبلری اوراده نادیده چیچک یتشدیریرلر مش . بزم باقدیغمز
یوق . بزکون عقلمه کلدی . تجربه ایتدم . هیچ بر طرفدن
سس دیویولیور . کندم بویالی نشانکاهلر یاپدم . ده لیک ،
ده شیک اولدی .

« عزیمی » بك بونلری آکلاتدقدن صو کرا یوزومزه باقدی :

— تعلیم ایتمک ایسته یین اولورسه ایی روولورلرده وار .

اورخان بك ، میس «غره تا» موافقت ایتدیلر . اونلرایسته نیجه
بنده قاریشدم :

— راحتسز ایتمزسه م بنده برقاچ تجربه یایمق ایسترم .

« عزیمی » بك حرمتله نه کیلدی !

— ممنونیتله خانم افندی . او حالده یارین « ته نیس » دن

صو کره بزه کیده رز . یاخود ایسترسه کز بونک ایچون معین
برکون آیرالم .

— اک دوغروسوی او ، دیدک . « ته نیس » اوینادقدن

صوکره نشان آلمق دوغرو برشی دکل .. قول یورولورسه
ای نشان آتابیلیری ؟

نهایت قرار ویریلدی . اورخان بکله عزمی بکک کوندوز
ایشاری اولدینی ایچون نشان تعلیملری ایچون پرشنبه کونی
صباحلرینی آیردق .

« عزمی » بک ماچقهده بویوک باغچه ایچنده برئهوده اوپو-
ریوردی . کندیمی دیشاریقلی برکنج . حالی ، طوری درست .
چوق دیشارلیقلیلر کبی صاف ، لاقیردینسی چکینمه دن سویله ین ،
اولدینی کبی کورون بر آدام ... بوتون دردی ضعیفه نمک .
مکلف ، بویوک بر اوپوموبیلی اولدینی حالده چوق دفعه یایان
یورویور . کندینی ترله ته جک قدر ته نیس اوینیور . حالندن
شکایت ایتدکجه « اورخان » بک اوکا طاقیلور .

— بونلر یتمز عزیزم . اینجه لمک ایچون بر آزده پرهنزیاپ .
هفته ده ایکی کونی یالکمز سوت و یغورت له کچیر . بر آیده اوچ
کیلو بردن براقیرسک .

.. سپور آرقاداشلرم چوق ایی انسانلر . « اورخان » بک
چکردکن یتشمه برغلطه سرایی .. آراسیره قلوبحیلق دامارلریمز
قاباردقجه بر بریمزه طاقیلوروز . فقط اوهر بچده او قدر او یصال
ونا زک کورونیور که ، بومناقشه هیچ بر زمان ایکی صمیمی آرقاداش
صحتندن ایلری به کیتیمور . بومعتدل ونازک کنجی تقدیرایدیورم .
« ته نیس قورت » نده باشقه آرقاداشلرده وار . یکی زنکن
اولمش ، شیشخانه یوقوشنده کی یهودی محله سندن شیشلی
آپارتمانلرینه یکی کچمش بعض یهودیلر ، نه اولدینی بلیرسز ،

لووانته نلر و «ته نيس» ه ادمان وا كلنجه ايچون دكل ، «ته نيس»
 اوينور كورونمك ايچون كلن بويالي ، ياپمه جقلى بعض شيشلى
 خانملىرى ابي بر قالابالىق تشكيل ايدييور . . و بونلك عددى
 هر كون آرتيور. فقط بزم اسكيلر بو كورولتولى قالابالقله او قدر
 قايناشميورلر. بزم آرامزده بر آهنگ وار. شويله بويله ايكي پارتي
 اويون يايورز . «عزمي» بك ده «قورت» ك بو چيمسز ،
 صوئوق قالابالغندن ممنون دكل . . هله جمعه كونلري . .

بو خانملىر آراسنده (ندرت جميل) اسمنده بر حوپيا كنج قيزوار.
 هنوز اوراده طائيشديني ، آديني ، صانني بيلمه ديكي كنجلرله
 شاقالاشمه لري ، طائسز طائسز طاقيلىشلى اويله سينيرمه دو قو
 نيور كه . . بر قاچ دفعه بنمله ، «غره تا» ايله شاقالاشمق ايسته دي .
 آلايرماق . ذاتا او ، قادينلردن فضله ار ككلرله مشغول . . سپور
 يرلرني ده ديدى قودي سالونلرينه چويرهن بو چشيد قادينلره
 بك قيزيورم . ديكلنمك ، صيره بلكه مك ايچون بعضاً يان قاناپه .
 لرده اوطوردىغمز زمان بو قيزك كوه زه لككربني ديكليورم . نلر
 آكلاتيور . شيشلينك بوتون خبرلري اونده . . «عزمي» بك
 هيچ خوشلانماديني بو قيزه «ماشه ري» دييور . حقيقه اويله . .
 هر حر كتنده بر ياپمه جقلى وار . هله ار ككلرله تكليف سزاو لمق ،
 شاقالاشمق ايچون اويله صيچاق بر آرزوسى وار كه ! هنوز يكي
 طائيشديني «اورخان» بكي نه وينه چايه دعوت ايتمش . . بوني
 «اورخان» بك بزه آكلاتيركن :

— يازيق كه او كون مهم بر ايشم چيقدي ، كيده مه دم ،
 تله فونله اعتذار ايتدم ، ديدى . بو جدى و آكلايشلى كنجك
 اعتذارنده بيله اينجه بر كبارلق وار . چاي دعوتنى اولارد

ایتموب صوکره معذرت بیان ایتک، قلب قیرمه دن ایشک ایچندن
صییر یلق دیمک دره. ار ککلرله بو قدر مشغول اولان بر کنج
قیز، بیلیم که سعادت، استقبالی ایچون نه دوشونور...

... بو کون ایلک دفعه طابانجه ایله نشان آتیورم. «عزیمی»
بکک ماچقه ده کی نهوینه غره تا، اورخان بک، بن اوچز کیتدک.
بو یوک بر باغچهمی وار. اوزاق بر گوشه سنده خراب لیونلق
کورونیور. «عزیمی» بک مقوادن بر چوق نشانلر حاضر لامش.
مسافه پی آز کورهن «اورخان» بکی تأمین ایتدی.

— لیونلنگک اوزونلغی یکر می ایکی مترودر. بن یکر می
مترو دن آتیوردم. فقط قیصه ناملولی روولور لر ایچون بو مسافه
حتی فضله در بیله. چونکه هدف لر کوریورسکز کوچو کدر.
قارشیه کلن دیوارده قرمز ی مقوادن بر قول، ایکی باش،
بر یووارلاق، بش پارمنی آریلش بر آل کورونیور.

— اولا سز باشلایک ده کورهم «عزیمی» بک دیدم. بن
ایلک دفعه سلاح آتاجم. داها طوتماسنی، نشان آتماسنی بیله
بیلیمورم.

«اورخان» بک اینانیمور:

— ممکنمی، بو قدر سپور مراقیلی اولا سکزده!

دیوردی.

— ادعایه لزوم یوق، شیمدی کورورسکز، دیدم.
«اورخان» بک ماصه اوزرنده دوران روولور لر دن برینی
آلدی. بو سیاه، اورته بر طابانجه ایدی. باشنه طوپلانمشدق.
نهویره، چویره آکلاتیوردی:

— برووینغ سیستمی بر طابانجه، چیفت شارژورلی . بر
آلدہ سکز آتس ایدر. بو نوع روولورلر نشانہ کلز. کوریبور
سکزیاء، ناملو قیصہ در . بونلر جیدہ طاشینق ایچون چوق
بر اتیک در . بعضاً شارژورک ایچریدہ صیقیشوب قورشونک
خزنہ یہ کیرمہ مسی تہلکہ سی وارسہدہ بیکدہ بردر.
و اونی بر اقوب اورتاسی طوپلو ، فیل دیشی صاپلی بر
طابانجه آلدی:

— اصل نشان بونلرلہ یاپیلیر باقیکنز، ناملو اوزون در .
صوکرہ آلدہ داها اپی بر موازنہ یاپار. شیمدی بونکلہ بر تجربہ
یاپالم. قارشیدہ بش پارمنی آچیق بر آل وار، سویلہ یک ہانکی
پارمنی اشارت ایدرسہ کز اوکا آتایم.

بو قدر یردن بر آلك بر پارمنی وورمق قولایمی ، دکلی
بیلمیوردم. فقط «اورخان» بک اولجہ سلاحلہ مشغول اولدینی
ایچون کولدی :

— یکرمی متروندن بر آلك پارمنی وورمق، لکن بر آز
مشکل ایش «غزمی» بک دیدک. او، کندینہ کووہ نیر بروضعیتدہ
روولوہری قارشییہ اوزاتہراق کولدی:

— بخت ایشی آجانم ، دیدی . سز سویلہ یکدہ مناقشہ پی
سلاح باطلادقن صوکرہ یاپارز.

اونک بو غروری بنی قیزدیردی:

— پکی، دیدم. کوچوک پارمنک طیرناغہ ووروک باقالم.
بوکا بنلہ برابر اونلردہ کولدیلر. «غزمی» بک اونی مشکل
موقعدہ براتق ایستہ دیکمی آ کلامش کبی باشنی صالادی:

..... براوو «آی تن» خانم، ایسترمیسکوز، طیرناغکده تام
اوجنه نشان آلایم:

اوته کیلر آلایه نهایت ویردیله:

— طیرناق فلان دکل، فقط کوچوک پارمغک نره سی
اولورسه!

«عزمی» بک که ریلهدی. قولونی اوزاندی. صول کوزینی قاپادی.
بو وضعیت اپی دوام ایتدی. نهایت نفسلرک بیله دو یولمادیغی
درین برسکونت ایچنده سلاح پاطلادی.

همیز بردن قوشوشدق. طبیعی بویوکلکده کی پنجه نك
اوکنه کلنجه کوچوک پارمغک اوزرنده قورشون یرینی آرامغه
باشلادق. «عزمی» بککده اشتراک ایتدیکی بو آرایشده کوچوک
پارمغک اوزرنده دکل اوته کی پارمقلردهده ایز بولامادق.
بز بوتون پارمقلری کوزدن کچیرکن «غره تا» یاریم تور-
کجه سیله هایقیردی:

— ووالا.. ایشته بوراده کلش!

کوستردیکی یره باقدق. «عزمی» بک بش دقیقه نشان آلوب
وورمق ایسته دیکی کوچوک پارمغک ایکی قاریش یوقاریسنده
دوز مقوا اوزرنده قورشونک یری کورونیوردی.

— نه اصابت، دیدم. سز مدهش بر نشانچی اولمشسکز.
عادتا بو قدر مسافه دن دیواری بیله ووراجقسکز!

اوته کیلر قاتیلیور «عزمی» بک:

— ناملو تیرمیدی، بعضاً بویله اولور، دییه سویله نیور،
تر دو کیوردی.

— «اورخان» بك سزى ده كورده لم ديدم .
عيني طابانجه يي آلدی . سويله يکيز باقالم هانكى پارمغك
طيرناغنه ووراييم .

و بزدن جواب بکله مه دن علاوه ايتدی :
— بن او قدر نشانجی دکلم . شو اورتاده کی قافایه نشان
آلاجغم . نره سی راست کلیرسه !

«اورخان» بکک نشان آلیشی چوق سورمه دی . سلاح
چابوق پاطلادی . ينه قوشدق . قورشون طبیعی بویوکلکده کی
قافانک تام قولاغنه اصابت ایتشدی . (اورخان) بك بونی کورنجه
بکا دوندی :

— کاشکی ، سزکله ادعايه کيريشه يدک دیدی . ده مينکی
طيرناق کبی بوسفرده قولاقدن طوتدورسه يديکيز بحی قازانه جقدم .
« غره تا » ده بنم کبی سلاحی ايلک دفعه آله آليوردی .
«اورخان» بك :

— سزک ايجون بومسافه چوقدر . اون مترودن باشلايکيز
دیدي . مسافه يي تعين ايتدک . اولا بن سلاحی آلدیم . اونلر
تعريف ايديورلردی .

— کوزوکز ، طوبک اوزرنده کی شو اويوقدن کچوب
ناملونک اوجنده کی آرپه جنی کوره جک بر کوزوکز اويوق
و آرپه جقدن کچوب نشان آله جفکيز يره باقاجاق ، اوچی بر
خدایه کلنجه تتيکی چکه جکسکيز .

آکلاميشدم . اوچ مترودن اورخان بکک قولاغنی ده لیدی
قافایي نشانلادم . اويوق ، آرپه جق ، قافانک بورنی بر خدایه

كلى . تىكى چكدم . چقان قورشونك پيشندن بزده قوشدق .
غريب شى .. بن قافانك بورنى نشانلا دىغم حالده قورشون صاعه
كىتمش ، « اورخان » بلك ده لىكى قولاغى بردها ده لمشدى .
— تحف شى ، دىدم . بن يوزىنى نشانلامشدم ..

« اورخان » بك بونى فوق العاده بولمادى :

— بعض سلاحر ، صاعه ، صوله آتار ، دىدى . صوكره
تىك چكىلىر كن الك يارىم ميليمتره تيرمه مه سى هدف اوزرنده
بر قاج سانتىملك آقيرىلق ياپار . ده مين ، بن ده قافانك آلتنه
نشان آلم ، باقىكز قولاغه كلىدى .

بوكونكى نشان تعليمى بر ساعت قدر دوام ايتدى . همىز
اوزدن فضله قورشون آتدق . اكلنجه لى دكل ، فقط مراقلى
و « اورخان » بلك اداسنه نظراً لزوملى برسپور .. بن ذوق
آلم . فقط سلاحك سرت و قورو سسندن دكل ... اچنده
رقابت و مسابقه اولان هر سپور بنى ممنون ايدر .

« عزمى » بك ايكنجى تعليم اچون بازار كونى تكليف ايتدى .
بى آقشام ساعت بشده بلكيه جكدى . وداع ايتدك آبرلدق .
« غره تا » ايله قونوشدق . « اورخان » بكي حربيه ده براققدن
صوكره ايكىمىز صىقى بر يوروش يادق . حربيه دن تقسيمه سرت
وصىقى آدىمله يادىغىمىز بو يوروش بى يوردى « غره تا » بى
آبارتمانه براقوب آريلير كن :

— اوكله دن صوكره نه يابه جغز ، ديه صوردى .

— دورته بزه كل ، او طوموبىلله چىقارز دىدم .

نازك ، سه وىملى بر قىز ، باباسى امرىقا سفارتك امكدار

اوراق مدیری، آغیر جدی بر آدام. بوتون ذوقنی قیزینه ویرمش.
آنه سنی داها کوچوکلکنده غیب ایدن «غره تا» باباسنک ائنده
داها سربست، دها جدی یتیشمش.. اونکله «ته نیس» ده طانیسندق.
قومشولغمز بو احبابنی قوتلندیردی. شیمدی اونکله عادتاً
«ییلدیز»، «سه وکی» قدر سه ویشیورم. بر چوق شیلرده حسلریمز
دوشونجه لریمز عینی، هر کسله پک چابوق احباب اولمام. فقط
دوستلنی قازانانلره قارشی بکا هر فدا کارلنی یاپدیران درین بر
علاقه دو یارم...

... بزم انشته بک آرتق امتحانلرینی ویریور. دون کیجه
«سه وکی» «ییلدیز» تیزم بزده لردی. مطبعه یه تله فون ایتدک.
یاریم ساعت صو کره «فرید کامی» بک ده کلدی. نشانلیسنه کوزل
بر بوکت، بنله «ییلدیز» ه برر پاکت فوندان کتیردی. المی
صیقارکن کوزلرینی بدن قاچیرمق ایسته دیکنی حس ایتدم.
بوضیف روحلی کنجک صقیلغانلنی اونی داها فناحر کتاردن
منع ایدیور.

بزم او قدر طبیعی کورونمه مه رغماً «فرید کامی» بنله سربستجه
قونوشمقدن بيله صیقیلیور. آرامزده برشی کچدیکنی احساس
ایتمک ایچون بو آقشام اوکا قارشی داها لایالی کوروندم.
آکلیورم که او طوموبیلده کی سوزلرم اونی اپی سر سمله تمش.
بو کیجه چوق اکلندک. «غره تا» ده باباسیله گلشدی. ایکی پارتی
اولدق. یاشیلر «بریج» اوینیورلردی. بز قرق پارا «بوپ»
برلیرا «قاو» پوکه ر اوینادق. بو مدهش پوکه ر ساعت رجه
سوردی. «فرید کامی» بک آنهم، تیزم، «غره تا» نک

باباسی « بریج » اویزورلردی . اویون آراسنده او طرفه دوندم .
— اعیان مجلسی نه عالمده ، ناصل ، فریدبک قازانیورمیسکز؟

کاغدلیله مشغول کورونه رک جواب ویردی !

— بن دایما غیب ایدرم خانم افندی .

« سهوکی » یه نه کیلوب فیصیلدادم :

— صاقین امتحانلرده غیب ایتمه سین !

بونو یاواش سویله مه مه رغماً اوده ایشیتدی .

— غیب ایتمه مکه چالیشه جغم ، فقط قدر ، شانس ، طالع ..

« سهوکی » بی اشارت ایدوب جواب ویردم :

— بو کوزدل قیزک سهوکیسی سزه هر شیئی قازاندریر

« فرید » بک ، مستریح اولکزر .. « تیزم » المده کی قالابالیق

بریج کاغذینی ایستیف ایده رک لاقیردی یه قاریشدی :

— مراق ایتمه « آی تن » چوغنی کیتدی ، آزی قالدی .

انشته کدن بو هفته مکتوب آلدق . کانون ثانی ده بوراده بولونه

جغنی یازیور .

— شوخالده ایلک بهارده حاضر بولونالم ، دیدی آنهم .

— « سهوکی » نک دو کوننده « ییلدیز » له نهش برکلبک

البسه یاپه جغز . شمیدین قرار ویردک ، دیدم .

آرتق بزم « پوکر » ذوقنی قاچیرمشدی . بر « طور » دن سوکره

نهایت ویردک . بن « قاصه » ایدم . فیشرطوپلاندی ساعتلرجه

سورهن بو حرار تلی « قاره » ، طوپی طوپی درت لیرانک ایچنده

دونمشدی . « سهوکی » غیب ایتمش ، « ییلدیز » « غره تا »

بن اوتوزر غروش قازانمشدق .

برلیرا غیب ایتدیکی ایچون بر آرز سومورتان «سهوکی» یه
چیقیشدم :

— نافله صیقیلوب توزومه ، هم قومارده غیب ایتدیکنه
دعا ایت . بیلزمیسک اویونده غیب ایدن عشقده قازانیرمش .
بولاقیردیمی ایشتن « فرید کامی » بکک بکا بر آرز حدتله
باقدیغنی کورونجه « سهوکی » یه دونه رک دوام ایتدم :

— باق سنک بک افندی ده « بریچ » غیب ایدیور ، باشقه لر یله
اویونده غیب ایتدکلر یکنزی بر بر یکنزدن چیقاراجقسکز .
دوغروسی غیب ده بیله برابر اولاجق قدر یسلدیز لریکنزک
بر بر یکنزه یاقین اولوشی هر قوله نصیب دکل در .
بز ایچری یه اوطه یه کچر کن « فرید » بکک آیغه قالدیغنی
حس ایتدم :

— بزده اویونه نهایت ویرسهک ، کچ اولدی ظن ایدرم .
کیجه یاریسندن سوکره عودت ایتدیلر . قاپیدن وداع
ایدر کن « غره تا » یه سسلندم :
— یارین « تهنیس » ایر کن کل ، قالا بالیق باصینجه اوینا نیمور .

* *

... آنه مک پور تره سنی بیتیردم . کوزدل اولدی . شیمدی
بر آرز داها « به یزائ » ه چالیشیورم . آنه م صوک بهارده ماصلاق
کوشکنک بغچه سی چوق کوزل اولیور ، اوراده بر آرز چالیش
دیددی . شیمدی رسم ساعتلرنده اورایه قدر کیدیورم . آچیق
هوا ، صارارمش یپراقلر ... فقط بو یپراقلرک هپسی صاری
دکل .. آغاچلرک جنسنه کوره بو یپراقلر اوله رنکلر آلور که

بر فیرچده حقندن کلمک امکانی یوق . کوشکده حسین آغا
اسمنده ای قلبی فقیر بر بکچی وار . هر کون طاشیمه مق ایچون
بویالریمی سهپامی اوکا براقیورم .

باغچه نك اوج طرفی درین اورمان .. بوراده کوشکک مرمر
کنیش مردیوهن صخلغنده بریرم وار . قوروجینک آغاچ داللرندن
یابدینی اسکمله یه اوطورونجه بر بردن کوزه لر نکلرک قایناشدینی
اورمان قارشیمه کلیور .

بوراسی اوقدر تنهاکه ... قوروجی ایله چوجوقلری اولماسه
کلمکه جسارت ایدمه جکم . مع مافیله چوق دفعه آنه مده بکا
طاقیلیور . کچ وقته قدر قالیرسه (اورخان) بک ده آقشام
کزینتیسنده بورایه اوغرییور . او، زمانلرینه اوقدر صادق که
آقشام ایشندن چیقار چیقماز حیوانی نه کرله یوب شیشلی - امیرکان
یوجلیغنی یاپیور . بعضاً یولدن آقیری اولان بو اورمانه صاپیور .
یانمه کلوب لوحه یه باقیور . رنکلر، کولکه لر حقنده قونوشیورز .
کندیسی رسم یاپیور . فقط لاقیردایسنده کی فکر لرندن ذوق
صاحبی اولدیغنی آ کلیورم .

بوراده بوسا کن اورمان ایچنده کی دوستلرم بونلر، قوروجی
حسین آغا ، اورخان بک ، حسین آغانک سه ویملی قوپوی
« آوجی » .. قوروجینک یاشلی برخانمی وار . آراسیره کوکلندن
قوپارسه بکا قهوه ، چای کونده ریر . یوزونی آنجاق ایکی دفعه
کوردم . یابانچی ارکک اولورسه بک کورونمک ایسته میور .
مع مافیله کورونمکه ده وقتی یوق یا . کوشکک ایکی اوطه سنده
چوجوقلری ، نه و ایشلریله اوله مشغول که ... یمكن باشقه
اککی ده کندی یاپیور .

هوالر طادسزلاشمغه باشلادی . آقشاملری ایصیریچی بر
روزکار چیقیور . صوك بهار یاغمورلری کله دن لوحه بی بترمک
لازم .. فقط بو چوق کوزهل رنگلری « پالته » ده بولوب
قایناشدیرمق او قدر مشکل که ..

« اورخان » بك برکون بنم رسمنی یاپدیغ اورمان پارچه سنک
فوطوغرافی آلدی .

— چوق قورنازسکز ، دیدم . بنم ایکی هفته لق زحمتی
بر دقیقه ده صویه دوشوردیکز .

— نهوت ، دیدی ، بو طبق کیجه کوزهل بر منظره سیر
ایتمک بکزر . رنگی کولکه سی اولمایان بر رسم . ا کر بر « پورتره »
دکسه کونشسز بر هوایه بکزر .

والنده کی ما کنه دوکمه سنی چو یروب فیلمی ده کیشدیررکن
علاوه ایتدی :

— مع مافیه ، مساعده ایدرسه کز ، بنده فوطوغرافی
جانلاندریم !

— ناصل ؟ دیدم .

— اذن ویررسه کز سزرسم یاپارکن رسمکزی چکه جکم ..

— های ، های . یالکز دقت ایدک . ا کر فناچکرسه کز
بنده سزک قاریقاتوریکزی یاپارم .

کولوشدک . ما کنه نک آیاقلرینی آچدی . یرلشدیردی .
اوزون اوزون وضعیت آلدی . بن هیچ دوروشمی بوزمه دن
رسمه دوام ایدیوردم :

— شیمدی شیق اولاجاق ، دیدی . سزرسمنی یاپدیغکز

اورمانله برابر فيلمه كچه جكسكز. هايدى دوام ...

« اوپتيلار » ك كوچوك سسنى ايشيدنجه باشيمي چويردم :

— ابي چيقارسه برقاچ دانه ايسترم ، اورخان بك .

— طبيعى ، حتى سزه « اورپژينال » ي ويره جكم . ايسته .

ديككز كي بويوتور ، حتى رنكلي بيله ياپديررسكز . بنم مراقم وار . كندى كنديمه اوغراشه اوغراشه رنكلي فوطوغراف ياپمغه ، « ده قوپه » رسملر چكمكه موفوق اولدم . امين اولك بوفوطوغراف يلق سحر بازلق كي قورنازلقدن ، رنك ، اجزا و هوا اويونندن عبارتدر .

رسمدن صوكره يانمه كلدى . لوحه ايله قارشيمزده كي

منظره يه اوزون اوزون باقدى :

— لا كن چوق موفوق اوليورسكز ، ديدى . شو « اخلامور » ك

صاراريشى او قدر جانلى كه ... هله آفاجك كووده سنده كي قورشونيلكلر ..

— بنى الكچوق اوغراشديران شو آرقدهه كي كولكلر ،

ديدم . كونس ايندجه رنكدن رنكه كيريورلر . بر آز اول داها پارلاق كورونيورلردى . بايكنز شيمدى ناصل ماطلاشديلر .

طبيعت كورونديكى كي اويصال و بسيط دكل .

اورخان بك بن ايشيمي بتيرنجه قدر درين برسكوت ايچنده

قالدى . كچ وقت ، او ، درت نعله حيواننى قوشدوره ، قوشدوره

يانمدن كلير كن يوكسك سسله يولك دارلغندن ، هوانك سرينلكندن

بحث ايتدك . او طوموبيل له آتى باش باشه كتيرمك نه مشكل ...

.. بو كون تيزه مك نه ونده مكلف برچاي وار . « سه وكي » نك

باباسی «ویانه» دن کلدی. دو کونی ینه ایلک بهارده پایمق اوزره شیمدی نکاحه حاضر لانیور لر. چایده «فرید کامی» بکک دعوتیلیری بولوناجق، دیدیلر. اوکا آرتق تامیله برعائله چوجوغی دبه باقیورز. «سه وکی» قیز منون.. آنه مچای ایچون حاضر لانیور کن بکاده تنبهارده بولوندی :

— ایلک دفعه طانیشا جغمز انسانلر وار. قوزوم، شونکله بونکله آلائی ایتمه. هله «فرید کامی» یه طاقیلمه، «سه وکی» متاثر اولیور.

آنه دوغرو سویلیور آما بیلیم راحت دورا بیله چکمی یم. تیزه مک ایچ ایچه بویوک سالونی بر دو کون نهوی کبی قاینیور. «فرید کامی» دعوتیلیرینی طایتدی. «پسی محرر.. هم بر ایکیسی مشهور محرر لدن.. بر آز صیقیلغان، بر آز عقلا، فضله دورغون کنجلر.. بک کنجده دینه مزیا، هله بر تانه سنک قوجامان باشنده ساچلر دو کولمش بونی:

— «یعقوبک چله سی» محرری «صفوت قدری» بک دبه طایتدیله...

قالین قاشلی، بویوک یوزلی بر انسان.. قیسه بوینه زغماً اوله قالین سسی وار که.. سوز کون کوزلی برینک اسمنی دکل، مشهور بر اثرینی سویله دیلر:

— «طاشقین یوره ک» محرری... طبیعی طانیورسکز..

چوق رومان او قومادیغم حالده کندیسندن صیق صیق بحث ایدیلن بو محرری اسمندن طانیوردم. غزته جیلک طالنده مهم موقعلری اولدینی سویله نن بو کنجلرله پوط قیرمه دن،

چام ده ویرمه دن ناصل کوروشه جکم بيلم .. چوق فنا خویم وار. مثلا «صفوت قدری» بکه قونوشورکن کوزوم صاغه چارپیلان غراواتندن کیتمیوردی. ایچمه بر قورد تمادیاً بنی بیور:

— طوت شو قراواتی دوزه لت! دیبه غیجیقلیوردی .

داها طانیشالی اون دقیقه اولمایان بر آدامجغزه بو ناصل یاپیلیر؟ او ناصلسه بحی آچیلان افسانه لردن، اسکی یونان خرا فهلرندن بکا ماصالار آ کلاتیوردی . دیکه مکه دقت ایتک نه ممکن .. کافر شیطان قلبه، قافامه، کوزمه کیرمش :

— طوت شو قراواتی دوزه لت! دیوب دوری بیور .

نهایت صبر ایده مدم، آدامجغز :

— «آبولون» معبدینک دیوارلرنده اویله صنعتکارانه نقشلر واردرکه او دوزک حیاتی بوتون وضوحیله افاده ایدر .. دیبه یکی بر بحنه کیررکن اشارت ایتدم:

— غفو ایدرسکنز بک افندی ، بویون باغکنز دوکمه -

سندن قورتولمش غالباً! .

دوردی صوکره کولومسه دی و ایلله چارپیلان قراواتنی یوقلابوب دوزه لته رک دوام ایتدی :

— آهله دوری، باشدن باشه بر عشق وصنت دوری در.

«وه نوس» لری، «آفرودیت» لری «ژوپتر» لری ابداع ایدن دماغلر بشرک بلکه ده اک یوکسک معجزه لرینی کوسترن باشلرینه عانددر. اوراده «عشق» تمامیله حیانددر. عشقک نهایت بولدینی یرده حیات سونمشدر. «میلو» یه او آلهی قدرتی ویرن خارق العاده ک، اومطلق کوزهلک، عشقندن کلپورمی؟ بو عشق درکه

«وه نوس» کبی دنیا دوردقجه پایداری اولاجاق بر اثری ابداع
ایتمشدره.

نھیس بر قونفرانس دیکلیوردم. او، آکلاتیرکن کوزلرم
غیر اختیاری اوزرنده، یوزونده دولاشیور. عجله طراشله بر
طرفی فضله کسین بیقارینک یچمسزلکنه، فضله ئوتولنمکدن
پارلامغه باشلایان جا کتنک یاقاسنه باقییور، ایچین ایچین صیقیلیوردم.
اوته کیلر بر قولایینی بولوب اوزاقلاشمه شلر، کندیلرینی
قورتارمشلردی. بوھیچ دورمه دن بکا خرافه لر تاریخی آکلاتان
ادیبک آلدن، دیلندن قورتولمق ایچون چاره دوشونیوردم.
«سهوکی» آلدن بر قدح چای له کلدی. قدحی اوکا اوزاندی:
— چایکزی آلكزده افندم، شیمدی پاسته ده کتیره یم.
صوکره بکا دوندی:

— بک افندی یکی بر رومان موضوعی آکلاتیور غالباً.
هیجانلی برشی اولاجاق که یاریم ساعت نبری دقتله دیکلیورسک.
«سهوکی» نک بو کشفنه دیه جک یوقدی. مع مافیله اونک
فکری بکا بر عقل او کرتدی. محترم «ادیب» باقوب کوله رک:
— حقک وار، دیدم. بک افندی یه پاسته کتیرمک شرفنی
بکا ویرده مابعدینی سن دیکله، صوکره بکا آکلاتیرسک.
ادیب محترم چوق قوتلی برالتفات آلتنده کی حقیقی آکلایه
مادی. تبسم ایتدی. بن «سهوکی» بی اوکا راقه رق قالا بالغه
قاریشدم. ایلك ایشم «ییلدیز» ی بولمق اولدی:

— سز مسافر لرلیکزه بویله می اکرام ایدرسکنز کوچوک
خانم... باق «یعقوبک چله سی» محرری یاریم ساعت نبری پاسته

بکلیور. آبلک چای کوتوردی، سنده پیکوی یتشدر،
دورمه دیدم.

« ییلدیز » قوشدی. بنده اوته کی سالونه کچدم. بوراده
یاشیلر طوپلانمشلردی. تیزم بنی کورونجه قولومدن یاقالادی..
داها اوزاقدن انشتمک سسنی دویدم:

— چاپقینی پیانونک آیاقلرینه باغلا، باشقه چاره یوق، بر
کره قورتولورسه بولامازسکزها! دیوردی. ایشی آکلادم.
فنا یاقالانمشدم. ایلک دفعه کوروشدیکمز مسافرلر اولماسه نه
زماندر آلاتورقه موسیقی اوزله دیکنی سویله یین انشتمه بر
معدبلک یاپاجاق، اوکا «آینالی پنبه» شرقیسنی چالاجا قدم. بونی
دوشونورکن عقلمه باشقه برشی کلدی. انشتم، آلدن اکیسک
ایتمه دیکنی تسبیحی چکهرک یانمه کلیرکن:

— نه ایدی او، هانی «چال سازینی سودیجکم شن هوسکله!»
دیه بر شرقی واردی. مقامی فلان بیلمم، پک خوشمه کیدر.
چال باقالم.

اوزون بر ره وهرانس یاپدم.

— امر ایدرسکز انشته بک، فقط سز یریکزه کیدیکز.
دوندی، بزم قیزلر قاپی یه طوپلانمشلردی. اولا آلریمی
آلشدر کچی توشلرده دولاشدم. پیانونک سسنی دو یانلر
اوته کی اوطه دن کلکه باشلادیلر. قادین ارکک اطرافده طوپلا
نمشلردی. پارمقلم دولاشیرکن یاواش یاواش «یهس سورمیس
بای بی بی» اسمنده کی اویناق انکلیر فوقستروتنی چالمایه باشلادم.
اسکیلر بونی ده پارمق ا کزرسیزی صانارق، باشلری اوکنده

شرقی بی بک کر کن کنج لردن بعضی سی بو چوق قیوراق تمپویه
آیاق اوی دوروب بر ما کنه کبی دو نمکه باشلادیلر.

انشته مک قالین سسنی نهدن سو کره دویدم:

— وای چاپقین قیز بزه اویون ها!.

هیچ دانس بیلمه یئلری بیله حرکته کتیره جک قدر اویناق
تمپولری اولان بو پارچه بی اک هیجانلی بر یرنده بر اقوب هیچ
میان فلان یایمه دن آغیر آغیر انشته مک ایسته دیکی شرقی بی
چالمایه باشلادم . بریکیلرک قهقهه لری صالونی دولدورورکن
شرقی بی بیلن اسکیلر بر آغیزدن پیانویه رفاقت ایدیورلردی .

تحف بر طبیعت وار . « پیانو » ایله آز مشغول اولورم .
نه وده اکزر سیزلریمی بعضاً صرف پارمق لریمک قوتنی غیب
ایتمه مک ایچون یاپارم . فقط بعضاً ده اویصال بر طرفه راستلار .
چالمایه باشلانجه کیتدکجه هوسلنیر ، آچیلیرم . بو آقشام ده اویله
اولدی . انشته مک شرقی سنی بیتدکن سو کره کندی کیفمه
کوره ایچمه دوغان بر چوق شیلری چالدم . بونی کیمسه بی
منون ایتمک ایچون دکل ، کندی ذوقم ایچون یاپیوردم . آرقاداشلرم
بو طبیعتی بیلورلردی .

« ییلدیز » ک آرقه مده :

— ینه اوغورلی طرفی کوروندی . دییه فصیلد اییشنی
ایشیدنجه کندیمه کلدیم . قالدیم . باشیمی چویردیکم زمان ینه چارپیلان
قراواتی ، بر طرفی قوپوق کبی کورونن بیقنریله ادیب محترم
آلنی اوزاتیوردی :

— جداً تبریکه لایق سکنز خانم افندی . تشکر ایچون کله

بولامپورم . موسیقی بنی چوق دوشوندرورور . فقط سزك
رمقلریكزده اولیه سحرلی برقوت وارکه بکا « آفرودیت » ك
موسیقی الهمریله (پارناس) معبدنده یاپدینی ساز عالمی یاشاندی .
معجزه لر انسانیلی یا حیرته دوشورور ویا دهشته کوتورور .
سزك صنعتكز ، سزك موسیقكز اولیه معجزه که دیکله ینلری
سماواته ، خیالاته یو کسه لتیور .

بوآدام نهر سویلیوردی . فیلسوفی ، شاعرمی ، ده لیمی
نهر؟ هاندیسه اولیمپ معبودلرینك لسانیله قونوشاجاق ، جواب
ویره جك برکله بولامادم . « سهوکی » قیزا کسک اولماسین ،
ینه امدادیمه یتیشدی :

— یورولدك « آی تن » ، برشی ایسترمیسك .

باشیمی صاللام :

— ایستم « سهوکی » یالکز بر آرزیققدم غالباً. دیشاری
چیقایم . ویاواشجه صیریلوب سالوندن چیقدم . « سهوکی » نك
یاتاق او طه سنه قدر کیتدم . آرقه مدن « ییلدیز » ده یتیشدی .
— بوادیبلر ، شاعرلر تحف انسانیلر ، دییوردی . نه چوق
شی بیلورلر . بن بریسیله دانس ایدییوردم . بکا : کوزلریكز
« بابیلونیا » باغچه لرینك بهارینه بکزییور . ایچنده ده مت ده مت
زهره لر وار دیدی .

— دوغروسى انشته بکك ادیب ، شاعر آرقاداشلرینه

دییه جك یوو دیدم . بوراسنی « اجمن دانس » . چویردیر .
نه یازیق اونلرک لسانندن آکلامپورز .

« ییلدیز » له برمدت یالکز قونوشدق . کچ اولشدی .

بر آرائق آنهم عجله عجله کلدی :

— زهده سکز آبول ، دیدی ، مسافر لر کیدیور .

کچیرمک یوقمی ؟

آپارتمانک اوفاق آنتره سنده هر کس اوموز اوموزه ایدی .

شاعر لر ، ادیبلر مبالغه لی تشکر لر ، تقدیر لر ایچنده اللریمزی

صیقیدیلر . بزم « یعقوبک چله سی » محرری بکا بو سفر غالباً

« مه تا فیزیک » عالمردن بر نطق ویرمه ک حاضر لانیوردی .

آرقاداشرینک بر برردیشاری چیقدفقرینی کورونجه قیسه کسدی :

— حرمتکاریکزه سزی و موسیقیکزی دائماً خاطر لالا-

نه جاق برقاج ساعت بخش ایتدیکنز خانم افندی . دیدی واورتاسی

چیپلاق بویوک قافاسنی صاللا یوب قاپیدن چیقدی .

« فرید کامی » بک قالمشدی . سالونه دوندیکنز وقت اوکا

چیقیشدم :

— بزى بویله آلله لرك لسانيله قونوشان بویوک ادیبلره

نه چیقاریر سکز قوزوم . اویله صیقیدم اویله اوطاندم که !

اوبم تلاشلی کورونوشمی جدی ظن ایتمشدی :

— تربیه لی انسانلردر ، « آی تن » خانم دیسه تأمینات

ویرمه ک قالمشدی . چوق قیمتلی اثر لری واردر . بلکه ایلک دفعه

کوروشدیکنز ایچون صیقیدیکز . بر قاج کره عجبترلنده

بولونسه کنز ایصینیر سکز ..

یملدن صو لره یه قدر ادیبلرک دیدی فودیسنی یاپدق . بر

چوققرینک اونلری بکنمه لرینه ، تقدیر ایتمه لرینه رغماً بن قناعتمی

ده کیشدیرمه مشدم .

فکر لرینی خصوصی بر لسانله افاده ایتمهک چالیشان انسانلر
بو آرزولرینی اثرلرنده، یازیلرنده تأمین ایده بیلرلر . فقط چای
ماصه سی اطرافنده دیدی قودی ایدیلرکن قهرمانلرک لسانله
قونوشمق بکا بر آز عقلالق کبی کلیور . بیلیم بلکهده اونلر
حقلی . بن حیاتده بر آزدها ساده ، اولدیغم کبی کورونمک ایسترم .

— « غره تا » کله دیمی عزمی بک ؟

— هنوز کله دی خانم افندی . مع مافیله نرده ایسه کلیر .
« اورخان » بکده تله فونه ایتدی . بوسباح تعلیمه کله میه جکینی
سویله دی ، سزه بو کون کوزهل بر سلاح حاضر لادم . ناملوسی
اوزون ، نشان ایچون چوق مکمل بر سلاح .

« عزمی » بلکه نشان تعلیمی یاپدیغمز لیمونلغه کیدیورز .
بکا بر کون اول « ته نیس » قورتنده کچن بر ماسقارالغی آکلایور :
— سز او کون ایرکن قاچدیکنز . قالابالیق جانکزی
صیقیور غالباً . سزدن سوکره پارتی یه کیرمک ایچون « وحدت »
خانمله بر یهودی قیزی رقابته قالقدیلر ... اودرجه یه کلدی که
آز قالسین بر برینه « راکت » آتاجقلردی . زور مانع اولدق .
جواب ویرمه دم . یالکیز بر آز صوکره خاطریمه کلدی ده صوردم :
— بو مناقشه نیک یالکیز « ته نیس » دعواسندن اولدیغنه
ایمنیسکنز ؟ .

لیمونلغه کیرمشدک . ماصه یه دوغرو یا قلا شیرکن « عزمی » بک
جواب ویردی :

— ای کشف ایتدیکنز بکا او یله کلدی که بو دعواده

بر ارکک پارمنی وار. همده یابانجی دکل. او کورولتو آراسنده
بزم اورخانک شاپقه سنی را کتنی آلوب غیب اولوشی بنی شبهه لندی.

ماصنهک اوزرنده کی یکی طابانجه یی آلام :

— بحث ایتدیکنز سلاح بو اولسه کرک ، سز تجربه

ایتدیکنزی ؟

— طبیعی ، بن بکندم . باقالم سز ناصل بولا جقسکز .

ایلك دفعه اون مترودن باشلادیغم نشانی بنده یکر می به

چیقارمشدم . بر قاچ تجربه یادم . اصابترلر قوتلتیور . «عزمی»

بک شیمدی سریع نشان آله نه کزر سز لری یامامزنی سویله دی .

— نشانگاهه آرقه مزنی دونه جکز ، صوکره المزده سلاح

اولدینی حالده در حال دونوب بر ثانیه ایچنده آتس ایده جکز .

— بو بر آز کوچ عزمی بک ، چوق چالیشمق لازم .

— چالیشرز . سز صقیلیر میسکز .

— خایر فقط هر شیده شامپیون اولمق فکر نده دکل .

— فقط سزده او یله بر استعداد وار که قیصه بر مشغولیتله

هر شیئه موفق اولورسکز . یالکز سپورجیلرک بر سوز لری

واردر . سپورده چابوق موفق اولان سه وکی ده کری قالیرمش .

جواب ویرمه دیکمی کورونجه دوام ایتدی :

— مع مافیله شبهه یوق که هر شیده اولدینی کبی سز بونده ده

مستناسکز ..

نشانگاهلرده کی اصابترلری معاینه ایدیوردم . یانمه کلدی :

— او یله سکز دکلی «آی تن» خانم ، عشقده ، سه وکی ده

عینی خارق العاده لکی کوستریرسکز دکلی ؟

يوزونه باقدم. طوبارلاق اسمر چهره سی کریش کیدی.
کوز بیکرینک جام فنه ری کبی پارلادیغنی کوریوردم. دودا-
قلری تیریوردی .

سسمده غالباً برآز سرتلک پیدا اولمشدی:

— بحث ایتدیگکز موضوعلر حقنده برشی دوشونمهدم
افدم، وگرییه دونوب یورورکن علاوه ایتدم:

— دوشونمکده آرزو ایتهم ... دیمک آرقاداشلریمز بو
کون تبنلک ایتدیلر . تخف شی، «غره تا» دون کیجه بزده
ایدی. بوکون کله میه جکنه دائر برشی سویله مه دی.

و اونک سویله مه سنه وقت براقه دن دوام ایتدم :

— اوحالده بزده نه کزرسینیزی قیسه کسه رز، ذاتاً بنمده
مسافرلرم وار. ایرکن قاچاققدم.

لیونلغک قاپسندن چیقیوردم. بنی تعقیب ایتدی :

— «آی تن» خانم، سزکله برآز جدی موضوعلر اوزرنده
کوروشمک ایستردم. آرزو ایدر میسکز، ایچرده بر جای ایچملم.

نه دنسه بوجدی موضوعلر بنم خوشمه کیتمیور هله «عزمی»
بکک جدی موضوعلرینی دیکله مک ایچون توکنمز بر صبر
لازم. مع مافییه یوزونه باقمایه راق جواب ویردم:

— باغچه کز چوق کوزهل؛ هم دولاشیر هم قونوشوروز.
ذاتاً جای وقتی ده دکل.

مدن کلیور، صیق صیق نفس ا بیور.

— پکی، سز ناصل ایسترسه کز ..

بویوک باغچه نك باقیمسزلقدن خراب اولمش یولارندن کچیوروز.

«عزمی» بك جدی موضوعی هنوز آچادی. قاپی به کلیورز .
— سزه بر آز حیاتمدن بحث ایده جکدم. فقط اویله حس
ایدیورم که بنمله مشغول اولمق ایسته میورسکز.

— هیچ کیمسه نك حیاتیله مشغول اولمام که !
— حقکز وار. فقط اراده لری خارجنده سزکله مشغول
اولانلر حقنده فکر یکز نه در ؟

— کیمسه نك فکرینه، دوشونجه سنهده مانع اولمق حدم دکل !
— چوق مکمل بر قیزسکز «آی تن» خانم. سزکله مشغول
اولانلر یالکز کوزهلککزی دکل ، کوزلریکزده پارلایان
ذکا کزی، وارلغکزی تقدیر ایدیورلر .

— بو محترم انسانلرک توجهرینه تشکر ایدرم.
بویوک سوقاق قاپیسنک اوکنده یز . «عزمی» بك ایکی
الترینی کوکسنده چاپرازلادی دوردی .

— هله استهزالریکزه تحمل ایدیلیر کبی دکل . سزه هر
شی اکلنجه کلیور «آی تن» خانم.

— پک دوغرو بولدیگز «عزمی» بك، اعتراف ایدرم که
اویله یم، فقط همانده علاوه ایده یم: هرشی اکلنجه تلتی ایدن
بر قیزه ناصل اولیورده جدی موضوعلردن بحثه حاضرلانیور.
سکز هیچ بویله شی اولورمی ؟

شاشیردی، قیزاردی . بر شیلر سویله مک ایسته دی فقط
دوداقلرینی قیملداتمدن بن رجا ایتدم:

— لطفاً قاپی بی آچار میسکز ؟
حرکت ایتدی. الی رزه نك ئوزرنده ایدی . کوزلرنده بر
کولکه ونم کوردم:

— ايسته بوتون بو حالريكنز اويله سه ويملی كه سزه لاقيده
 قلمانك امكانی يوق. سزی چوق تدقيق ايتدم . سزك ايچون
 چوق شيلير دوشوندم «آی تن» خانم. بو، آيلردنبری دوام
 ايتدی . سزكه جدی بر رابطه تأسيس اتمكى دوشوندم فقط
 آرزولريكنزه، فكرلريكنزه هيچ واقف دكلم . شرفلی و حر -
 متكار بر كنيج آدام كبي سزه بوتون حقيقتی اولديني كبي سويله
 مكه قرار ويردم . بر ايكي جمله ايله وضعيتی آكلاتدمی بيلم .
 او قدر متيجم كه مقصديمی دها درلی طولو افاده ايده ميورم .
 سزدن بر آاز جسارت آلسهم ، يارديم كورسهم بلكه موفق
 اولاييله جكم . ايستيورم كه بكا مسعود ايديجی بر حيات آرقاداشی
 اولاسكز .. بو آرزومی سزه سويلك ايچون هفته لردنبری نه
 قدر دوشوندم حاضر لاندیم بيلسه كز .. بوكا رغماً سزی ايلك
 كوردنكم كونلردنبری متادياً دوداقریمی ياقان بو حقيقتی اك
 نهايت غريب بر تصادفه شو قاپينك او كنده وسزك اكله نير
 كولر كبي كورونن كوزلريكنزك آلتنده اعتراف ايده بيلدم ..
 بو حالم سزه وضعيتی ايضاح ايدر می بيلم ؟

حقيقتاً متأثر كورونيوردي . كوزلرينك ايصالقغنی بللی
 ايمه مك ايچون يره باقيوردي . آجيدم، فقط اونك تأثرنده بنم
 نه قباحتم واردی . هله قاپی او كنده كی بو كوز ياشلی منظره ده
 نه اولسه بر تحفلق وار . بر آاز كندیمی طولولادم .

— حساس وجدی بر كنجسكز عزمی بك دیدم . فقط
 آكلاتمق ايسته ديكنز شيلرايچون، سزده اعتراف ايدر سكز كه
 بن هيچ حاضر لقلی دكلم . بويله بحثله ايلك دفعه قارشيلاشان

برکنج قیز ایچون چوق دوشونمک لازم اولدیغنی تقدیر ایدر-
سکز ظن ایدرم . آرقاداشلغمز دوام ایتدکجه بربریمزی داها
ای آکلامغه چالیشیرز . یترکه بو کونکی دوستلغمز صمیمیتی
غیب ایتمه سین .

غالبا حقلی سویلیوردم . باشنی نه کدی ، قاپنک رزه سنی
قالدیردی .

— سزی تقدیر ایدرم «آی تن» خانم . بکا بر امید سهوینچی
ویردیکنز ایچونده تشکر ایدرم .

— الله ایصهارلادق افدم ، کوروشلم .

ای یورودیکم حالده آرقه مده قاپنک قاپاندیغنی حس ایتدیره جک
بر حرکت اولمادی . کوشه یی دوزرکن یان کوزله باقدم . اونک
بیاض فانیلالی کولکهمسی حالا اوراده ایدی .

— چوق موفق اولدیکنز ، رنکلرده اوپله بکزه یش
وارکه .. هله شو آرقه ده کی منکشه رنکی داغ کولکه لری مکمل ..
— اک چوق اونلردن قورقیوردم : رنکی بولمق او قدر
زحمتلی اولدی که !

آنهمده «اورخان» بکی تصدیق ایتدی :

— یاپدینگ لوجه لره ایچنده اک کوزه لی بو اولدی ، «آی تن» .

بوکا شیق بر چرچیوه یاپدیرالم .

آرتق «شوواله» می بویا طاقلرینی کوتوریویوزم . بلکه بر
آیدنبری دوام ایدن رسم بو آقشام بیتدی . «داپره ناتور» رسم
یایمق چوق ئوزوجی ، کونش و بولو طر انسانی شاشیرتیور . بو

لوحة بيتنجه يه قدر يا آنهم يا «اورخان» بك يانمده ايديلر . نه
صيقنتي چكديكمي اونلرده بيلورلر .

— آرتق صوك بهاره وداع ايدلم ديدم . باقيكز لوحه يه
كچن . صاري يپراقلرك چوغني يرده ياتيور .

«اورخان» بك آتي چوزدي . آنهم او طوموبيله كيردي .
رسم طاقلريني يرلشديردم . لوحه يي ده آنهمك قوجاغنه ويردم :

— بر يري بوزولورسه قارشمام يوموق آنه . باق قيزيكي
آغلامق ايتيورسهك . . .

يپراقله ثورتولو يولدن بويوك جاده يه چيقيور . كونس
صيره صيره قورشونى كولكلر حالنه كلن اوزاق داغلر ثوزرنده

قوجامان بر پنجه كول كچي داغلييور ايجمده طاتلي بر سه وينج
وار . بيتيرديكم لوحه ده موفق اولديغمي ظن ايديبورم بو نشئه

ايجنده «اورخان» بگله بر آزا كلنمك ايتهدم . آنهمله قونو-
شورلر كن ياواش ياواش «آكسه لاتور»ه باصدم . غاز ايشله دي .

سرعتنمكه باشلادق . اوده حيواننى دورت نعله قالديردي ، دها
كيلومتره الهى ثوزرنده ايكن هايقيمغه باشلادى :

— شاقايي براقك الله عشقكزه .. نه كوزل كيديوردق .
آنهمده ايجريدن راحت ويرمه دي :

— معذبلكي براق «آي تن» چوجوغك لاقيرديسي ياريدده قالدى .
غازده كي آياغمي خيفلتمدم . ياواشلا دق . يانمزه كلديكي زمان

صوردم :

— سزك قباحتكز وار «اورخان» بك دون صباح نشان
تعليمنه نچين كلمه ديكنز باقالم .

— سز کیتدی کمز می ؟

— طبیعی !

— غریب شی، عزمی بك بكا بر کون اول تله فون ایتدی .
مهم بر ایشی چیتدینی ایچون صباح نه وده بولونه مایه جفنی سویله دی .
وضعیتی بر آنده آ کلا دم . «عزمی» بك بنمله یالکز قالمق
ایچون آرقاداشلریمی آلاشمس دی . اونك بو حر کتنده جرأتکار
بر چیر کینك کوردم . دون اونك حقنده داها صمیمی دوشو
نیوردم . بو حر کتنی آکلایجه ایچمدن صوئوق بر روز کار
کچدی . اونك خود کام حر کتنی و کندی غفتمی « اورخان »
بکه آکلا تمامق ایچون در حال بحی ده کیشدیردم :

— بزم « قلامیش » ده کی آرقاداشلر یارین استانبوله
اینیورلر . سزه طایتمق ایسترم « اورخان » بك ، بیلسه کز نه
ای آرقاداشدرلر .

« اورخان » یالکز بر کله ایله اکتفا ایتدی :

— تشکر ایدرم .

دیره کسیونی اداره ایتدی کم ایچون یوزونه باقامیوردم . فقط
بکا او یله کلدی که او حالا «عزمی» بکک تله فون مسئله سنی دوشو نیور .
بو کون «سهوکی» یمکده بزده ایدی . یالکز قالدیغمز زمان
بکا حیاتندن بر آز شکایت ایتدی . اونك مریم کبی طاتلی
باقیشلریله حالنی آکلایشی بکا چوق دو قونور . « ییلدیز » له
مکتب آرقاداشلغی ایتدی کمز خالد بن «سهوکی» بی دها فضله
سهوهرم . اونك او یله تمیز بر قلبی واردر که هر کسه حرمت و
محبت تلقین ایدر . «سهوکی» قیزک اضطر ابنی ، صاچلرینی اوقشایه

اوقشایه دیکله دم. «فریدکامی» بکک لاقید حرکتلرندن، خوئسز
لقلرندن بحث ایدرکن او یله ایچلی بر صیزلانی شی واردی که تاثیر
دویمه مق قابل دکل .. یوموق آلرینی آووجلریمه آالراق اونو
تسکین ایتمکجه چالیشدم .

— هنوز نه ولتمه دیکیز «سهوکی»، دواملی وجدی بر حیاته
کیرمه دن آرا کزده کچه جک خوئسز لقلر بکا قالیرسه هر ایکیکزک
بر بریکز دن داها فضله علاقه بکه مک ایسته یشکزدن کلیر . بو
حیات قارشیلقلی سرزنشله، اتهامله و ستملرله کچر . سنک قدرده
تجر بهم یوق . فقط نه شرائط داخلنده اولورسه اولسون انسا-
نلری بر برینه باغلایان رابطه لر هپ بویله دورلر کچیرمز می ؟
هپمز ایلك کوروشدیکمز و دوستلغندن لذت آدیغمز انسانلره
قارشی برنجی صفحه لرده فضله حرمتکار کورونوروز . بو حرمت،
بزی قارشیلقلی بر فراغت و انقیاده مجبور ایدر . بر بریمزدن
عادتا فدا کارلق بکلر ز . بو خوش کورونمه نک و خوشه کیتمه نک
برعکس تاثیر ایدر . سزده عینی وضعیتده سکیز . «فریدکامی» بک
سا کن خوئیلو کورونمکله برابر ایچلی و دوشونجه لی بر کنج .
بویله لرك انفعاللری و سهوینچلری غایت سریع در . سنک مونس
و او ایصال طبیعتک یاننده اونک بو حالی آرا کزده بلکه اوافق
تفک خوئسز لقلر یاپار . فقط بونلر هیچ بر زمان قابکزده کی
قوتلی باغلری که وشه ته مز .. بن او قناعتده می که «فریدکامی» بک
سهوکیسنه اطاعتدن ذوق آلاجاق بر کنج در . اونک لاقید
حاللرینی سکا قارشی ترتیب ایدیش قصدی بر حرکت و پر مز-
سهک قلبنده شبهه کیرمز سهوکی ..

شونی ده علاوه ایدهیم ، سن اهل ای دیلکدن قورقه .
 مرحمت ای دیلکدن قورق . اهل و لاقیدی همزده واردر .
 انسانک او یله زمانلری اولور که اک سه و دکلیله بیله مشغول
 اولماز . بو ، روحلیمزه زمان زمان کلوب کیدن بر بحران در .
 بو کچی عارضه لر قوتلی بر کوکل باغنی که وشه ته مز که ! .. هم
 « فرید کامی » بک چوق مشغول بر کنج . او یله بر مسلکی وار که
 کزدیکی ، یورودیکی حتی اکلندیکی یرده بیله اونی مشغول
 ایدر . اونک ایچون کندینه کوره لاقیدی ، اهل دیسه تلقی
 ایتدیگک حرکتلرینی معذور کورمه لیسک ! ..
 کوزهل « سه وکی » پی تطمین ایتک ایچون درین بر فیلسوف
 کیلیمشدم .

بزم افسانه لر و قهرمانلر شاعری « صفوت قدری » بک
 یاننده اولسهیدی بزم بو نقطمه « قصص انبیا » دن مثاللر کتیره رک
 بوتون (میتولوژی) بیلکیسنی صایار ، دو کردی .
 او یله او یصال وسا کن بر قیز که بزم کندیمی زور لایه راق
 طوبار لاریغ بو سبیلردن تسلی بولدی ، نشئه لندی . صو کره
 اونکه « آیای » اسمنده کی یکی و چوق کوزهل بر « طانغو » پی
 مشق ایتکه باشلادق .

کوزلرمله پارمق لریمک بو مشغولیتی آراسنده ینه دوشو -
 نیوردم . ار ککلر مرحمته و عشقه لایق اولمایان انسانلر . « فرید
 کامی » داها بر بو چوق ییل اول « سه وکی » ایله نشانلانیر کن نه
 بحرانلر کچیرمشدی ، آرالرنده در حال بر رابطه بولونمازسه
 اتخاره قدر کیده جکنی بیله سویلیوردی . بو عشق قهرمانی ،

هنوز جدی برعائله یو واسی قورمه دن او اولوملری کوزه آلدیران
عشقی غیب اید یو یردی. اونک ضعیف قلبی ایچون کیمسه برشی
سویله مز. فقط کوکلرینک بویله قرار سنز نهر لر کبی موسم موسم
طاشوب بوشالدیغنی بیلنر بو کچی هیجانلرینه «سه وکی» کبی
بللور قلبی، عشقلرینه صادق قیزلری تشریک ایتمه سینلر ..

آکلیورم که «سه وکی» نک «فریدکامی» یه اولان مربوطیتی
کیتدکجه قوتله نیور. اسکیدن اوکا هنوز ایصینامامش، آلیشاما.
مشدی. فقط اونک کون کچدکجه آچیلان، تیتیزله شن، قیصقا.
نان بر اینجه قلبی وار. شیمدی «فریدکامی» نک حسلری که وشه دی.
ایشته بوتون اولاقیدلکلر، سرزنش لر بورادن کلیور. بکا قالیسه
بو ستمارک، ایچلمه لرك اوکنه آنجاق نه ولنمک کچه بیلیر.
چونکه «فریدکامی» شرفنی بیلیر بر کنج ... آرالرنده کی
رابطه رسمی وجدی برشکل آلیسه حسلرینه داها زیاده حاکم
اولمغه چالی شیر. هم نه ده اولسه نه ولنمک بر اوونمه زمانی واردر.
او زمانه قدرده برده چو جوقلری اولورسه نه موطلو ...

آنهم بکا چوق رومان او قوتما دی. بن ده او قومغه هوسلنمه دم.
فقط حیاته آز چوق یاقین کورونن اثر لر بنده درین بر تاثیر
براقدی. اویله آکلادم که حیاته باشقه لرینک حسابنه کندی
حسلرندن فدا کارلق ایدنلر چوق دفعه آلدانیور لر. هله قادیناه
ارکک آراسنده کی مناسبتر ...

«سه وکی» یه تسلی ویرمک ایچون بو فکرلری صایوب دو کرکن
«فریدکامی» نک داها ایکی هفته اول طرابیه یولنده کی طاتسزلغنی
دوشوندم. «سه وکی» ایله ایلك نشانلان دقلری زمان بن مکتبه

ایدم. اونکه صوکره لری طائش دق. وهیچ بر زمان اونی بکنمه دم .
 فقط « سهوکی » نك نشانلیسی دییه عائله ایچنه قاریشدینی ایچون
 اوکا صمیمیت کوستردم. دوستلغمه آلدیغم انسانلره قارشلی برآز
 لاابالی یم . بونیم ضعفم در. هر طائشدیغم انسانله دوست اولامام.
 سنه لرجه احباب اولدیغم انسانلر واردر . فقط مناسبتمز هیچ
 بر زمان رسمی و جدی اونقدن چیقمامشدر. « فرید کامی » بک ا کر
 « سهوکی » نك نشانلیسی، عائله نك برار ککی اولماسه یدی اونکه
 بوتون احبابلغمز هر تصادفده بر « بونزور » دیمکه قالیدی. فقط
 عائله نزه و صوفره مزه آلدیغمز برار ککه داها صمیمی حرکت
 ایتمکده سربستدم . حتی اونکه کسکین شاقالر یابه جق قدر
 ایلری کیدن بو صمیمیتی بن کوزله « سهوکی » نك حسابنه یاپیوردم .
 « فرید کامی » نك خوشمه کیدن هیچ بر طرفی یوقدی. اونکه
 آرقاداشده اولامازدم . او قدر دورغون انسانلره اوزون بویلو
 احباب اولامام . ذاتاً بنی او کون « یکی کوی » دن دونوشده
 « فرید کامی » بکه قارشلی باروت کبی یاقوب قاووران حرص
 بوندن دوغمشدی . او قدر دورغون بیلدیکم او مسکین آدام
 تیزه مک قیزینه، قارده شمه نشانلی اولدیغنی اونوته رق بکاقوم پیلیمان
 یامغه قالمشدی .

« فرید کامی » بی ار ککلرک بلسکده اک ساده وسا کنی
 بیلوردم . اوشایان حیرت جرأتنی کورد کدن صوکره قناعتم
 چوق ده کیشدی . اک مطیع و مرحمته لایق ار ککلرک بیله قورد-
 لاشان بر زمانلری وار .

کوزله « سهوکی » بی برنسان صباحی قدر براق و ماوی
 کوزلریله دوشونور کورد کجه ایچیم صزیلیور . بو قدر تمیز و سهویملی

برقیزك عشقی «فرید کامی» کبی ار ککلك بوتون عمر لرینی چیچکلندی ر مکه
کافی دکلی ؟ «سهوکی» یه اصرار ایتدم . آقشام یکننده قالدی .

— « غره تا » بی ده چاغیرر ، نه کله نیرز . دیدم .

صوکره خاطریمه کلدی ، علاوه ایتدم :

— « فرید کامی » یه تله فونه ایدلم . کلسین ایسترسه ک ...

— سن بیلیرسک !

کوزهل «سهوکی» کندیسیله مشغول اولونجه اویله سه ویملی

اولیورکه !

کچ وقت قدر کمان چالدی . اوندن برچوق آلا تورقه شریقلر

او کرندم . آرا صیره بویله قرار ویرمه دن همان بر بریمزده طوپلا-

نیویریورز . رسمی ، تشریفاتلی دعوتلردن خوشلانمادیغم ایچون

حائله دوستلری آراسنده یاپیلان بوتکلیفسزجه نه کلنتیلردن چوق

ذوق آلیورم .

یمكن بر آز اول «فرید کامی» بک کلدی . بنم یانمه

«سهوکی» ایله سلاملاشیرکن یوزونک قیزاردیغنی کوردم .

بنمله کوز کوزه کلکدن قورقیور کیدی . بو آدام هر وقت

کوروندیکی کبی دکل . حرکتلری یا شدتلی بر بحرانه ویا خود

شعورسز بر اراده یه تابع .. «سهوکی» یه قارشنی داهادور غونلاشدیغنی

بو کیجه بنده حس ایتدم . ذاتاً دورغون ، آزالا قیردی ایدن

بر آدامدی . شیمدی بودور غونلغنه بر آزده دالغینلق و صور اتسزلق

قاریشدی . الله «سهوکی» قیزه صبر و تحمل ویرسون . بویله

ار ککله بردقیقه یالکز بولونمق بر فلاکت ..!

آرتق یاغمورلر باشلادی . «ته نیس» اوینامق مشکل ..

ذاتا صوك برهفته « قورت » . كينديكم يوقدى . « غزمى » بلك
حر كتى بنى او قدر صوغوندى و ايكرنديردى كه غير اختيارى
اوكله تصادف ايتمك احتمالى اولان يرلره بيله كيتمك ايسته ميورم .
او كنجى بن نه قدر جدى بولور، تقدير ايدر دم . اويله آكليورم كه
ار ككلر حقننه حكم و برمك ايچون چوق دقت ايتمك لازم .

بوكون دوغدونم كون .. آنه م داهار برهفته اولدن صميمى
دوستلر يىمى دعوت ايتدى . آبار تمان پك كنيش اولمادى بنى ايچون
بويوك . اكلنتيلر ، طويلانمه لر ياپاميورز . اونك ايچون كله جكلرك
اسملى اوزرنده اوزون مناقشه لر ياپدق . آنه م بكا كندى
دعوتليرندن باشقه اون كشى چاغيرمام ايچون اذن ويردى .
بو اون اسمى بولونجه يه قدر نه زحمتلر چكدم . مكر بنم نه آز
اجابم وارمىش .

بردهغه « قالميش » ليرله « غره تا » نك اسملى بنى يازدم .
داها آلتى اسم بولمق لازمدى . واقعا آلتى دكل آلتىش آلتى
اسم ده وار . هله بزم قلوب آرقاداشلىرى برطابور طوتار . فقط
بو صميمى اكلنتيده بولونجه جاق دوستلر ك بنى آكلامىش ، جاندىن
انسانلر اولماسى لازمدى . حياتده جمعيت ايچننه بو قدر طانيدق
چهره اولدينى حالده شويله برعائله اجتماعنه چاغيريله جاق بش كشى
بولمقده مشكلات چكيوردم . بر آرز صميمى اولمق آرزوسنى
حس ايتدير مهنن قلبلرندن ، حياتلرندن بجه قالقان اجابلىرى
انسان نه جسارتله صوفره سنه دعوت ايدر . آنه م و يرديكى
ليسته يه اون اسم بولامام . يالكز بزم قلوب ريشنى يازدقندن
صوكره صوك زمانلرده طانيديم چهره لر آراسنده اك درست .

وجدى بولديغم « اورخان » بكي دعوت ايدوب ايمهك ايچون
 چوق دوشوندم . « اورخان » بكي آنهم ده چوق كورمش ،
 ساعتلرجه كوروشمشدى . هله صوك تابلومى ياپاركن همان هر كون
 يانمده بولونمشدى .. « تهنيس » ده طائيشديغم ، انسانلرك اك
 درستی .. فقط عائله سيله بردوستاغمز يوق . بنم ويا خود آنهمك
 بويله برسنه دوريه ايچون اونى نه ويمزه چاغروب اكلنتيمزه المامزى
 دوغرو بولموردم . بوتميز وجدى چوجغك ، « تهنيس » ده كى
 قيزلردن برينه ياپديغى كى دعوته قارشى تله فونله برعذر ديله مهسى
 احتمالى بنى بوسبوتون قورقوتدى . اسمنى يازمشكن سيلدم .
 آنهم ده فكريمى تصديق ايتدى . كندىمى تسلى ايتك ايچون آنهمه :
 — اصابت ، ديدم . بن فنار باغچه لى يم ، او غلظه سرايلى ..
 نه اولسه آرامزده برقيصقانچلق واردر . قورقارم دعوتى قبول
 ايتزده بنى كوچوك دوشورور .
 آنهم بوكا ساعتلرجه كولدى .

اسم كونم ، اپارتمانك ده چيچك كونى اولدى . موسمك
 چيچك ايچون او قدر خسيس اولديغى بو زمان بيله اويله چوق
 دومت كلدى كه او طاهر ، سالونلر رنك رنك ، توبهك ، توبهك
 چيچكه دولدى . طاشدى . دعوتلير يمزك همان همپسى واردى .
 « فريدكامى » كيتدكجه باصان دورغونلغنه رغماً بو كون بر آز
 نشئه لى كورونبوردى . بك سه وديكم « فوندان » قوطوسنى
 اوزاتيركن كوزلرينى يره اينديره درك تبريك ايتدى :
 — چوق ييلار معمر اولورسكز « آى تن » خانم افندى .
 مسعود اولكز ، ديدى .

یائمه دوران « سهوکی » یی قوجا قلیوب جواب ویردم :
 — تشکر ایدرم « فرید » بک . بوسعدتی بنده سز لر ایچون
 تمنی ایدرم . یاقینده مشترک حیاتکیزک باشلانغجینی ده چوق
 اکلنجهلی و نشهلی برکونله قارشیلایه جغز ایشاللاه !
 یالکیز باشیله تشکر ایتدی . « سهوکی » یی اوکا دوغرو
 یوروتدم :

— سن « فرید » بکه مشغول اولده بن مسافر لره باقایم .
 بوکون بنم ایچون راحت یوق ، دیدم .
 واونلری یان یانه براقه راق قالا بالیغه قاریشدم بزم « قالمیش »
 آرقاداشلری کوکل ، غزال ، آسمان بوکون چیچک کیدیلر
 اوچی ده قیرمیزی ایپک زمین ئوستنه ماوی ، صاری ، بیاض
 چیچکلر ، پاپاتیله بلوئه لر سر بیلمش بر ئورنک البسه کینمشلردی .
 اونلری بولونجه هر کسی اونوتدم . بکا برچوق حوادث کتیر دیلر .
 بو دیدی قودیلر آراسنده « عدنان » بکه عائد کولونج بر خبرده
 وار . بکا یوللادیغی مکتوبک نتیجه سندن او قدر امیدلی ایتمش که
 داها جواب بکه مه دن بنمله نه ولنه جکنه دائر آرقاداشلرینه مرثده لر
 بیله ویرمش . « کوکل » دیدی که :

— شیمدی هر کس اوکا صوریور ، « عدنان » بک
 دوکون نه زمان ؟ .

بوزاواللی چوجغک حکایه سنی آکلایوب بومسئله یی ئورت
 باص ایده جک یرده غریب بر تلقی ایله کندینی کولونج ایدیینه
 جانم صیقیلدی .

مکتوب مسئله سنی اونلره آکلادم . بکا حق ویردیله .

ارکک آرقاداشلریمزک دوستلقلردن احبابلقلردن کندی ذوقلرینه
 کوره استفاده ایتمک ایسته ییشلرینی بریمز خوش بولیوردق .
 کون ، چوق نشئه لی کچدی . چیچکلر ، قوقولراچنده کی
 شاطا فاتی بوفه دن همیز برچوق آبور جو بور یدک . آنه مک
 بویله صوفره لر ترتیب ایتمکده مهارتی وار . بو کونکی بوفه یه
 هر کس پارمق ایصیردی . آقشام اوستی چوقلری داغیلدی .
 آنه م تیزه می ، آسانی ، فریدبکی یمکه آلیقویدی بنده «غره تا»
 ایله باباسنه رجا ایتدم ، قالدیلر . بویله صمیمی دوستلر آراسنده
 بولونمق خوشمه کیدیور . اونلرله تردسز ، آنه مک دیدیکی
 کبی غل وغشسز قونوشه بیلوردم . بنی اک چوق نوزهن ایچندن
 بازارقلی ، هر لاقیریدین کندینه کوره معنا ، فتوا چیقاران
 انسانلرله قونوشمق مجبوریتی در . اونک ایچون «غره تا» بی بوتون
 آرقاداشلرمدن فضله سهویورم . چونکه اونک دوشونجه لر یله
 سوزلری آراسنده هیچ فرق یوقدر . قناعتی نه ایسه بنم کبی
 خاطر ، کوکل بیلمه دن سویلر . بو خویمز ایچون بزه پاطاواتسز
 دیورلر . هله انشتم بو طبیعتم ایچون ادیمی «چام ده ویره ن»
 قویدی . مع مافیله بن ممنوم . چونکه خویمی بیلنلر پنجه کوه زه لک
 ایتمکه جسارت ایده میورلر . «فریدکامی» بکک نه زماندر عادت
 ایدیندیکی سکوتده هر حالده بر کون کلوب بر پاطاواتسزلقله
 حرکتتی افشا ایده حکم قورقوسی وارظن ایدیورم . ارککلرک
 بک غریب تلقیلری وار . جرأتلری قناعتلردن فضله .. برقادین
 ایچون دوشوندکلرینی کندی کندیلرینه حقیقت حاله کتیر .
 یورلر . بو تلقی اونلری شایان حیرت جرأتلره کوتوریور .

فقط اوافق بر مقاومتله اويله سنده ليور، رجعت ايديبورلر كه 1
 «فرید کامی» بك ده امید ایدیلهدك بر آنده حیرت ویریحی
 بر هیجانله بكا نهلر سوبله دی. نهلردن بحث ایتدی. فقط حق
 ایتدیکی مقابل تعرضدن صوکره آرتق کوزلریمك. حرکتنده
 بیله تهلهکه کوربیور. شیمدی حتی اوکا بر آز آجیمغه باشلادم.
 او کون عصیتله اوکا نهلر، نهلر سوبله دم. قارده شم کبی سهو-
 دیکم بر قیزك نشانلیسندن اعلان عشق دیکله مک تحمل ایدیلیر
 برشی دکلدی. مع مافیله شیمدی اونی سا کنله شمش کوردجکه
 عادتا ایچمدن عذر دیله مک کلیور.

کیجه چوق اکلندك. ایچمزده اک دورغون کورون
 «فرید کامی» بك بیله نشئه لندی. بر معتاد ایکی پارتی «بریچ»،
 «پوکر» اوینادق. کیجه یاریسندن صوکره کیتدیله. قاپیده
 «غره تا» سوردی :

— هوا ای اولورسه «ته نیس» وارمی؟

— نیتیم یوق. سن ده کیتمزسهك بكا کل بر اوطوموبیل

کزینتیسی یاپارز.

— اولور، بون نوی!

... «غره تا» یه نشان تعلیمی وسیله سیله «عزیمی» بکک

ترتیب ایتدیکی او یونی سوبله دیکم زمان ای قلیلی قیز فنا حالده
 متأثر اولدی. شیمدی اوده کیتمیور. چونکه «اورخان» بکه
 تله فونله نهوده بولونامیه جغنی خبر ویره ن «عزیمی» بک، بر کون
 اول «ته نیس» اوینارکن «غره تا» یه ده عینی معذرتی سوبله مش.

بنامه یالکز قالمق ایچون ایکی آرقاداشنی آلداتان صاف کنجک
ایلك قباحتی بو... بنم اصل عفو ایده میه جکم حرکتی، فکری
آرزوسنی آکلاتمق ایچون بنی یالکز اولارق بر بکار ارکک
نه وینه کیتمه مجبور ایدیشی... بو کیدیش هر هانکی کنج بر
قیز ایچون پک شرفلی بر حرکت دکدر. بن بو خطایی اغفال
ایدیلهرک یاپسه م بیله بویله بر خطانک صوکنده میدانه چیقابیله.
جک یوز قیزاریجی بر حرکتک نتیجه سندن کیمسه مسؤل
اولاماز. اونک ایچون «عزمی» بکک ترتیب ایتدیکی اویونی
کیتدجه، دوشوندجه چیرکین بولیورم.

شیمدی یه قدر طانیشوب کوروشدیکم هیچ بر ارکک
حقنده خصوصی بر فکر بسله مدم. اللرینی صیقدیغم ارکک لری
یاشلرینه کوره بر دوست، بر آرقاداش کبی تلقی ایتدم. بو
کورونوشم کیمسه یه مساعد دکلدی. بوکا رغماً بنم بو او یصال
کبی کورونن حالارمدن بعض آرقاداشلر کندی حسابلرینه بر
تمایل کوردیلر. بر ارکک جسارت ویره جک، اونی تشویق
ایده جک حرکته بولونمادم. چونکه هنوز خیاله وجود ویره
جک بر دوشونجه م یوق. خود بین دکلم. فقط قلبمه، حیاتمه
طأد آرزو و قرارلرده کندی حصه مه داها فضله دوشونمک
ایستم. حیاتمه کیره جک ارکک هر شیدن اول بنم شرفی
طانیاسی لازم.. خصوصی فکر لرینی دیکلتمک ایچون آرقاداشلرینی
آلداتوب بنامه یالکز قالمای دوشونن بر ارکک، بو حرکتیه
بر کنج قیزک شرفنی قیراجغنی بیللملی در. بو قدرینی دوشونه.
میه جک بر ارکک بن الیمی ناصل اوزاتیرم؟

«عزمی» بك چوق زنىكىنلىكنه و انجهلك، جمعيت حياتنده
پيشمك خصوصنده كى غيرتنه رغماً هنوز بر كنج قيزه حلول
ايمهك يولونى بيلميور. بو سقوط خيال اوكا بردرس اولمشدر
ظن ايدر. چونكه شيمدى نشان تعليمارينه بنم كى «غرم تا» ده
دوام ايميور. «اورخان» بك بنم ماصلاق يولونده كى وضعيتى
آكلامش اولاجاق كه اوده پرشنبه صباحلى «ماچقه» تعليمار-
ندن واز كچدى.

اونى اولكى آقشام حریت تپه سنده آنهمله تصادف
ايتديكمز زمان سويله دى. آكلایشلى و حرمتكار كنج.. هيچ
اولمازسه تماس ايتديكى انسانلره قارشى آينه جاق وضعيتى
تقدير ايديور..

ار ككلر، بر قادين حقنده فكر بسله ديلرمى آرزولرى
ايچون بونى كافي كوريورلر. هله كنجلكندن ياخود زنىكىنلىكدن
قوت آلانلر ايچون بو قناعت بك عمومى!.. خوشلرينه كيدن
قادينك كنديلرينى قولايجه جق قبول ايمه ييشى تحفلرينه كيديور.
حتى جدى عائله اساسى قورمق ايچون آچيق آچيق تكليفلرده
بولونانلرى كوچوك بر تردد قارشيسنده حيرته دوشيورلر.
اويله يا، پارالرى وار، كنجلكلرى وار، مشروع برده تكليفلى وار.
بونى قبول ايمهك ايچون سبب اولورمى؟

كنديلرينى بويله قاچيريلماز برفرست كى كوره ن ار ككلر كنه
اولور بر آزده خوشلانقلرى قادين ايچون دوشونولمش فكرلى
اولسه! حياتده يالكز بر طرفك سه و كيسيله دوام ايمه جك برعائله
مناسبتنه بنم هيچ اعتماد يوقدر. صوكره ثروتك انسانى دائماً

مسعود ایده چکنه عقم ایرمز. سعادت دیه بکه دیکمز شی بزى
دائما سه وینچ هیجانلری ایچنده یاشاتان نشئه لی، چیچکلی برحیات
ایسه بونک ایچنده مقدر بر قلب راحتی ایله ایکی باشلی بر سه وکی
بولونمق لازم دکلی؟

یالکز ثروتلریله بر قادینی ممنون ایتمکه چالیشان ار ککله
کندیلرینه مرحمتده ایدیلز سه پک زواللی اولور لر . فقط
سه و کیلسنی عشقنک بوتون قدرتیله بنسه یین قادین دار بر حیاته
بیله مسعود در . سه و میه جکم بر ار ککک وارلنی بنی تعذیب
ایدن بر فلاکت در . « عشق » ، کوکلرک حقی ایسه اونى مادی
واسطه لرله بولغه چالیشما لیدر . دوشوندیکم ، آکلادیغم و تحیل
ایتدیکم عشق ، غداسنی قلب آغریلرندن ، کوز یاشلرندن ،
قیصقا نجلق عذابلرندن آلوب کوکلرده فیلیزه ن بر چیچک در .
بسلمک ، یاشامق ایچون دائما تازه هیجان ، تازه کوز یاشی
تازه قیصقا نجلقلر ایستر ... فقط بر آووج کوز یاشندن صو کره بر
دامله عشق ایسته یه جک قدر فدا کار انسانلر وارمی بیلیم؟

بکا اویله کلیور که اطرافده هر کون برینک قلب حکایه -
سنی دیکله دیکم بو کنجلر روحلرینی و حسلرینی تحلیل ایتمه دن
آنی هیجانلر، بحرانلر ایچنده حیاتلری حقنده قرار ویریور لر .
« عزمی » بکک بنم حسلریمی و آرزولریمی او کره نمه دن بکامشترک
برحیات تکلیف ایدیشتی باشقه نه صورتله تلقی ایده بیلیرم .
سعادت، کوزلری و یاخود صاچلری خوشه کیدن بر قادینک
آله ایدیله سیله بولونه جاق شی می؟ ا کر بویله ایسه حیاته
هپمز، قادین، ارکک توقف ایتمه یین برده کیشیکلک عالمنده دونوب

کیده جکز. چونکه هر کوزل کوزك بر بولو طلی زمانی واردر.
 وهیچ بر کوزهل کوز یوقدرکه کندیسندن داها کوزهل بر
 کوزك رقابتندن، ظفرندن کندینی قورتارسین.. سعادت بیله
 کوره نلر «عشق» ابدیاً حسرت قالمغه محکوم درلر!..

... بو کون هوا آچیق.. کانونلر کیردیکی حالدده بر کون
 کونشسر قالمیورز «سهوکی» یه تلهفون ایتدم. ایسترسه اون بی
 استینه یه قدر کوتوره جکمی سویلهدم. اوافق تفک الملق ایچون
 باباسیله بك اوغنه کیده جکندن بحث ایتدی. «سهوکی» باباسنک
 سهو کیلیسی در. اوکا «یلدیز» دن فضلده دوشکونلکی وار. اونلرک
 بابا قیز ایکی اقران کبی شاقالاشد قلیزینی کوردیکم زمان ایچمده
 درین درین بلیره ن بر آغری دویارم. بن آنه سهو کیسنه
 بلکه ده هیچ بر چوجوغه نصیب اولمایان صیجاقلقه قاندم. آنهم
 بکا باشقه هیچ بر قلب احتیاجی حس ایتدیرمه دی. یاقین وقتلره
 قدر عائله ایچنده بابانک یرینه دقت ایتمز، اهمیت ویرمزدم. آنهم
 بوتون وار لغمی دولدورمشدی. حیاتده آنهم دن باشقه بر استناد
 نقطه سی آرامادم. اونک شفقتی، اونک صیجاقلغی بنی اوقدر
 قاندردی که قلبمده بر باشقه سهوکی احتیاجی حس ایتهم، حیاتک
 هر گوشه سنده و هر آدینمده اونک کوزلری، اونک حساس
 و شفقتلی الی بنی تعقیب ایتدی. آنهم دن باشقه سنک حیاتمده
 بر وارلق اولاجغنی خاطریمه کتیرمه دم. اذدردی والکسه و نیجلی
 زمانلرمده آنهم مک کوکسنده آغلادم و کولدم. اوندن باشقه
 هیچ کیمسه نک قلبمده یری اولمادی. چوجوقلغمند نبری بوتون

خيرچينقلقاريمى، بوتون هيجانلر يمي آنهم چكدى. اوايليكلر يمه
قدر بنم در و اويله ظن ايدييورم كه بن، آنهمك حياتده يكانه
تسليسى يم .

آنهمك بر درين منبع كبي دائما كولكهلى دوران كوز
ببكلرنده بن خيالى كورمه او قدر آليشقينم كه شيمدى، يكرمى
ياشيمه كلديكم حالده هر آقشام ياتار كن يوز ويريش بر كدى
كبي اونك قوجاغنه آتيلمق، كوز ببكلرنده كنديمي آرامق،
اودرينلكده كندى خيالى كوره كوره، امنيتله، سكونتله بر رؤيايه
دالار كبي اويومق ايستردم . آنهمك سه و كيسى كنديمي
بيلنجه يه قدر يووايه آليشمش بر ياورونك دائما قاناد آلتى آرايشى
حالده چكدى .. اوندن سو كره، حياتى ياواش ياواش داها
باشقه شكللرده ادراك ايتد كدن سو كره آنهم بوتون هويتمه،
سينيرلر يمه، دماغمه حلول ايتمش بر وارلق اولدى، آنهمك
دامارلر يمه قدر ايشله ين سه و كيسى بو كونكى حياتده يكانه سه وينجم ..
هيچ بر ذوقم، هيچ بر آرزوم، آنهمك كوزلرينه باقوب ديكلنديكم،
اونك كو كسنه دالوب كيتديكم زمانكى درين و مست ايديجى
حظ قدر بنى تسخير ايمه مشدر .

حياتده و عائله ده بابانك يرينى و بابا سه و كيسى بن صوك زمانلرده
« غره تا » ايله باباسنك سه و يشمه لر ينى كورد كدن سو كره حس
ايتمه باشلادم. اختيار باباسى اونى اويله سه و ييور كه بعضاً ايكي
ايكى صميمى آرقاداش كبي بر بر لريله شاقا بيله ايدييورلر. بن ده
آنهمله بويله يم . آنهم بنم قارده شم، آرقاداشم، هر شيشم ..
« سه و كى » ايله « ييلديز » بزم كبي دكلر .. آنهلر ي اونلره

بنمکی قدر یاقین دکل .. مناسبتری دوستلغه ، آرقاداشلغه
 بکزه میور . تیزم اونلره قیزار ، داریلیر ، آزارلار و بعضاًده
 سه وهر ، اوقشار . آنهم شیمدی به قدر بکاهیچ قاشلرینی چاتمادی .
 اونکله مناقشه لریمز وار . بعضاً برلشمه ن فکر لریمزی بر بریمزه
 قبول ایتدیرمک ایچون نه چتین بحثلره کیره رز . فقط آنهم
 هیچ بر زمان بکاسبب کوسترمه دن ، بنی تأمین ایتمه دن آرزولرینی
 قبول ایتدیرمش دکلدر . آیقیری حرکتلریمی کوردیکی زمان
 بنمله عادتاً جاندن مکتب آرقداشی کبی قونوشور . اونی بر آنه
 کبی دکل فکرلری بندن یوکسک بر آبالا کبی دیکلرم . ذاتاً
 طانیایانلر بزی ایکی قاردهش ظن ایدیورلر !

آنهم بکا داها مکتبه کیررکن بردفعه بابامدن بحث ایتدی .
 بن دوغدقدن صوکره آرالرنده بر اختلاف چیقمش ، اولاً
 چوق سویشدکلری حالده صوکره ، صوکره آکلاشاماشلر و
 و آیریلشلر... آنهم بنم او زمان هیچده احتیاج حس ایدوب
 تفصیلات ایسته مه دیکم بو بحثی کوزلری یاشاردینی حالده اوچ
 کله ایله باغلادی :

— ارککلر چوق انصافسزدرلر « آی تن » ، اونلری ممنون
 ایتمک ایچون بعضاً نه بنم مطلق و کولکلدن سه وکیم کبی بر عشق ،
 نه ده سنک کولکلر قدر براق و جانه یاقین کوزلرک کافی کلز ..
 دورت سنه اول آنهمه کوز یاشی دو کدوره ن بو کله لری
 بو کون عیناً خاطر لیبورم . چونکه او کله لرده بکا ، قلبه وقانمه
 ایشله مش سونمش برالم آتشی واردی .

بوندن صوکره بابامدن بحث ایدیله دی . یالکز مکتب

کاغذ لرنده، پاسپور طمده آدی مک یانسه دو قنور ماجد بک قیزی یازیور لردی. بابامک دو قنور اولماسی، یوزینی کورمه دیکم حالده بنده ای بر تاثیر بر اقمشدی. آنهم بکا او قدر حلول ایتشدی که قلمده بابامه عائد اولان یری ده دولدورمش، حسلریمی ده ضبط ایتشدی. اونک ایچون بو کونه قدر بابامی کورمک، اون ایسته مک آرزوسنی حس ایتدم. وعائله مزدن هیچ بری، نه تیزمه، نه قیزلری بکا بر کون اولسون بابامدن بحث ایتمه دیلر. و بن صورمادم. صورمق احتیاجنی دویمادم.

حتی بر دفعه، غالباً کچن ییلدی. قاضی کوینده بنم غلطه سرای ایله فوطه یاریشنی قازاندیغم کون نه وه کلن بش آلتی بو کتدن برینی آنهم ثوزرنده کی قارتی قوپاروب پارچه پارچه ایتدکن صوکره حرصله باغچه یه فیلاتوب آتدی. تیزهمله قونوشور لرکن بو ده متک بابامدن کلدیکنی آکلادم. حتی بن یاریشی قازانمق سه وینجیله چیلد بررکن تیزه مک اوندن بحث ایتدیکی قولانمه چالیندی. بنم یاریشی قازاندیغمی کورونجه بابامک کوزلری یاشاردیغمی سویلیوردی. صوکره بنم دقت ایدر کی اولدیغمی حس ایدنجه سسلرینی یاواشلا تیلر.

و بن اصرار ایتهدن کندی نشئه مه، آرقادا شلریمه دوندم. اوندن صوکره هیچ بر دفعه بابامه عائد بر خبر و بر کله ایشیتمه دم. «سه وکی»، تله فونده باباسیله سواقه چیقه جفنی خبر و بردیکی زمان بیلیم نهدن بو بر برینه قاریشمش، یاریسی اونوتولش بوغولانمش وقه لری خاطر لادم. بر آنده غائبدن برسس بنی چاغیردی:

— «آی تن، هایدی، سنی کز مکه کوتوره یم.

بو بر آرکک سسیدی. قالین، فقط مونس بر بابا سسی ...
 بوسسک موسیقیسی قولانغمه ایکن ایچریده کی او طه ده آنه مک
 خفیف بر شرقی میریلدانان یوموشاق سسنی دویونجه ایرکیلدم.
 بکا او یله کلدی که بابامه عائد خاطر لر و دوشونجه لر آنه مک
 هیچ بر کله ایله افاده ایده میه جکم سه و کیسنی شبه ده براقاجق ...
 بو تخطر بر آنده قلبمه شیمشک کبی چاقدی. هیچ سبب
 یوقکن نفسلیمک صیقلاشدیغنی، قلبمک چارپدیغنی، آلنمک
 ترله دیکنی حس ایدیوردم. کندیمی آنه مک سه و کیسنه صداقتسزلک
 ایتمش کبی کوریوردم. فقط یوزونی کورمه دیکم، بیلمه دیکم
 باباخیانلک قلبمه بر لحظه یاشاماسی، بنی او یله سرمست ایتدی که
 غائبدن کلن او دونوق سسی دیکله مک ایچون او طه مک سکو.
 نتندن دقیقه لرجه استمداد ایتدم.

حیاتمده ایلک دفعه بابامه عائد حسلر و دوشونجه لر بنی بو قدر
 لذتله مشغول ایتدی. اونک خیالی بوسفر سیلیمه دی، کیمه دی.
 آرا صیره رعشه ویره ن بر بحران کبی وار لغمه کیردی، قاریشدی.
 بو کون آنه مک ایشی وار یالکنز قالدیم. یارین او بر کون
 هوا قارلایه جق. موسمک بو کوزله هوا سندن استفاده ایتمک
 ایستیوردم. غارازه تله فون ایتدم. او طوموبیلی کتیر دیلر. ایچمه
 معاسز بر نشئه سزلک وار. هیچ بویله اولدیغم یوقندی. هر وقت
 سوینج و هوس بحرانلری ایچنده دیره کسیونه کچر کن بو کون
 آرابه می او یله ایسته کسزلکله قوللانیورم که !

خیلی سنه لر یشرمک، فیلزلنمک ایچون فرصت بکله بن
 طوپراغه صاپلانوب قالمش بر کوک کبی بو کون قلبمه حرکت ایدن

بو قوتلی دوینغو بکا دائمی بر نشئه وهیجان ویرمن او جوشقون
 ولاقید حسلریمی تمامیله صاروب باغلامشدی. «سهوکی» بو کون
 باباسیله برابر کزییور. کچن آی اونک اسم کوننده ایلک
 دفعه باباسی اونى آلتندن اوپدی. ایلک هدیه یی او ویردی. و
 بابالری آوروپاده، از میرده اولدیغی زمانلر «سهوکی» ایله «ییلدیز»
 اونى نه ایسته کلی و حسرتلی بر هیجانله بکلر، اوکانه اوزون و صیجاق
 مکتوبلر یازارلر. بابالرینک استانبوله کلیشی اونلرک اکسه و نیچلی
 کونلری در. بن بو حسلری دویمادم و او سهو نیچی طامادم .
 فقط بو کونه قدر باباسزلغک بر محرومیت اولدیغنی بکا حس
 ایتدیره جک جدی بر حادثه کچمه دی . بو کونکی یالکزلم،
 «سهوکی» ایله تله فونده کچن محاوره کوزلریمک اوکنه مجهول،
 فقط لذتلی بر خیال کتیردی. بابا سهو کیسی، عیبا آنه مک قلبی،
 وجودیمی، بوتون وارلغمی دولدوران شفقتدن باشقه می ؟

غاز موصلغنده کی آیاغم حرکتسز . . یاواش کیدیورم .
 یانمدن بر چوق او طوموبیللر کچپور. فقط کیملر فرقنده دکلم. ماصلاغه
 اینن ایکی طرفی آغاچلی خفیف یوقوشه کلنجه آرابه یی «ویتهس» دن
 چیقاردم . یرلر یپراق دولو . . لاستیکلر یپراقلری نه زرکن
 کوزهل بر قوقو و خفیف بر چیتیردی یاپیور. کوکده صوک
 بهارک کچکین کونلرینه مخصوص بر قویو ماویلک وار .
 ماصلاق چشمه سنه کلنجه غیر اختیاری صوله دوندم .
 رسمی یایمق ایچون بر آی کولکه سنده یاشادیغم اورمانی توزله
 مشدم غالباً . . قیصه آقاسیا آغاجلرینک اینجه یپراقلری هب
 دوکولمش، یاواش یاواش اورمانک اسکلتی کوزونیور.

کوشکک اوکنده کی میدانلغه کلدیکم زمان «اورخان» بکک
آتی هر وقت باغلادیغی اخلامور آغاجنک یاننده کوردم .
کندیسی یوقدی . او طوموبیلدن اینمدهن اطرافی کوزدن کچیردم :
— بونزور خانم افدی .

کوشکک مرمر آنتره سنده کی قورقولغه، بئم رسم یاپدیغیم یره
اوطورمش، سیغاره ایچرکن کوز کوزه کلشکک .

— بونزور «اورخان» بکک، سز بوراده، اویله می ؟

آرتق قالمش یانمه کلیوردی .

— آتکزی کورونجه حیرت ایتدم، دیمک سزده بوراسنی

سهویورسکنز .

— اویله بر یر انتخاب ایتمشکنز که ذوق آلمه مق ممکن

دکل، ناصلسکنز سز ؟

— تشکر ایدرم «اورخان» بکک . بو کون چوق ایچم

صیقیلیوردی . هوایی ده کوزده بولدم ، چیقدم . بورایه کلک

فکرنده دکلدم . فقط کچرکن همان همان غیر اختیاری صاپیوردم .

— اصابت ایتدیکنز، کوروشمش اولدق . بن بلکه ده یاریم

ساعتدنبری بوراده می . اورمانک بو موسمه غریب بر حالی

وار . انسان بر سهوکیلی خسته سنک باشی اوچنده ایمش کبی

آیریلق ایسته میور .

یاپراقسز قالمش اینجه داللرک بر انقاض حالنده کورون

منظره سنه دالدم . بعض آغاچلرده تک توك قالان رنک رنک

یاپراقلر، سرت ماوی هوانک ایچنده تیره شیورلر . «اورخان»

بکک یأسلی دوشونجه لی حالی، ذاتاً نشئه می سیلینهن قلبه بر

کیجه قرا کلنی کبی چوکدی .

دنياده هيچ بر ايسته کي قالمش انسانلر کي حر کتسز
 قالمشدم . هيچ بر موسم بکا بو صوڪ بهار قادر ملال دولو
 کورونمدهي . اک سرت قيش کونلرنده کي كيفمله آي ، قوقو و
 حرارت دولو بهار کيجهلرنده کي نشثم آراسنده هيچ فرق
 يوقدي ، بيلمورم ، که بوکون بني بر خسته کي سونڊوره
 سبب يالکزرلغم مي ، موسمک رنکسز لکيمي ، حزني مي ؟
 — دوشونيورسکز « آي تن » خانم دالديکز .

— يوکون بر تحفظم وار « اورخان » بک ، صباحدنبري
 نشئه سزم .

— بر شيئه مي جانکز صيقيليدي .

— خاير ، ذاتا جانمي صيقه جاق شيلري چابوق اونوتورم .

فقط بيلم نه دن بوکون بر ايسته کسزلکم وار .

— آکلاشيلماز بر قيزسکز « آي تن » خانم .

کوزلرم دالمش ، الارم جيلريمده ، يالکز دوداقلريمک
 حرکتني خاطرليورم .

— کيم بيلير ، بلکه ؟

غالبا اوده صوصدي . ساکن وجانسز اورمانک ميدانلني

کوزلريمک اوکنده حرکت ايدييور کيدي . يرله برابر قايب

کيتديکمي ظن ايدييوردم . يالکز قورو دالردن عبارت قالمش

اورمان پارچه لري بر رسملي قارت پوستال کي هواده اوچو

شيور ، کوشکک بويوک پنجره لري بر فيريلداق کي بوشلقده

دونوب دونوب يره چارپيور .

— دوشه جکسکز ، نه اوليورسکز ؟

نه اوليوردم . كوزلرم قارار يوردى . « اورخان » بلك
سرت اللرىنى بيلكلرمده حس ايدنجه اير كيدم . باشم دونيوردى .
فقط در حال كنديمه حاكم اولدم .

— برشى دكل ، دالغينلق غالباً .. نه اولدى ، قورقديكزىمى

يوقسه ؟

يوزو بيمياض اولمشدى . دقله يوزومه باقيوردى :

— فقط سز نه اوليورسكز « اورخان » بك رنككز

ده كيشدى ..

كوز ببلكرينك پارلاقلى عودت ايندى :

— بى قورقوتديكز « آى تن » خانم ، او قدر دالمشديكز كه .

ياواش ياواش يورويوردق . او ، اسكيدن آراصييره كندينه
كلن بحر انلردن بحث ايديوردى . مكبتدن چيقدقدن صوكره
بويوك برفلاكت كچيرمش ، دوستلرى ، عائلهسى و دوكتورلرى
اونى آچيق هوالى يرلرده اوزون كز مه لره تشويق ايتمشلر .
اونك ايچون حيوانه مراق صارمش ، اسكيدن (غلطه سراي) ك
مستثنا بر مركز مدافعى اولديغى حالده شيمدى سپورك يالككز
نه نيسله ، سواريلك قسمنده چاليشيور .

— سزى بحر انه دوشوره ن بويوك آلم نه ايدى « اورخان » بك . ؟

بوسؤال دودا قلمدن چيقار كن عقم باشمه كلدى . بر باشقه سنك
خصوصيته ، اسكى براضطرابنه عاندشيلرى صورمه نك مضاسزلغنى
كیده ره جك كلهلر آرامنه چاليشير كن جواب ويردى :

— بابامى غيب ايتمشدم « آى تن » خانم . كنجلك ، تجربه سنلك ،

آلشقانلق ایچنده او محرومیث بکا چوق آجی کلمشدی . شیمدی
بیله خاطر لادجه حالا اونک آجیسی بر ایکنه کی قلبی صیلا تیر .
صو صدی . کیم بیلیر نه لر دوشون یوردی . بلکه ده باباسنک
یاننده طبق بو کون « سه وکی » نک یابدیغی کی ایسته دیکنی
آلمق ایچون کزوب دولاشدیغنی ، آقشاملری باباسنک عودتنی
ناصل ذوقله ، هیجانله بلکه دیکنی خاطر لیوردی ، ایچمدن کلن
درین بر تحسر ، کله لر حالده دودا قلمدن دو کولدی :

— حقکز وار « اورخان » بک ... بابا شفقتنی دو یانلر
اونک حسرتیله آغلامقده حقلیدر لر . چونکه اوندن بوسبوتون
محروم قالانلره کوز یاشلری بیله تسلی ویرمیور .
ایکیمزده صوصدیغمز حالده ضبط ایده مه دیکم بر تائر کوزلریمی
یاشارتدی ..

درد طرفزی چویره ن قوورو اورمان اسکلتی ایچنده حبس
ایدیش کیدک . بو قدید آغاچلر ، چیر کینه شن طوبراق وسرت ،
قورو هوا ایچنده بوغولیورم ظن ایتدم .
— بو صیقینتیلی بردن چیقالم « اورخان » بک دیدم .

یاواش یاواش بنی تعقیب ایدیور . سه وکیلی بردونستک مزاره
قدر تشییعندن دونیورمش کی ایکیمزده قورو بر یأسله صوصیوروز .
« اورخان » بکه بو کون تصادقم صباحدنبری ایچمده بریکن
سببیز ویا خود سبیلی اضطرابه بر آز تائر داها علاوه ایتدی .
اونک ده حیاتنده آراصیره آجیسنی حس ایتدیره ن تائر لر وار .
ایکیمزده بر بریمزک یأسنه حرمت ایدرک صوصیوروز . بو یوک
جاده یه چیققدق . هنوز ایر کندی ، نه وه دونسه م صیقيله جقدم .
یوقاری یه صابدم ، « اورخان » بک بنی تعقیب ایتدی .

— حاجی عثمان بایرنده بر کوشك وار. نه زماندنبری کورمک
ایستیورم . بکجیسی سوزویردی . کیده لمی اورخان بک .
— سزبیلیرسکنز خانم افندی .

بوزوق یولده بر آز سننده له دکن صو کره یازین صیق
آغاچلردن حتی چاتیسی بیله کورونمه یین بویوک کوشكک باغچه سنه
کیردک . بو ، اسکی پادشاهلردن برینک آو کیفی ایچون
شوراده ، بوراده یاپدیردینی مصرفلی کوشکلرندن بریدی ...
فقط نه مکمل بر باغچه سی و قوروسی وار . ایکی حبش بکجی
کوشكک اوکنده چالی چیرپیدن آتس یاقغه چالیشیورلر ...
برایکی دفعه آنه مله کلدی کمز ایچون بنی طانیورلر . او طوموبیلدن
اینجه قارشیلادیلر .

باقیمسزلقدن بعض آیاقلری قایمش مرمر کنیش مریدیونلردن
حقیقورز . آغا ، بویوک قایی پی زورلقه آچدی .
نه سویملی نه شیرین بر آدام ، اسکیدن سرایلرده حرم آغانلی
یایارمش . اونک ایچون چوق تربیه لی ... بزى کزدیررکن
کوشك حقده معلومات ویریور :

— سلطان عزیز بو کوشکی آو ایچون یاپدیرمش ...
آرا صیره کلیر ، اورمانده اولانیر ، بوراده ده یمک یرمش .
قیشین ، قارده بورالره چوق قورت کلیر ..
یاری یرلرینه قدر کوزهل چینی پارچه لریله سوسلنمش بویوک
بو بوش او طه لر ، کنیش سالونلر ، فقط هپسی خراب و ثورو محکلی ..
— صو کره بوراده سلطانلردن بعضیلری ده او طور مشلر ..
اوزمان بر آز باقیلمش نه اولسه داغ باشنده کیمسه سز بر بنا ..

دیوار لرنده آباق سسلریمز عکس ایدن بوش اوطه لرك منظره سی
ایچمه قورقو دوشوردی . بر کیرا نه وی کزر کبی بر آزده
ذوق سزجه فقط مسرف بر الله یاپیلان کوشکی کزوب چیقار کن
آرقامزدن حالا کوشك حقنده کی بیلد کلرینی صایوب دو کهرک
کلن آغا ایچنی چکدی :

— کوزه لم کوشك ، یازیق اولوب کیدیور . کیرایه
ویریله جک دیور لر . نه اولور ، شوراسنی سزطوتسه کز ، قاری
قوجه تامده سزه لایق بر کوشك .. بزده خدمتکزه باقار ،
سایه کزده کچنیرز ..

کولمه مک ایچون دوداقلریمی ایصیردم . برکت یوزومی
کورمیوردی . «اورخان» بک سسنی چیقارمادی . بر آز سوکره
آغایه صوردم :

— بوراده یالکز جانکز صیقیلمازمی ؟
دنیا نك محنتنی چکمش کبی هر چیز کیسند . بر یأسک خاطره سی .
دوران بوروشوق یوزی کولمه ک جالیشدی :

— نه یاپالم خانم افندی ، صیقیلسه ده ، صیقیلماسه ده اوطوره جغز ؟
یاواش یاواش یورویه رک اوطوموبیلک یانه کلدیم «اورخان»
بک کریده قالمش ، آغالرله برشی قونوشیوردی . مؤتوری ایشله توب
سسندم !

— کیدیورمی یز اورخان بک ؟
یانمزه کلن آغالره وداع ایتدک . ئوزرمده پارا یوقدی .
بو یچاره آداملره برشی ویرمک ایستردم ... عقلمدن کچنی بیلمش
کبی «اورخان» بک آتیه بنه دن ایکیسینه برلیرا ویردی . اسکی

تربيه ايله يتيشن بوايكي حبش مخلوقى سه ويندirmek نه قولاي ..
باغچهك يالكز ايكي ديوار آراسندن عبارت قالان قايپسندن
چيقدق ، عودت ايدىيورز. بر آزيول ويرديكم اچون (اورخان)
بك آتى ينه درت نعله قاليردى ..

— قاجق ايستيورسه كز مانع اولمايه يم «آي تن» خانم!

ديه هايقىردى .

وجوابعي بلكه مەدن يولدن آيريلدى كسدير مەدن فوندالق
اچندن بنم چيقه جغم بويوك جاده يه صايدى ...

ايكي دقيقه صوكره بن اورايه كلديكم زمان او بنى كچمش
بولونيوردى . هيچ بر شى سويلمەدن آتى سورهركن اوکا
سسندم .

— قورنازلق ايتديكز، غافل اولاديكز، «اورخان» بك

ديدم .

— سز غفلت ايدرميسكز هيچ ... فقط اهميت ويرمه -
ديكز. اصل سز بنى دالغينلغه كتيرديكز.

— دالغينلق .. فقط ياريشده دالغينلق عضو ايديلز كه!

— بعض دوشونجه لر، بر ياريشى سوه سوه غيب ايتديره -

جك قدر قيمتلى در .

— اوو .. بومهم شى «اورخان» بك .. دوغروسى بكاك

بويوك هيچانى طانديران بر ياريشده ذهنم دوشونمكدن قالير ..

— بو قدر مادي اولاجفكزى هيچ ظن ايتم «آي تن» خانم .

مادي اولوق، مادي دوشونمك بيلميورم كه برقادين اچون

نه قدر ممكن در .. «اورخان» بكك بوجوابى بنى ايفاظ ايتدى .

بن کندی می هیچ تحلیل ایتش دکلم. بکا قلب هیجانلری ویرن
 وقه لر نادر در. فقط بونلرک محقق بر یاریشه، برمادی آرزویه
 باغلانوب قالدقلرینی خاطرلامیورم. حیاتده بلکهده چوق آاز
 کوزیاشی دوکدم.. ادراک ایتدیکم عمرم، هپ سهوینچ وقهقهه
 ایله کچمشدر. فقط قلبی درین درین آغریتان اضطرابلرم
 واردرکه بعضاً کوزلرمدن سهوینچلر طاشارکن بیله بن اونلرک
 آجیلرینی دو یارم.

— نه یاپورسکمز، «آی تن» خانم، دقت ایدک!

بر آنده دیر کسیونی چویردم. سرت برور اژدن کچویردم.
 او قدر دالمشم که (اورخان) بکک او ایقاظنی اولماسهیدی یانده کی
 کنیش خند که دوشه جکدم.

— کوردیکزمی، ایشته ینه دوشونبورسکمز، مادی اولا

مازسکمز، سزده او حال یوق. دیمه دمی؟

— حکملریکنز بک قطعی «اورخان» بک. فقط اوله ده
 شانسکمز وار که سز آرامه دن تصادف سزه شاهدلر کتیریور.
 اوله دکلی؟

— حکملریمی چوق کچ ویریرمه اوندن در «آی تن»

خانم.. قناعت ایتدیکم شیده یانیلدیغم نادر در.

— برشی حقنده کچ حکم ویرمک، قناعت کتیرمک ایچون

اونکله مشغول اولمق لازم دکلی!

— طبیعی!

— باشقه لرینک حسلریله، دوشونجه لر یله مشغول اولمق

ایچون کندیکزده حق کوریور میسکمز؟

غایت آغیر کیدیوردق. ماصلاقدن صکره کی خفیف یوقوشی
چیقدیغمز ایچون غازی آز باصارق آرابه بی ال آغیر سرعتیله
یورویوردم .

«اورخان» بک صوک سؤالمدن صوکره صوصدی .. اونک
جواب ویرمهیشی بنی لاقیردی بی ده کیشدیرمکه مجبور ایتدی:
— کزدیکمز کوشک نه کوزهلدی دکلی «اورخان» بک ؟
— فنا دکل ، فقط آغانک بزى قارى قوجه ظن ایدیشی
داها خوشدی .

— بزم «سهوکی» ایله «ییلدیز» ده کتیروب کزدیرمک
ایستیورم. اونلرک یاننده سزدن بحث ایدرسه .. کەشکی تصحیح
ایتسه یدیکنز .

— حقیقی صاقلامق ایسته م «آی تن» خام. دیلم وارمادی ..
— نه یه ؟

— بکجینک بزى نه ولی ظن ایدیشی تکذیب ایتمکه !
— بر یابانجینک حقمزده کی ظنی، داها دوغروسى غفلتی
سزى علاقه دار ایدرمی ؟

— بر نقطه دن !

— نه کبی ؟

— بکا عائد دوشونجه لری صیمی و صاف بر قناعتله افاده
ایدیشی نقطه سندن . . .

— شو حالده اونک ظنی ایله سزک دوشونجه لریکنز آراسنده

بر اشتراک وار ؟ . . .

قارشیدن کلن او طوموبیل اونى کرى براقدى . توزدن

قاجق ایچون بنده بر آزیول ویردم.. بر آز صو کره بر لشدک..
فقط «اورخان» بک صوک سؤالمه بکله دیکم جوابی ویرمه دی...
وتبه قدر بر شی قونوشماق .

اونی حربیه ده بر اقوب آریلیر کن آتی یا قلاش دیردی . .
— «آی تن» خانم، آرتیق «ته نیس» ه کلیورسکنز .

— اوت، دیدم، هوالر ده کیشدی. صو کره بیلیم نه دن..
اوراسی پک قالا بالیق اولیور. داها ای بر «قورت» آریورم .
— حقکنز وار . کوچوک قلوبک «ته نیس» یری چوق
کوزهل.. ا کرایسترکنز سزه دلالت ایده ایم .

— تشکر ایدرم . هوالر موافق کیدرسه .

— سزی کلوب آلمه مه مساعده ایدر میسکنز ؟

— های ، های ؟

باشلریمزله سلاملاش دق . غازه باصدم. ایکی دقیقه صو کره
« غار اژده ایدم : اوطوموبیلی بر اقدقن صو کره آپارتمان قدر
یا یا یورودم . بو کون داها زیاده یورومکه احتیاجم واردی .
باشقلرینی بیلیم . بن یورورکن ، وجودم یورولورکن دماغم
دیگله نیر . مکتبده، امتحان آرالرنده بر ساعت چالیشیر، صو کره
بانچه یه چیقار ، صیق آدیملرله اون بش، یکریمی دقیقه یوروردم.
بو یورویش صیره سنده اولجه اوقود قلم داها ای استیف اولور،
یرلشیر ، اوقویه جقلم ایچون ده یر آچیلیر، حاضر لانیردی .

بو کون غرب ب برایچ صیقنتیسیله باشلایان بر برینی آزدیریمی
تصادفلر ، وقعهلر اک سه و دیکم ، اکلندیکم یرده بیله بکا کوز
یاشی دو کوردی . بنم الک زیاده تسلی یه و مشغول ایدیلمکه محتاج

اولديغ برصرده « اورخان » بلك پك سه وديكي باباسندن بحث
ايدوب اغلايشى بنى بوسبوتون فنا لاشد يردى، شمى اچمده
اويله بردورغونلق وار كه آوتقم اچون اپي يورولمق لازم .
تقسيم تراموايلرينك دوردينى يردن قارشى به كچوردم .
آرقه مدن برسس بنى چاغيردى . باشى چويرنجه « سه وكى » ايله
قارشى قارشى به كلم .

— شىمدى سزدن كليورز . نه وده كيمسه يوق تيزه دها
كله مش . سزده يوقسك . حالبو كه آنه مده كله جك ، هپ
سزده بولوشه جقدق ..

— بن نه وه كيديورم ، بر آزدولا شىمدى . انشته مزده ؟
— اوسزده قالدى ، بن تراموايله نه وه قدر كيدوب كله جكدم .
— نچين ؟

— هيچ .. « ييلديز » ي آلوب كله جكم .

— تله فونه ايت ، كندى كلسين .

— اولور ، اويله ايسه دونه يم .

« سه وكى » نك حالى بكقارده شنى آلمق اچون ديشارى چيقمش
حسنى ويرمه دى . اونى بر آرز سويلتمك ايسته دم :

— بو كون نه ياپدك . . .

— هيچ ، بابامله مغازه مغازه دولاشدق . بر آرتق آنه مده كلدى .

— دو كون حاضر لنى دكلى ؟

— ياواش ياواش ، .

— « فريد كامى » بكي بو كون كوردكى ؟

— خاير .. كچن پرشنبه بزده ايدى . بر دها كورمه دم .

— اوده حاضر لانيور دكلى ؟

— بيلم، اوندن فضله قيز قارده شلری حاضر لانیور غالباً!..
— سن «بیلدیز»ی آلمغه کیده جکنی سویلیوردک . بو
تراموای بک اوغنه اینز. یوسفه شیشلیدن طاشیندیکزمی ؟
بردنبره قیزاردی. نه کوزهل قیزیاری. اویلهده اوتانغاج که.
قولاق مهلری بیله پنجه اولدی . اونی لاقیردی به طوتوب
تام زمانده شاشیرتمشدم .

— دوغرو سویله «سه وکی»، دیدم، سن بک اوغنه اینه جکدک.
نه ایشک واردی ؟

آرتق مدافعه امکانی اولمادیغنی آکلامشدی. قولومه صاریلیدی:
— واللہی بر شی دکل، دیدی، ده مین بابامله دولاشیرکن.
بر مغازهده شیق بر بویون باغی کوردم. اونی آلاجقدم .

نه تمیز، نه جیجی قیز. بویله آلماس قدر پرورسز قلب صاحبی
نشانی اہمال ایدیلیرمی؟ ارککلر حقیقت چوق انصافسز و چوق
نانکور انسانلر! . بوچیچک کبی قیزک قلبنه و سه وکیسنه اہانت
ایدن ارکک بدبخت اولمغه محکومدر.

بک اوغنه اینمکه قیاقم مساعد دکلدی. اوطوموبیل ایچون
دوز اوکچہلی اسقارپینلر، قابا بر یون جاکت، موشامبه شاپقه،
کنیش آقوردیونلی بر نه تکله چیقیوردم.

— ئوستم، باشم مساعد اولسهیدی برابر کیدردک «سه وکی»
دیدم، هایدی سن ایسترسهک کیتده، چابوق دونرسک!
صیقیلدی، بوکا فضله اہمیت ویرمش کورونمه مک ایچون
باشنی ساللادی:

— نه لزوم وار آجام. بو کون اولمازسه یارین آلیرم،

هم اونى بو كون كوره جك دكلم كه!.

— ضرر يوق، سن آلدە، بلكه بو آقشام كلير.. كلز سەدە
دعوت ايدەرز، مادام كه بر طوپلانىش وار.

بو اصرارم اونى سەويند يردى. «سەوكى» نى بكنديكى بويون
باغنى آلمق اچون كوندردم، سەودىكنى، سەوكىلىسى ممنون
ايتك اچون بو قدر مشغول اولان بو كنج و كوزەل قيز انشاالله
مسعود اولور. اونك سەوكىسى او قدر درين و اچلى كه ..
بيلميورم «فريد كامى» بك بو قيمتلى جوهرى آكلايه بيله جكمى؟
حالبو كه «سەوكى» نك سويله ديكنه كوره بر هفته دنبرى
اوغرادىنى يوقش ...

آنەم بكا خبر و يرمەدن بو آقشام تيزەمى، ئەنشتمى دعوت
ايتش .. اصابت .. بو كيجه بنمده بر آز كوه زەلك ايتمه
احتياج وار.

انشتهمى آپارتمانده بولەم. خدمتچى يە ويسكى كتير تمش،
بزم ياتاق او طەلرينك بيوك بالقوننده كيف ايدىيور.

— بو آقشام يە حرم دائرە سنده يز غالباً «آى تن» ديدى.
بارى آرقاداشلارندن بر ايكىسنى چاغيرده قالاباليق اولالم.
انشتهم داها زياده ارڪك احبابلردن، ارڪكلى جمعيتلردن
خوشلانير. ئەويمزده ارڪك اولمادىنى اچون بزە كلديكى زمان
يە حرم دائرە سنه كيردك دير.

— اونلرى طوپلامق قولاي دكل كه انشته ديدم هر برى
بر طرفده، مع مافيه «غره تا» يە خبر كونده رەيم. فقط او
باباسيله كلير.

— ضرر يوق. چکه چالارز!

— سز «فرید کامی» بکه تلهفون ایتسه کزه..

— اونک هیچ کوروندیکی یوق. ایشلریمی واردر نه در.

او ایشی ده سن یایسهك فنا اولماز. بز حاریل حاریل دو کونه
حاضر لانیورز. بو کون «سهوکی» یه کوزهل بر یاتاق او طه سی
آدم. کلبك آغاچندن.. باقلم سن بکنه جکمیسك؟

— سزك اتخابکزی بکنمه مك حدمی انشته..

بو یله آایلر انشته مك پك خوشنه کیدر..

— هایدی چاقین، ینه باشلامه ده دید کلریمی یاپ. بز مکیلر ده

اما کچ قالدیلر ها.. بو یله فنه ر بکجیسی کی بالقونده یاپ یالکز

ویسکی ایچمک ده پك آلا نغله اولیور.

«غره تا» یه خدمتچی کوندر دکن صو کره مطبعه یه تله فونه

ایتدم. «فرید کامی» بکی آرامم. هنوز کله مشدی. نومرویی

ویروب کلدیکی زمان آراماسنی رجا ایتدم.

کلیرسه «سهوکی» هدیه لرینی بو کیجه ویرر.

کوزهل قیز نشانلیسنه سور پریز یایمق ایستیور. فقط اونک

اویله تمیز، ایچلی برسه و کیسی وار که قلبنی دولدوران هیجانلری

سربستجه افشا ایده میور. بکا اویله کلیرور که بنم بر نشانلیم

اولسه، اونی ایسته دیکم کی سه وسه م بر کون بیله بندن اوزاق

قالمه سنه راضی اولمایه جغم. نه قدر ایشی اولورسه اولسون، بنی یاریم

ساعت بیله کورمه دن کوننی کچیره ن بر نشانلی خوشمه کیتمز..

«سهوکی» نک برهفته یی آرانیمه دن کچیریشی بیله بنی سیزلندیر بیور.

آنه مله تیزه م برابر کلدیله. بو کون تیزه م چوق یورولمش،

دو کون ایچون بر چوق شیر آلمشر . . شیشمان وجودینی
قولتوغه براقه رق نفس نفسه شکایت ایتدی :

— بو دو کون حاضرلغی ده بنی بتیره جک . صباحدنبری
مغازه مغازه کیروب چیقمقدن آیاقریمه قارا صو ایندی .
وصو کره آلدقیرینی، بکسندکلرینی آکلاتمغه باشلادی .

— «فریدکامی» بک ایچون اتخاب ایتدی کمز کوملک قوما
شنده دوغروسی بنم بیله کوزوم قالدی . کورسهک «آی تن»
اویله کوزهل که!

تیزمه آرتق مروت کورمکه حاضرلانا آنسه لرك حالی
کلش، چکدیکی زحمتلردن، اذیتلردن بحث ایدرکن کوزلرینک
ایچی کولیور .

اونلر هپ بو دو کون دیدی قودیلرینی قونوشورکن
تله فون چالدی قوشدم . فرید کامی بکک سسی :

— چوق تشکر ایدرم «آی تن» خانم، بنی آرامق لطفنده
بولوندیغکنز ایچون بیلیم که سزه ناصل تشکر ایدیم ؟
غایت جدی، حتی بر آز سرت جواب ویردم :

— عفو ایدرسکنز «فرید» بک، واقعا بن آرادم آما بو بر
وظیفه ایدی . بو کیجه انشتم، تیزمه وسه وکیلی «سهوکی» کنز
بزده لرده . . اونلرک نامنه سزی ده دعوت ایتمک ایچون آرامشدم،
تشریف ایده جکمیسکنز؟

بر آز توقف ایتدکن صو کره جواب ویردی :
— مادام که سز تله فون ایدیور . سز دلالت ایدیورسکنز .

مع المنونیه ...

— اونلرك نامنه تشكر ... بكليورز افندم ..

تلهفونى قاپاتوب دونديكم زمان « غره تا » ايله قارشىلاشدم .
بو كيجه باباسى دعوتلى اولديغى ايچون يالكىز كلديكى سويله دى .

— بابا كك معذرتنى بزمكيوره آكلات ، سن كلدك يا بكا كافي .

ديدم . آنهمله تيزم ، بيم بر آزده نزا كتسزجه كبي
كورونن جوابمه دوداقريني ايصيرديلر . فقط « غره تا » ايله
اوقدر تكليفسز اوقدر لاابالى نر كه بويله شاقالر آرامزده همان
هركون تكرر ايدر . بر آراق بكا انكليزجه صوردي :

— نشان تعليمنه كيتيورسك دكلى ؟

سويلر كن كوليوردي .

— خاير ، ديدم . حتى « تهنيس » ي ده براقدم . ذاتا

هوالرده بوزوق !

— بو صباح « عزمى » بك « قورت » ده سنى صوردي ..

بمده كيتديكم يوقدى . فقط بوكون هوايي كوزهل كورونجه

دايانامادم . كيتدم . معمافيه بر پارتى دن فضله اوينايامادق .

« عزمى » بك برقاچ دفعه سنى صوردي . كله جكنى اميد ايتدى .

عجيا راحتسز مى ديه اندیشه لى كوروندى . صوكره آريلير كن :

— كنديسى زيارت ايتسهك ناصل اولور عجيا ديدى .

بن سنى مشكل موقعده براقه مق ايچون :

— راحتسز اولديغى ظن ايتم ، چونكه دون آقشام

اوطوموبيله دولاشديغى بيلورم . هر حالده بر معذرتى اولاجق ديدم

— نشان تعليمندن هيچ بحث ايمه ديمى ؟

— برقاچ كون راحتسز اولديغى ايچون خبر ويره مه ديكنى ،

اسکسی کبی بزی بکله دیکنی سویله دی .

« غره تا » هم سویلیور ، هم کولیوردی :

— آرتق نشان تعلیمی یوق ، دیدم سن ایسترسه ک دوام ایت!

« سهوکی » ، « ییلدیز » کلشردی . میک وقتنه یاقین « فرید

کامی » بکده کوروندی . نه ویمزه کلن و آرتق اقربادن صایلماسی

ایجاب ایدن بر مسافره حرمت و خدمت ایتمک بنم وظیفه مدر .

یالکز بو محبوریتله « فرید کامی » بکی غایت دوستانه قبول ایتدم :

— بو کیجه یی سز اوله دن کچیرمه یی بریمز ایسته مه دک .

« فرید » بک ، سزه مژده لری بن ویره جکم . بو کون یووا کز

ایچون او یله جیجی شیر آلدی که !..

« سهوکی » آرقه مده بوتون سهو نیجه کولیور . نشانلیسنک

کلوب کندیسنی قوجا قلاماسنی بکلیوردی :

— باقک شو کوزل قیزه « فرید » بک دیدم . سزه برده

شیق هدیه سی وار آما ، هایدی کوه زه لک ایتمه یه یم ، ئویوشکده

اونی کندیسی ویرسین !

و اونلری قارشی قارشی یه براق ایستر کبی کری یه چکیلدم ،

« غره تا » ، « ییلدیز » ، بن ، آنترده اونلری سیرایدیوروز .

ایچریدن انشته مک سسی کلیور .

— زده بزم داماد ، لافه طوتما یک آجانم . ده لیقانلی یی

کوره جکم کلدی . « فرید کامی » حرکتلرینی شاشیرمش ،

طوی بر محله چوجوغنی کبی قیزارمشدی . همزک اونلری سیر

ایتدی کمزی کورونجه داها فضله دورامادی . « سهوکی » یه

صوقولدی ، اللرینی طوتدی ، بر بابا کبی اونی آلتندن ئوپدی .

اويله حرصلاندم. اويله سينيرلندم كه ، بنم نشانليم اولسه يدي ،
 صاچلرندن طوتار ، باشنى ديواردن ديواره چارباردم. نشانليسنى
 برطورون سهور كچي آلندن ئوپن آدامه تحمل ايديليرمى ياربي !
 حدمتى بللى ايمه مك ايچون اونلره برداها باقمه دن اچرى به
 كيردم . « غره تا » ايله « ييلديز » بنى تعقيب ايتديلر . فقط
 بز داها سالونده اوطورمامشكن « فريدكامى » نك باشى قابيدن
 كوروندى .

— انشتم ، آنهم بومناسبتسز آدامه طاقييورلردى :

— آرتق تشرىفاتله ، دعوتله مى كله جكسكنز « فريد » بك
 غالبا غزته ده ايشلريكز چوق .. نه حوادثلر وار باقلم .
 انشتم ، بر آنده ويسكى بارداعى اوته كنده شام فيستيقى
 يمكه قالقيوردى :

— شيمدى حوادثى فالان براقك ده صوفره باشنه كيدهلم .
 هم يمك ير ، هم قونوشورسكنز .

او ، آرتق كندينه آغير برقان پدرحالى ويرمكه چاليشيور .
 يا تيزم ، قاينانا اولمغه آزلدن تشنه ايمش .

يمك اوطه سنه كچك . . يرلرى بن ترتيب ايتمشدم .
 « فريد كامى » نك صاغنده « سهوكى » صولنده « ييلديز » واردى .
 بز « غره تا » ايله بر اوجه يرلشك ..

« فريد كامى » بك انشتمه غزته لرده چيقان بر حوادثك
 تفصيلاتنى آكلاتيور . تيزم آنهمه حالا بتيره مه ديكي حاضرلق
 دردلربنى صايوب دو كويور . بر آرالق كوزومزه ايلشدى .
 « سهوكى » ، آنده بوش بارداعى اوزاقده كى صراچيدن دولدوراجق

برینی آریوردی . یاننده، نشانلیسی، مکتبده چکه چالوب
آلای ایدهرک یمک ییورمش کبی اطرافنده کی قادیئرله علاقه دار
بیله اولمهدن حاریل حوادث ویریوردی . دایانامادم :

— « فرید کامی » بک افندی ، دیدم . « سهوکی » نک

بارداغه صوقویسه کزه . . .

شاشیردی . عجلهدن صراحیئک یاننده کی ایجه بللور چیچکلکی
دهویرهرک صویب بوشالتدی . « غره تا » ماصه نک آلتندن آیاغنی
ووریور . بن کولمه مک ایچون او کسورمه که چالیشیوردم .

« غره تا » انکلیزجه فیصیلدادی :

— بویله نشانلیک اولسه نه یاپارسک .

— صراحی بی باشنه کچیریم .

— بک دالغین ، بو قدر کنج آدام بویله لاقید اولورمی ،

شیمدی اونک آلی ، دیلی ما کنه کی ایشله مهلی ...

— بو ایچندن بازارقلی .. عالم آدام !

آنهم انکلیزجه قونوشمه مزک یاقیشیق آلمادیغنی آکلاتیر
کبی بزم طرفه باقیوردی ، صوصدم . یمک ، انشته مک آوروپا
سیاحتنه عائد خاطره لری ، « فرید کامی » بکک ایکی کون
اول بو یوک بر او طوموبیل قضا سنه عائد یکی حوادثلریله دوام
ایتدی . او ، بووقعه یی آکلاتیر کن صیق صیق بکا باقیور ،
آراصیره آنهمه دونوب :

— ماشاللاه ، « آی تن » خانم افندی ده چوق جسارتلی ..

او طوموبیلی او قدر سرعتلی سوریور لر که ! .. حتی کچن کون
بریده ینه بر او طوموبیل قضاسی مناسبیله قونوشولور کن « آی تن »

خانمدن بحث ایدیلدی . برقادینک بو قدر سرعتلی او طوموبیل
قوللانینی واقع دکل ، دیورلردی . بیلیمورلرکه « آی تن »
خانم یامان بر یاریش مراقلیسی در .

— یاریش ایچون دکل ، فقط یاواش کیتمکی هیچ سهومم ،
دیدم . حیاتده بر آز حرکت ، هیجان اولمالی .. فضله انتظام ،
فضله حرکتسزلك بنی صیقار .

بوجوابی عادتا حرصله ، اونک او یوشقلغنی یوزونه وورمق
خینجلیله ویردم . او مبارک اورالرده دکل که ، حالا :
— بو یوللرده اوتوز ، نهایت قرق کیلومترودن فضله سی
تهلکه اولدیغنی سویلیورلر . طبیعی سز داها ای بیلیرسکزیا ،
دیوردی .

هیچ جواب ویرمدم . ویمکدن قالدق .
«سهوکی» نک قیریله جغنی ، نوزوله جکنی بیلمه سهم بو آدمی
هر لاقیردیسنده عادتا پایلایه جغم . نه قادار دورغون انسان یاربی ...
او قدر قالا بالیق اولمادینی حالده بو آقشام انشته مک کیفی
یرنده .. هر کسه طاقلیور . هله «غره تا» به دونوب :
— باباک بو آقشام سنی صاتمش آیول ، کم بیلیر ، نزهه
چاقینلغه کیتدی !

دهیشی همزی کولدوردی . «غره تا» نک او پاپایی خاطر -
لاتان پاموق صاقلالی باباسی ایچون بو لاقیردی تام یرنده ایدی .
نهایت ایشینه او یونه دو کولدی . انشته مله آنهم پاطریدیلی
برطاو لایه او طور دینر . بزده اون پارا «بوپ» الی غروش «قاو» له
بو کوره باشلادق .

بو آقشام شانسم واردی. بر ساعت ایچنده هپسنك پارالینی
آلدم. اك صوك «طور» لر باشلادینی زمان بکاینه قوتلی بر آل
کلمشدی. «آس» دن بر قاره یامشدم. «سهوکی» ایله «غره تا»
چکیلدی لر «فرید کامی» بک قاجادی. اولجه بر قاج «بلوف»
یایدیغم ایچون کولویور:

— بو سفر آدانام خانم افندی، دیسور اون غروش
بردن سوربوردی.

او کمده کی پارالک هپسی سوردم، یوز اللی غروش.
— پک اعلا کوریورم.

— جیندن پارا چیقاروب تماملادی:
— آچیکز باقالم.

دورت «آس» ی یان یانه دیزوب قوینجه بر قورشون کبی
برندن فیرلادی.

— واللاهی اولورشی دکل... بن «بلوف» یاپیورسکنز ظن ایتدم.
اوته کیلرک قهقهه لری ایچنده یرینه اوطوردینی زمان
کاغدلی طیو پلادم:

— آرتق کافی.. طور لر بیتدی. «فرید» بک «ده قاوه»
اولدی. مسئله قالمادی..

هپ آیاعه قالمشردی. انشته ده پارتی بی غائب ایتمش،
آنهم ضیافتی قازانمشدی.

— بونلر آنا قیز عالمی خراجه کسیدیلر یا هو!
دییه یلک دوکمه لرینی ایلیکه مکه چالیشیوردی. «فرید کامی»

بک تصدیق ایتدی:

— هله «آی تن» خانمک ضربه لری اویله تپه دن اینمه که ،
انسان شاشقینه دونیور .

چقیور لر دی ، بئم اوطمه براق دینی ثورتوسنی آلمغه کیدن
«سه وکی» نک آرقه سندن قوشدم :

— بویون باغی «فرید» بکک خوشنه کیتدی می «سه وکی» !

— ویرمه دم که !

— نجین !

— بیللم ، بر مناسبت دوشمه دی ..

— داها کلدی کی زمان بن چیتلا تمشدم یا ، صورمادی می ؟

— یوووق !

اونی براقدم ، آنتزده بالطولرینی ، مانطولرینی کیمکه
اوغراشان قالا بالیغه کلدم .

— «فرید» بک «سه وکی» نک سزه بر هدیه حاضر لادینی

سویله مشدم . «پوکر» شاشقینلغندن غالباً اونوتدی کز ، ایسته سه کزه ..

و آرقه مدن کلن «سه وکی» یه اشارت ایتدم :

— باق «فرید کامی» بک صراق ایدوب دوریور ، ویر

شو پاکتی ده باری «پوکر» ده کی آجیلرینی اونوتسون !

کوزهل «سه وکی» قیزاره بوزاره ، باباسندن کیزلی نشانلیسنه

آل دینی بویون باغنی اوزاتدی . بو ایپکلی منه ویشلی کوزهل بر

شیدی . «فرید کامی» بک اونی ایسته کسزلکله جینه قویوب

«سه وکی» یه تشکر ایتد کدن صوکره وداع ایچون اونی بکا اوزاتدی :

— «سه وکی» نک هدیه سی چوق کوزهل ، فقط «پوکر»

ده کی آجی بی اونوتدور اجغنی ظن ایتم «آی تن» خانم . چونکه

بو آجی علی العاده بر «غیب» دکل، بر مغلوبیت در.

آنهم وضعیت تعمیر ایتمک ایسته دی :

— نهایی او یون دکل ایجانم، هپ تصادف، شانسی مسئله سی در.

انشتهم اونره بو آقشامکی طالعسر لکنی، آ کلاتیر کن

مردیوه نلردن ایندی لر .

— آلوو.. نوت، بوراسی افندم... بنم « اورخان » بك

تشکر ایدرم، سز ناصلسکنز .. حقکنز وار . قیش، یاغمور ،

قارلر همیزی نولره قاپادی... نوت اما بیلیم، یرلر ایصلاق

دکللی . نه.. آسفالتی .. اویله ایسه اویانه بیلیر . های های، یارین

بکلم افندم .

شباط و مارت آراسی قیصه فقط شدتلی بر قیش یابدینی

ایچون بر یره چیقما مشدم . « اورخان » بك ایکی اوچ کوندنبری

هوایی آچیق کورونجه کوچوک قلوبده تهنیس یرینه کیتمک

ایچون ویردیکم وعدی خاطر لاتیور . اونک اولجه آپارتمانه کلوب

بنی آلماسنه موافقت ایندیکم حالده بر دفعه تله فونله آراماسی پک

خوشمه کیتدی . بونازک و تربیه لی کنج هر صورتله اعتمادده کر ..

اوکلین یمکه کلن آنهمده بر خبر کتیردی . «سه وکی» ایله

«فرید کامی» بکک دو کونلری نیشانک ایلمک هفته سنده محقق

یایلاچقمش . کوزهل «سه وکی» پی بو ازدواج ایشاللاه مسعود

ایده جکدر . یاشنه رغماً اونی دائماً بر کنج قیز حالده بولو .

ندوران بیک یوزی ، صاف ورا کد کوز بیکلری اوکا بر

أبدی مریم قدسیتی ویریور . نیشانک هفته سنده ، طوپراقلر

یشیریرکن «سهوکی» ده نهولنه جک! ا کر سعادت دیه اومد -
یغمز وبکله دیکمزشی بویله مقرر ، معین بر ازدواج ایسه نه
موظلو اوکا قاووشانلره ..!

... أئنده ته نیس را کتیی ، آرقه سننده ئورمه فانیلاسنی
ئورتن قورشونی قالین باردوسوایله «اورخان» بک قاپیده بکلیوردی .
— حاضرم افندم ، دیدم . چیقابیلیرز .

آپارتمان مردیوه نلرینی اینیورز . او هوادن فلان بحث ایدیور :

— تپه باشنه قدر یایا کیدرمیسکیز ، یوقسه ..

— طبعی ، دیدم . نه زماندر نه وده قاپاندم ، قاپاندم قالدیم ،
بر آزیورومک بر احتیاج ..

صبح .. بک اوغلی جاده سی ایشنه کیدنلره دولو ... اللر -
یمزده کی راکه تلر هر کسک نظر دقتنی جلب ایدیور . «اورخان»
بکه طاقلیورم :

— کندیمزی تشهر ایدیورز عزیزم ، کاشکه او طوموبیله
بینسه یدک !

طوقا تلیمانک آرقه سو قاغندن ، کس دیرمه دن تپه باشنه چیققدق .
کوچوک قلوبک ، یا خود استانبول قلوبنک ، داها دیشاریدن
انسانی جدی ، آغیر اولمغه مجبور ایدن بر قویو ولوش رنکی
وار . فقط آرقه طرفده کی «ته نیس» یری کوزهل ... قلوب او
جدی و آغیر منظره سیله ناصل بر خارجه نظارتی بناسنه بکیز -
بیورسه آرقه طرفی ده برنجی صنف بر باغچه لی غازیوبی آندیریور .
فقط کوزومه چارپان برشی وار . بوراده حتی صاندالیه لر ، ماصه لر
بیله اسکی بر اسیلزاده نک اشیا سنه بکیزیور . ئوزر لرنده تاریخی
بر کبارلق وار .

«اورخان» بلك بر قاچ اجنبی آرقاداشی اونكه سلاملا -
شدیلر . . قیر بیقی ، باشی لاستیک بک قافاسی کبی پنبه و
چیللق بر انکلیز فنا بر فرانسزجه ایله قونوشدی :
— بر پارتی یاپلم . اورخان بک ، «پیست» ده کیلر شیمدی
بتیره جکلر .

یانمزه کلشدی . «اورخان» بک بکا دوندی ؛ تورکجه صوردی :
— مساعده ایدرمیسکنز «آی تن» خانم ، بو سه ویملی
اختیاری سزه طانیتم ، میستر باکهر ، انکلیزک ایسی در .
کولوشم اوکا موافقت جوابی یرینه کچدی . طانیشدق .
چوق راحت بر «ته نیس» پارتیسی دوام ایتدی ، غایت جدی
اوینورلر . بئمده سه ودیکم و ایسته دیکم بو . . سپوری طانسز
دیدى قودیلر ایچنده کوه زه لک درجه سنه کتیره ن انسانلره
اوینامقدن هیچ ذوق آلام . شیشلی ده کی «قورت» دن بونک
ایچون قاچدم . . .

اوکلویه قدر دورمه دن ، دیکلنمه دن پارتی پارتی اوینادق . . .
اختیار انکلیزله بک چابوق احباب اولدق . اویون اصولریمز
چوق بکنزیور .

اوکلین مستر «باکهر» اورخان بکی وبنی قلوبده یمکه دعوت
ایتدی . بن اعتذار ایتدم . «اورخان» بک ده بنی نه ویمه قدر
کتیرمکه مأمور اولدیغنی سویله دی .

— سزه مانع اولمایه یم اورخان بک ، دیدم . بن بر ناقسیه
آتلار ، کیدرم .

قبول ایتمه دی :

— آرقادا شلقده يارى يولده براقق يوقدر، ديدى. سزى
ئويكزدن آلم، ينه قاپكزه قدر براقاق وظيفهم ...
اصرار ايده جكنى آكلادىغم ايجون ايلرى كىتمه دم .
قلوبدن چىقدق...

ديشارينك هنوز قيشى خاطر لاتان سرت روز كارى درت
ساعت «ته نيس» اوينامقدن نمله نهن وجودىمى تيره تدى . عيى
حال «اورخان» بكه ده اولمشدى. ايكي مزر دن:

— ئوشويه جكز! ديدك. وبونك جوابى بوش كچن قابالى
بر او طوموبىلى دور دوروب يىنمك اولدى .

پاردوسولر يمزه صاريلش، را كتر قوجا قلىر يمزده قونو .
شمه دن كيديورز. غلظه سرايدن تقسيمه دوغرو صاپيور دق.
قالا باليق آراسنده «فريد كامى» بكي كوردم. سلاملاشدق.
اورخان بكه ده كوستردم. فقط او كورونجه يه قدر او طوموبىل كچدى .
بك او غلنه كچديكنه كوره هر حالده بو كون شيشلى يه ،
نشانايسنه اوغرامشدر .

— نيسانك هفته سنه دو كونمزر وار «اورخان» بك ديدم .
«فريد كامى» بكه بزم «سه وكى» نك .

— الله مسعود ايتسين .. نه ديه يم، داريسى بويله سعادتلىرى
بكه يىنلرك باشنه! ..

— سز ازدواجك محقق سعادت اولديغنه قائلىسكز؟
— ممكنمى .. ازدواج، حتى بر غايه بيله اولاماز ... او بر

شكل دن عبارت در .
تقسيمه گلشك .

— سز حربیه چیه جقه جقسکز، بن گوشه ده اینهیم
«اورخان» بك دیدم .

سوقاغنی صاڤدیروب بنی آپارتمانك قاپیسنه قدر کتیر مکده
اصرار ایتدی. تشکر ایتدم. آیریلدق ..
آنهم بدن اول کلمش . صوفریه تازه سنبللر یرلشدیر -
بیور. آپارتمانك هواسنده کوزهل بر بهار قوقوسی وار .
— بو کون، چوق ایی برته نیس یاپدق آنه، دیدم. قلوب
چوق ایی، مکمل بر یر .

بن ممنون کوروندکجه آنهم ده نشئه لهر. بکا «سهوکی» نك
دو کوننده کیمک ایچون بر مودهل کتیر تدیکنی خبر ویردی .
یمکده هپ دو کوندن بحث ایتدک. آرتق بو ایکی نهوگ و احبا
بلك اک مهم لاقیردی موضوعی اولدی. یمکدن صوکره آنهم
آتلیه یه کیتدی. بن «سهوکی» یه تله فونه ایتدم. «آتلا تراموایه،
ایشک یوقسه کل» دیدم . او بنی بکله دیکنی سویله دی . بن
قونوشاجق آرقاداش آریبورم، «سهوکی» ده یاریم ایده جک ..
— نه زماندنبری «ته نیس» اوینامادیغم حالده بویله درت
ساعت متادیا «را کت» چالمقندن قوللرم، وجودم آغریمشدی .
«سهوکی» یه ده کیتسم، بر ایشه یارایاجق حالده دکلم. کوزلریمه
خفیف بر مخمورلق کلشدی . چالیشمه او طه مده کی شزلونغه
اوزاندم، دالمشم ...

... آپارتمانك الکتریق زیلی اوزون اوزون چالدی . قور
یدورده قیزک آیاق سسی قاپی یه دوغرو اوزانندی . صوکره
کلدی، قاپیمده دوردی :

— نه وار «نکار»!

— «فرید» بك كلدی افندم، سالونده اوطوریور .

وقاریخجه لانان کوزلریم آچیلدی . آياغه قالقدم .

— پکی، هایدی قهوه پیشیر .

ایلك جملهده بووقتسز زیارته معنا ویرمه مکله برابر صوکره
صوکره اقربادن صاییلان بر آدامک تکلیفسزجه بر اوغراما-
سندن عبارت اولان بو حرکتنده فوق العاده لك کورمه دم .
اونک ایچون بزم یکی انشته بکی کولر یوزله قارشیلادم، آلی
صیقدم .

— آنهم دون مزده پی ویردی . «فرید» بك دیدم . نیشانک
هفته سنه دو کون اولاجقمش . آرتق هیمز حاضرلانیورز . بزم
«غره تا» بيله یکی بر تووالت یاپیور . «سه وکی» پی کوردیکم یوق .
اصل حاضرلق اونده دره . سز نه عالمده سکز باقالم . آرتق دو کوندن
صوکره هیچ اولمازسه یکرمی کون بر آی غزته پی بر اقا-
لیسکز . هم ایلك بهارده . . بال آینه نیتکز وارمی ؟

بر آز اوزاقجه، درین قولتوقلرده اوطوریورز . غالباً
دو کون یا قلاشدیغی ایچون اولاجاق، قیافته بر آز داها اعتنا
ایتمش، صاحبزنده خفیف بر بریانتین بيله وار . بزم بر برلرینی
تعقیب ایدن سوزلریمی دیکلر کبی کورونیوردی . مع مافیه اونک
جواب ویرمه سنی بکله مه دن بن دوام ایتدم .

— سزک یریکزده اولسه م، دو کوندن صکره بر آی
«قالامیش» ه کیدرم . ایلك بهارده اوراسی بر جنت دره . سکونت
ماوی هوا . آقشاملری مورلاشان ده کیز . . افقده قیزاران

کونش.. چیچکله ن بادلر، نریکلر، کیرازلر.. تام یکی نوله ن
چیتلرک یاشایه جقلری، حقیقی داها ای افاده ایده م، سه ویشه
جکلری بر بر.. ارض موعود...

یاندی کی ماصدن بر سیغاره آلوب یاقدی. درسی خاطرند
قلمادینی ایچون ایشی صیقیلغانلغه دوکمک ایسته ن بودالا بر
مکتب چوجوغنی کبی یاواش یاواش ککه له مکه باشلادی:

— سز، «آی تن» خانم، بزم ازدواجزده بر سعادت امید
ایدیور میسکز؟

— طبیعی دلکی یا، بر بوچوق سنه اولکی نشان باشلانغجی
خاطر لامیور میسکز. او زمان بن مکتبه اولدیغم حالد کوزه ل
«سه وکی» ایچون کوزه آلدیغکز هیجانلی ماجرالی ایشیتوردم.
هم کوزه ل «سه وکی» بو قدر فدا کارلغه جدا لایق در. مع
مافیہ آرتق نتیجه یه واردیکز دیمکدر... بناء علیه سزده بر
بوچوق ییللق انتظارک نتیجه سنده سعادتکزه قاووشه جقسکز. بز
دوستلریکزه سزک مشترک سعادتکزی کوروب سوینه جکز..
آغیر آغیر ایچدیکی سیغاره دومانلری سالونی دولوردی.
سیغاره بی هیچ سه ومیورم. بر آز داها اوزاغه کیتمک ایچون
بر بهانه آرارکن بزم انشته بک لاقیردی یه باشلادی:

— هر کسک سه وینجه انتظار ایتدیکی بواز دواج اولمایه جاق
«آی تن» خانم..

او قدر شاشیرمشم که هیچ دوشونم دن هایقیریویردم:
— آ آ، نه دن؟

غیر اختیاری قولتوقده دوغرولشم. باشم دیم دیک اولمش،

دقتله یوزونه باقیورددم. او حرکت بيله ایتهدن دوام ایتدی :
— اولاجقدی، بنده حاضر لانیورددم. غیرت ایدیورددم.
فقط بوتون غیرتلم بوشه چیقدی. بدبخت اولقندن ومسعود
ایدهمه مکدن قورقدم و ایلک دفعه بو حقیقی سزه آکلاتمق
ایچون بورایه کلددم.

هیچ تلاش ایتهدن، اولجه چوق دوشونولمش، حاضر لانیمش
فکرلری آکلاتیر کبی آغیر آغیر سویلیوردی :

— بن فنا قلبی بر انسان دکلم. قراریمی ویرمزدن اول
چوق دوشونوردم. فقط حیاتده بعض اویله بحرانلر و تصادفلر
اولویور که اک قوتلی دوشونجه لرله ویریلن قرارلری که وشه توب
چوروتیور. «سه وکی» ایچون و کندم ایچون ویردیکم قرارده
بویله اولمشدر. بوتون املرمله حیاته حاضر لانیورددم.
فقط اونی مسعود ایتکم ایچون ائیمی اوزاتیرکن کوزلرم
بر باشقه وارلغه قاریشدی. بن محاکمه لی بر آدامدم. کندیمی
آلداتمق ایسته مه دم. آیلرجه کندمله مجادله ایتدم. فقط بوتون
مقاومتیم یاواش یاواش تصادفلرک قوتی قارشیدسنده کسیدلی. بنم
مسعود بر انتها دییه بکله دیکم ازدواجک آرتق ممکن مرتبه
کچیکمه سی ایچون چالیشیوردم. هر کس، حتی اک غریبی سزده
داخل اولق اوزره بنم تنبلکمله، امتحانلریمی زماننده ویرمه
یشمله اکله نیوردیکمز. هم بو کولونج حاله تحمل ایدیور، همده
اصل دردیمی کیمسه یه احساس ایتکم ایسته میورددم. فقط «سه وکی»،
ایله اولان یاقینلغمز کون کچدکجه بر برینه حرمت ایدن ایکی
آرقاداش مناسبته دو کولدی. اونی اینجیتمه مک ایچون کندیمی

زورلیور، باشقه لرینه برشی حس ایتدیرمه مک ایچون اونکله
مشغول کورونبوردم. فقط بیلورمیسکز «آی تن» خانم بو
مجادله نه قدر پهوده اولدی.. او قدر پهوده اولدی که کندی مک ده
حیرت ایتدیکم بر جرأله بکا «یکی کوی» یولونده بر قاچ کله
ایله بوتون حقیقتی افشا ایتدیردی ...

بنی عفو ایدیکز «آی تن» خانم، بلکه عصیله شه جک،
حرصلانه جقسکز. فقط امین اولک سوزلرم تاممیله قلبمک
افاده سی در. سز او کون بنی فنا حالده آزارلادیکز. بن تربیه لی
بر آدام. سزک، بلکه ده سزک ایچون حقلی اولان عتابلریکز
قارشیسنده جرأتمدن قورقدم. صقیلدم و اوتاندم. او کونکی
سکوتم بکا یکی بر اضطراب آشیلادی. کون کچدکجه آکلادم که
بن تعمیر قبول ایتمز بر خطایه دوشمشم. حجابم و جسارتسزلکم
بنی کیتدکجه آغیرلاشان برأله اضطرابه کوتوربوردی.

بنی او کون چوق خیربالادیکز. وجداندن و آلامقندن
بحث ایتدیکز. بنم ضعیف و فالتق ایتمکدن قورقان روحم بو
عتابلر قارشیسنده چوق صارصیلدی. چوق دوشوندم. عجا
حسرم بنی آلداتیورمیدی. عجیبا خفیف و کچیجی بر بحران
یوزوندن اسممی ویرمه که حاضرلاندیغم کنج قیزه فالتقمی اید.
یوردم؟ بو بنم ایچون اوزون بر وجدان مجادله سی اولدی.
اورته ده یالکیز بنم حسرم یوقدی. بنی او قدر انصافسز و
خودکام ظن ایتدیکز «آی تن» خانم.. کندمدن زیاده اون
دوشوندیکمه اینانیکز..

ا کر قلبه طاش باصهرق دخی اولسه اونی مسعود اید.

بيله جكمي اميد ايتسه يدم بني بر بوچوق سنه دنبري ياواش ياواش
 تسخير ايدن ، احاطه ايدن ، تلافی و بطميني امكانسز حسلريمي
 قلمده صاقلاماني ، بر کنج قيزك سعادت ايجون کنديمي فدا
 ايمه يي کوزه آليردم . فقط اوزون کيجهر ، اوزون کونلر دو
 شونوب آرادينم بو احتمالي ، بو قدرتي نفسمده بولامدم . و
 ايلريده داها اليم نتيجه لر حاضر لامقدنسه نه بگا ، نه ده اوکا
 سعادت کتيرمه جک بواز دواجدن اوزا قلاشمغه قرار و ير دم ..
 ... آغير ، آغير سويلر کن کوز لر دن دامله دامله ياشلر
 دوشيوردي . او قدر فنا اولمشدم که کوز لرم قاري نجه لانيور قو-
 لاقلم اوغولدي يوردي . سالونک اشيا سني حرکت ايدر کي
 کوري يوردم . اونک سسي دونوق ، آغير و قافادن کلن قالين
 ماظ برسس .. هيچ تيره مه دن ، بوزوله دن دوام ايد ييور :
 — کنديمه عائد قالان بو حسلري يالکيز سزه آکلاتمق
 ايستدم .

چونکه اونک و بنم مأمول و موعود برلشمه مزي هر کون
 بر آزا داها امكانسز لاشديران سز اولديکيز . سزي اتهام ايتيورم
 بالعکس تقدیس ايد ييورم . اويله بر موجوديت که ايکي زاواللي
 انسانک حياتنه حکم ايده جک قدر فوق العاده لک کوسترر ، او
 بگا اضطرابي مقدر قيلسه بيله اوني تقدیس ايتمکدن ذوق آليرم .
 بو کون سزه نه شکايت ايتمک ، نه ده يالوارمق ايجون کله دم .
 چونکه هر ايکي حرکتک سزدن کوره جيکي مقابله يي تخمين
 ايد ييورم . سز محيطک زده کي انسانلرک اوزرنده ياپديغکيز تاثير
 لرک فرقنده اولمايه رق ساکن و برآزده خودکام ياشايان بر

مخلوقسکزر. خلقت سزک دوشونجه کزده ، سزک حسلریکزده
 انسانلری پک نادر یاراتیر. بر بوچوق سنه، ایچین ایچین سزکله
 مشغول اولدم. و آکلادم که سزک خارجی برعلاقه ایله تسخیر
 ایدیلهین، آنجاق کندی تمایللری، کندی آرزولریله حرکت
 کلن بر عاصی روحکزر وار. اونک ایچون سزدن مرحمت بکله
 مه نک پک معناسز اولدیغی آکلادم. یالکزر بو کونکی وضعیتمزده
 حالی و حیاتی دوشونوله جک بر اوچنجی انسان وار. «سه وکی»
 بر بوچوق سنه در بکله دیکی نتیجه نک بردنبره اوزاقلاشماسدن
 متأثر اولاجقدر. آرقاداشکزر، عائله کزدر. بو محقق عاقبه
 اونی حاضر لامق لازمدر. بونی اولسون یاپارسه کز، اونک کبی
 بیچاره اولان بکاده صوک بر ایملک ایتمش اولورسکزر ...

بونی سزدن چوق رجا ایدرم «آی تن» خانم ...

سیغاره دومانندن طبقه طبقه قالین بولوطرله دولان صا.
 لونده دونوق برسکونت باشلادی. «فرید کامی» بکک بو قدر
 اوزون سوز سویله یشی ایملک دفعه ایدی. بو دورغون آدام
 بو کون آغیر بر درس تقریر ایدن فیلسوفله بکزسیوردی.
 او سویلرکن کوزومک او کندن بیک تورلو منظره لر، چهره لر
 رسم کچید یاپیور، کوزهل «سه وکی» نک یوموق یوزی بر مریم
 تابلوسی کی قارشیمدن کیتمیوردی.

بن هیچ برشی سویله مهن او آیغه قالقدی. سسنده کی او
 ماطلق حالا واردی، کولپور. تأثر کوسترمیور، کندینه حاکم
 کورونیوردی.

— سزدن عفویمی رجا ایده جکم «آی تن» خانم، راحتسز

ایتم. امین اولک که بورادن مقدراتمه یکی برحرا بولمق مقصدیله
 چیقیورم. مسلکمه، کتابلریمله آرادیمم سکونتی، تسلی یی بولمغه
 چالیشاجم، فقط حیاتی آلت اوست ایتدیکم برکنج قیز وار
 درکه او، بلکه ده بدن زیاده مرحتمه، تسلی به محتاج در. چوق
 امید ایدهرم که اوئی بو محقق عاقبه بر آن اول آلیشدر برسکز..
 نه کیله رک سلام ویردی. بکا ضریب بر حال کلمشدی. نه
 دیلم، نه سینیرلرم حرکت ایتموردی. شبهه سز، اپی بحران و
 هیجان ایچنده بر قهرمان کی قونوشان بو آدم مهم، پک مهم
 شیلردن بحث ایتشدی. او قدرینی تقدیر ایدیورم. فقط بو
 مهم شیلر، بنی آنجاق سوقاقده اولان بر فاجعه یی، بر مصادمه یی
 نجره دن سیر ایدر کی علاقه دار ایتدی. حتی بلکه داها اوزاق،
 داها اهمیتسز بر علاقه ایله... «فرید کامی» بکک قلبی آجیه رق،
 کوز یاشری داها بیکلرنده یانوب قورویارق آکلادینی ماجرا
 ایچنده کندیمی کورمه یورم. بوسر گذشت بکا اوزاق بلده لرک،
 مجهول انسانلرینه طأد بر افسانه کی کلدی. بو غریب حس،
 بو سس سز تلقی بنی بر طاش کی سرت و معناسز یابدی.
 «فرید کامی» بک ضعفی، تأثرینی احساس ایتمه مک ایچون باشی
 اوکنده یاواش آدیملرله سالوندن چیقدی. و بن اوئی یابانچی
 بر انسان کی تعقیب ایتدم.

او آرقاسنه باقمه دن، فقط هر آن بر سس ایشتمک، بر
 حرکت کورمک ایستر کی آدیملرینی کیتدکجه حقیقه ته رک آنتره یه
 کلدی. و قیزک آچدینی قاپیدن بر سرخوش کی سنده لیه رک
 چیقدی. کیتدی..

سیغاره دومانلریله دولان سالونه دونمه دم . باشم آغرییور
 کیدی . قوریدورده کی بالقون قاپیسنی آچدم . تمیز و تازه بهار
 هواسی صاچلریمی داغیتدی . آشاغی جاده او طوموبیل ، تراموای
 کورولتولریله اوغولدیور ، قارشیکی آپارتمانلرک بزندن فنا بر
 پیانو سسی کلیور ، او کمزده بر او طوموبیل آرا صیره قیلاقسون
 چالیور ، اللریمی باشمه دستک یامش ، ذهنمی دوشونمکه
 آلیشدریورم . او آنده سوقاقده کی تک توك انسانلردن برینک
 یابانجی اولمایان یوزونی کوردم . بو بزم آپارتماندن چیقوب قارشیکی
 قالدریمه کچن « فرید کامی » بکک چهره سی . . بو بر لحظه لاق
 تصادف بنی سرسم ایتدی . یوزومه قان چیقدی . اللرم تیره مکه
 باشلادی . اونی کورمک ایچون بالخاصه بالقونه چیقمش کبی
 اولوشم بنی دهلی کبی یاپدی . ییلدیرمدن قاچار کبی کندیمی
 ایچری یه آتم . فنا بر ظن آلتنده قالمق دنیاده اک قورقدیغم
 تصادفلردندی . نه یازیق که بو تصادف ، اک نازک بر زمانده
 کلوب بنی بولدی .

هیجاندمی ، شاشقینلقدنمی یاتاق او طومه قدر کیتشم .
 دوشونوله رک ، قرار ویریلهرک یاپیلان حرکتر انسانه ندامت
 کتیرسه بیله معذرت پایی چیقارماز . حالبوکه بویله عادتاً تاریخی
 بر صحنه دن سوکره ایسته میهرک بیل میهرک یاپیلان حرکت انسانی
 متأثر ایدیور . « فرید کامی » بک بنم بالقونه چیقیشیمی ، اونک
 تمام بر ساعت دوام ایدن حیات فاجعه سنه امید و جسارت ویرمک
 ایچون بر نمایش کبی تلقی ایدرسه حالم فنا ... اونی کورونجه
 ایچری یه قاچمام بلکه بو ظنی اوکا ویرمز . تاویل ایدیله میه جک

حرکتلر ، قصدی اولماسه بيله بعضاً چوق فنا نتیجه لر ویرر .
« فرید کامی » بکک بو کونکی حالندن سو کره آرقه سندن باقق ده
بو حرکتلرک شاه اثری ..

مع مافیه بونی نه جدی بولاجق ، نه کچیجی تلقی ایده جک
وضعیتده دکلم . هرایکی جهت بنی نتیجه ده برقرار ویرمکه مجبور
ایده بیلیر . حالبوکه بن باشقه لرینک قلبنه طائد بحر انلری بنمسه مک
نیتنده دکلم . هله کوزهل « سهوکی » نک بویله بر کوکل دعوا
سندن ضرر کورمسی احتمالی بنی هیچ دوشوندورمز . چونکه
اونی مسعود ایده میه جک آدم ، بنجه محبته دکلم مرسته بيله لایق
دکلدرد . « فرید کامی » بکک پک ایچلی کورونن قلب ماجراسی
اونی « سهوکی » دن آیرا بیلیر . بو بر حقیقت بيله اولسه « سهوکی » ،
توزرنده فیرطنه قویارمه دن بر قره بولوط کچمه سندن ممنون
اولمالی در . مرحمت حسلیله قورولان برعائله یوواسنک صوکی کلیرمی ؟
بو نتیجه یه یاقلاشدقجه « فرید کامی » بکه ینه حد تلنمکه
باشلیورم . امیدسز بروضیت ایچنده بکا کلوب حکایه آکلاتمایه
نه لزوم وار ؟ عشقده وجدان یوقدر . مرحمت هیچ یوقدر .
حیاتی برلشدیرمک احتمالی اولمایان بر انسان ایچون دو یولان
مرحمتک صوکی عذاب در . بوکا کیم تحمل ایدر . « سهوکی »
بنجه ، اکر هنوز بیلمه دیکی بو عاقبتله قارشیشیرسه آغلاماسین ،
سهوینسین ... بوتون امیدینی و سهوکیسنی ویره جکی انسانک
قلبنده یرینی بولمایان قادین بدبخت اولمغه محکوم در . کوکلری
اسرار انکیز ماجرا دو کونتیلریله دولان ارککلر ، نه قدر آرزو
ایتسه لر تازه عشقله حیاته کیره ن کنج قیزلری مسعود ایده منزلر .

هر نوازشك آلتنده بر باشقه ماجرانك خاطره سنی دویان
 ارکک هیچ صمیمی اولورمی ؟ « فرید کامی » بک بلکه درست
 بر آدم در . بلکه ده حسلینه باغلی در . مشغول اولمادیغ ایچون
 بیلیمورم . فقط ایکی ییل اول نشانلانیر کن اونک چاغین بر عاشق
 کبی « سه وکی » یه کوکل ویردیکنی سویلیورلردی . قلبی
 بویله موسم موسم چیلغینلقلر کچیرن بر کنجک ایکی ییل سوکره
 یکی بر فیرطنه قوپار مایه جنفی کیم تأمین ایدر . نجبه « سه وکی » بی
 تسلی ایتمهک هیچ لزوم یوق . یاپیلاجاق برشی وارسه اوکاچمش
 اولسون ده یوب تبریک اتمهلی .. فقط بیلیم اوهر شیئی اولدینی
 کبی کورهن ایچلی و صاف قیز بو وضعیت بنم دوشوندیکم کبی
 طبیعی کوره جکمی ؟

یاواش یاواش داها سا کن اولمغه باشلادم . حتی « فرید
 کامی » بک او سوزشلی ماجراسنی آکلاتیر کن نیچین سوزونی
 کسوب اونی قاپی دیشاری ایتدیکمه ، یاخود بویوک دره یولونده
 اولدینی کبی مکمل بر درس ویرمه دیکمه پشمان اولدم .
 بو حدتله ائیمه کچن کاغدره چیر کین ارکک قاریقا تورلری
 چیز یوردم که آنهم کلدی . « فرید کامی » بکک برنجی وقعه سنی
 آنهمه سویله مه مشدم . نتیجه اعتباریله طائله مز ایچنده مناسبتر
 بر دیدی قودی چیقارماسی احتمالی اولان بو ایکنجی صحنه دن
 بحث ایتمکی ده معاسز کوردم . « فرید کامی » بک نشانلیسنی مسعود
 ایدمه یه جکنی آکلادینی ایچون نه اولنمکدن واز کچه بیلیر . بو نتیجه
 بلکه ده بر قلب ماجراسندن دوغابیلیر . فقط او ، « سه وکی » دن
 غیب ایتدیکنی بندن قازانمایه جاق اولدقن سوکرا ! .. بو وضعیت

اگر مهم بر نتیجه و بررسیه از علاقه دار ایده جکی انسان بنم ...
 کندی حسلرینه مغلوب اولارق مهم مهم قرارلر ویره
 ار ککلر بو قدر خود کام اولماسلر خیال لرندن ، امید لرندن غیب
 ایدرکن شبهه سز داها آز اضطراب دویه جقلر . فقط اونلر
 قلب لرنده غدالانوب بویون کوکل آرزولرینی باشقه لرینی حسابه
 قاتمایه راق او یله حقیقت حالنه کتیری یوزلر که اومقدر سقوط خیاله
 اوغرا نیجه فنا حالده سر سملیورلر .

« فرید کامی » بکده بر بو چوق سنه دنبری کول آتشی
 کبی ایچین ایچین قیولجیملاندیغندن بحث ایتدیکی حسلرینه بویله
 مغلوب اولمش . بونک بکا عائد بر طرفی واهمیتی یوق .. بناء علیه
 ایشیمزه باقالم .

— کچ قالدک آنه ، او یله قارنم آجیقدی که .

النده کی پاکتک بر قسمنی بوفیه یوللایان آنه مک بو کون
 نشئسی یرنده ایدی :

— سکا او یله کوزهل پورتقاللر آلدیم که بایلاجقسک ..
 حتی تیزهک بیله ایمره ندی . آقشامه بزه کلیورلر . بو کون
 « سهوکی » نک توالترلیله ینه اوغرا شدق ، دوردق . فقط
 اوفیلیزی قره پ دوشین او یله کوزهل که ! اونلر قرار ویرمشلر ..
 پرشنبه یه دو کون محقق .. فقط « فرید کامی » بک بر آزار احتسز مش
 غالباً مطبعه یه ایکی دفعه تله فونه ایتمشلر . بولامامشلر .

— « فرید کامی » بک بر ساعت اول بوراده ایدی .

آنهم حیرت ایتدی :

— نه مناسبت ، صاحی می ؟

—طبیعی آنه، اپی ده اوپوردی. کچورمشده اوغرامش،
بنده بر آز راحتسز کوردم. بلکه بورادن چیققدن صوکره
یمکه تیزمه کیتمشدر.

— اوپله اولاجق. دوکوندن بحث ایتدیمی ؟

— بزداها زیاده قلوبدن، اوپوموبیلدن قونوشدق آنه...
آنهم اوموزلرینی اوینآندی. برابر یمک اوپهسنه کچرکن
پارمقربله قولانغمی چکدی :

— ذاتاً سنکله باشقه نه قونوشولور . . .

*

**

یرلر بر آز قورودینی ایچون ایلك دفعه اوپوموبیلله
کاغدخانهیه قدر بر کزینتی یاپدم . اوزرنده یاپراقلانان آغاچلردن
پارچه پارچه کونش طوپلایان چایر خارهلی بریشیل اورتوکی..
دره، کوکسندن یارالی بر انسان کبی درین صیزینتیلر ایچنده
آقوب کیدیور. اوپوموبیلدن ایندم. اون بش کون صوکره
سازلر، شرقیلر، آهنکلرله ایکلیه جک بو ایکی داغ آراسی بو
کون او قدر ایصسزکه، یاماچده قویونلری اوتلاتان بر چوباندن
باشقه انسان بیله یوق.. اوپوموبیلک مارش آناختارینی جیمه
قویوب دره بویونجه یورودم. بو تازه یشیلک ایچنده صاری
کوبکلی بیاض کنیش یاپراقلی پاپاتیهلر بر چین ایشی یاصدق
کبی.. کونش آلتنده ایصینان باللی بابالر آغیر، وحشی برداغ
قوقوسی ویریور. یاماچده بر تارلای پارچه پارچه چیک صاری
رنکلی چیچکلر قاپلامش. او قدر خوشمه کیتدی که بو
پاپاتیهلردن، صاری قوقوسز چیچکلردن طوپلایه طوپلایه اپی

اوزا قلاشدم . اولديغ يردن اوطوموبيل كورونموردى . همان
 دوندم . ائمه كى دومت هر آدئمه بويويور . كوزلرم ، يردن
 قوپاريلاجق بر چيچك آرايه آرايه كليركن بردنبره اوطومو-
 بيلك ياننده ايكي اوچ آدام كوردم . قياقتلردن مذبحه ، كيره چ
 اوجاغى عمله سنه بكنزه تديكم بو آداملردن برى اوطوموبيلك
 باصاغنه اوطورمش . اوته كيلرله قونوشوردى .. فنا حالده مراق
 ايتدم ، عجا اوطوموبيله بر شيمي اولمشدى . آياق سسلريمي
 دويونجه قالدويلر :

— كيمسكز ، ديدم ، نه وار ؟

هيچ برى جواب ورميور ، آليق آليق صيريتييورلردى .
 ائمه كى دومتى آرابه نك ايچنه آندم . اونلر اولا بر آز كرى
 چكيلير كبي اولديلر .. فقط بن ديره كسيونه اوطورمق ايچون
 قاپي يي آچاركن اوچى بردن اوزريمه كلديلر . وضعيتى بر آنده
 قاورادم . اوطوموبيلي حر كته كتوروب قورتولمغه وقت يوقدى .
 صوئوق موتورى ايشلتمك ، « وئته س » ، و يرمك ايچون زمان
 لازمدى . بوتون قوتى طوپلا يارق صولومه تصادف ايدن
 بويسز ، قوجه قافالى حريفك اوزرينه آتيلدم .

بر بويوك آل ايناسنه بكنزه ين يوزونه ووردئيم يومروق اونى
 شاشيرتدى . بلكه ده برقاديندن بويله بر حر كت بلكه ميوردى .
 سنده له دى ، يانندن فيرلايوب بش اون آدئم اوزاقده كى آغاجى
 سپر آلام . اونلر ايلك شاشقئنلقدن قورتولوب اوزريمه كللكه
 حاضر لانيورلردى . بويله قيره ، شهر خارجه چيقاركن يانمى
 آيرمادئيم برونيغى چاكتمك آئنده كى قئليفدن چيقاروب هايقيردم :

— کیم یانہ کلیرسہ آتس ایدرم ...

و بونک بر نمایش اولمادیغنی آکلاتمق ایچون یره دوغرو
برال آتس ایتدم . سلاح سسی ایکی داغ آراسنده شدتلی بر
عکس یاپدی . آزغین و آج برر قوردکی هجومه حاضر لانیر لکن
سلاح سسی اونلری تور کوتدی . شیمدی او طوموبیلی سپر
آلمغه چالیشیور ، بر برلندن جسارت بکلر کی خان خان
باقینور لردی .

— او طوموبیلک یانندن چکیلک ، آتس ایده جکم .

اونلری داها زیاده قور قوتوب قاچیر مق ایستیوردم . نوزر لینه
آتس ایتکه جسارت ایده میوردم . او آنده او زاقده ، کاغذخانه کوی
یولوندن بر سواری کوروندی ، آغیر آغیر کلیوردی . او طوموبیلک
یاننده کیلری کوزومدن قاچیر مایه رق اونک بر آز داها یا قلاشمانسی
بکلیور ، وقت قازانمق ایستیوردم . او کده کیلر بردنبره سپر لرندن
چقیدیلر . بری صاغه بری صوله دوغرو قوشدی . او چنجیسی
آرابه نک یاننده قالمشدی . مقصد لرینی بر لحظه ده آکلادم . بنی
اوچ طرفدن چو یروب مدافعه می شاشیر تمق ایستیور لردی .
آرقامی دایا دیغم آغاجی بر اقوب آرابه یه دوغرو قوشدم . بوسفر
هوایه دوغرو بر آل سلاح داها آتدم . او طوموبیلک یاننده کی
کیمک یوزلی حریف بردنبره اللرینی هوایه قالدیردی :

— آتمه ، برشی یاپمام .

قورقو ، تسلیمیت حالی کوسترمکه برابر کوز لرنده کی فنا
مقصدک ایزینی کور بیوردم .

— پکی دیدم . آتس ایتیه جکم ، فقط یکر می آدیم کری یه

کیت... او یاواش یاواش کرلیور، بن او طوموبیله یا قلاشیوردم.
 دیر کسیونه او طور ابیلسه یدم تهلکه قالمایه جقدی . تام باصامغه
 آیاغمی قالدیرمشکن آرقه مده بر نفس دویدم . و او آنده ایکی
 قوتلی آل قوللریمی طوتدی . او کده کیله مشغولکن بر باشقه سی
 آرقه مدن کلشدی . آلمده کی سلاحی آلمغه چالیشیور بر طرفدن
 آرقا داشلرینه سسله نیوردی .

— يتيشك به ، يا قالادم که کلکی !

دهمین اللرینی قالدیروب قاچانده کلدی . یتیشدی . کندیمی
 قورتارمق ایچون محقق برینی وورمق لازمدی . قوللریمی حرکت
 ایتدیرمک ایچون بوتون قوتمی طوپلادم . قرارلامه دن قارشیدن
 کلنه بر آل دها آتش ایتدم . اصابت ایتهدی . فقط حریف
 قورقدی یره یاتدی . بوکا رغماً آرقه دن یتیشن او چونجیسی
 طابانجه بی طوتان آلمی یا قالادی . فنا حالده صیقمغه ، سلاحی
 آلمدن آلمق ایچون چکمکه باشلادی . مدافعه امکانی آزماشدی .
 صوک بر حمله ایله اونلری صارصق ایچون سیلکیندم . برقادیندن
 بو قدر مقاومت امید ایتهدکلری ایچون اولاجاق ، بر تانه سی
 بر چوروک صالحیم کی صارصیلدی ، سنده له دی . او آنده روزکار
 کی بر قیرباچ سسی آرقامده شاقلادی . و قوللریمه صاریلان
 ایکی قوتلی آل کوشه یوب چوزولدی . « اورخان » بکک قالین
 سسنی دویدم .

— قورقايك « آی تن » خانم . بن بورادیم .

باشیمی چوررکن بر قیرباچ سسی دهاچینلادی . قوللریمی
 طوتان حریف بر قورقولق کی آیقاریمک او جه دوشدی .

بر آز اول اوزاقدن كورديكيم سوارينك « اورخان » بك
اولديغى آكلادم. شيمدى حيواندن آتلامش، قاچغه حاضر لانان
سرسريلردن بريني قوواليوردى . بر حمله ده يتيشدى . ا كسه
سندن ياقالادى . حريف بر قويون كې تحف سسلر چيقارازق
سوروكله نيوردى .

— بونلر حيرسز ، سرسرى مقولهسى شيلر ، ديدى ،
اورخان بك . كاشكى بريني كبرتسه يدى كز . سزه تعرض ايتدكلى
ايچون برشى لازم كلزدى . سزك او طوموبيله ايب بولونورمى ؟
قيشين آرابه نك پاتيناز پاماماسى ايچون تاكلر ككره ساردىغ
قالين ايب بولوب ويردم .

— شيمدى بكا يارديم ايدى كز بر آز .

آغير قيرباچ ضربه سنى يوب يوزوقويون يره ياتان سرسرى
قيمىلدامغه چاليشيوردى . اونك بكا يادىغى كې ايكي قولونى
ياقالايوب ايب كچيردم ، ايلككهم . اورخان بك بر اوچنى آلدى ،
قولاغنى كرپه تن كې طوتدىغى حريفك بلندن ساردى ، باغلادى .
صوكره ايكى سنى ده عىنى ايبله او طوموبيلك باغاز ده ميرلر ينه ساردى :

— هايدى ، شيمدى ، صوك سرعتله كاغذخانه كوينه ، ديدى .

حيوانه آتلامشى بيله ... موتورى ايشلتم . اورخان
بك آرقادن كليور ، آراصيره قيرباچنى شاقلاته رق هايقير يوردى :
... اوچنجى سرسرى يى قاچيردق ، فقط ژاندارمه بونلرى
بلبل كې سويله تجه اوده ياقايى آله ويرر .

كاغذخانه كوينه داها كيرمه دن كو پروي كچر كچمز تميز
بر ژاندارمه قره قولنك او كنده دوردق . « اورخان » بك سسلندى :

— کامل بك ، زرده سك ياهو ، سكا مشتری كتر دك .
 باشی آچیق ، چوق كنج ، صاریشین ، ظریف برضا بط
 كوروندى . او طوموبيلك آرقه سنده قوشوب توز يمكدن شكلاری
 ده كیشن سرسر بیره دقتله باقدقنن صوكره هایقیردی :
 — وای ، بو چینكه نه لری زرده یاقالادیكز ، ایکی كوندر
 بونلری آریوردم .

ایاق اوزری وقعهی شوپله بر آكلاتدق . كنج ضابط ممنون ،
 متشكر ، بزى تبریک ایندیور :

— کویلونك قویونلرینی چالوب دوریورلر ، سابقه لی چینكه-
 نه لر در ، دیبه چاغیردینی چویك ، كنج ژاندارمه لره امر وریوردی :
 — آتک بونلری ده لیکه ، صوكره حسابلرینه باقارز .

بو چینكه نه لر بوجوارده قویون ، طاووق ، اشیا چالمق ،
 یالکز باشنه کیدنلری صومقله بر قاق دفعه یاقالانمشلر . . کامل بك :
 — سزه چوق چوق تشكر ایده جكم ، دیوردی .
 آریبلدق .

شیمدی بنم ایچون « اورخان » بکه تشكر ایتمک زمانی
 گلشدی . حضر کبی امدادیمه یتیشن بو کنجه متدار قالمشدم .
 بو ایبلکنی بر قاق قورو منت و تشكر کله سیله ثوده مک کافی دکلدی .
 اوکا بر سورپر یز یاپمای ترجیح ایتدم . شیشلی یه قدر کلوب
 آریلاجنمز صیره ده رجا ایتدم :

— بو کون قورقولی بر ماجرا کچیردم . سز یتشمه مش
 اولسه دیدیکز بلکه بنم ایچون ده ا فنا بر حال اولاجقدی . « اورخان »
 بك ، آنه مه بوسر کدشتدن بحث ایده جكم . فقط بو هیجانلی

سرگذشتی آکلایرکن سزکده بولونما کزی ایستم، یارین
بشده، بزہ چایہ کلیر میسکز؟

باشیلہ تشکر ایتدی. آریلداق.

بو حادثہ سینیرلریمی حرکتہ کتیرمشدی. طاتلیقلہ بیتن
هر ماجرا کبی بو وقعده نه زماندن بری سکونت کچیره
اعصابه عادتنا برشدتلی دوش کبی تأثیر ایتدی.

فوق العاده وضعیتر قارشیسنده اعتدالی، موازنه بی غائب
ایتمه مک ایچون بویله موفقیتله نتیجه له نن ماجرالرک حیاتده
تکرری لازم . . .

نه وه کلدیکم زمان آنه می قاپیده بولدم. اونی هر وقتکی
کبی ئوپمکه حاضر لایرکن ایکی آلمی طوتدی. کوزلری بولانمشدی:
— آی تن، دیدی. اولانلری بیلورمیسک؟

شاشیرمشدم. بو صباح اولانلری بن اوکا آکلانه جقدم.
بردنبره کندیمی طوپلایوب صوردم:

— نه اولدی آنه، سویله سهک نه!

ایکی آلمی براقه دن برابر ایچری یه، یمک سالوننه کیردک،
چوق متأردی:

— سه وکی خسته یاتور، «فرید کامی» بکدن بو صباح بر
مکتوب آلمشر، نشانی اعاده ایتمش . . .

— سبب؟

بو سؤال غیر اختیاری آغزمدن قاجمشدی. او دقیقه ده
وضعیت بوتون خطرلیله کوزومک اوکنه کلدی. بو سببی
صورمغه احتیاجم یوقدی. فقط «فرید کامی» نک بو قرارینه بر

باشقه تاویل بولوب بولمادیغنی آ کلامق ایستیوردم . آنهم اوراده کی حاصیر قولتوقلردن برینه اوطوروب بنی دیزلرینه چکدی :

— سبب ، هیچ .. « سهوکی » بی مسعود ایده میه جکینی آکلادینی ایچون هنوز وقت وار کن آریلای داها موافق بولمش .

— معناسز شی ..

— زواللی سهوکی !

— چوق متأثر می ؟

— یاتیور .

— یازیق !

بر معبدده ، بر مزار باشنده دالمش کی ایکی مزده صوصم شدق . انهم بویوک برتهلکه قارشیسینده چاره سز قالمش کی باشی اوموزیمه دوشمش ، دوشونیور . بن بر قاج کون اول ایچریکی سالونده کچن صحنه بی خاطر لامغه چالیشیورم . « فریدکامی » بکک بر بحران کی تلتی ایتدیکم کوکل دعواسی زواللی « سهوکی » نک محکومیتیه نتیجه لنه جک قدر حقیقت اولمشدی .

آنهم ارککلر علیهنده کی درین قناعتلرینه یکی بر دلیل بولمش کی « فریدکامی » نک بو قرارینی تحلیل ایدیور ، اونک بر بو چوق سنه اول « سهوکی » بی آلمق ایچون ناصل چیرپینوب چالیشدیغنی اولکی یاز قالا میشده اونکله بر دقیقه باشه قالمق ایچون نه فرصتله قوللادیغنی برر برر خاطر لایوب آکلایوردی .

... نانکور مخلوق ، « سهوکی » اونی بوتون قلیله آکلایوب صوقولدیغنی زمان او اوزا قلاشمغه باشلادی . « سهوکی » نک اوله بر عشقی واردی که ایلک زمانلر هیچ برشی افاده ایتمه دیکی

حالده کون کچدکجه سرپیلوب آچیلدی . هله صوڪ آیلرده نه قدر ده کیشمش ، ایصینمشدی .

آنهم هیجان ایچنده ایدی . ارککلره عائد فنالغی عفو ایتمه ین برکینی واردی . سویلر کن سسی تیتیریوردی :

— « سهوکی » ایلك زمانلر اوکا باغلانا مادی بوتون عشق « فرید کامی » دن کلیوردی . « سهوکی » نك طویلغی ، هنوز چو جوقلق زمانندن چیقیشی اونی برمدت بیکانه ولاقید براقدی . فقط کون کچدکجه قلبی حرکتیه کلدی و بوتون کنج قیزلرک ایلك سهوکیسی کبی قوتلی ، فداکار ، ایچلی برعشقله اونی سهوددی . بویله جوشغون بر سهوکی بی بولدق دن صوکره اونی یوز اوستی براقق اهانت نانکورلک دکلدده ندر ؟ زواللی سهوکی !..

آنهم سویله دکجه بکاده قورقو کلیوردی . « سهوکی » نك حسابنه وضعیتی بو قدر تحلیل ایتمه مشدم . بوتون تخمینلرم بونك عکسنه ایدی . مهاجر قوشلر کبی هر موسم برقله آقوب کیدن ارککله حیاته کیرمکدنسه کوچوک بربحران کچیروب اصل بویوک تهلکه دن ، بدبختلقدن قورتولمق داها مرجج دی . بن برهفته اول بویله دوشونمشدم . آنهم بو عاقبتک آجیسنی داها باشقه تحلیللرله آرایوب بولدیغی ایچون شیمدی متأثر اولیور ، صیقیلیور ، ترلیورم . آنهم او قدر مایوس که هر جمله سنک صوکنده :

— زواللی سهوکی ، یازیق اولدی قیزه ! دییه خیفلانیور ، اونی کوچوککن ناصل کزدیردیکنی خاطر لیور . اوندن عاداتا طوپراغه دوشمش بر سهوکیلی کبی بحث ایدیوردی :

— بوکا فضله اهمیت ویرمه که دکمز « آنه » دیدم . « سهوکی » به

دوامی بر سعادت مقدرسه اونی بکلیه جک زمانی واردر .
بیللم نهدن بو لاقیردیم او قدر تأثر ایچنده قالان آنه می
کولدوردی . یوموق پارمقلریله یوزومی ، صاحلریمی اوقشادی :
— اویله قومینه زونلر بولورسک که پارمق ایصیرما مق قابل
دکل ، چاپقین قیز .
— نهدن آنه ؟

— « سهوکی » ده سنک کبی یتیشسه ، اونک قلبی ده سنک
کبی حسلرینی محاکمه ایده بیلسه ، بولدیغک تسلی بو وضعیتدن متأثر
اولماق ایچون بره بر ... فقط او نه قدر ایچلی ، نه قدر طوی
برقیزدر بیللمز میسک . عشقی کچ حس ایتدی ، کچ آکلادی .
فقط قلبه یرلشن سهوکی بوتون حیاتی دولدوراجاق قدر
قوتلیدی . اونک ایچون بن بوسقوط خیالک اونی تعمیر قبول ایتمز
برعاقبه سور وکله به جکندن بیله قورقیورم .

— زواللی ، دیمک پک متأثر اویله می آنه ؟
— تیزهک بو صباح آتلیه به کلدی . « فریدکامی » بکدن
« سهوکی » به و انشته مه کن مکتوبلری آکلادی . بو خبر
یالکنز انشته مه کلش اولسه یدی وضعیتی اداره ایده جکلر مش .
حالبوکه « سهوکی » هفته صوکنده دو کونلری اولاجاق نشانلیسندن
آلدیغی مکتوبی بوتون سهوینجیله آچوب اوقونجه آلت اوست اولمش .
— نه یازیق !

— اونک حالنی بیلیرسک یا . ذوقی ، نشئه سی کبی اضطرابی ده
ایچنده در . ایلك دفعه فضله بر هیجان کوسترمه مش ، فقط
صوکره بلکه ده دوشونه دوشونه شدتلی برباش آغریسی ایچنده

کندینی غائب ایتمش .

— زواللی سهوکی !

— تیزه کده چوق متأثر .. بونی هیچ بکله مه دکلرینی سویلر کن
کوزلری یاشاریوردی ، آنه لک قولای دکل ، اولادینک المنی ،
اضطرابنی کورورده متأثر اولمازمی ؟

— انشتم کیم بیلیر نه کوپورمشدر ؟

— او، بویله چیرکین شیلری هیچ سهومز، تام معنا-
سیله مرد ارکک در . قلبی دالدن داله کزه ن ارککلر ایچون
بویله وقعه لر طاتلی طاتلی آ کلاتیلاجق بر سر گذشت در .
فقط جدی ومرد ارککلر ایچون کنج قیز قلبلریله اوینامق
امکانی یوقدر . نه یازیق که «فرید کامی» بکی ایی آ کلایه مامشز .
بن بیله اوئی سهوکیسنه باغلی، درست برکنج آدام طانیدم .
— شیمدی «سهوکی» یی ناصل تسکین ایتمه لی آنه ..

— بن تیزه که سویله دم . یاپیلاجق یکانه شی ، اوکا بر
سیاحت یاپدیرمق در . محیط ده کیشدیرسه بلکه اونوتور .

— صوک زمانلرده وجودجه ده نه قدردوشمشدی دکللی آنه ! .

— ئوزونتودن ... «فرید کامی» نک صوک آیلرده علاقه .

سزلقلرینی بن حس ایدیوردم . استانبولده اولدقلری حالده ،
اسکیدن هر آقشام اوغرارکن هفته ده بر کون بیله کلمه مکه
باشلامشدی . تحفی نزه سی ، اک صوک بوراده . یمکده بولوشد .
قدن صوکره بردها بر برلرینی کورمه مشلر . دوکون حاضر .
لقلری اولورکن تله فونله برقاچ دفعه تیزه ک قونوشمش ، ایشلرندن
یازیلرندن شکایت ایتمش .

— آرتق اونكه مشغول اولمغه دكز. نه لازمسه «سهوکی»

ایچون دوشونمہ لی ..

— بجه الك موافق چاره بودر. موسم ده كوزهل. برسیاحت
یابدیر لر سه هم او محیط ده کیشدیرمش ، همده عائله بو هفته
ایچنده تقریر ایتمش بواز دو واجك دیدی قودیسندن قورتولمش اولور.
مع مافیہ هر شیدن اول «سهوکی» نك صحتی لازم . سن یمكن
صوكره كیتده بر آز كه وه زه لك ایت.. او سنك سوزلر كدن
جسارت آلیر ..

— کوچ وظیفه آینه!

— نه ییالم «آی تن» بو حادنه «ییلدیز» ایچون اولسه دیدی
او قدر اهمیت ویرمزدم . چونكه اوده سنك کبی حسارندن
داها فضله محاکمه سیله یاشار . حالبوکه «سهوکی» اویله می ؟ او
کل یپراغی کبی، هوادن بیله متأثر اولور .

آرتق ایکیمزده صوصمشدق. وقعہ بی ایکیمزده باشقه کو
شهلردن دوشونوردق. «فریدکامی» نك جسارت ایدمه جگنی
ظن ایتدیکم بو حرکتی آرتق تمیر ایدیلن بر شکلده حقیقت اولمشدی.
آنا قیز آرتق سویله جك برشی قالمش کبی سکونتله
یمکزی یدك. ایچمده کیتدجه بویون، کوكله شن براضطراب
باشلامشدی. بو عاقبتده، «سهوکی» بی بوتون امیدلردن اوزاقلا
شدیران بو نتیجهده بنمده بر حصم اولاجاق ظن ایدیوردم .
بو بر وهمدی . «فریدکامی» یه بر کنج قیزك امیدلرینی هدر
ایده جك بو قراری ویردیرمکه بلکهده بن سبب اولمشدم. فقط
شیمدی حقیقت قارشیسندن بوتون بو مناسبتی تکرار تحلیل

ایتدیکم زمان اونی بو قراری ویرمکه تشویق ایچون هیچ بر
حرکتی، هیچ برتمایلی خاطرلامادم. بالعکس اوبوتون آرزو-
لرینه رغماً بدن استخفاف، وحی حقارتدن باشقه برشی کور
مهمشدی. بو وضعیتده ایکن اونک بوحرکتنده مشترک اولمامه
امکان وارمی؟ بمکده بونلری دوش-بونوردم. آنهم او قدر
دالغندی که بمله مشغول بيله اولمادی.

«سهوکی» بی هان همان آئنده بویوتن آنهم اونک بواضطرابی
قارشیسنده تیزم قدر متأثر اولمشدی. قارقارکن آغیر آغیر
ایچنی چکدی.

— زواللی یاوروجق الله ویرهده ایلیک ضره یه مقاومت ایتسه!
آنهمک قناعتنه کوره قادینلرک حیاتی ارککلردن کلن
فناقلرله دائمی برمجادله حالده کچر.. بونک صوکی یوقدر. اک
موفق اولمش قادینلر بيله سعادتلرینی سهوکیسندنه بولدقلری
ارککی ضبط و اداره ایچون مجادله ایتمک مجبوریتنده درلر. و
اک صوک مسعود کورونن ارکک بيله یکی بر کوکل ماجراسی
کیرمک ایچون جان آتار.

آنهمک بو قناعتلری هیچ ده کیشمه دی و بن کندیمی
بیلدم بيله لی هر فرصتده بکا تکرار ایتدی.

— قیزجغزه کیدوب برقاچ شی سویلیه جکسک دکلی آی تن!

— طبیعی کیده جکم آننه، فقط بنم سویلیه جکلرم بیلدم که

اوکا تسلی یرینه کچه جلمی؟

— نه کبی؟

— صیمی اولتق ایچون اوکا سویلیه جکم یکانه شی، اون

تبريك ایتمكدن عبارتدر.

— چیلدیردکمی سن؟

— نیچین آنه؟

— اوچ کون صوکره نه ولنه لری قرارلاشان ایگی نشانلینک

آیریلیشی تبریک ایدیلیرمی؟

— شیمدی آریلایوب برآی، برسنه صوکره آریلسه لردی

داهامی ائی اولوردی؟

بو جوابم آنه می شاشیرتدی. اونی تأمین ایتک ایچون

علاوه ایتدم:

— «سهوکی» هنوز کنج بر قیزدر. استقبالی واردر. بو

حادثه هر حالده خوش برشی دکل، فقط بو کون دکلده بر آی

صوکره اولسه یدی نتیجه سی بو کونکندن داها فنا اولمازیدی.

«سهوکی» ایچون امیدلرینی و آرزولرینی صاقلایوب داها امنیتلی

بر استقبال بکله مکه وقت وار، اویله دکلی آنه؟

دوشونیوردی. باشنی صالادی. و کوزلرینی یردن آیرمادن

یاواشجه جواب ویردی:

— «سهوکی» ده بویله دوشونه بیلسه...

— بن اونی بو دوشونوشه آلیشدیراچم آنه.

ایکیمزده قالدق، آنهم بر کولکه کبی، بسس سز حاضرلانیدی

وقوریدورده غائب اولدی. اونی هیچ بر زمان بو کونکی قدر متاثر

کورمه مشدم.

— «سهوکی» یه آقشامه دوغرو کیتمه قرار ویرمشدم.

حالبوکه تیزمه تله فونله همان کله می سویله دی. کیتدم. عاٹله

دوقتوریمز صفوت عمر بکله همان قاپیده قارشیلادق. بنی آئنده

بویوتن بوسه ویملی دو قتوره چوق حرتم واردر. اونی ئوپر کن صوردم:
— «سهوکی» نی ناصل بولدیکنز بک افندی .

یووارلاق یوزونده کی یوموق، کستانه کوزلرینی تامیله
یومدی. دوداقلرینی اویناندی. ائنده کی شابقه سنی باشنه قویدی
و بر سر تودیعی ایدر کبی یاواشجه جواب ویردی:

— قوتلی بر-سینیر بحرانی، بلکه کچر، بلکه دوام ایدر .
بر آز اهتمام کورمک ایستر، یالکنز قوردیبالر، برومورلر
کافی دکل؛ بویله تدبیرلر علی العاده سینیر ضعفلی ایچون در .
حالبوکه بونده بر آزده قلب تاثرلری واردر . اونک ایچون
تیزه کزده سویله دم . خسته بی مشغول ایده جک چاره لره باش
وورمالی. برسیاحت محقق لازم. چونکه سینیرلر کبی بنیه بی ده
ضعیف بولدم. حکیم علاجلی بویله بحر انلرده ایکنجی درجه ده قالیر..
صفوت عمر بک ده آنهم کبی سیاحت مراقیسی.. دو قتوری
سلاملایوب یوقاری یه چیقدم . بووقه نك «سهوکی» یه بو قدر
تاثر کتیره جکینی ظن ایتیموردم . اونی یا تاغنده صاری، نارین
بر آقاسیا پراغی کبی کورونجه قورقدم . تمیز بر کوك کبی
ماویلیکلرینه ایریشیلمه یه ن براق کوز بکلری بیله بولوظلانمشدی.
اونی ئوپدم، ئوپدم . فقط نه وده کی بوتون قراریمه رغماً اوکا
«فرید کامی» بک علیهنده بر شی سویله مکه موفق اولامادم .
اونی بو اضطراب ایچنده یا تاغه دوشورن «فرید کامی» دکلیدی؟
اونک، قلبنده بنسه نمش یری اولماسه یدی «سهوکی» بو ضربه
ایله سر سمله مز، ضعفی بو قدر درین بر اضطراب ایله اعتراف
ایتمزدی . «سهوکی» بی تخمین ایتمه دیکم بر تاثر وضعف ایچنده

کورو نجه اونی آنجا کمندینه عاڈسوز لرله تسلی ایتک مجبوریتنده
 قالدیم . حالبوکه بن « فریدکامی » نك علیهنده اونی اویله دولدورا-
 جقدم که بلکهده اویله بر آدامه اونی اوزا دیغنه اوده ندامت
 ایده جکدی . اصل هجوم نقطه سنی غائب ایدنجه بنم سوزلرمده
 هر کسک قورو ، یکنسق و صوئوق تسلیلرندن فرقسز قالدی .
 بنده هر کس کبی اوکا :

آماسیه نك بارداغی بری اولمازسه بری داها ! شکلنده محله
 قیزلرینک آغزنده کزمن یاوان ، چیک و توز بزی کبی کیرلی
 لاقیردیله سویله مکه مجبور اولدم . « سهوکی » ده « فریدکامی » یه
 قارشی برحدت و عصیان اثری کورمش اولسه یدم یاریم ساعت
 ایچنده بوحدتنی نفرت درجه سنه چیقاریر و اونی برحمله ده یا تاغندن
 قالدیروب کز مکه کوتوروزدم . حالبوکه زواللی قیز « فرید
 کامی » دن کلن بو ضربه ایله یا تاغه سریلدیکی حالدده خیر پالانمقدن
 خوشلانا برهند فقیری کبی بیاض دوداقلرنده جانسز بر تبسم
 یاراتمغه چالیشه رق اونک علیهنده باشلایان لاقیردیله قاتا تمغه چالیشیور .
 برقاچ قورو ، قوف و معناسز لاقیردی سویله دم . و چوق
 تأثرله آکلادم که « سهوکی » بی بوتون غرورینه رغماً یا تاغه دوشورهن
 سبب تخمین ایتدی کمدن چوق آجی و قوتلی در .

اونک حالی و بو وقعهدن اول کچن حادثه لر بنی چوق
 دوشوندوردی . حیاتمه ایلك دفعه یأسک آغیرلغنی ، انسانک
 قلبنی ، هویتنی بوشالتیر کبی دامارلرمده کی حرکت و حرارتی
 اویوشدوردیغنی حس ایدی سوردم . آرزو و هیجانک بیتدیکی
 یرده یأس واضطراب باشلیور . او کمده یاشایان بو وقعه بی ایکنجی

دفعه سیر ایدیلن بر فاجعه سخنه سی کبی کوریوردم . بو اَلم
 ماجرا ده نه بلیرسز ، فقط نه مشکل بر رولم واردی . بوشه سز
 بنم ایچون بر سر اولوب کیده جکدی . فقط کاشکه کوزهل
 « سهوکی » یی بدخت ایدن بو اَلمی سخنه نک اسراری بنم ایچون ده
 مجهول قالسهیدی ..

هر کسجه بر معما حالنده کورون بونتیجه نک بر قهرمانی ده
 بن دم . فقط بو اویله بر وضعیتدی که کوزهل « سهوکی » یی
 اضطر ایدن قورتارمق ایچون بکا هیچ بر امکان و جسارت
 ویره مزدی . بووقه « سهوکی » نک حیاتنده بلکه ده بر دونوم
 یاپه جاق ، بوجرانی آتلاتیر سه حتی یکی ومسعود بر موسمه داها
 کیره جک و ماضی یی اونوتاجاق . اونک ایلک عشقی ایسته میهرک
 و بیلیمهرک بوزوب داغیتمه سبب اولدیغ ایچون بو اَلم معما ،
 بنی بوتون عمرجه مضطرب ایده جک !

*
*
*

کچن بهار ده سر که جی استاسیوننده بنی کچیر مکه کلن « سهوکی » یی
 بو بهار بز تشییع ایدیورز . کوزهل « سهوکی » اون کونلک
 بر صارصیتیدن سوکره همان بوتون عائله نک و بر دیکی سیاحت
 قرارینی قبول ایتدی . بو کون باباسیله اسویچره یه کیدیور .
 کوزهل قارده شم بو اون کون ایچنده بر بادم چیچکی کبی بوروشدی ،
 ده کیشدی و دوشدی . اویله حس ایدیورم که او بر قیریق قدح
 کبی سهوکی سنی آقتوب بوشالتان بو قلب جریحه سندن زیاده
 درین بر غرور و عزت نفس آغریسندن مضطرب در . عشقی ،
 کوزهل لکی و استقبالی اهل ایدیلن بر کنج قیز ایچون بو قلب

آغریلرینی حس ایدوب الیافه قورد کیرمش بردال کبی رفکنی،
تازه لکنی و چیچکلرینی فدا ایتمه مک ممکنمی ؟

اونک کوزلرینی ، بر کول یپراغی کبی سرین و حساس
یوزونی اوپرکن برکله داها بولوب سویلیه مه مکدن کلن برعجز
و اضطراب ایله کوزلرم یشاردی . اونک قارشیسنده امیدلرینه
و عشقنه فالق ایتمش بر انسان کبی ، برعجز کبی قورقیوردم .
« فرید کامی » نک برکولکه کبی حیاتندن چکیلوب کیدیشنده
کندیمی قباحتی کورییورم فقط بو اویله کناه که ایچنده بنم
یالکز وجودم وار . نه آرزولرم ، نه قرارم بوفالقده مشترک
دکلدر . کندیمی شونکله تسلی ایدیورم که « فرید کامی » بی
بو حرکت سووق ایدن قرارده بنم بر دامله تشویقم یوق . بنم
قباحتم تصادفه آلت اولمق ، او وضعیتده بنم یرمده کیم اولسه ،
وجدانلی بر انسان کبی آنجاق بویله حرکت ایده جک ، « فرید
کامی » نک بحرانلری قارشیسنده اونی نشانلیشنه عودت ایتدیرمک
ایچون برهمشیره کبی نصیحتلر ویره جک ، بنده بونی یاپدم .

ترهن حرکت ایتدی . اونک اوفالان صولوق یوزی غارک
اوزون بوشلغنده بربنک کبی قالدی وترهنله برابر غائب اولدی .
تیزه ، آنهم آغلیور . « ییلدیز » دوشونیور . بنده کوزلریمی
دولدوران یاشلری ضبط ایتمهک چالیشیورم . آنهمک قیریق
سیسی بزنی تسلی ایدیور :

— ایساللاه اونوتور یاوروجق .. سیاحت انسانی چوق

ده کیشدیرر .

« ییلدیز » جسارت آلمش کبی میریلداندی :

— بابام اونی اوپله کزدیررکه « فرید کامی » بی دکل یا
بزی بیله اونوتور .

... برکوزهل بهار دوام اییدیور. آنهمده اصرار ایتدیکی
خالده بویاز بریره کیتمک ایچون هوسلنمیورم . قلوبک قوطره سی
خفیف فوطه لریمز فنارباغچه اوکنده یاریشله ، آراسیره کوزومک
اوکنده رسم کچید یاپمیور دکل ، فقط یونلری اسکی هیجانله
خاطرلامیورم . بیلیم نهن ، اوجوشغون آرزولریمه بردورغونلق
کلدی . ساده ، طبیعی دوشونمکه آلیشانلری حیاتک معمارلی ،
مشکلری و حرکتلری شاشیرتیور . صوک وقعهلر بی چوق
ده کیشیدردی . آنهم بو حاملدن هیچ ممنون دکل . او بی
دائما آله آوجه سیغماز برچلغین کورمک ایستیور . بودورغونلغ
اونی اوپله قورقوتدی که برقاچ کره اوزون اوزون « صفوت
عمر بکه » معاینه ایتدیردی . یکی دوغمش بر چوجوق یوزی
کبی یوموق یوموق چهره سیله صفوت عمر بکک قارشیسنه چیدقچه
صیقیلیردم . اوتاقیه سز ، قیصه بر آنغلیقان راهی کبی کو کسی
دیگر دیکلر :

— قلب بر موتور قدر قوتلی ، قرق بر کره ماشاللاه ،
جکرلر دیرسه کز وانیتلاتور کبی ایشلیور . وجود آغیرثقلت
شامپیون نامزدی .. بن بوقیزک نره سنی معاینه ایدیم آ افندم .
دیبه آنهمه شفاهی راپور ویرردی .

یکانه ذوق آلدیغ شی اوطوموبیل قورصلری .. آرتق
« تهنیس » ده هفته ده برایکی دفعه کیدیورم . ا کسک اولماسین

«اورخان» بك بعضاً اوغرىيور. تلهفونله صوربيور. او اولماسه «ته نيس» ى ده اهمال ايده جكم. همان هر كون ساعت دورتنن صوكره او طوموبيل كزىنتيسى ياپيورم. طرابيه، حاجى عثمان بايرى، بندلر، فيريلداق باغچهسى، فلوريا. كز مهديكم يرقاليور. يكي بر تابلويده باشلادم. استنيه ايله اميركان آراسنده كي يول دونه مجندن قارشى ساحلك، پاشا باغچهك وبكقوزك كورونوشى چوق كوزهل، ده كيز اورتاده بر ماوى كول كبي دوربيور. بوياماچده، چيلك تارالرينك ئوزرنده اسكى متروك ايكي طاش ده كيرمن وار. اونلر ياننده سهپامى قوروب طاسلاق چيقار. بيورم. ذاتاً بوراسنى اسكيدن سه وهرم. آنهم بنى بورايه هپ چيلك وقتى كتيرر، ضالويرر. توز طوپراق ايچنده چيلك طوپلاردم. شيمدى دورت بش ييل اولكى زمانى دوشو. نوركن كندىمى او قدر آغير باشلى بوليورم كه! «اورخان» بك آت كزىنتيلرني بورالره قدر اوزاتمغه باشلادى. چوق كبار چوچوق.. ارلك آرقاداشلر يمه قارشى آلدېغم احترازلى، تدبيرلى طورلرى اونك ايچون دوشونمكه لزوم كورميورم. چونكه اوصميميتى و آرقاداشلغى بنم ايسته ديكم معناده آكليور. دوستلغى حرمت درجه سندن آيرمايانلره اعتماد ايديلير. «اورخان» بك زويه كيتسم بر كولكه كبي اطرافده پيدا اوليور. فقط او قدر حرمتمكار و صميمى كه بو كورونوشلرى اصرارلى و صيقيجى بر تعقيب حسى و برميور.

... بو كون «سه وكى» دن قيصه برمكتوب آلام. «زالسبورغ» دن يازبيور. «ويانه» ده برهفته قالدقن صوكره اورايه كيتمشلر.

«ویانه» بی چوق بکندیکنی، بئم کندیسنه بحث ایتدیکم یرلری
هپ کزدیکی سویلیور. مکتوبده «زالسبورغ» عائد برقاچده
رنکلی قارت پوستال وار. اورتاسندن کچن ماوی مہری، یم
یشیل یاماچلری و افقرلنده کورولن قارلی تہلریلہ بو شیرین
یری بنده سہومشدم. دوغروسی دیکلنمک، فکر یورغونلغنی
کیدرمک ایچون «زالسبورغ» بر جنت .

«سہوکی» مکتوبنده استانبولدن و کچن حادثہ دن ہیچ
بحث ایتیمور بوکا چوق ممنون اولدم . انشتهمدن دہ تیزہ مقیصہ
برمکتوب کلدی . «سہوکی» نک سیاحتندن پک خوشلاندیغنی،
حتی بعضاً کندیسی ایشلرینی تعقیب ایدرکن اونک یالکزباشنه
کزوب دولاشدیغنی سویلیور . اونی «ویانه» دہ برمتخصصہ
کوسترمش . قالابالق شہرلردن زیادہ یوکسک وساکن یرلرک
اونک بنہسنہ داہاموافق اولاجغنی سویلہدیکی ایچون «زالسبورغ»
کیتمشلر . بو قیزک یاشاییشی بنی چوق مشغول ایتمکہ باشلادی .
اسکیدن اونککہ ہیچ علاقہ دار اولمازدم . او وقعہ دن صوکرہ
کندمدہ اونککہ مشغول اولمق ایچون عادتاً بر مجبوریت حس
ایتمکہ باشلادم . ایچمدہ حالا ، اونک سعادتہ آنکل اولمش
بر انسان کبی عذاب وار .

صیجاقلر باشلیور . یاواش یاواش دہ کیز وقتی کلیور .
آنہم بورغاز آطہسنده کوچوک برئہ و طومتق ایچون اصرار
ایدیور . بن ہریل اوندن اول بریرہ کیتمک ایترکن بویاز
استانبولدن ایریلق ایستہمیورم . غالباً یالکزلقدن، آرقاداشسز
قالقدن قورقیورم . چونکہ شیمدی یکانہ اکلنجم ہان ہان

هفته‌ده ايکي صباح «ته نيس» له او طوموبيل کزينتيلرندن عبارت قالدی .

«اورخان» بک صميمی بر آرقاداش اوليور . سوزلشمه دیکمز حالده همان هر کون اونکله بر برده قارشيلاشيورز . هله «استيه» نوزرنده کي رسم يرمی بر دفعه زيارت ايتمه دن کچميور . چوق ايي فکرلری وار . رسمله مشغول اولماديني حالده صنعتدن رنگدن ، مناظر دن آکليور . او آتنگ عاشقی .. «طورنا» سنی بر اولاد کي سه وييور . کچن صباح بن هنوز گلش ، او طوموبيلي يول کنارينه بر اقوب رسم طاقلريني حاضرلامغه باشلامشدم . يولک گوشه سندن بر اوق کي فيرلادی . کلدی . «طورنا» بيله يريني از بر له مش ، ياواشلادی ، او طوموبيلک اوکنده کي آقاسيانک اوکنه کلدی دوردی . اورخان» بک اونی هر زمان اورايه باغلار بر اقيردی . غالباً چوق قوشدورمش ترلتمشدی . نه کر چانظه سندن اينجه بر اورتو چيقاردی . بويوک اعتنارله «طورنا» سنی صاردی ، يانمه کلدی .

— آتکنزه محبتکنز پک فضله اورخان بک ، ديدم . بونه اهتام ..

هر وقتکی کي صولومه کچهرک يره او طوردی :

— جنس بر آت ايي بر آرقاداشدر خانم افندی . هله

«طورنا» کي امکدار اولورسه .

— دوغروسی بو آرقاداشلنی قيصقانيورم . خصوصيله

بن امکدارده دکلم . کولدی . يردن بر تيترهک قوپاروب تانهلريني قوپارمغه باشلادی .

— بو صباح بک نشئه ليسکنز «آي تن» خانم ، کيفلی اولديفکنز

وقت استهزا کز نهایت یوقدر، ادعا ایدهرم که یوتابلو کز ماصلاق
کوشکننده کی رسمدن داها کوزهل اولیور .

— اویله می، نه دن عجیا؟

— بر دفعه صنعتکز کون کچدکجه ایبرلیور . صوکره

بیلیم، بو بهاری داها کوزل بولیورم ده .. باقسه کز آ، نه قوتلی
رنکله . هم ده تازه، کنج رنکله، ماوی، مور، یشیل ..

«پالته» کئوستنده نه زیلوب داغیلان بویالره باقارق علاوه ایتدی:

— تحف دکلی آی تن خانم، بر رسم پالته بیله بکا کوزهل

بر رسم ذوقنی ویرر .

غیر اختیاری کولدم .

— بو طبقی ایران شاهنک قونسردن اول یاپیلان ساز

آقوردینی سهومه سنه بکزه دی اورخان بک، داریلمایک آما .

— دیدم یاه، بو کون نشئه کز یرنده .. باقلم داها نه مکمل

التفاتلر بکزه نائل اولاجغز .

— داریلیر میسکز؟

— بالعکس ممنون اولورم .

— نیچون؟

— سزکله کوروشمش، سزی دیکله مش اولمق ایچون .

صوصدم . اوده همان باشقه موضوعلر بولدی . بو کون بند

لره قدر بر یوروش یاپمه مزدن بحث ایتدی . اونک بو حاللرینی

پک بکه نیورم . کوچوک بر ایکنه ضربه سی ووردیغنی حس ایدر

ایتمز همان خطاسنی آکلامش کبی قاچیور .

بو کون هم قونوشدم، هم چالیشدم . اوکله اولمشدی .

ياواش ياواش بويآ تو بلرينى، فيرچه لريمى طوپليوردم. «اورخان»
بك ده قالدى، رسم چانطه مى آلدى. برابر يرلشدير دك، صوكره
سپايى اوفاق پيلييانى آلدى. آشاغى يوله اينمكه باشلادق :
— غالبا كزيتيليريكزه مانع اوليورم «اورخان» بك، ديدم.
حيرتله باشنى چويردى .

— سز بلكه داها ايلرى كيدوب كزه جكسكز، بكاتصادف
ايدنجه قالمق نزا كتمده بولونيورسكز .

باشنى ساللادى. سپايى او طوموبيله يرلشدير ركن جواب ويردى :
— بونى، يازكرده قالمه مدن صيقيلديغى آكلاتقى اچون
سويليورسه كز، برداها بر «بونزور» ده يوب كيده يم خانم افندى..
سرعتله جواب ويردم :

— خاير، آرقاداشلغى كز دن بك ممنونم.

او طوموبيله آتلادم. اوده «طورنا» يى چوزدى :

— آرابه چوق توز ياپيور اورخان بك، ديدم، سز
او كه كچسه كز . .

— يان يانه كيتسهك..

— امكان وارمى، يوقوشدر، بن بر آز سرعت ويرمكه مجبورم.

— كرى قالمم .

— نه... ياريشمى؟

كولدى . ئوزنكى يه باصوب آتلادى :

— ممكنمى سز كله، ديدى. مع مافيه يوللرده چوق ويراژلر

وار. سز اونلرى دونونجه يه قدر بن كسدير مه دن اپي يول آلا بيليرم.

— آكلاشيلدى. سز ادعا يه كيريشمك ايستيورسكز بك اعلا.

سز کسديرمه دن بن يولدن کيده چکيز . هانکيمز ايلک دفعه
ماصلا قده کي چشمه نك او کنه کليرسه بحی اوقازانه جاق سوزمی ؟
— سوز .


— نه سنه ؟

— نه سنه اولسون .

— بن غائب ايدرسه م سزه بر بويون باغی آلاجم .
— بك اعلى سز قازانيرسه کز بن ده سزه بر نه شارپ آلايم .
— براوو . هايدی باقلم ، مارش .

او بر آنده « طورنا » يي مهموزلادی . بن برنجی ايکنجی
ويته سلردن صو کره او چونجی به ويردم . ايکنجی بنزين موصلغنی
آچدم . بوتون قوتله غازه باصدم . او طوموبيل يوقوشی الی
کيلومتره اوزرندن چيقدی . دوزلکه کلنجه آتمشه ، يتمشه
دوغرو يوکسه لدی . « اورخان » بك تازه چيلک تارالرينک
يانندن خندکلر آتلايوب ، تومسه کلر کچهرک درت نعله
کيديور . بعضاً بن او که کچيورم ، بعضاً او .. ويراژلردن
استفاده ايتديکی يرلرده بن کريده قاليورم . دوزيره کلنجه
درحال کچيورم . ايکيمزده بر بریمزی کوزدن قاچيرمايه رق صوک
سرعتله کيديوروز . شهرامانتک تعمیرات قولوبه سنک او کنده
ينه برلشدک . بوندن صو کره يول دوز اولديغی ايچون « اورخان »
بکک حالی خراب . بو ياريش عادتاً فنه ر باغچه — غلظه سراي
مسابقه سی کبی برشی اولاجاق ، بن فنه رلی ، او غلظه سرايی .
اورخان بکک « طورنا » سنده ، يولارينک ياننده ايکی قورده لا
اوچيور ، صاری ، قيرمزی . بنم راديياتورک ئوزرنده صاری ،

لاجورد قوقاردی هیچ ا کسيلمز. آلمانك چفتلكنه دوغرو
ديك آشانى قوتمله غازه باصدم . « اورخان » بك آچقندن ،
چيفتك بنالرينك آرقه سنده كى مانعەلى اراضيدن و درت نعله
كيدىيور. بنالرك خذاسنده برآن بر برىمى غائب ايتدك. او كسديرمه
كيتديكى اچون آچقنغه چيقنجه خذايه كلدك. بشيوز متره لك يريمز
وار. ايكمزده چشمه يي اول طوتمق اچون چالشيورز. او كسديرمه
كلديكى اچون او كمدن آتلايوب صاغه كچمك ايسته دى. بر آنده
او كه چيقدى . يتمش كيلومترو اوزرنده كيدن براو طوموبيلك
او كنه چيقمق برده ليلكدى. اونى چيكنه مه مك اچون ديره كسيونى
صاغه چويردم، فقط او آنده خند كدن يوله صيچرايان «طورنا» نك
قاپاقلانديغنى و «اورخان» بكك بر يا صديق كچي يرده يو وار لانديغنى
كوردم. بو بر آن اچنده كى وقعه دن صو كره سنى بيلميورم، چونكه
او كا چارمق قورقوسيله صاغه چويرديكم ديره كسيونى تكرر
صوله آلامادىم اچون او طوموبيل عينى ثابته ده بوتون قوتيله
يانده كى خنده كه دوشدى و بن باشمه شدتله چارپان سپر ده ميريله
كندىمى غائب ايتدم .»



اورجوبی قسم

— ایکی یارالی کلدی . یاتیردق . کورمک ایسترمیسکز؟
کوزهل چیچک باغچه سنه باقان کنیش او طه سنده خسته
جدوللرینی تدقیق ایدن سرطیب باشنی قالدیردی :

— ینه یارالی می ؟ نه اولدی عجیا .

کنج آسیستان جواب ویردی :

— بر او طوموبیل قضاسی .. پانسمانلرینی یاپدق . او قدر

آغیر دکل ، فقط برینک یاراسی باشنده اولدیغی ایچون ..

اطفال خسته خانه سنه بویله خسته لر آلیمازدی . فقط فوق العاده

وقعه لر قارشیسنده تولوم تهلکه سی کچیره ن انسانلره قاپی آچیلمازمی ؟

کنج آسیستان علاوه ایتدی :

— یارالیر یوکسک عائله دن ، ایکی سنی آیری او طه لره قویدق

(۱۱) ، (۱۲) بوشدی .

— یکی کلیورم .

اوكله كونشى باغچه نك يشيل طر حارنده آچان مورصالقيملرى
ايصتمش ، طوپلاديني بايغين قوقولرى هوايه قاريشديرمشدى .
خسته خانه ده هر وقت دوام ايدن درين سكونت يته واردى .
يالكز باغچه ده آغاچلرده ئوتوشن قوشلرك جيويلتيسى ايليق
بهار كونك موسيقيسى كبي بو سكونتى تيره تيوردى .

سر طيب امضالاديني جدوللرى بتيردى قالدى ، بياض
كوملكنى كيدى . وكوشه لرندى كنج خسته باقيجيلرك باشلرى
اوزانان قوريدورلردن كچه رك (۱۱) نومرولى اوطنك اوكنه
كلدى . قاپى آرائقدى ، ايجريده براقچ باش كورونيوردى .
اونك يوزونى آرائقدن كورهن اسپستان خبر ويزدى :
— سر طيب بك كلدى .

قاپى آچدى . اورته ده كى قاريولاي چويرهن كولكلر
قاريشدى وسر طيب داها بر آديم آتمدن هايقيردى :
— آي تن !

خسته نك باش اوچنده برياض خيال كبي دوران قادينك
باشى حركت ايتدى . ياشلى كوزلرى پارلادى . ودونوق ، اسكى
برسس ايشيدىلدى :
— ماجد :

وايكى بياض كولكه برخيال كبي ياقلاشديلر . قادين سنده
ليوردى . قاريولانك ده ميريني آراركن اوتكه كى آلنى دوكتور
طوتدى . چوق پریشاندى . بياض دوداقلرندن آغريلى ،
اضطرابلى برسس دو كولدى :

— ياورومز تهلكه ده ماجد ، قورتار اونى ..

اوطه ده کیلر معناسنی ، منبعی آکلایه مادقلری بو صحنه نك هیجاننه حرمت ایدر کبی چکیلمشدر ، کوزلری قابالی ، بوحر- کتلردن خبرسز یاتان خسته نك باشی اوجنده ایکی کولکه بی یالکز برامشلردی . دوقتور ماجد وضعیتی بر آنده قاوردی ، هر هانکی بر تهلمکه لی خسته قارشیسنده دویدنیغی وظیفه حسی هیچ بر قلب حرکتیه نولچوله مهین او صیجاق بابا شفقتیه قار- یشمشدی . شیمدی سینیردن بر ما کنه کبی حرکت ایدیور . حرارت جدوانه باقیور ، آسیستانه امرلر ویریور . خسته باقیجیلری خاشلیوردی .

کنج قیزک یاراسی باشنده ایدی . خسته خانه به کلدیکندن بری بر قاچ کره کوزلرینی آچمش ، فقط آغزندن بر لاقیردی چقمامشدی . آسیستانلرک تمیزله دیکی یارایه دوقتور ماجد بر داها باقدی . جریحه او قدر درین دکلدی . شایقه نك سپری و ساچلری صدمه نك شدتنی قیرمشدی . فقط قضا محندن خسته- خانه به قدر هیچ برشی یاپیلمه دن کتیریلدیکی ایچون یارانک بر میقروب آلمش اولماسی احتمالی واردی . دوقتور ماجد هر نقطه سنی حساب ایدهرک چالیشدی .

یارانک موضعی اولاراق بر تهلمکه سی یوقدی . فقط التهاب یابدیغنی آکلامق ایچون بکه مک لازمدی . صدمه نك باشده اولوشی کنج قیزی صارصمشدی . فقط بو باغینلغک جدی بر تهلمکه سی اولمادیغنی دوقتور ماجد کوچوک بر معاینه دن سو کره آکلادی . دماغ بو صدمه دن متأثر اولمامشدی . وچوق کچمه دن کنج قیزک ، ماوی ، جیمغیلی کوزلرینی بر بیاض بولوط کبی

اورتن کوز قاپاقلری یاواش یاواش دوشدی . بیاض دوداقلری
قیمیلدای :

— آنه !

— یاوروم .

و کوزلری تکرار آچیلدی . بو سفر بیکلرنده حرکت
واردی . آنا قیز کولومسه مکه چالیشیوردی . کندینی یوقلامق
ایسترکی ئورتونک آلتدن اللرنی ، آیاقلرنی حرکت ایتدیرییور ،
آغزینی ، چککسنی اوینا تیوردی . اونک بو معاینه سی یارالی
حالنده بیله اطرافنده کیلری کولدوردی . دوقتور ماجده ، اوکا
بر آز «قوردیبال» قوتنی بولدوراجق برایی «برومور» ویردی .
بو علاجلر کنج قیزی حرکت کتیردی . ایلک زمان هپسنی
قورقوتان دالغینلی بردها عودت ایتهدی .

شیمدی یا ناغنگ ایکی طرفنده دورانلره باقیور ، بعضاً برکله
ایله بعضاً بر دوداق بو کوشیله سویله ن لاقیردیله علاقه دار
اولیوردی . ئورتوسنگ آلتدن بری بویوک و سرت ، اوته کی
اوقاق و یوموشاق ایکی آل پارمقارینی طومش اوقشیوردی .
آقشام ، الکتریقلر یا نارکن کلنلر عودت ایتدیلر . خسته نک
یاننده آنه سیله دوقتور ماجددن باشقه کیمسه قالمادی . قونو -
شمیورلردی . کنج قیز آرا صیره دالیور . صوکره آنی بر
رعشه ایله سیلکینیور . کوزلرنی آچیوردی . ماوی آباژوردن
صیزان دونوق ضیا او طه یه بر معبد رنگی دولدورمشدی . بو
سکونتی ینه کنج قیزک خفیف سسی اخلاص ایتدی :

— آنه !

— یاوروم.

— اورخان بك ده یارالمی؟

— بر آز یاوروم.

— نه ده؟

— بیتشیک او طه ده.

کنج قیز دوام ایتمه دی. کوز قاپاقلری دوشدی. دالغینلق کاشدی.
دوقتور ماجد:

— او یوسون داها ایی دره، دیدی.

ویاواشجه قالقدی. سسنی یالکز یا تاغک او بر طرفنده بر

صیانت ملائکه سی کبی بکله یین قادین ایشیتدی:

— شو چو جو غه ده باقیم آی تن شیمدی کلیرم.

و آراق قابیدن صیریلوب غائب اولدی.

«اورخان» بکک یارالری دیزلرنده برده صاغ اوموزنده

ایدی. تصادفاً حیواندن دوشرکن آیاقلرینی ئوزنکیدن چیقارتمش

اولماسی اونی تهلکه دن قورتارمشدی. یارالری خفیضدی، یالکز

اوموز کیمکیرینی «رونتنکن» له معاینه ایتمک لازمدی. دوقتور

ماجد اونی چوق قوتلی بولدی. یاننده کی آسیستانه قونوشیور.

قضانک ناصل اولدیغنی آکلایوردی.

آیاغه قالقان آسیستان دوقتور ماجده خسته حقنده معلو-

مات ویردی:

— اورخان بك اك قيمتلی بر سپورچی مزددر مدیر بك،

چوق شکر که مدهش بر قضای تهلکه سزجه، خفیضجه آتلاتدی.

کنج آدم کندنن بجه لزوم کور میهرک اوکا صوردی:

— آرقاداشم نه حالده دوقتور بک. يانده کی او طه ده یاتدینغی سویلیور لر. فقط سز دن ده ایشیتمک ایسترم.

آسیستان کندیسنه اعتماد ایدیله مش کبی جانی صیقیلمشدی:
— او قدر تأمینات ویردی کمز حالده قانع اولیور. ده مین بو حالده یاتاقدن قالمق ایسته دی.

— نیچون؟

— یانده کی او طه یه کیتمک ایچون.

دو قتور ماجد کولدی. قورشونی بویوک کوز بیکلرنده درین بر غرور و امنیت کوردیکی بو کنجک قیزیله علاقه دار اولوشی اونده غریب بر تاثیر یاممشدی. حد تنمشدی. اون سکنز ییلدنبری بر کله بیله قوشمادینغی یالکیز اوزاقدن شهرتنی ایشیدوب آرا صیره ساده جه یوزونی کوردیکی قیزندن کندیسندن داها یاقین بولونانلره قارشی غریب بر کین حس ایدیوردی. ماضینک زمانک تمیزله یوب سیلیدیکی اسکی قرار و محاکمه لر اوکا تلافیسز ندامت حسلری کتیردیکی زمان او پر هیجان عشق ماجراسی و او کنج سرگذشتک خاطره سی اولان یاورو اوندن نه قدر اوزاق قالمشردی.

اونلری بولق ایچون یاپدینغی جدی تشبث نتیجه سز قالنجه یکی بر حیات قوورمائی او خاطره لره قارشی داها اَلم بر حر - متسزک کبی کورمشدی. بو محاکمه اونی بوتون قوتیله مسلکنه یاقلاشیدردی. قیصه فاصله لرله قازادینغی موفقیتلر اوکا نهایت استانبولک اک یکی بر خسته خانه سنک اداره سنی تأمین ایتدی. شیمدی بوفوق المامل تصادف اونی آلت اوست ایتمکه کافی

کلدی، «آی تن»ی، کندی (آی تن) ننی قیزینک یاتاغی باشنده
کورونجه بوتون بر کنجلك و اون سکز ییلق تحسر آنلری
قابنده چانلاندى .

بو اوزون ماضیده نه آجی ندامت لر، نه مشکل دقیقه لر و نه
نفسی عصیانلر واردی. «آی تن»ك اون سکز ییل اول اوکا
ویردیکی پرهیجان عشق و حیات بوتون عمرینک دائماً تازه قالان
بر پارچەسی اولمشدی. بو اون سکز ییل، بریکی عشق و بر
تازه حیات آرزوسی حس ایده مه دن، یالکز او بر ییلق عمرک
لذید، جافلی خاطره سیله یاشامشدی. بو کون تخمین ایدیلز بر
تصادف، قارشیسنه هم «آی تن»ی، هم اونک کندیسنه ویردیکی
او آرزو و هیجان دولو حیاتک خاطره سی اولان یاوروسنی
قارشیسنه چیقارمشدی. اونلره نه قدر متحسردی .

دوقتور ماجد، کچن اون سکز ییلک ویردیکی ملال و تعبە
رغماً بودقیقه ده کندیسنی «آی تن»ی ایلك کوردیکی «یکی کوی»
ریختیمنده اونى ده کیزدن قور تاردینی زمانکی قدر کنج بولمشدی.
بو اوزون ماضینک مبدأنده براقدینی عشق اونک وارلغندن
چیقمقله برابر دائماً قلبنده تازه بر چیچک دهمتی کبی بهار
ایچنده قالمشدی. بو حسلر زمان زمان اوکا هیجان، اضطراب
تحسر و ندامت کتیردی. ایکی ییل اول «مودا» ده کیزاریش لرنده
یتیشمش قیزینک موفقیتنی کورد کدن سو کره بو حسلره او
قانیلماش عشق قوتی قدر صیجاق و درین بریکی هیجان داها
قاریشمشدی. اولاد سه و کیسی، داها عشق حرارتنه قانامایان
روحنده اونى بر آرز داها توکله، سکونته آلیش دیران بر دو یغو

اولدی. و اوندن صو کره دو قنور ماجدک قلبنده نوزرندن اون
 سکز بیل کچن عشق حیانتک جانلی خاطره سی اولان قیزینی
 کورمک اک طاتلی بر خیال اولاراق قالدی. شمدی کندیسنک
 هنوز قاووشدیغی بو خیال ایله « اورخان » بکک ، بو کنج و
 سه ویملی کنجک بو قدر یاقیندن مشغول اولوشنی کورونجه
 ایچنده قیصقا نجلغه ، کینه بکزر بر حس بلیدی. اونک آغیر
 سکونتی و یوزنده کی کولکه بی ، چیز کیلرنده کی سرت حرکتی
 حس ایدن کنج آدام بو اشمئزاک « آی تن » ک وضعیتده کی
 فنالغ افاده ایدیه میه جک ایزلری اولدیغنی ظن ایتدی و یارالرینی
 صارغیرینی بیله اونوتاراق بر آنده یاتاقدن دوغر اولدی :

— رجا ایدرم مدیر بک ، سویله یکز ، آرقاداشم نه اولدی ؟
 دو قنور ماجد ، سنه لک ، وقعه لک ، عصیان و ندامت لک
 تورپوله بوب دوز کونلشدیردیکی اعصابیله کنج آدامک هیجاننه
 باقدی . اون سکز بیل اول کندیسیده عینی حرارت و حرکتله
 نه طاتلی چیلغینقلر یامشدی . کوزلرینک او کندن بوتون بر ییللق
 جوشغون عشق ماجراسی کلدی کچدی . بو ماضیده صباحی
 ایسته نمین و بکلنمین نه ملتبه و مهیج عشق کیجه لری واردی .
 بو ماضی بی اوکا ویره ن قادین ایچرده ، جانلی خاطره سنک باشی
 او جنده بکلوردی . فقط دو قنور ماجدک ، قهرمانیله و جانلی
 خاطره سیله بر دنبره قارشیسنه چقان بو ماضیده نه قدر حق قالمشدی .
 بو کون هر هانکی بر دو قنورک یاردیمنی ایسته ن کنج قیزه او ،
 بر بابا کبی اونی اوزاتمق و اوکا عائد شیرله مشغول اولمق حقنی
 ییللرجه اول آنه سنه ، او ، عشقنه و لحاطره سنه صادق قالان
 فدا کار قادینه بر اقامشیدی ؟

اون سکنز بیل ایچنده بو آنهیه و بوکنج قیزه نه یامشدی؟
دوقتور ماجدک برلظهده ذهنندن کچن بو حقیقتلر اونک
سرتلهشن سینیرلرینی یوموشاتدی، چهره سنده کی تقلصلر سیلیندی
و کنج آدامی تطمین ایده جک یاواش بر سسله جواب ویردی:
— مستریح اولکنز اوغلم، آرقادا شکزده سزک کبی
خفیف یارالی در.

و کوزلرینی یره ایندیروب علاوه ایتدی :

— حتی اوده، برقاچ دفعه سزی صوردی.

صوکره، آسیستان اوکا کنج قیزک وضعیتی حقنده ایضاحات ویررکن
حیاتدن بر طلبی قالماش فرسوده بر وجود کبی باشی اوکنده
قایدن چیقدی.

بر آز نهفه قسیون وار. هر حالده «کولتور» یایمق لازم.
— بو برطیبی التهاب در ظن ایدرم. مع مافیة یایمقندن برشی
چیقماز، احتیاط ایتمش اولورز.

سرطیبیک او طه سنده خسته خانه او پراتوریله برقاچ دوقتور
داها واردی. دوقتور ماجد قیزک باشنده کی یارایی هر کون
کندیسی پانسمان یاپیوردی. بو صباح تصادف ایتدیکی خفیف
نهفه قسیون اونی تلاشه دوشورمشدی. حرارتی اوتوزیدیدن
یوکسکدی. قاپانماسی لازم بر یارانک التهابلانسسی ایچون محقق
خارجی بر تأثیر اولمق لازمدی. یاپیلاجق «کولتور» بو مجهولی
حل ایده جکدی. نهایت اوته کیلرده قرار ویردیله.

دوقتور ماجد اون سکنز بیل حیاتندن اوزاق قالدینی قیزی
ایچون اوچ کیجه در او بومادن، دیکلنمه دن چالیشیوردی. مراق

ایده جک بر شی اولمادنی حالدہ او سانکہ بوتون کچن ییلرک
اھارلکارلغنی تلافی ایتمک ایستر کبی اک کوچوک شیلرلہ بیلہ
مشغول اولمقدن ذوق آلیوردی . آنہسی ایچون بریاتاق داھا
قویدوردی . بر خستہ باقیچی یی یالکز اونلرہ آیردی . رسمی
کاغد ایشلریلہ مشغول اولدیغی ساعتلردن باشقہ بوتون زمانی
قیزینک یاتاغی یانندہ کچیریوردی .

حالا رسمی قونوشیورلردی . دوقتور ماجد بر ایکی دفعہ
تکلیف سزجہ خطاب ایتدیکی حالدہ قادین تمامیلہ لاقید قالمشدی .
ایلک دفعہ قیزلرینک یاتاغی باشندہ بولوشدقلری زمان قادین
ھرشیتی ھر اضطرابی اونوتدوران بر آنالق شفقتیلہ اوکا :
— یاورومز خستہ ماجد ، قورتار اونی .

دیہہ هایقوروب یالوارمشدی . بو اویلہ بر صمیمی فریاددی کہ
اولاد آجیسیلہ یانان یورہ کندہ کی بوتون بریکمش کین وانفعاللری
بر آندہ سیلن کسکین بر آلہ وپارچہسی کبی آغزندن فیلامشدی .
فقط تھلکہ احتماللری کچوب « آی تن » نک قورشونی ، یشیل
قاریشیق ایری کوز ببکلرینی کورنجه دوقتور ماجدک قارشیسندہ
کوستردیکی او ایلک ضعفدن اوتاندی . اون سکز ییل حیاتک
برچوق اُم و اضطرابندہ کچیردیکی یالکز لقلر ، اوزون قیش
کیجہ لرندہ کوزلرینی قیرمہ دن یاوروسنک نفسلرینی بکلیرک
یاشادینی بحرانیلی دقیقه لر ، نکس ایدن بر خستہ لق کبی برر برر
قلبندہ حرکتہ کلدی . اونی ہیچ بر زمان عفو ایتمش دکلدی .
کوکلرک ویردیکی حکملردہ تلافی قبول ایتمز بر قطعیلک واردر .
« آی تن » کندی آدینی قیزینہ ویررکن ماضینک قلبہ بریکن

هجراننى يالکز اسماً قبول ایتمکه قالماشدی . کنج قیزلق عشقنى
اک جانلى حیات آرزولرینی برخیال، برهیچ حالنه کتیره ن ارککلر
ایچون ، بالخاصه بوتون امیدلرینی ئوزرینه قويدیغی دوقتور ماجد
ایچون دويدیغی انفعال ییللر کچدکجه کوکلشمش، سرتلنمشدی .
بوکون قیزینک کچیردیکی برقضا یوزوندن تصادفاً بوخسته خانده
بولوشمه لری بووضعیتی ده کیشدیرمکه سبب اولامازدی .

ماضیده سهویملی و حویپا برکنج اولارق بر اقدیغی دوقتور
ماجدک برکون قارشیسنه قیرلاشمش صاحلری ، قالینلاشمش
و پورصومش وجودیله آغیر باشلی برسرطیب اولارق چیقیشی
اوکااون سکزی ییل اول قوردیغی خولیانک صوکی کبی کوروندى .
کندیسی ده بو اوزون سنه لر ایچنده امیدلرندن اولدیغی قدر
صحتدن ، تازه لکندن نه لر ، نه لر غائب ایتمشدی ؟ « آی تن »
قیزینک یاتاغی یاننده اونک اویقولرینی بکلرکن بوتون بو اون
سکزی ییللق حیاتک موسملرینی برربرر کوزونک اوکندن کچیریور
اونی چوق کنج یاشنده حیاتک متنوع ذوقلرندن فراغته مجبور
ایدن دوقتور ماجدی یکیدن محکوم ایدیوردی .

شیمدی قیزینک تداویسی ایچون برخسته خانیه کلش هر هانکی
بر آنه وضعیتى ألمشدی . حتی قیزینک دوقتور ماجدک قارشیسنده ،
بویله حیاتده مکمل یتشمش اولارق کورونمه سی اونک اھال
ولاقیدیسنه قارشى برنمایش کبی اولیوردی . او ، حیاتده یاپ
یالکز برقادین عجزیله هم کندینی ، هم اولادینی قورتاردقن
باشقه قیزینی ، پک چوق عائله لرك موفق اولامادقلری برشکلده
بویوتمش ، یتیشدیرمشدی . عشقی ، آرقداشلغی اھال ایدلش

برقادين ايجون بوموفقيت ، اوکا لاقيد قالانلره قارشى نه بويوك
ظفردى !

دوقتور ماجدك قارشيسنده، مسعود زمانلرينك خاطرهسى
اولان قيزيني، اينجه اعتنالرله، اهتاملرله يتيشديرمش اولمى ،
حياتنى اوکا وقف ايتمش برآنه موقعنى آليشى غروريني آرتير-
بيوردى. حياتده ار ككك ضعفى، زرددى و اهمالى، اينجه سعادت
كونشلى دولاجاق بو يووانك قابيلرينى ثورتسه بيله قادينك
آرزوسى وعزمى ماضيدن چوق قوتلى بر اثر و برحيات تايمين
ايد بيليردى. كنجلككنك خولالرينى تحقق ايتديرمك ايجون آدينى
قيزينه و يردن «آى تن» بوكا موفق اولديغى ايجون شيمدى
دوقتور ماجدك قارشيسنده كنديني يوكسك بر قهرمان كچى
كور بيوردى .

كيجه لرى ياتاغك ايكي ياننده ايكيسى ده «آى تن»ك اويقوسنى
بكليورلر. واوزون ساعتلرده آرالرنده كچن محاوره بر قاچ كله دن
عبارت قاليور. دوقتور «فيه ورى» يه باقديغى زمان او صور بيور:
— ناصيل؟

— اوتوز يدى بش .

بعضاً پانسيمان ياپاركن «آى تن» صيزلانيور، آنهسى تلاش
ايد ييور. او زمان دوقتور ماجد اونى تسكين ايتمكه چاليشيور:
— برشى يوق أفندم، مستريح اولكز، طبيعى بو قدر جق
آجى اولاجاق.

دوقتور ماجدده اونك بو هيجانلرينه صيقلييور . اولادى
ايجون هر حالده كندى قلبنك صيزلادىغى سويله مك ايتيور .

فقط اوتنه کنک آغیر استخفافکار حاللری قارشیدنده جسارت ایده میوره.
کنج قیز او یاندینی زمانلر آنه سیله اوزون اوزون قونو-
شیور. یانلرنده هر هانکی بر دو قتور کبی بولونان دو قتور
ماجددن صیقلمیور. اوکا دایما «دو قتور بک!» دیه خطاب
ایده رک بر چوق کوه زه لکلر ایدیور.

دو قتور ماجد، آنا قیزک بر برینه صوقولمه لینی آرالرنده
آنا قیزلقدن فضله عادتاً قارده شک، آرقاداشلق کبی درین بر
ایچلیک اولماسنی ذوق ایله، داها زیاده قیصقا نجلقله سیر ایدیور
ییلرجه اول حیاته قاریشان بو قادینی هانکی معناسز سیدلرله
اهمال ایتدیکنی آراشدیریوردی.

کنجک نه قرار سز ونه دوام سزدر. او موسمه حیاتی دولدو
ران آرزولر ایچنده انسانه اوزون بر سعادت ویره جک اولانی
آیروب خیالی، امیدلرینی اوکا ویرمک نه کوچ ..

«کولتور» نتیجه سنک مثبت چیماسی دو قتور ماجدی
تلاشه دوشوردی. غائب ایده جک زمان یوقدی. در حال کوچوک
بر عملیات یایمق، یارایی تمیزله مک لازمدی. خسته خانه نک متخصص
اوپراتوری بونک اون دقیقه لبق بر ایش اولدیغنی سویله دی .
عملیات یایلمادینی تقدیرده «مه نه نریت» تهلکه سی واردی .
یاریم ساعت ایچنده هرشی حاضر دی. آنه سنه خبر ویردی لر .
اوج کوندنبری قیزینک باشی اوجندن آیریلایان حساس قادین
بونو اضطرابه فقط سکونته دیکله دی. «آی تن» یا ناغنده آغری بیان
باشنی صارغیلرک قالینلغنه ووروب میریلدانیر کن قیزینه فضله آجی

دو یورماق ایچون بوتون ترتیباتنی کیزلیجه یاپان دو قنور ماجد پانسانی داها آیدینلق اولان عملیات سالوننده یایمق ایچون قانیدردی و داها صارغیلری آچارلرکن قلور و فورم ماسکه سنی یاواشجه یوزونه کچیردی . بو بر دقیقه لقی هیجانلی ، فریادلی صحنه اولدی . اونو بوتون حیاتی فدا ایدرجه سنه بر کون بیله آغلانوب صیرلاتمیدن دایما یشره ن و چیچکله ن بر کول کبی یتیشدیره ن قادین ، بو آجی فریادلره تحمل ایدرمه دی ، اعصابی کهریلدی ، موازنه سی بوزولدی و نه یابدیغنی بیلمز بر حالدو دو قنور ماجدک اوزرینه آتیلدی :

— براق یاورومی ، وجدانسز آدام ! دینه هایقیردی . کوز لرندن قیویکجیملر چیقیرور ، دو قنورک قولونه یاپیشان پارمقلری بر کرپه تن کبی قیصیلوب صیقیشیوردی . وضعیتده کی تهله کبی سزه ن ایکی آسیستان یتیشدیلر ، اوپراتور آنجاق برفن آدامنک کوستره بیله جکی اعتدال دمله یانی باشنده قوپان بو فیرطنه ایله مشغول اولمادن صارغیلری چوزمش ، « کورتاز» باشلامشدی . دو قنور ماجدک چیپلاق قوللرینی قان چیقاریرجه سنه صیقوب قوپاران قادینک آتشله ن کوزلرندن قورقدی . فقط اونک بر نایه قیمیلداسی باشلایان عملیاتی آلت اوست ایدرجه کدی . اونده کی وظیفه حسلیله قادینک جوشقون اولاد سه و کیسی مدهش بر دقیقه ده چارپیشیوردی . دو قنور ماجد اعتدالنه حاکم اولمق ، اونو تسکین ایتمک ایسته دی . سننک ویره بیلدیکی زورا کی بر یوموشاقلقله اوکا دوندی :

— براق « آی تن » ، سننک قدر بنده پارچالانیورم . نه

اولسه باباسی دکلیمی؛ بونی فن امر ایدیور. اولادیمزی قور-
تارمق ایسته مز میسک؟

دریندن کلن بوغوق اینلیتیر حالنده اوطهده یابیلان بو
سسی، آغیر برسکوت و صوکره خفیف هیچقیر یقلر تعقیب
ایتدی. دو قتور ماجدک قوللرینه یاپیشان ده میر پارمقلر یومو-
شادی، کهوشه دی و چوزولدی .. شیمدی هپسنگ کوزلری
کنج قیزک باغین، صاری یوزونده طوپلانمشدی . اوپراتور
سریع حرکتلره آلتلرینی قوللانور، غازلی بزلی صاریور،
انجه، اوزون پهنس لرله یارایی تمیزلیوردی . عملیات اوزون
سورمه دی. اون دقیقه صوکره لاستیک تکرلکلی خسته آرابه سی
کنج قیزی یاتاغنه کتیردی . برآز اول پنه چهره سی و پارلایان
کوزلریله کولوب سویله ین «آی تن» شیمدی سوز کون، صاری
بریاپراق کبی قالمشدی. آیلماسی اوزون سوردی. اعصابی
قوتلی اولدیغی ایچون «قلوروفورم» کچ تأثیر ایتدیکی قدر
سینیرلرینی یورمشدی .

دوداقلرینک یانلرنده قلوروفورومک یاقدیغی یرلر صارار-
مشدی . یاواش یاواش آنی آل حرکتلری، یوز بوروشدور-
مالری باشلادی . آغزندن کوپوکه قاریشیق معناسز، آکلا-
شیلماز کلملر چیقور، صاریغیلی باشنی صاغه صوله چویریور،
اوزون اوزون نفسلر آلیوردی .

اوپراتور عملیاتک پک مکمل اولدیغنی سویله رک چکیلیدی .
آسیستانلر ارتق کندی لرینه لزوم قالمادیغنی کوره رک خسته لرینه
عودت ایتدی لر . اوطهده، هنوز تمامیه آیلمایان کنج قیزک
ایکی یاننده ینه اونلر قالدیلر .

ایکی باش یاتاغه نه کیلمشدی. قادین بوتون عمرینی و آرزو لرینی اولادینک سعادته باغیشلامقدن کلن بر فراغت غرور یله اونو بنسیور. اوته کی اون سکنز ییل بکله دیکی کونک، سه و دیکی قادینله بر کره دها قارشی قارشی یه کلک خولیا سنک بویله غریب بر تصادفله تحقق ایدیشندن متولد سه و اینج اچنده کنجکلرینک، سه و کیلرینک اونوتولماز، انکار ایدیلر شاهدی اولان کنج قیزه بر دنبره حس ایدیلن صمیمی بابالق حسلریله باقیور، اونک حیاتی قورتاردینی اچون وظیفه سنه زماننده یتشمش بر بابا کی مستریح وسا کن آیلمه سنی بکلور.

قاپی یاواشجه آرالاندی. اولا «ییلدیز» ک شیطان باقیشلی یوزی، صوکره آنه سنک بویوک چهره سی کوروندی. کیردیله. دو قتور ماجد حرمتله قالدی. سلاملادی.

— ناصل اولدی چوجوق، او یقوده می؟

آنه سنندن اول دو قتور ماجد بر قاچ جمله ایله وضعیتی آکلاندی. یاراده کی میقروبلری تمیزله مک اچون اوافق بر «کورتاز» یابدق لرینی سویله دی.

«آی تن» ی چوق سو من قادین متأثر، اچنی چکیوردی.

— واه یاوروجق واه کیم بیلیر نه قدر جانی یانمشدر؟

بو سفر آنه سی، قیزینک آغزنده کی کوپوکلری سیله رک

جواب ویردی:

— هم نه قدر آبلای، دیدی. اوندن متأثر اولمه مق اچون

انسان دو قتور اولمالی.

دو قتور ماجدک قاچ کیجه در او یومایان قیرمزی کوزلری

یومولدی. آچیلدی. ایلک دفعه سرت بر باقیشله قادینه دوندی:
کله لر آغزندن تکر تکر چیقیوردی:

— دوقتورلر بر حیات قورتاریر کن بر قاج دقیقه لقی فریاده
قولاق لرینی قاپارلر. دیدی. یاواش یاواش او طه دن چیقیوردی.
فقط بو جمله سی جواب سز قالمادی. دونوق فقط اغیر بر قرار
تفهیم ایدن حاکم برس اوکا قدر کلدی:

— بعض دوقتورلرک بوتون بر حیاتی سوندورمک ایچون
بر قاج هفته لقی فریاده قولاق لرینی طیف اقلری ده کورولمشدر.
سر طیب سنده له دی، کنیش کو کسی صیق صیق قاپاردی.
یشیل ده کیز رنگلی کوزلری دو مانلاندی. فقط معناسی یالکیز
آرالرنده قالان بو آهامه قارشی کندینی مدافعه ایدمه دی.
بیاض، قالین بر خیالت کبی آرالقدن چقیدی، غائب اولدی.

*
**

بول بر مایس کونشنک کول قوقولریله دولو هوایی
ایصیتدیغی بر کوندی.

قولی آچیدن چیقان « اورخان » بک هان بوتون عائله سنک
یاننده سر طیبیه تشکر ایدیوردی .

— سزه چوق مندارز دوقتور بک ، آجی بر قضا بزى
خسته خانه کزه کتیردی. کرک آرقاداشمه، کرک بکا کوستردیککز
نزا کتی اونو تامایه جغز . دوستلریمز آراسنده چوق قیمتلی بر
موقعکز وار. بونی بالفعل اثبات ایتک ایچون سزی جمعه کونی
دعوت ایدیورز .

دوقتور ماجد قبول ایدر کبی کورونمک ایچون یالکیز باشنی

نه كدى . او ، بو بر هفته ايچنده بر قاج الملى ييل ياشامش كې
 بيتمشدى . آجى بر تصادف قيزيله سه و كيلىسنى قارشيسنه چيقاردىغى
 حالده اون سكرز ييل اولكى « آى تن » ك حالا كندىسنى عفو
 ايمه دىكنى ، اك بجرانلى دقيقه لرده بيله تاريخى كين و انفعالنى
 بوتون شدتيله بللى ايتدىكنى كورمش و قورقشدى . عمليات
 كونندن سوكره او طه سنه دعوت ايتدىكى زمان آبلاسنه بوتون
 حياتنى آكلادى ، ييللرجه اسكى سه و كيسنه حرمت ايدهر ك
 نه ولنه دىكنى ، آرتق عفو ايدىلك زمانك كلدىكنى سويله دى .
 فقط ينه عيني يولدن آلدىغى جواب صوك ايدلر يني ده قيردى .
 آنه سى ، كوچوك « آى تن » ي آرتق قاپانان يارالرينى نه وده
 تداوى ايتدىرمك ايچون خسته خانه دن چيقاردى . او پراتور
 هر صباح آپارتمانه كلوب پانسمانلره دوام ايدىوردى .

دوكتور ماجدى اك زياده تخریب ايدن اولادينه بو قدر
 ياقلاشدىغى ، اونك حياتنى قورتارمق ايچون چيرپىندىغى حالده ،
 اونى بر دقيقه اولسون بر بابا شفقتيله كو كسنه باصدير ايايشى اولدى .
 آنه سى ، قيزىنى بر يابانچيدن فضله اوندن قيصقانمشدى . عملياتدن
 سوكره قيزيله بر آز باش باشه قالمق ايچون او كا بر دقيقه فرصت
 و يرمه دى و بر آز ابي اولور اولماز ، حتى باشقه
 دوكتورلره بيله صورمه دن خسته خانه دن چيقاردى . دوكتور
 ماجد اونك بوتلاشمنده كى سېي آكلامشدى . « كنج
 قيزك » كندىسنه باقان دوكتورك باباسى اولدىغى آكلامسندن
 قورقوردى . اونك قلبنده چوق درين و چوق اسكى بر آنه
 سه و كيسى اولمقله برابر بوصمى محبتك ياننده برده طبيعى وازلى

بابا سه و کيسي اولديني شهه سزدي. دو قور ماجدك پسي قولوژي جهندن بولديني بونقطه نظر اوکايي بريول کشف ايتديردی. بوتون بريجه او طه سنه قاپاناراق کنجکلکندن صوکه کيجه سنه قدر حياتنک الك قاباريق دونوم يرلريني آکلانان برمکتوب يازدي وبوني آنه سنه کوسترمه دن کنج قيزه ويرمسي اچون او پراتوره رجا ايتدی. دو قور ماجدك خاطراتي، کناهارک بر بابانک يکانه قيزدن بکه ديکي سه وکي آرزوليله نهايت بوليوردي. آنه سي کنديسني عفو ايمه مشدی. فقط کنج قيزک تازه ويوموشاق قلي بلکده اوني معذور کوره جکدي.

دو قور ماجدك بومکتوبني او پراتور « آي تن » ک يالکز بر زمانده کنديسنه ويردي. کنج قيزک باشده کي ياراسي قاپانمق اوزره ایدی. آرتق يورويور، اسکيسي کي قونوشيور، حتی هر کون کنديسني زيارته کلن « اورخان » بکه يکي بر ياريس اداسنه کيريشوردي.

بومکتوبي داها اوزاتيرکن کنج قيز، « او پراتور » ک بر خيفلکي کي کوره رک شدتله کوپورمه حاضر لانيوردي. فقط آغير باشلي او پراتور بر وظيفه ايفا ايدر کي سربست بر طورله اوکا مکتوبي ويردي:

— بوني بابا کزدو قور ماجدك کوندردي خانم افندي.

قبول ايمه کر اچونده رجا ايتدی.

کنج قيز، يوره کي چارپه چارپه ظرفي آلدی. چوق مسعود کچن بوتون کنجکلکنده، قلبنده قاپانماز بر جريمه کي زمان، زمان آغريسني حس ايتديکي باباسزلني بردنبره اونوتوويرمشدی.

بو بر مکتوب دکل ، ایچنده کی او درین آجی بی سیلوب کوتورهن
 اخروی ، قدسی بروحی ایدی . بر آن ایچنده بابالری آلرندن
 طومش چو جوقلرک غمسنز قساوتسنز کز مکه کیدیشلرینی ناصل
 قیصقاندیغنی ، آنه سنک قلبنی دولدوران بوتون سو کیسنه رغماً ناصل
 بر بابا شفقتی آراد یغنی خاطر لایه رق « سهوکی » ایله « ییلدیز » ک
 بابالزینی ناصل بکه دکلرینی ه اوکا ناصل طاقلدقلرینی دوشوندی
 و او پراتورهنوز او طه دن چیقما دن ظرفی یرتدی . آجدی و عمرنده
 ایلك دفعه برارکک مکتوبنی بوتون هیجانیه ، اعصابنی و دماغنی
 یوره یوره کوز قاباقلری تیره یه تیره یه او قودی .

*

— دیمک بر یاریش داها یاپه بیله جکسکنز آی تن خانم .
 — های های ، بنی ییلار ، قورقارمی ظن ایدیورسکنز؟
 — اصلاً ... هیچ بر شیدن متأثر اولمایه جفکزه امینم .
 جسارتم یوق .

یحین؟

— بنی قورتارمق ایچون کندیکنزی بر ایکنجی دفعه تهلکه په
 آتمه کزدن قورقارم .
 — نه باس وار . سپورده ، آرقاداشلقده ، بو بر وظیفه .
 — « آی تن » خانم .

— اقدم .

— بنی محقق بر فلاکتدن قورتارمق ایچون کندیکنزی
 تهلکه په قویدیکز ، یارالاندیکز ، تولومدن قورتولدیکنز . بو یوکسک
 فدا کار لغکزه عمرم اولدقجه مندار قالا جغم . بوتون عائله مزسزه
 مدیون شکران در . امین اولکنز آنهم ، قارداشلم سزی بندن

فضله سويورلر . بكا كلنجه ، سزه اعتراف ايتمكدن هر زمان
قاچيندم . سزي تقديردن ، منت و شكراندن چوق يوكسك
بر حسله دوشونيورم . وايستيورم كه بني قورتارمق اچون ياپديغكز
فدا كارلقه قارشي بن بو قورتارديغكز حياتمي سزه ويرهيم .

عمرم اولدقجه سزه تشكرلرمله برابر صميمي تحسرلريمي ده
افاده ايتمكه چاليشيم . بوني قبول ايده جكميسكز ؟

كنج قيزك بويوك قورشوني كوزلري دالدي . «اورخان»
بكك بو تكلفني هيچده فوق العاده بولماشدي . بر سنه دنبري
بر برليني قيرمه دن ، قارشيلقلي بر حرمت و امنيتله آرقداشلق
ايدنيورلردى . او قدر ياقينلاشمشردى كه بو دوستلغى هر كس
درين بر عشقك يورويشى كبي تلقى ايدنيوردى . بو ياقينلقده
ظاهرى هيچ بر عشق حركتي يوقدى . فقط يوروين و ياشايان
عشقلك ايزيني يالكز كوزلرده و حركتلرده آرامق ، اوخيال
ورؤيا كبي يالكز عيني هيچاني ، عيني لذتي حس ايدن وارلقره
قارشي بر حرمتسزلك اولوردى . اولغون دماغلك تربيه سنده كي
قيلر هيچان و تحسرلريني ضبط و اداره ايتمكي بيليرلر .

بويله كوكللرده عشق اچله نير ، سوزولور ايشله نير ، خاملغى
وسرتلكي كيدر . حس و هيچاندن عبارت اثرى ، مصفا و مطلق
بر حاله كليز . ايسته اونلك قلبنده بر سنه دنبري اچين اچين
بليروب چيچكله ن حسلرده بويله اولمشدى .

شيمدى طبقى صيقى بر اورمانك يشيل فيليزلى وحشى
اوتلري آلتنده سس و يرمه دن آقوب صيزان بر منبع صوتي
كبي بو حسلر عادتاً بر بردن خبرسز خندكلردن ، ياماچلردن

سوزولوب آقارکن ناکهانی بر دوزلکده بولوشوب قایناشیور-
مشردی .

کنج قیزک دالغین کوزلرنده بوتون بر ییلقق دوستلنک
تاریخی یاشادی. «اورخان» بکک، بو درست و مردکنجک هر
حرکتی کبی بو مهم تکلیفی ده نه قدر صمیمی و دوستجه
اولشدی. تمیز و درست انسانلر نه قدر مغرور اولسه لرینه
دوستلق و صمیمیت قارشیسنده اویصاللق کوستیرلر. «آی تن»
سپور وقضآرقاداشنک ریاسز، تکلیفسز بوتون صفوتیله افاده
ایتمک ایسته دیکی آرزو ایچون حاضرلتمز دکلدی و بونک
ایچون درکه کنج آدامک یاواش یاواش یره اینمکه باشلایان کوز
قاباقلرینی بو محجوبیت اضطرابندن چابوق قورتاردی، عملیاتدن
صوکره اینجه لوب سوزولن یوزونی قالدیردی وشن، تکلیفسز
حالری، بر ارکک کبی کچن حیاتی ایله بر چوقلرینه خفیف بر
قیز تلقیسی ویره ن بو نارین وجدی مخلوقک دوداقلرندن ایلك
دفعه بر کوکل لسانی ایشیدیلدی:

— اورخان بک، سزی پک تقدیر ایدرم . چوق صمیمی
کچن آرقاداشلغمز، حقکزده کی فکرلریمی دائما قوتلندیردی .
اعتراف ایدرم که سزکله مشغول اولدم. بیلمیورم، سز لاقید ،
غمسز کبی کورونن آرقاداشکزک حقیقی بنلکنی تدقیق ایتدیکزمی؟
بنی ظواهرمله قبول ایدیورسه کز بوهیچ دوضرودکل اورخان بک . .
کنج آدام دقتله دیکلیوردی. عصیتله جواب ویردی :

— قطعاً دکل . سزک او قدر شن و لاقید کورونن
حالریکز آنجاق سزی اوزاقدن تدقیق ایدنلری آداته بیلیر .

بن حقی بر آزندجی، چوق مغرور آرقاداشمک بو ظواهریله
 بیله حکم ویرم. امین اولکنز سزی تمامیله آکلماش اولسه ایدم،
 سزی مسعود ایدمه مک اندیشه سیله بو تکلیفی یاقمدن قور -
 قاردم. بن تمامیله سزه عاند بر ارکک اولارق قالاغمه قناعت
 کتیردیکم ایچون در که حیاتی قبول ایتمه کزی رجا ایتمدم.
 کنج قیزک دالغه دالغه پنبه لهشن یوزی خارهلندی و دودا
 قلی کولدی و ایری قورشونی کوزلرنده بر آیدینلق پارلادی.
 اوزون پارمقلی نارین آلی کنج آدمه اوزاتمشدی :

— سزی امنتله قبول ایدیورم اورخانک، دیدی.
 قیرلرده، اورمانلرده، هر کسدن اوزاق ایصنر طبیعت
 گوشه لرنده دائما برابر کزمن ایکی سپور آرقاداشی، ایلك
 دفعه بر برلرینه صوقولدیلم. و «آی تن»ك هنوز ایزلری داغیلما
 یان یارالی آلتنده ایلك دفعه بر ارککک دوداقلری کزیندی..

... آنا قیز حالا آوروپادن دونمه یین «سه وکی» نك راحتسز -
 لغنی، تیزه نك ئوزونتوسنی دوشونه رك دو کون ترتیباتنی خفیف
 بر مراسمله کچیشدیرمک چاره لرینی آرادیلر. «اورخان» بك
 تمامیله اونلرله برابر دی. استانبولده کوچوک برعائله اجتماعدن
 صوکره اوزاچقه بریره کیتمه یه قرار ویردیلم. اون سکزیلم
 قیزینک هواسنده، اونک نفسلرینی قوقلایه رق یاشایان قادینه
 بوقرار بر آزاغیر کلدی. او ایستوردی که «آی تن» نه ولندیکی
 حالده ینه یاننده قالسین. اعتیادلری بوزولماسین و اونک سعادتنی
 کوزیله قلیله کوروب حس ایتدکجه مستریج اولسون. فقط

کنج قیزك آرزوسنه مقاومت ایده مه دی . ایکی کنج بر مدت
استانبولدن کیتمک خصوصده متفق دیلر .

نهایت چیچکلی بر مایس کونی ، آپارتمانك کوچوك صالو
نلرنده اوتوز کیشلیک بر دوست وعائله صوفره سی قورولدی .
دعوتیلر هنوز کله مشلردی . بر آراق « آی تن » چیچکلی
یرلشدرمه چالیشان آنه سنك بوینونه آتیلدی . قیزینك بو
جوشغون سهوینجیلرندن خوشلانان قادین اونی بوتون هیجانیه
قوجاقلادی . اون سکز ییل بر قلب ، بر وجود کبی یاشایان
آنه ایله قیز ، طبیعتك مقدر قیلدیغی بر اقتراقدن مضطرب
کیدیلر . بالخاصه آنه ماضیده طوپلادیغی هجران و انفعاللرک
آجیسنی ، یئیشدیردیکی مخلوقك سعادتنی کورمکه اونو تمغه حاضر
لانیرکن اونك ولوکه محدود بر قاچ هفته ایچون یانندن اوزا -
قلاشماسندن متأردی . قورشونی وسیاه ایکی چیفت کوز ، ماضیدن
استقباله کیدن بر خط کبی باغلانیدیلر . کنج قیز آنه سنك سیاه
برقدیفه یی آندیران حالا تازه و قدرتلی کوز بیکرینه سویله دی :

— بن نهوله نیورم آنه ، سن ممنونمیسک ؟

سیاه کوزلر حرکت ایتدی . بولوظلاندى و نملندی :

— سنی مسعود کورورسه ممنون اولمازمی یم آی تن ؟

— آنه !

— یاوروم !

— سن بنم آرزولریمی رد ایتمزسک دکلی ؟

— هیچ واقع می ؟

— خایر .

— اوحالده ، نچين صورتك آي تن ؟

— بنم بويوك بر آرزوم وار آنه ؛ اوني ده قبول ايده جكميسك .

— سني مسعود ايده جك هرشي بنم اچون در . آي تن .

کنج قيز حالا اسكي خاشاريلغي ايله آنه سنك يوزوني ،
کوزوني اوپدي . صوکره قورشوني ، خاره لي کوزلري ينه
ديکيلدي :

— آنه !

— ياوروم !

— بنمله بر آز کليره يسك !

بربرينه صاريلي ايكي وجود سالوندن چيقديلر . « آي تن »
آرقاسنده كي بياض دوکون البسه سنك بوزولماسنه بيله اهميت
ويرمه دن قوريدورلردن آنه سني سوروكليره كچيردي . رسم
ياپديغي آتليه نك قاپيسني آچدي .

اچرده يوكسك « شوواله » نك ياننده دوكتور ماجدك
قرچيل صاحلري و صولوق يوزي ايله بر طونجندن ستاتو كي
دوريبوردی . « آي تن » حيرتندن كرى چكيلن آنه سني بر اقامادي .
دوكتور ماجدك حرکت ايدن كولككسنه دوغرو يوروتدی .
کنج قيزك آواره بر صنعتكار او طه سي كبي قارتونلر ،
اسكيس لر ، بربرينه قاريشمش رسم طاسلاقلري و اچلرلنده
رنكارنك بويالر كورونن جام كاسه لر ، پالته لر ، اوزون قيصه
فيرچه لرله دولو آتليه سنده حياتك كنديلرينه اوزون آيريلقلر
مقدر قيلديغي اوچ باش بر برلرينه ياقلاشمش لر ؛ آنه ، اون سگنر
ييل اول قيريلان غرورينك آجيسني خاطر لار كي سرت و حر كتمسز ؛

بابايللرك وتجربه لرك كتيرديكى ندامت حسلريله مغلوب وپرهيجان؛
كنج قيز اونلرك آراسنده كى بوشلنى دولدورمق ايستركى اللرينك
بوتون قوتيله ايكى وجودى كندينه چكمكه مشغول !

دوقتور ماجدك مكتوبنى آلدقن صوكره « آى تن » ك
كونلرجه دوشونوب حاضرلا ديفى بو صحنه چوق دوام ايمه دى .
آنه سنك الكضعيف نقطه لرينه حلول ايمه سنى بك ابي بيلن كنج
قيز اونك عصيانه ، عصبيتنه ميدان ويرمه دى . قوتله طوتدينى
ألنى باباسنك آووج لرينه تسليم ايدر كن هرافعالى ، هراضطرابى
اونوتدوران نارين سسيله آنه سنه يالواردى :

— بىم آرزولر يىمى رد ايمه جكدك . وعديكى طوتيورسك
دكلمى آنه ؟

و اونك كوزلر ينى يره اينديرديكى ، قيورجق كير بيكلرينك
آراسى نملنديكى كورونجه علاوه ايتدى :

— بابامى عفو ايت ، يوموق آنه ، او بوتون كناهلر ينى
اعتراف ايتدى . اونك بواعتراف و ندامتله عودت ايديشى ، سنك
غروور ينى اعاده ايتمشدر . آنه ، اونى عفو ايت كه قيزك مستريح
اولسون .

باشنده ليمون چيچكلر نندن تاجى ، آرقه سنده بياض ايبكدن
قانادلى البسه سيله كنج قيز ، اون سكز ييل اول بر بربندن آرى
قالان ايكى وجودك آراسنده بر صلح و امنيت ملائكه سى كى
دورمش ، اونلرى تكلمه آليشدير ييوردى . آنه ، دوقتور
ماجدك كنديسنى عفو ايتديرمك اچون كنج قيزك سه و كيسندن
استفاده ايديشنى دوشونهر ك يكدن حرصلا نيوردى كه آنه سنك

بحرانلرینی پك اپی بیلن « آی تن » اونك بوینه آتیدی :
 — یاراماز قیزك سكا بو سورپریزی حاضرلادی، دیه
 قیزمایه جقسك دكلی آنه ، سنك اویله شفقتلی قلبك واردر که
 هر قباحتی عفو ایدر . هم آنه ، سن بابامی عفوایت که قادین
 قلبنك سونمش بر حیاته جان ویره جك قدر قدرتلی اولدینی
 آکلاشیلین ..

کنج قیزك صوڪ جمله سی ایکسینی ده متأثر ایتدی . اون
 سکز ییل اول بوتون شعرینی ذوقنی چیکنه یهرك داغیتدینی
 یووانی تکرار بولمق ایچون بو کون قیزینك شفاعتندن امید
 بکله یشی دو قتور ماجدی پارالادی . کوزلری دولدی . او هیجانلی
 عشقك جانلی یادکاری بو کون ایکی وجود آراسنده کی کین وانفعال
 دولو ماضی بی قاپاتیوردی . دو قتور ماجدك نه کیلن ، آغلایان
 باشی کنج قیزك قوللرینه دوشدی . قیرچیل صاحلری داغیلمش ،
 اوفاق ، اتلی قولقلری قیزارمشدی . آغلیوردی .

اون سکز ییل اول ، قومرال صاحلری لوله لوله آلنه
 دو کولورکن بوتون عشقیله سه ووب او قشادینی بو باشك شیمدی
 قیزینك کو کسنده ندامت آجیلریله هیچقیردیغنی کورمه سی قادینی
 متأثر ایتدی . کوزلری کنج قیزك یالواران و بکله ین باقیشلرینه
 دو قوندی . « آی تن » ، مغلوب و پریشان بابا ایله سه وکیسسه
 رقیب ایسته مه ین آنه آراسنده کی تاریخی دارغینلی اونتودورمق
 ایچون صوڪ غیرت لرینی صرف ایدیوردی . کوزلری بولوط لاش ،
 رنگی اوچمشدی .

— بو کون قیزیکی نه ولندیر یورسك آنه ، دیدی . اونك

قلبنده عقدہ برامق ایسترمیسک؟ بِنم بویاشمه قدر هجرانلریکی
قلبکده صاقلادک . قیزیکک اک مسعود کوننده اونلری قلبکدن
آسه کا آنه!

آناسیله باباسی آراسنده کی بو مشکل وضعیت کنج قیزک
قلبی یورمشدی . عمرنده ایلك دفعه بو قدر درین تأثرله کوز-
لری یاشاردی . شیمدی بابا قیز بربرینه طوتونه راق ایچلرینی
چکه چکه آغلیورلردی .

بو اَلم منظره ماضیده کی هجران و انفعاللری دائماً تازله ن
آنه یه هر شیء اونوتدوردی . او قیزیک سعادتی ایچون بوتون
کنجلیکنی فدا ایتمشدی . باباسنی عفو ایتدیرمک ایچون اونک
دوغدوغی کونلر اوکا دنیانک اک بویوک اضطرابلرینی ، انکسار
لرینی دویوران ارککی کمندینه اعاده ایتدیرمک ایچون آغلادیغنی
کورونجه دایانامادی . درین بر اضطراب ایچنده اوکا صاریلدی :
— آی تن ، آی تن ، دنیا ده هیچ برشی سنک کوز یاشلر
کدن قیمتلی دکلدر یاوروم ، آغلامه ، اونی عفو ایدیورم .

شیمدی بر عشقک اوچ قهرمانی ییللرک موسملرک اونلردن
اسیر که دیکی نوازش وسه وکی دولو حیاتک ایلك یودومنی آلیر
کبی مست و پر هیجان ، وجودلرنده کی حرارتی پارمقلرندن یوز
لرندن بربرینه کچیروب قایناشه رق مقدس بر معبدده ایتمش کبی
آرالرنده کی اضطراب و تحسر دولو ماضینک چورویوب کیتمه سنی
سیر ایدیورلردی .

... دعوتیلرک چوغی ایکی کنجک قلوب آرقاداشلریدی . .
« اورخان » بکک « غلطه سرای » آرقاداشلری « آی تن » ه کندی

قلوبلرینک رنگنی طوبلایان صاری قیرمزی کوللردن یاپیلمش
 بویوک بر بوکت کتیرمشلردی. «آی تن» ایکی بویوک صوفره
 ده کی وازولری هپ «فناز باغچه» نک رنگنده صاری و مور
 زانباقلرله دولدورمش، دوز بیاض بیاض البسه سنک کوکسنه
 اوافق بر صاری کل غنچه سیله کوچوک برده مت منکشه بی یان یانه
 قویمشدی. کنجلا بویوک صوفردی دولدوردیلر. «آی تن» ک
 آرقاداشری، آسمان، کوکل، غزال، غره تا، ییلدیز ایکی
 ییل اول قالا میشده کی کوشکده اولدیغی کبی ینه بر برلینه چیچک
 و چیلک آتمغه باشلادیلر. صوفرده فیرطنه قوبدی. کنجلا
 صوفره سنده کی کورولتودن، قهقهه دن اوته کیلرک نه قونوشدقلری
 بیله ایشیلیموردی.

ا کلنجه و قهقهه آقشامه قدر دوام ایتدی. دعوتیلر کچ
 وقت عودت ایدرلر کن «پسی آری آری» یکی چیفته سعادت دیله دیلر.
 «آی تن» ا کصوک کیتمه حاضر لانان باباسنک اللرندن طوتدی.
 آنه سی و «اورخان» بک اوکا باقیورلردی. قیزی، سه و کیلسنی
 و قیزینک سعادتنی بر کونده ادراک ایتمکن متولد نامتناهی
 برسه وینجه مست اولان دوقتور ماجد آغلاتیجی برهیجان ایله
 قیزینه صاریلدیغی زمان «آی تن» ک یوموشاق سسی ایشیدیلدی:
 — سن قالا جقسک بابا! بز اورخان بکله ایکی کون صوکره
 کیدیورز. یوموق آنه می کیملره براقه جغم!

تضادلر، تصادفلر، تأثر و سهوینج آقسه لری ایچنده
 شعوری و اعصابی بوزولان دوقتور ماجد کندینی طوتامادی،
 صاحب دنبری قلبنی آلت اوست ایدن بربرندن هیجانلی حیات

صحنه لری ، بیلارجه هجران و ندامت عذابی چکن وجودینی
صارصدی واعصابنک مقاومت ایده مه دیکي درین برتهیجله هیچقیره
هیچقیره آغلادی ، آغلادی ...

... صباحلین ارککلر چیمشردی . اورخان بک سیاحت
بیلترینی آلمق ، حرکت ساعتی آکلامق ایچون «یشیل کوی» ده کی
فرانسز هوا پوسته لری مرکزینه کیتمشدی . دو قطور «ماجد»
خسته خانه یه اوغرا یوب کله جکدی .

آنه سی «آی تن» ک کوچوک چانطه سنی کندیسی یرلشد .
یریوردی . کوچوک برفوندان قوطوسنی آرایه صیقیشدی برکن
«آی تن» کوردی ، هایقیردی :

-- هپسی هپسی بومی یوموق آنه ، او قدر جق شی بزه
یتیمی آخام .

اونک بویله «آخام» دییه قونوشدیغنی زمانلرک سه وینجلی
کونلری دی .

-- نه یاپالم کوچوک خانم ، دیدی آنه سی ، طیاره فضله
اشیا کوتور میورمش . آرتق ویانه ده آلیرسکیز .

کنج قیز ، حالا اسکی شیماریق کی کورون چوجوقلق
حالارینی براقامشدی . پننه بر آوا چیچکنه بکزه بن پارمغنی
دوداقلرینه کوتوردی . سوتی ویریله مش برقونداقده کی چوجوق
کی یوزونی بوروشدوردی :

-- اولدیمی یا ، یوموق آنه ، بنم یانمده هم سن یوقسک ،
هم شکر یوق . بویله سیاحت اولورمی !

آنه سی هم کولیور ، هم اوکا «اورخان» بکک رسمنی
کوستریوردی :

— یاننده بن یوقم ، شکرده آز ، فقط باق کیم وار !
کنج قیز بر کلینجک کبی قیزاردی ، آجق بر کنج ار ککک
مشغول اولاجفی ا کلنجه لرله وقت کچردیکی ، طانیدق لریله سربسته
بر آرقاداش کبی قونوشدینی ایچون محیطنده حتی خفیف مشرب
بر قیز تلقیسی یابان « آی تن » هیچ شبهه سز کورونوشنه نظراً
کندی حقده بویله تلقیلر ایجاد ایدن محیطک صالونلرده دیدی
قودی یابان بر چوق کنج قیزلردن چوق جدی و چوق شرفلی
ایدی . کلین اولدینی آقشامه قدر یوزونه یابانچی بر ار ککک
نفسلری کلمه ن « آی تن » ، آنه سنک اوکا ویردیکی سربسته ،
فقط جدی تربیه ایله شرفه ، موقعه حرمت ایتدیرمه سنی بیلن
حسلرینه وسینرلرینه حاکم بر کنج قیز اولاراق یتیشمشدی .
بوکون آرتق حیاطده حقیقی آرقاداشنی بولمش بر مسعود کنج
قادین اولدینی حالدده آنه سنک کوچوک بر ایماسی اونو اوطانیدر مغه
کافی کلشدی .

*
**

« یشیل کوی » ک ایلریسنده کی آچیققلده قورشونو قانادلری
یره اوزانمش طیاره نك یاننه کلدکلری زمان کنجکلری ته نیس
اوینامق ، قوטרه ، اوطوموبیل قوللانمقله کیچن ایکی کنج
ایلك دفعه یینه جکلری طیاره یه قوشدیلر . اونلرک بو هیجان و جسارته
حتی کندی آرقاداشلری بینه حیرت ایدیورلردی . اوزون
بویلو بر فرانسز پیلوتی طیاره اوکنده یولجیلری قارشیلادی .
ایکی آدم کوچوک چانظه لری آلوب موتوری یاواش یاواش
ایشله ن طیاره یه قویدیلر . بر مأمور پاسپورطنرینه باقدی . مو-

تورک سسندن ھېسى ھایقیره ھایقیره قونوشیورلردی . کنج
پیلوت اونلره برپا کت پاموق ویردی و اشارت ایتدی :
— قولاقلریکنز ایچون !

حرکت دقیقهسی کلشدی . موتورک سسی کیتدجه آرتیوردی .
پیلوت یرینه چیقدی . « آی تن » له « اورخان » بک تشیعه کانلر له
عجله عجله ئوپوشوب سلاملاشدیلر . ایکی آدم ، طیاره یه کیررکن
اونلره یاردیم ایتدیلر . صوکره مر دیوهن و طیاره نک تکر .
لکتری اوکنده کی سپرلر تخته آلیندی . یرده کی اوتلری روز کار
له ین موتور سرتلشدی . طیاره قیملدادی ، یورودی ، قوشدی
و اوچدی . کلنلرک اک صوک کوره بیلدکلی ، پیلوت یرنده کی
ده لیکن اونلری سلاملایان اورخان بکک شاقه سی اولدی .

• « یشیل کوی » دن عودت ایدن دوستلر آراسنده « آی تن » ک
تیزه سی ده واردی . کوزهل (سهوکی) سنک آلم برماجرا یوزوندن
صحتی غائب ایتدیکی کورهن بودردلی آنه « ییلدیز » له نه وه
کلدیکی زمان برتلغراف بولدی . « ییلدیز » کباباسی « زالسبورغ » دن
چکیوردی :

« سهوکی » آغیرلاشدی . تداوی ایچون « له یزن » کیدیورز .

Qurban El Emalchala
صوکره





